


1435 A



বিদ্যাসাগর-জীবনচরিত



সহোদর

শ্রীশম্ভুচন্দ্র বিদ্যারত্ন প্রণীত

ও

শ্রীঈশানচন্দ্র বন্দ্যোপাধ্যায় দ্বারা

সংশোধিত।



কলিকাতা,


২ নং নবাবদি ওস্তাগরের লেন,

ইংরাজী-সংস্কৃত যন্ত্রে

শ্রী আশুতোষ বন্দ্যোপাধ্যায় দ্বারা মুদ্রিত।

১২৯৮ সাল।

PUBLISHED BY ISANA CHANDRA VANDYOPADHYAYA,
No. 2, NAWABDE OSTAGUR'S LANE.
CALCUTTA,



गुरुदेवकी भक्ति


বিজ্ঞাপন ।

মহাশ্রী ৮ ঈশ্বরচন্দ্র বিদ্যাসাগর মহাশয় সামান্য বীরসিংহগ্রামে জন্ম গ্রহণ করিয়া ক্রীতপুত্র কলিকাতায় আগমন করিয়া নানা শাস্ত্রে পারদর্শী হইয়াছিলেন এবং ভারতবর্ষের বিশেষতঃ বঙ্গদেশের মুখ উজ্জ্বল করিয়া-
ছেন, এই সকল বিষয় জানিবার জন্য সাধারণকে ব্যগ্রচিত্ত দেখিয়াও
সাধারণের নিকট উপহাসাম্পদ হইবার আশঙ্কায় এই জীবনচরিত মুদ্রিত
ও প্রচারিত করিতে সাহস করি নাই। কিন্তু ডাক্তার শ্রীযুক্ত বাবু
মহেন্দ্রনাথ সরকার সি, আই, ই, ও আমার কনিষ্ঠ সহোদর শ্রীযুক্ত
ঈশানচন্দ্র বন্দ্যোপাধ্যায় ও আত্মীয় শ্রীযুক্ত যজ্ঞেশ্বর মুখোপাধ্যায় ও
শ্রীযুক্ত আশুতোষ বন্দ্যোপাধ্যায় প্রভৃতির যত্নে, উৎসাহে ও অনুরোধে
মুদ্রিত ও প্রচারিত করিলাম। পাঠকবর্গের প্রতি আমার সর্বদা
প্রার্থনা যে তাঁহারা যে সমস্ত ভ্রমপ্রমাদ ও অশ্রদ্ধা দোষ দেখিবেন তজ্জন
স্বীয়গুণে ক্ষমা করিবেন। তাঁহারা এই জীবনচরিত পাঠে কিছু মাত্র
প্রীতি লাভ ও উপকার বোধ করিলে শ্রম সফল বোধ করিব।

বীরসিংহ

সনঃ ১২৯৮ সাল ৩০ শে ভাদ্র ।

শ্রীশঙ্কুচন্দ্র শর্মা ।



বিদ্যাসাগর-জীবনচরিত

উপক্রমণিকা ।

বিদ্যোৎসাহী, দেশহিতৈষী, অবলাবদ্ধ, দয়াময়, আজন্ম-বিশুদ্ধচরিত, পূজ্যপাদ ঈশ্বরচন্দ্র বিদ্যাসাগর জ্যেষ্ঠাগ্রজ মহাশয়ের জীবনচরিত লিখিতে দেশ বিদেশের অনেক কৃতবিদ্য লোক, সাধারণের নিকট যশস্বী হইবার মানসে প্ররম্ভিত হইয়াছেন ; পরম্পরায় ইহা শ্রবণ করিয়া, স্বল্পবুদ্ধি আমিও, ঐ সমস্ত যশস্বী লেখকগণের ত্রায় জীবনচরিত লিখিতে প্ররম্ভ হইয়া, নিশ্চয় সাধারণের নিকট উপহাসসাম্পদ হইব । অথবা পাঠকবর্গ আমাকে বিদ্যাসাগর মহাশয়ের তৃতীয় সহোদর বলিয়া জানিতে পারিলে, অবজ্ঞা না করিতেও পারেন । যেহেতু বাল্যকাল হইতে আমি তাঁহার নিতান্ত অনুগত ভূত্য । তাঁহার জন্মভূমির কীর্তিস্তম্ভস্বরূপ বীরসিংহবিদ্যালয়, বালিকা-বিদ্যালয়, রাধাল স্কুল, দাতব্য চিকিৎসালয় ও নিরুপায় লোক সকলকে মাসহরা বিলি, বিধবাবিবাহাদি কার্য্য সমূহ, আর সন ১২৭২/৭৩ সালের বিষয় দুর্ভিক্ষ সময়ে প্রত্যহ সহস্রাধিক দরিদ্র লোকের প্রাণ রক্ষাদি কার্য্য আমার তত্ত্বাবধানে ছিল । বিশেষতঃ আমি বাল্যকাল হইতে পিতামহী, মাতামহী ও জননী দেবীর প্রমুখাৎ তাঁহার বাল্যকালের আচার ব্যবহার রীতি নীতি সকল বিশিষ্টরূপে অবগত হইয়াছি । অদ্যাপি সেই সকল কথা আমার স্মৃতিপথে জাজল্যমান রহিয়াছে । বিশেষতঃ অগ্রজ মহাশয় কাশীধামে বৃদ্ধ পিতৃদেবের শেষাবস্থায় উজ্জ্বলদি কার্য্যে প্রায় ৬৭বৎসর আমার নিযুক্ত রাখিয়াছিলেন । তথায় পিতৃদেবের প্রমুখাৎ এবং আমি যৎকালে সংস্কৃত কালেজে অধ্যয়ন করি, তৎকালে কালেজের ব্যাকরণের অধ্যাপক পূজ্যপাদ গঙ্গাধর তর্কবাগীশ, সাহিত্য্যধ্যাপক জয়-

গোপাল তর্কালঙ্কার, অলঙ্কারের অধ্যাপক প্রেমচন্দ্র তর্কবাগীশ, বেদান্তের অধ্যাপক শঙ্কুচন্দ্র বাচস্পতি, দর্শনের অধ্যাপক নিমচাঁদ শিরোমণি ও জয়-নারায়ণ তর্কপঞ্চানন মহাশয়দের প্রমুখাৎ দাদার বাল্যকালের পাঠাবস্থায় যে সকল বৃত্তান্ত শ্রবণ করিয়াছি, তাহা আমার হৃদয়পটে অঙ্কিত রহিয়াছে । এজন্ত আমি আশা করি পাঠকবর্গ আমার লিখিবার রীতি নীতি বিষয়ে যে সকল দোষ অবলোকন করিবেন, তাহা বিদ্যাসাগর মহাশয়ের অনুগত ভৃত্য ও সহোদর বলিয়া আমার তদোষ সমূহ ক্ষমা করিতে পারেন, এই সাহসে হস্তর কার্যে প্রোৎসাহিত হইয়া লিখিতে প্রবৃত্ত হইলাম ।

হুগলি জেলার অন্তঃপাতী তারকেশ্বরের পশ্চিম ও জাহানাবাদ মহ-কুমার পূর্ব প্রায় ৪ কোশ অন্তরস্থিত বনমালিপুর গ্রামে ৮ভুবনেশ্বর বন্দ্যোপাধ্যায় মহাশয় বাস করিতেন । তিনি সঙ্গতিপন্ন ও সংস্কৃত শাস্ত্রে সুপণ্ডিত ছিলেন । তাঁহার পাঁচ পুত্র ; সকলেই সংস্কৃত ভাষায় পণ্ডিত ; তৃতীয় পুত্রের নাম, রামজয় বন্দ্যোপাধ্যায় । রামজয় ষাঁটাল মহকুমার অন্তঃপাতী বীরসিংহগ্রামবাসী বিখ্যাত পণ্ডিত উমাপতি তর্কসিদ্ধান্তের দুর্গানায়ী কনিষ্ঠা কন্যার পাণিগ্রহণ করেন । কালক্রমে রামজয়ের দুইটি পুত্র ও চারিটি কন্যা জন্মিয়াছিল । পুত্রদ্বয়ের জ্যেষ্ঠের নাম ঠাকুরদাস, কনিষ্ঠের নাম কালিদাস । মঙ্গলা, কমলা, গোবিন্দময়ী ও অন্নপূর্ণা কন্যা চারিটির নাম । ভুবনেশ্বর বার্কাক্যানিবন্ধন মানবলীলাসম্বরণ করিলে পর, তাঁহার পুত্রগণের বিষয় বিভাগ উপলক্ষে পরস্পর বিষম মনান্তর ঘটিল । রামজয় ধার্মিক ও উদারস্বভাব ছিলেন । অকিঞ্চিৎকর বিষয়ের জন্ত প্রাণসম সোদর বর্গের সহিত বিরোধ করা অতি গর্হিত কর্ম বিবেচনা করিয়া, দুই পুত্র ও চারিটি কন্যা রাখিয়া কাহাকেও কোন কথা প্রকাশ না করিয়া সন্ন্যাসীর বেশে তীর্থ পর্য্যটনে প্রস্থান করেন । কিছু দিন পরে, তাঁহার পত্নী দুর্গা-দেবীর বনমালিপু্রে অবস্থিতি করা নিতান্ত অসহ্য হইল ; সুতরাং পুত্রদ্বয় ও কন্যা চতুষ্টয়কে লইয়া পিতৃভবন বীরসিংহায় আগমন করেন । তাঁহার পিতা উমাপতি তর্কসিদ্ধান্ত সমাদর পূর্বক নিরাশ্রয়া স্বীয় দুহিতা ও তাঁহার সন্ততিগণকে স্বীয় সদনে রাখিলেন । তৎকালে তাঁহার জ্যেষ্ঠ

দৌহিত্র ঠাকুরদাসের বয়ঃক্রম দশ বৎসর ও কনিষ্ঠ কালিদাসের বয়ঃক্রম সাত বৎসর, তর্কসিদ্ধান্ত উভয় দৌহিত্রের লেখা পড়া শিক্ষার নিমিত্ত বীরসিংহ নিবাসী গ্রহাচার্য্য পণ্ডিত কেনারাম বাচস্পতিকৈ নিযুক্ত করিলেন। আচার্য্য মহাশয় তৎকালে এপ্রদেশের মধ্যে জ্যোতিষ শাস্ত্রে অদ্বিতীয় পণ্ডিত ছিলেন। তিনি স্বল্প দিবসের মধ্যে ভ্রাতৃদ্বয়কে বাঙ্গালা ভাষা, শুভঙ্করী অঙ্ক ও জমিদারী সেরেক্সার কাগজ শিক্ষা দিয়া, পরে সংক্ষিপ্তসার ব্যাকরণ অধ্যয়ন করাইতে প্রবৃত্ত হইলেন। উমাপতি তর্কসিদ্ধান্ত নিতান্ত অথর্ক হইলে, সাংসারিক কার্য্যের ভার পুত্র রামসুন্দর ভট্টাচার্য্যের হস্তে অর্পণ করেন। উক্ত রামসুন্দর ভট্টাচার্য্যের পত্নীর সহিত দুর্গাদেবীর মনান্তর ও বচসা হইতে লাগিল। রামসুন্দর স্ত্রৈণতা বশতঃ স্ত্রীপুরুষে এক দিবস দুর্গাদেবীকে বলেন যে তোমার দুইটি পুত্র ও চারিটি কন্যাকে আমরা অতঃপর প্রতিপালন করিতে পারিব না, তুমি পথ দেখ। স্পষ্টাঙ্করে ইহা বলায়, দুর্গাদেবী নিতান্ত নিরুপায় ভাবিয়া, কিছুই স্থির করিতে না পারিয়া, পরিশেষে বৃদ্ধ পিতা তর্কসিদ্ধান্তকে সবিশেষ অবগত করিলেন। তিনি বলিলেন, আমি সকলই বিশেষরূপ অবগত আছি। অতঃপর তোমার উহাদের সহিত একত্র সম্ভাবে বাস করা চলিবে না। পৃথক স্থানে বাস করা নিতান্ত আবশ্যক। দুর্গাদেবী তাহাতে সম্মত হইলেন। পরদিন তর্কসিদ্ধান্ত গ্রামস্থ ভদ্রলোকদিগকে আহ্বান করিয়া বলিলেন যে, রামসুন্দরের ও বধূ মাতার সহিত দুর্গার এক গৃহে বাস করা দুষ্কর, অতএব আমি স্বতন্ত্র স্থানে ইহার গৃহ নির্মাণ করিয়া দিব স্থির করিয়াছি। তাহাতে গ্রামস্থ লোকেও সম্মত হইলেন। অনন্তর বার্ষিক ৯১/০ টাকা জমায় কিঞ্চিৎ ভূমি লইয়া তাহাতে গৃহ নির্মাণ করিয়া দেন পরে জমিদারকে বলিয়া ও অনুরোধ করিয়া নাথরাজ করিয়া দিবার স্থির করেন। ইতিমধ্যে তর্কসিদ্ধান্ত ইহ জগৎ পরিত্যাগ করিয়া লোকান্তরিত হন। সুতরাং ঐ নূতন বাস্ত আর নাথরাজ হইল না। ঐ বাস্তর বার্ষিক কর জমিদারকে দিতে হইল। দুর্গাদেবীর সংসার নির্বাহের উপায়ান্তর ছিল না। তৎকালে বিলাতি স্ত্রীর আমদানি হয় নাই; এপ্রদেশের

নিরুপায় অনেক স্ত্রীলোকই হুতা প্রস্তুত করিয়া তাহার বিক্রয় দ্বারা কষ্টে সংসারযাত্রা নির্বাহ করিতেন। আত্মীয়বর্গের উপদেশানুসারে দুর্গাদেবীও অগত্যা একটি চরকা ক্রয় করিয়া হুতা কাটিতেন ; কখন কখন আসনাসুতাও কাটিতেন। হুতা বিক্রয় করিয়া যাহা কিছু উপার্জন হইত তাহাতেই কষ্টে সংসারযাত্রা নির্বাহ করিতেন। এক্ষণে ঠাকুরদাসের বয়ঃক্রম চতুর্দশ বৎসর অতীতপ্রায় ; পড়া শুনা অধিকদিন করিলে সংসার চলা ছুড়র। আত্মীয়বর্গ এই উপদেশ দেন যে, সংস্কৃত অধ্যয়ন বন্ধ করিয়া বাহাতে ত্বরায় উপায় করিতে সক্ষম হন, এমত বিদ্যাশিক্ষা করা অত্যাবশ্যক।

এ দিকে রামজয় তীর্থ স্থানে থাকিয়া স্বপ্ন দেখেন যে, তুমি পরিবার-বর্গকে কষ্ট দিয়া তীর্থক্ষেত্রে ভ্রমণ করিতেছ, ইহাতে তোমার অধর্ম হইতেছে। একারণ পাঁচ বৎসরের পর দেশে আগমন পূর্বক বনমালিপু্রে আসিয়া দেখেন যে, সহোদরেরা পৃথক হইয়াছেন। কেবল তাঁহার পত্নী বীরসিংহায় পিত্রালায়ে অবস্থিতি করিতেছেন, সুতরাং রামজয় পরিবারবর্গকে আনয়ন করিবার জন্ত বীরসিংহায় গমন করেন ; গৈরিক বসন পরিধান করিয়া, হিন্দুস্থানী সন্ন্যাসীর বেশে শ্বশুরবাটীতে সমুপস্থিত হইলেন। প্রথমতঃ কাহাকেও আত্মপরিচয় না দিয়া, গ্রামের মধ্যে ইতস্ততঃ পরিভ্রমণ করিতে লাগিলেন। তাঁহার কনিষ্ঠা কন্যা অন্নপূর্ণা দেবী পিতাকে চিনিতে পারিয়া বাবা বলিয়া উচ্চৈঃস্বরে রোদন করিয়া উঠিলেন। তখন রামজয় আত্মপরিচয় দেন। কয়েক দিবস বীরসিংহায় অবস্থিতি করিয়া পরিবারগণকে বনমালিপু্রে লইয়া যাইবার উদ্যোগ পাইলেন। কিন্তু তাঁহার পত্নী বনমালিপুর্ যাইতে সম্মত হইলেন না। যে হেতু তাঁহার ভ্রাতৃবর্গ অসহ্যবহার করিয়াছেন ; এতাবৎ কালের মধ্যে তাঁহাদের কোন সংবাদ লয়ন নাই সুতরাং রামজয় অগত্যা বীরসিংহায় পরিবারগণকে রাখিতে বাধ্য হইলেন।

রামজয় অতি বুদ্ধিমান, বলশালী ও সাহসী পুরুষ ছিলেন। লৌহঘটি হস্তে লইয়া সর্বত্র ভ্রমণ করিতেন, কাহাকেও ভয় করিতেন না। এক সময় বীরসিংহ হইতে মেদিনীপুর যাইতেছেন, পথিমধ্যে এক

ভল্লুক দেখিতে পাইলেন। উহাকে দেখিয়া ভয় না পাইয়া এক বৃক্ষের অন্তরালে দণ্ডায়মান হন, ভল্লুক তাঁহাকে আক্রমণ করিবার জন্য বৃক্ষের চতুর্দিকে তাঁহার পশ্চাৎ পশ্চাৎ ঘূর্ণ্যমান হওয়ায়, তিনিও অগ্রে অগ্রে ঘুরিতে লাগিলেন, কিয়ৎক্ষণ পরে ভল্লুক দুই হস্ত প্রসারণ পূর্বক বৃক্ষটী আঁকড়াইয়া তাঁহাকে ধরিবার আশা করিল, ঐ সময় রামজয় বৃক্ষের অপর পার্শ্ব হইতে ভল্লুকের দুই হস্ত ধরিয়া বৃক্ষে স্বর্ষণ করিতে আরম্ভ করেন। তাহাতে ভল্লুক মৃতপ্রায় হইলে ছাড়িয়া দেন। ভল্লুক মৃতকল্প ভূপতিত দেখিয়া, প্রস্থান করিতে উদ্যত হন। এমন সময় ভল্লুক উঠিয়া দ্রুতবেগে দৌড়িয়া গিয়া রামজয়ের পৃষ্ঠে নখাঘাত করে, তখন পৃষ্ঠে শোণিতধারা বিনির্গত দেখিয়া ক্রোধভরে লৌহদণ্ডপ্রহারে ভল্লুকের প্রাণবিনাশ করেন। ভল্লুকের পাঁচটি নখাঘাতের ক্ষতে প্রায় মাসাধিক কষ্ট পাইয়া আরোগ্যলাভ করেন।

বীরসিংহায় বাস্তব বাটীর ভূস্বামী নিষ্কর ব্রহ্মোত্তর করিয়া দিবেন মানস করিয়াছিলেন। কিন্তু রামজয় দান গ্রহণ করিতে সন্মত হন নাই। গ্রামের অনেকেই নাথরাজ করিবার জন্য তাঁহাকে অনেক উপদেশ দিয়াছিলেন কিন্তু কাহারও অনুরোধ রক্ষা করেন নাই। তদবধি বাস্তব ভূমির ৯৮০ টাকা কর আদায় হইয়া আসিতেছে। রামজয়ের মনোগত ভাব এই যে, নিষ্করে বাস করিলে ভূস্বামী পুণ্যের অংশ গ্রহণ করিতে পারিবেন এবং তিনি আজন্ম কাল মনে মনে অহঙ্কার করিতে পারিবেন যে, আমি উহাকে চিরকালের জন্য বাসস্থান দান করিয়াছি, এ কারণ নিষ্করে বাস করিতে সন্মত হইলেন না।

ঠাকুরদাসের বাঙ্গালা, শ্যামাধি ও জমিদারী কাগজ শিক্ষা হইয়াছে দেখিয়া রামজয়, ঠাকুরদাস সমভিব্যাহারে কলিকাতা যাত্রা করিলেন। তথায় বাগবাজারস্থ সন্নতিপন্ন জ্ঞাতি সন্তারাম বাচস্পতির ভবনে উপস্থিত হইলে, বাচস্পতি মহাশয় ঠাকুরদাসকে ব্যাকরণ শিক্ষা দিবার ব্যবস্থা করিলেন, কিন্তু রামজয় আশু অর্থকরী ইংরাজী বিদ্যা শিক্ষার জন্য তাঁহাকে অনুরোধ করেন, যেহেতু তিনি পৈতৃক সম্পত্তি ভ্রাতৃবর্গকে প্রদান করিয়াছিলেন, তাঁহার কিছুমাত্র সম্পত্তি ছিল না। এ কারণ বাহাতে পুত্রটী অগ্রে

উপায়ক্ষম হইতে পারে এমন বিদ্যা শিক্ষার উপদেশ প্রদান করিলেন ; তৎকালে কলিকাতায় কোনও ইংরাজী বিদ্যালয় ছিল না। বাচস্পতি মহাশয় ইংরাজী শিক্ষা দিবার জন্ত এক জন দালালকে অনুরোধ করিলেন, দালাল বাচস্পতি মহাশয়ের অনুরোধের বশবর্তী হইয়া স্বয়ং শিক্ষা না দিয়া, ইংরাজী ভাষায় সুশিক্ষিত জাহাজের সীপসরকার জনৈক কায়স্থকে শিক্ষা দিবার জন্ত অনুরোধ করেন, সীপসরকার প্রাতে ও সন্ধ্যার পর রীতিমত ইংরাজী ভাষা শিক্ষা দিতে প্রবৃত্ত হইলেন। অল্প দিনের মধ্যেই ঠাকুরদাস এক প্রকার কাজের লোক হইলেন, তাহা দেখিয়া রামজয় ঠাকুরদাসকে বলিলেন যে, ঈশ্বর তোমার ভাল করিবেন আমি ঈশ্বরের আরাধনাভিলাষে পুনর্ব্বার তীর্থ পর্য্যটনে প্রস্থান করিতেছি। ইহাতে ঠাকুরদাস অত্যন্ত দুঃখিত হইলেন ; তিনি এ সম্বাদ বাটীতে লিখিলেন। কিছু দিন পরে শিক্ষক ঠাকুরদাসকে অতি শীর্ণকায় দেখিয়া জিজ্ঞাসা করিলেন, তুমি দিন দিন শীর্ণ হইতেছ কেন ? তাহাতে তিনি উত্তর করিলেন, মহাশয় ! দিবা দুই প্রহরের সময় ভোজন করি, রাত্রিতে ভোজন হয় না। ইহার কারণ জিজ্ঞাসায় ঠাকুরদাস বলিলেন, সন্ধ্যার অব্যবহিত পরেই বাচস্পতি মহাশয়ের ভবনে লোকের ভোজনের ব্যবস্থা শেষ হইয়া যায়। আমি রাত্রি দশটার পর আপনার বাটী হইতে তথায় যাই, সুতরাং আমার ভোজন হয় না। এ কারণ অনাহারে ক্রমশঃ দুর্ব্বল হইতেছি। তাহাতে শিক্ষক বলিলেন, তুমি যদি পাক করিতে পার, তাহা হইলে আমার বাসায় অবস্থিতি কর। তাহাতে ঠাকুরদাস সম্মত হইয়া দয়ালু শিক্ষকের বাসায় অবস্থিতি করিয়া ইংরাজী শিখিতে লাগিলেন। মধ্যে মধ্যে এক এক দিন শিক্ষকের কার্য্যবাহুল্য প্রযুক্ত বাসায় আসিতে অধিক রাত্রি হইত। ঠাকুরদাস ক্ষুধায় কাতর হইতেন। হাতে পয়সা একটীও নাই যে, ক্ষুধা পাইলে এক পয়সার জলপান খান ; তাঁহার পুঁজির মধ্যে এক পীতল থাল ও এক পীতলের জলপাত্র ছিল। মনে মনে স্থির করিলেন ইহা বিক্রয় করিলে কিছু পয়সা হইবে, সময়ে সময়ে ক্ষুধা পাইলে এক পয়সার জলপান ক্রয় করিয়া খাইলেও দিনপাত হইবে। এই স্থির করিয়া ষোড়া সাঁকোর নূতন বাজারে এক কাঁসারীর দোকানে ঐ থালা ও

জলপাত্র বিক্রয় করিতে যান। কাঁসারী থালা ও ষটি ওজন করিয়া ১।০ মূল্য স্থির করেন, কিন্তু অপরিচিত ব্যক্তির নিকট পুরাতন দ্রব্য ক্রয় করিতে ভয় করিয়া বলিল যে, ইতিপূর্বে এক ব্যক্তির নিকট পুরাতন দ্রব্য ক্রয় করিয়া আমরা বিষম বিপদে পড়িয়াছিলাম ; তদবধি সকল দোকানদার প্রতিজ্ঞা করিয়াছি যে, অপরিচিত লোকের নিকট কখনও পুরাতন দ্রব্য ক্রয় করিব না। ঠাকুরদাস হতাশ হইয়া থালা ও ষটি সহিত বাসায় ফিরিয়া আসিলেন। মধ্যে মধ্যে এক এক দিন শিক্ষক সীপসরকারের বাটী আসিতে অধিক রাত্রি হইত, ঠাকুরদাস ক্ষুধায় কাতর হইতেন। একদিন শিক্ষক প্রাতঃকাল হইতে কার্খ্যের বাহ্য্যপ্রযুক্ত বাসায় সমাগত না হওয়ায় ঠাকুরদাস ক্ষুধায় ব্যাকুল হইয়া সন্নিহিত এক বুদ্ধার মুড়ীর দোকানের সম্মুখে কিয়ৎক্ষণ দণ্ডায়মান থাকিয়া বলিলেন, একটুকু জল দিতে পার, আমায় তৃষ্ণা পাইয়াছে, তাহাতে বুদ্ধা পীতলের রেকাবে মুড়কী দিয়া পানীয় জল দিল, উহা খাইতে খাইতে ঠাকুরদাসের চক্ষে জল আসিল, তাহাতে বুদ্ধা জিজ্ঞাসা করিল, বাবা ঠাকুর, তুমি কাঁদ কেন ? তাহাতে তিনি উত্তর করিলেন, মা ! আজ সমস্ত দিন আমার ভোজন হয় নাই। কেন হয় নাই ? প্রাতঃকাল হইতে সরকার মহাশয় বাসায় আগমন করেন নাই। ইহা শুনিয়া দয়াময়ী বুদ্ধা দধি ও মুড়কী মুড়ি দিয়া ফলাহার করাইল এবং বলিল, যে দিন তোমার ভোজন না হইবে সেই দিন এখানে আসিয়া ফলাহার করিবে। সরকার অধিক রাত্রিতে বাটী আসিয়া শুনিলেন যে, ঠাকুরদাসের সমস্ত দিবসের মধ্যে পাকাদি কার্খ্য হয় নাই, ইহাতে অত্যন্ত হুঃখিত হইলেন এবং বলিলেন তোমার বাহা শিক্ষা হইয়াছে তাহাতে কার্খ্যক্ষম হইয়াছ, অতঃপর আর তোমার এক্ষপ ক্রেশ স্বীকারের প্রয়োজন নাই। অদ্য এক্ষণে আহাৰাদি সমাধা কর, কল্য প্রাতেই তোমার সম্বন্ধে বাহা কিছু বক্তব্য থাকে তাহা বাচস্পতি মহাশয়কে বলিবে। পর দিন প্রাতে বাচস্পতি মহাশয়ের বাটী যাইয়া তাঁহাকে বলিলেন যে, আপনার জ্ঞাতি ঠাকুরদাস কর্ণক্ষম হইয়াছেন, বান্দালায় ও ইংরাজীতে হিসাব করিবার ভালরূপ ক্ষমতা হইয়াছে ; আপনি কাহাকেও বলিয়া ইহাকে কর্ণে

নিযুক্ত করিয়া দিন। ইহার চরিত্রও উত্তম। বড়িসাগ্রামে বাচস্পতির এক সন্তান কুটুম্ব ছিলেন। তিনি এক নাবালক পুত্র ও স্ত্রী রাখিয়া পরলোক গমন করেন। অশ্রু কেহ অভিভাবক নাই, এ কারণ কার্য্যদক্ষ বিশ্বাসী লোক রাখা আবশ্যক হইয়াছে।

বাচস্পতি মহাশয় ঠাকুরদাসকে বলিলেন, তোমাকে অন্ততঃ এক বৎসরের জন্ত তথায় অবস্থিতি করিয়া বিষয় রক্ষণাবেক্ষণ করিতে হইবে। ঠাকুরদাস অগত্যা স্বীকার পাইয়া বড়িসায় কিছু দিন থাকিয়া নাবালকের বিশিষ্টরূপ আদায় ও বন্দোবস্ত করেন। তজ্জন্ত বাচস্পতি ঠাকুরদাসের সাংসারিক ব্যয় নির্বাহার্থে রীতিমত টাকা পাঠাইয়া দিতে কাতর হন নাই। ঠাকুরদাসের জননী মাসে মাসে কিছু পাইতে লাগিলেন; তাহাতে কষ্টের অনেক লাঘব হইয়াছিল। এক বৎসর কাল বড়িসায় অবস্থিতি করিয়া বাচস্পতি মহাশয়কে বলেন যে, মহাশয়, অনেক কষ্টে ইংরাজী শিক্ষা করিয়াছি। আমাকে ইংরাজীর হিসাবের কার্য্য নির্বাহ করিবার জন্ত কাহাকেও অনুরোধ করিয়া নিযুক্ত করিয়া দিন। বাচস্পতি ঠাকুরদাসের কর্ম্মের শৃঙ্খলা ও সৌজন্ত দর্শনে সন্তুষ্ট ছিলেন, একারণ বড় বাজার দোয়েহাটা-নিবাসী পরম দয়ালু ভাগবতসিংহের বাটীতে কার্য্যে নিযুক্ত করিয়া দিলেন। ভাগবত বাবু পরম ধার্মিক ও দয়ালু ছিলেন; তাহার আক্সিসে ঠাকুরদাসকে দুই টাকা বেতনে নিযুক্ত করিলেন; এবং বাটীতে বাসা দিয়া খোরাক পোষাক দিতেন। ঠাকুরদাস ঐ ২ টাকা জননীর সাংসারিক ক্রেশ নিবারণের জন্ত বাটীতে পাঠাইয়া দিতেন। এইরূপ মাসে মাসে দুই টাকা পাইয়া দুর্গাদেবীর সাংসারিক ব্যয় নির্বাহের সুবিধা হইল। ভাগবত বাবু ঠাকুরদাসের কার্য্যদক্ষতা অবলোকন করিয়া ক্রমশঃ রীতিমত বেতন বৃদ্ধি করিয়া দিতে লাগিলেন; ইহার কিছু দিন পরে ভাগবত বাবু বলেন, ঠাকুরদাস, তোমার কনিষ্ঠ ভ্রাতা কালিদাসকে আনাইয়া কাছে রাখিয়া ইংরাজী শিক্ষা দিলে তাহাকেও আক্সিসে নিযুক্ত করা হইবে। দুই সহোদরে কর্ম্ম করিলে সংসারের কষ্ট নিবারণ হইবে। একারণ কালিদাসকে আনাইয়া ভাগবত বাবু বাটীতে রাখিলেন। ইহার কিছুদিন পরে ভাগবত সিংহ কালগ্রামে নিপতিত হইলে

তঁাহার পুত্র জগদ্বল্লভ সিংহ ও তৎপরিবারবর্গ ঠাকুরদাসকে পূর্বাপেক্ষা ভাল বাসিতে লাগিলেন। কনিষ্ঠ ভ্রাতা কৰ্ম্মে পারগ হইলে কিছু দিন ঠাকুরদাস কাশীজোড়া ও মণ্ডলঘাটে অবস্থিতি করিয়া রেশমের ব্যবসায়ে প্রবৃত্ত হন, তৎপরে দেশে অবস্থিতি করিয়া কাঁসার বাসনের ব্যবসা করেন, এইরূপ নানা প্রকার ব্যবসা দ্বারা সাংসারিক কষ্ট নিবারণ ও কিছু সঞ্চয় করিলেন। এ দিকে কলিকাতায় তঁাহার ভ্রাতা তঁাহার কৰ্ম্মে থাকিয়া নানা প্রকার বিশৃঙ্খলা ঘটান, এজন্ত জগদ্বল্লভ সিংহ বলেন, তোমার ভ্রাতার দ্বারা আমার কার্যের বিস্তর ক্ষতি হইতেছে। অতএব তুমি নিজে আসিয়া কার্য কর, বিশেষতঃ পিতা মৃত্যুকালে তোমাকে বিশ্বাস করিয়া আমার বাটীর ও আফিসের সকল ভার দিয়াছেন। একারণ, ঠাকুরদাস ব্যবসায় পরিত্যাগ করিয়া পুনর্বার সিংহ মহাশয়ের বাটীতে বিষয় কৰ্ম্মে নিযুক্ত হন। ১৭৩৫ শকে খানাকুল কৃষ্ণনগরের পশ্চিম পাতুল গ্রাম নিবাসী পঞ্চানন বিদ্যাবাগীশের দৌহিত্রী ও রামকান্ত চট্টোপাধ্যায়ের হুহিতা ভগবতী দেবীর সহিত ঠাকুরদাসের পাণিগ্রহণ বিধি সমাধা হইল।

রামকান্ত চট্টোপাধ্যায় জাহানাবাদ মহকুমার পশ্চিম গোঘাট গ্রামে বাস করিতেন। ইনি সংস্কৃত ভাষায় সুপণ্ডিত ছিলেন। বাটীতেই তঁাহার চতুষ্পাঠী ছিল। ছাত্রগণকে অন্ন দিয়া শিক্ষা দিতেন। তন্ত্রশাস্ত্রে ইঁহার অত্যন্ত প্রজ্ঞা ও ভক্তি ছিল, তিনি রামজীবনপুরের অতি সন্নিহিত করঞ্জী গ্রামে মাতামহাশ্রয়ে অবস্থিতি করিয়া, প্রায় প্রতি অমাবস্তার রাত্রিতে শব-সাধন করিয়া সিদ্ধপুরুষ হন, শেষাবস্থায় কাহারও সহিত কথা কহিতেন না, মধ্যে মধ্যে “মঞ্জুর” এই শব্দটি বলিতেন। পাতুল গ্রামের পঞ্চানন বিদ্যাবাগীশ অদ্বিতীয় পণ্ডিত ছিলেন। বাটীতে ইঁহার টোল ছিল, বিদ্যাবাগীশ প্রত্যহ অতিথি ও অভ্যাগত লোক সমূহকে ভোজন করাইতেন, প্রদেশের সকল লোকেই বিদ্যাবাগীশকে প্রজ্ঞা ও ভক্তি করিত। ইঁহার জ্যেষ্ঠ পুত্র রাধামোহন বিদ্যাভূষণ, মধ্যম রামধন তর্কবাগীশ, তৃতীয় গুরুপ্রসাদ শিরোমণি, কনিষ্ঠ বিবেকর তর্কালঙ্কার এই চারি পুত্র ছিলেন। সকলেই গণমান ও দয়ালু ছিলেন। বিদ্যা-

বাগীশের দুই কন্যা ছিল, জ্যেষ্ঠা কন্যা গঙ্গামণি দেবী, দ্বিতীয়া তারা-
 হৃন্দরী দেবী। জ্যেষ্ঠা গঙ্গামণির গর্ভে দুই কন্যা জন্মে। জ্যেষ্ঠার
 নাম লক্ষ্মীমণি দেবী, কনিষ্ঠার নাম ভগবতী দেবী। রামকান্ত প্রায়
 প্রতি রাত্রিতে শ্রমশানে বসিয়া জপ করেন ও সংসারের সকল বিষয়ে
 ঔদাত্যাবলম্বন করেন। তাঁহার স্বস্তর উক্ত পাতুল গ্রামনিবাসী বিদ্যা-
 বাগীশ, জামাতা রামকান্ত শব-সাধন করিয়া মৌনাবলম্বন করিয়াছেন,
 এই সংবাদ শ্রবণ করিয়া, করঞ্জগ্রাম হইতে জামাতা রামকান্ত, কন্যা
 গঙ্গামণি ও তাঁহার দুইটী কন্যাকে পাতুল গ্রামে আনয়ন করেন।
 গঙ্গানন ও রাধামোহন বিদ্যাবাগীশ প্রভৃতি ইহাদিগকে আন্তরিক
 স্নেহ করিতেন, ইহঁরাই যত্নে বীরসিংহ নিবাসী ঠাকুরদাস বন্দ্যো-
 পাধ্যায়ের সহিত ভগবতী দেবীর বিবাহ কার্য্য সম্পন্ন হইয়াছিল।
 ইতি পূর্বে রামজয়, পুত্র ঠাকুরদাস লেখাপড়া ভালরূপ শিখিয়াছেন, বিষয়
 কথ্যে লিপ্ত হইয়া পরিবারবর্গের কষ্ট নিবারণ ও ভরণপোষণাদি কার্য্য
 নিরীহ করিতে পারিবেন দেখিয়া, জন্মের মত ঈশ্বরারাধনায় তীর্থক্ষেত্র
 পর্য্যটনে প্রস্থান করেন। এতাবৎ সুদীর্ঘকালের মধ্যে তাঁহার পরিবার-
 গণের কোন সম্বাদ পান নাই। রামজয় এক দিবস (কেদার পাহাড়ে)
 নিশীথ সময়ে স্বপ্ন দেখেন যে, রামজয়! তুমি বৃথা কেন ভ্রমণ করি-
 তেছ? স্বদেশে যাও, তোমার বংশে এক সুপুত্র জন্মগ্রহণ করিয়া-
 ছেন, তিনি তোমার বংশের তিলক হইবেন। তিনি সাক্ষাৎ দয়ার সাগর
 ও অদ্বিতীয় পণ্ডিত হইয়া নিরন্তর বিদ্যা দান ও নিরুপায় লোকদিগের
 ভরণপোষণাদির ব্যয়নিরীহ দ্বারা তোমার বংশের অনন্তকালস্থায়িনী
 কীর্ত্তি স্থাপন করিবেন। রামজয় পাহাড়ের মধ্যে নিশীথ সময়ে এরূপ
 অসম্ভব স্বপ্ন-দর্শন করিয়া চিন্তা করিতে লাগিলেন যে, আমি বহুদিন
 অতীত হইল সংসারাপ্রমে জলাঞ্জলি দিয়া নিভৃত স্থানে ঈশ্বরারাধনায়
 মন প্রাণ সমর্পণ করিয়া কালাতিপাত করিতেছি। এক্ষণে তাহারা
 কি করিতেছে ও কে আছে না আছে তাহাও জানি না। এবস্থিধ
 চিন্তায় নিমগ্ন হইয়া পুনর্বার নিদ্রাভিভূত হইলে কে যেন বলিয়া দিল,
 তুমি পরিবারগণের নিকট প্রস্থান কর, আর বিলম্ব করিও না; তোমার

প্রতি ঈশ্বর সদয় হইয়াছেন। নিজা ভঙ্গ হইলে নানাপ্রকার ভাবিয়া চিন্তিয়া রামজয় স্বদেশাভিমুখে যাত্রা করিলেন, নিরন্তর ৬ মাস পদব্রজে বীরসিংহায় সমুপস্থিত হইয়া শুনিলেন, তাঁহার পুত্র ঠাকুরদাস কলিকাতায় বিষয় কর্মে নিযুক্ত থাকিয়া সংসার প্রতিপালন করিয়া থাকেন। জ্যেষ্ঠ পুত্র ঠাকুরদাসের ও কনিষ্ঠ কালিদাসের বিবাহ কার্য্য সম্পন্ন হইয়াছে এবং জ্যেষ্ঠ ঠাকুরদাসের পত্নী গর্ভবতী হইয়া অবধি উন্মাদগ্রস্তা হইয়াছেন। অনন্তর রামজয় দেশে আগমন করিয়াছেন, এ সম্বাদ কলিকাতায় পুত্রদ্বয়কে লেখা হয়, সম্বাদ প্রাপ্তিমাত্রেই বহুকালের পর পিতৃসন্দর্শনার্থে ঠাকুরদাস ও কালিদাস কলিকাতা হইতে বীরসিংহায় আগমন করেন।

শিশুচরিত ।

১৭৪২ শকাব্দা: অর্থাৎ সন ১২২৭ সালের ১২ই আশ্বিন মঙ্গলবার দিবা দ্বিপ্রহরের সময় জ্যেষ্ঠাগ্রজ ঈশ্বরচন্দ্র বন্দ্যোপাধ্যায় মহাশয় ভূমিষ্ঠ হন। তীর্থক্ষেত্র হইতে সমাগত পিতামহ রামজয় বন্দ্যোপাধ্যায় মহাশয় নাড়ীচ্ছেদনের পূর্বে আলতায় এই ভূমিষ্ঠ বালকের জিহ্বার নিয়ে কয়েকটি কথা লিখিয়া তাঁহার পত্নী দুর্গাদেবীকে বলেন, লেখার নিমিত্ত শিশুটি কিয়ৎক্ষণ মাতৃদুগ্ধ পান করিতে পায় নাই, বিশেষতঃ কোমল জিহ্বায় আমার কঠোর হস্ত দেওয়ায় এই বালক কিছুদিন তোতলা হইবে। আর এই বালক ক্ষণজন্মা, অদ্বিতীয় পুরুষ ও পরম দয়ালু হইবে, ও ইহার কীর্তি দিগন্তব্যাপিনী হইবেক। এই বালক জন্মগ্রহণ করায় আমার বংশের চিরস্থায়িকীর্তি থাকিবে। ইহাকে দেখিয়া আমি চরিতার্থ হইলাম। এই বালককে অপর কেহ যেন মন্ত্র না দেয়, অদ্য হইতে আমিই ইহার অভিষ্টদেব হইলাম। এ বালক সাক্ষাৎ ঈশ্বরতুল্য, অতএব ইহার নাম অদ্য হইতে আমি ঈশ্বরচন্দ্র রাখিলাম। আজ রামজয় তীর্থক্ষেত্রের সেই স্বপ্নকে সত্য জ্ঞান করিলেন। ঈশ্বরচন্দ্র ষৎকালে গর্ভে ছিলেন, তৎকালে জননী ভগবতী দেবী দশমাস উন্নতায় ছায় ছিলেন, পিতামহী দুর্গাদেবী বধূর রোগোপশমের জন্ত কতই প্রতীকার করিয়াছিলেন, কিছুতেই উপশম হয় নাই; তৎকালে কোন কোন বৃদ্ধলোক পিতামহী ও মাতামহীকে বলিতেন ভূতে পাইয়াছে। কোন কোন বৃদ্ধা স্ত্রীলোক বলিতেন ডাইনি পাইয়াছে। এই সকলের রোজা আনাইয়া দেধান হয়, কিছুতেই উপশম হয় নাই। অবশেষে উদয়গঞ্জ-নিবাসী পণ্ডিতপ্রবর ভবানন্দ শিরোমণি ভট্টাচার্য্য মহাশয়কে দেধান হয়। তিনি এ প্রদেশের মধ্যে চিকিৎসা ও জ্যোতিষশাস্ত্রে পারদর্শী ছিলেন, রোগের তথ্যানুসন্ধান বিষয়ে তাঁহার বিশিষ্টরূপ ক্ষমতা ছিল, বিশেষতঃ ইনি রোগনির্ণয়ের পূর্বে রোগীর কোষ্ঠী গণনা করিতেন।

পিতামহীকে বলেন, তোমার বনুমাভার আমি রোগনির্ণয় করিলাম, এক্ষণে ইহার কোষ্ঠী দেখিতে ইচ্ছা করি। চিকিৎসক ভট্টাচার্য্য মহাশয়, উক্তরূপ কথা বলিলে দুর্গাদেবী তাঁহার কোষ্ঠী দেখিতে দিলেন, কিয়ৎক্ষণ পরে ভবানন্দ গণনা করিয়া বলিলেন, ইহার কোন রোগ নাই, ঈশ্বরানুগৃহীত কোন মহাপুরুষ ইহার গর্ভে জন্মগ্রহণ করিয়াছেন, তাঁহার তেজঃপ্রভাবে এরূপ হইতেছে, কোনরূপ ঔষধ সেবন করাইবেন না। গর্ভস্থ বালক ভূমিষ্ঠ হইলেই ইনি রোগমুক্ত হইবেন। ভবানন্দ ভট্টাচার্য্য মহাশয় বাহা বলিয়াছিলেন, তাহাই ঘটিল। প্রসবের পরক্ষণেই তাঁহার আর কোন উন্মাদচিহ্ন লক্ষিত হয় নাই। এ কারণ পিতামহী সর্বদা ভবানন্দ ভট্টাচার্য্যের গণনার ভূয়সী প্রশংসা করিতেন।

ঈশ্বরচন্দ্র ভূমিষ্ঠ হইবার কিয়ৎক্ষণ পূর্বে ঠাকুরদাস দ্রব্যাদি ক্রয় করিবার জন্য অতি সন্নিহিত কুমারগঞ্জের হাট গিয়াছিলেন। তথা হইতে বাটীতে আসিতেছেন দেখিতে পাইয়া পিতামহ রামজয় কিছু অগ্রসর হইয়া বলিলেন, ঠাকুরদাস! অদ্য আমাদের একটা এঁড়ে বাছুর হইয়াছে। তৎকালে আমাদের একটা গাভী গর্ভিণী হইয়াছিল। ঠাকুরদাস মনে করিলেন, গর্ভবতী গাভীটি প্রসব করিয়াছে। বাটী প্রবেশ করিয়া দেখিলেন, গাভী প্রসব করে নাই, তখন রামজয় ঈষৎ হাস্তবদনে স্তূতিকাগৃহে প্রবেশ করিয়া ঈশ্বরকে দেখাইয়া বলিলেন; এ ছেলে এঁড়ের মত বড় একতুষ্ট্র হইবে, এ কারণ এঁড়ে বাছুর বলিলাম। ইহার দ্বারা পরে দেশের বিশেষরূপ ভাল হইবে। তুমি ইহাকে সামান্য এঁড়ে জ্ঞান করিবে না, এ নিজের জীদ বজায় করিবে, সর্বত্র জয়ী হইবে, আজ আমার স্বপ্নদর্শন সত্য হইল। কিয়ৎক্ষণ পরে গ্রহবিপ্র-শ্রেষ্ঠ কেনারাম আচার্য্য আসিয়া বালকের ঠিকুজী প্রস্তুত করিলেন। আচার্য্য গণনার দ্বারা ব্যক্ত করিলেন, এই বালক জগজ্জন্মা, উচ্চগ্রহ সকল প্রত্যক্ষ পরিদৃশ্যমান হইতেছে, এরূপ ফল কাহারও কোষ্ঠীতে অদ্যাপি দেখিতে পাই নাই, এ বালক জগদ্বিখ্যাত, নৃপতুল্য ও দয়াময় হইবে। আর এই বালক দীর্ঘায়ু হইয়া নিরন্তর ধন ও বিদ্যাদান করিয়া সাধারণের কষ্ট নিবারণ করিবেক। এই বৃত্তান্ত

পিতামহী, মাতামহী ও পিতৃদেবের প্রমুখ্যৎ বেক্রপ অবগত হইয়াছিলাম তাহা অবিকল লিখিলাম ।

জন্মগ্রহণের পর অবধি পিতৃদেবের অবস্থার ক্রমশঃ উন্নতি হইতে লাগিল । পঞ্চম বৎসরের সময় দাদার বিদ্যারম্ভ হয়, তৎকালে বীর-সিংহগ্রামে সনাতনবিশ্বাস পাঠশালার সরকার ছিলেন । সনাতন ছোট ছোট বালকগণকে শিক্ষা দিবার সময় বিলক্ষণ প্রহার করিতেন, তজ্জন্ত শিশুগণ সর্বদা শঙ্কিত হইয়া পাঠশালায় বাইতে ইচ্ছা করিত না, এ কারণ পিতৃদেব বীরসিংহনিবাসী কালীকান্ত চট্টোপাধ্যায়কে শিক্ষক মনোনীত করিলেন । কালীকান্ত ভঙ্গকুলীন ছিলেন, স্ত্রুতরাং বহুবিবাহ করিতে আলাস্ত করেন নাই, তিনি ভদ্রেশ্বরের নিকট গোরুটিগ্রামেই প্রায় অবস্থিতি করিতেন, অপরাপর খণ্ডরভবনেও টাকা আদায় করিবার জন্ত মধ্যে মধ্যে পরিভ্রমণ করিতেন । পিতৃদেব ভদ্রেশ্বর ও শ্রীরামপুর বাইয়া অনুসন্ধান দ্বারা জানিলেন, যে কালীকান্ত সর্বদা গোরুটিতে থাকেন । তথায় বাইয়া তাঁহাকে অনেক উপদেশ দিয়া সমভিব্যাহারে করিয়া বীরসিংহায় আনিলেন এবং কয়েক দিন পরে পাঠশালা স্থাপন করিয়া-ছিলেন । কালীকান্ত অত্যন্ত ভদ্রলোক ছিলেন । শিশুগণকে শিক্ষা দিবার বিশেষরূপ প্রণালী জানিতেন এবং শিশুগণকে আন্তরিক যত্ন ও স্নেহ করিতেন এ কারণ ছোট ছোট বালকগণ তাঁহার নিকট সর্বদা অবস্থিতি করিতে ইচ্ছা করিত । এতদ্বিত্ত তিনি সকলের সহিত সৌজন্য প্রকাশ করিতেন, স্থানীয় লোক কালীকান্ত চট্টোপাধ্যায়কে আন্তরিক ভক্তি ও প্রজ্ঞা করিত । এবং সকলেই তাঁহাকে গুরু মহাশয় বলিত । কালীকান্তের নিকট অগ্রজ মহাশয় কিঞ্চিদূর তিন বৎসর নিরন্তর শিক্ষা করিয়া বাঙ্গালা ভাষা ও স্যাধতি অল্প কসিতে শিখিলেন । ঐ সময়েই হস্তাক্ষর ভাল হইয়াছিল । এই সময়ে অগ্রজ মহাশয় প্রীহা ও উদরাময়ে অত্যন্ত কষ্ট ভোগ করেন, বীরসিংহায় কোন প্রকারে আরোগ্য লাভ করিতে পারেন নাই এজন্ত জননীরা মাতুল পাতুলনিবাসী রাধামোহন বিদ্যাভূষণ স্বীয় আবাসে অগ্রজ, মধ্যম ভ্রাতা ও জননীদেবীকে সমভিব্যাহারে লইয়া যান । তথায়

ধানাকুল কৃষ্ণনগরের সন্নিহিত কোঠরা গ্রামে যে সকল চিকিৎসাব্যবসায়ী বৈদ্য বাস করিতেন, তন্মধ্যে উৎকৃষ্ট চিকিৎসককে আনাইয়া শাস্ত্রমত চিকিৎসা করান। রাধামোহন বিদ্যাভূষণের যত্নে ও কবিরাজ রামলোচনের সুচিকিৎসার অগ্রজ মহাশয় সে যাত্রা রক্ষা পান। বাল্যকালে অগ্রজ মহাশয় জননীদেবীর সহিত মধ্যে মধ্যে পাতুল গ্রামে যাইতেন। রাধামোহন বিদ্যাভূষণ ও তাঁহার ভ্রাতৃবর্গ অগ্রজকে আন্তরিক ভাল বাসিতেন; তজ্জন্তু অগ্রজ যাবজ্জীবন রাধামোহনের পরিবার সমূহকে যথেষ্ট স্নেহ ও শ্রদ্ধা করিয়া মাসিক ব্যয় নির্কাহার্থে বন্দোবস্ত করিতেন।

প্রায় ৬ মাস পাতুলে অবস্থিতি করিয়া সম্পূর্ণরূপ আরোগ্য লাভ করিয়া পুনর্বার বীরসিংহায় আগমন করেন, আসিয়া পুনর্বার পাঠশালার অধ্যয়নার্থ নিযুক্ত হন। বাল্যকালে অগ্রজ অত্যন্ত দ্রুত ছিলেন। ৫৬৭৮ বৎসর বয়ঃক্রমকালে প্রত্যুষে কালীকান্ত চট্টোপাধ্যায়ের পাঠশালার যাইবার সময় প্রতিবেশী অনুগত মথুরামোহন মণ্ডলের মাতা পার্শ্বতী ও পত্নী সুভদ্রাকে বিরক্ত করিবার মানসে প্রায় প্রত্যহ তাহাদের দ্বারে মলমূত্র ত্যাগ করিতেন। তাহাতে মথুরের পত্নী সুভদ্রা ও জননী ঐ বিষ্ঠা প্রত্যহ স্নহস্তে মুক্ত করিতেন। যদি কোন দিন মথুরের পত্নী সুভদ্রা বিরক্ত হইয়া বলিত, দুষ্ট বামুন প্রত্যহই তুমি পাঠশালা যাইবার সময় আমার দ্বারে মল ত্যাগ করিবে? অতঃপর এরূপ গর্হিত কার্য করিলে গুরু মহাশয় ও তোমার পিতামহীকে বলিয়া তোমাকে শাসন করাইব; ইহা শুনিয়া সুভদ্রার স্বামী বৌকে এই বলিয়া উপদেশ দিতেন যে, এই ছেলেটী সহজ নহে, ইহার পিতামহ ১২ বৎসর বিরাগী হইয়া তীর্থক্ষেত্রে জপ তপ করিয়া দিনপাত করিতেন, তিনি সাক্ষাৎ ঋষিভূত্য ছিলেন, তাঁহার মুখে শুনিয়াছি এই বালক অদ্বিতীয় শক্তিসম্পন্ন হইবে। অতএব তুমি বিরক্ত হইও না। আমি স্বয়ং ইহার মলমূত্র পরিষ্কার করিব। ভবিষ্যতে ঐ বালক যে কে তাহা জানিতে পারিবে। বাল্যকালে অগ্রজ শতক্ষেত্রের নিকট দিয়া যাইবার সময় ধানের শীষ লইয়া চর্ষণ করিতে গিঁতে যাইতেন। এক বার যবের ক্ষেত্রের এক শীষ লইয়া চর্ষণ

করেন ; যবের স্ফুট গলায় লাগিয়া মৃতকল্প হন, পিতামহী অনেক কষ্টে গলায় অঙ্গুলি দিয়া যবের শীষ নির্গত করেন, তাহাতেই রক্ষা পান । কালীকান্ত নানা প্রকার কৌশল ও স্নেহ করিয়া শিখাইতে ক্রটি করেন নাই । তিনি আপন সন্তান অপেক্ষাও অগ্রজ মহাশয়কে ভাল বাসিতেন । গুরু মহাশয় অপরাহ্নে অপরাপর ছাত্রগণকে অবকাশ দিতেন, কেবল অগ্রজ মহাশয়কে তাঁহার নিকটে রাখিয়া সন্ধ্যার পর নামতা ও ধারাপাতাদি ঘোষণা করাইতেন । অধিক রাত্রি হইলে প্রত্যহ স্বয়ং ক্রোড়ে করিয়া বাটীতে আসিয়া পিতামহীর নিকট পড়াছাইয়া দিতেন । গুরু মহাশয় এক দিবস সন্ধ্যার সময় পিতৃদেবকে বলিলেন, আপনার পুত্র অদ্বিতীয় বুদ্ধিমান, ক্রটিধর বলিলেও অভ্যক্তি হয় না । পাঠশালায় বাহা শিখিতে হয় তৎসমস্তই ইহার শিক্ষা হইয়াছে । ঈশ্বরকে এখান হইতে কলিকাতায় লইয়া যাওয়া অত্যন্ত আবশ্যক হইয়াছে । আপনি নিকটে রাখিয়া ইংরাজী শিক্ষা দিলে ভাল হয় । এ ছেলে সামান্য ছেলে নয়, বড় বড় ছেলেদের অপেক্ষা ইহার শিক্ষা অতি উত্তম হইয়াছে । আর হস্তাক্ষর ধারণ হইয়াছে তাহাতে পুঁথি লিখিতে পারিবে । তৎকালে বাঙ্গালা ছাপাখানা প্রায় ছিল না, বাহাদের হস্তাক্ষর ভাল হইত, তাহারা সংস্কৃত পুস্তক হাতে লিখিত । হস্তাক্ষর ভাল হইলে তাহারা সাধারণের নিকট সম্মানিত হইত । এ কারণ অনেকে হস্তাক্ষর ভাল করিবার জন্ত বিশেষ যত্ন পাইত । তৎকালে এ প্রদেশে সম্বন্ধ করিতে আসিলে অগ্রে পাত্রের হস্তাক্ষর দেখিত, তৎপরে সম্বন্ধের স্থিরীকরণের ইচ্ছা করিত । অগ্রজকে কলিকাতা লইয়া যাইবার নাম শুনিয়া জননীদেবী উচ্চৈঃস্বরে রোদন করিতে লাগিলেন । তৎকালে এ প্রদেশের কাহারও লেখা পড়া শিক্ষার জন্ত কলিকাতা যাইবার রীতি ছিল না । ব্রাহ্মণ-ভনয়গণ কেহ কেহ বাল্যকালে টোলে পড়িত । অধিক বয়স হইলে বিদেশের টোলে অধ্যয়নার্থে যাত্রা করিত, কেহ কেহ জমিদারী সেরে-স্তায় কাগজ লিখিতে শিখিতেন ।

পিতৃদেব ইং ১৮২৯ ও বাঙ্গালা ১২৩৫ সালের কার্তিক মাসে গুরু মহাশয় কালীকান্ত চট্টোপাধ্যায়কে সমভিব্যাহারে লইয়া কলিকাতা

যাত্রা করিলেন। কলিকাতা বীরসিংহ হইতে প্রায় ২৬ ক্রোশ পূর্ব। তৎকালে এখান হইতে কলিকাতা যাইবার পথ ভাল ছিল না। বিশেষতঃ পথে অত্যন্ত দস্যুভয় ছিল। প্রায় মধ্যে মধ্যে অনেকেই ঠেঙ্গাড়ের হাতে পড়িয়া প্রাণ হারাইত—পথিমধ্যে অত্যন্ত ভয় ছিল। সতর্কতা পূর্বক যাইতে হইত। যদিও বাঁটাল হইয়া রূপনারায়ণ নদী দিয়া জলপথে নৌকারোহণে কলিকাতা যাইবার উপায় ছিল সত্য বটে কিন্তু দস্যুভয় প্রযুক্ত নৌকায় যাইতে কেহ সাধ্যমতে ইচ্ছা করিত না। সুতরাং পদব্রজে যাইতে হইল। অগ্রজ মহাশয় সমস্ত পথ চলিতে পারিবে না একারণ আনন্দরাম গুটিকে সমভিব্যাহারে লইলেন। যখন চলিতে অক্ষম হইবেন তখন মধ্যে মধ্যে ঐ বাহক ক্রোড়ে বা স্কন্ধে করিয়া লইয়া যাইবেক। প্রথম দিবস বাটী হইতে ৬ ক্রোশ অন্তর পাতুল গ্রামে রাধামোহন বিদ্যাভূষণের বাটীতে উপস্থিত হইলেন। পর দিবস তথা হইতে ১০ ক্রোশ অন্তর সন্ধিপুৰ গ্রামে সমস্ত দিনের পর সন্ধ্যার সময় রাজচন্দ্র চট্টোপাধ্যায়ের বাটীতে পহুঁছিলেন। পর দিবস প্রাতে শ্যাখালা গ্রামের প্রান্তভাগে যে বাক্স রাজপথ শালিকা পর্যন্ত গিয়াছে সেই পথ দিয়া যখন গমন করেন, তৎকালে, অগ্রজ পথে মাইল ষ্টোন দেখিয়া বলিলেন, বাবা! হলুদ বাটীবার শিল কেন এখানে মাটিতে পোতা রহিয়াছে। আর ইহাতে কি লেখার মত চিহ্ন রহিয়াছে। তাহাতে পিতৃদেব বলিলেন, ইহাকে মাইল-ষ্টোন বলে। ইহাতে ইংরাজী ভাষায় নম্বর লেখা আছে। এক মাইল (বাঙ্গালা অর্দ্ধ ক্রোশ) অন্তর একটী এইরূপ পাথর পোতা আছে। শ্যাখালা হইতে শালিকার বাট পর্যন্ত ঐরূপ পাথরে ইংরাজী অঙ্ক দেখিয়া অগ্রজ ইংরাজী ১ এক সংখ্যা হইতে ১০ পর্যন্ত চিনিলেন। কালীকান্ত চট্টোপাধ্যায় ও পিতৃদেব মধ্যে জগদীশপুরে যে স্থানে এক মাইল ষ্টোন ছিল, সেই স্থান দেখান নাই, ইহার কারণ অক্ষর চিনিতে পারিয়াছেন কি না, জানিবার অভিপ্রায়ে উভয়ে যুক্তি করিয়াছিলেন। অগ্রজ বলিলেন, ইহার পূর্বে তবে ১টা পাথর স্মারক দেখিতে বিস্মৃত হইয়াছি, তখন কালীকান্ত বলিলেন, ঈশ্বর!

তোমাকে ঠকাইবার জ্ঞান আমরা এরূপ করিয়াছি। তুমি যে বলিতে পারিলে তাহাতে আমরা পরম আশ্চর্য্য হইলাম। শ্যাখালা গ্রাম হইতে শালিকার গঙ্গার ঘাট ১০ ক্রোশ। তথায় সন্ধ্যার সময় উপস্থিত হইলেন। গঙ্গা পার হইয়া বড়বাজারের বাবু জগদ্বল্লভ সিংহের বাটীতে উপস্থিত হইলেন। পরদিন প্রাতে পিতৃদেব জগদ্বল্লভবাবুর এক ইংরাজী বিল ঠিক দিতেছেন, তথায় অগ্রজ বসিয়া বলিলেন বাবা আমি ইহা ঠিক দিতে পারি। উক্ত সিংহ বলিলেন, ঈশ্বর! তুমি ইংরাজী অঙ্ক কেমন করিয়া জানিলে? তাহাতে দাদা বলিলেন, কেন, বাবা ও কালীকান্ত খুড়া শ্যাখালা হইতে শালিকার ঘাট পর্য্যন্ত পাথরে অঙ্কিত মাইল-ষ্টোন দেখাইয়াছেন। তাহাতেই ইংরাজী অঙ্কের ১ সংখ্যা হইতে ১০ সংখ্যা পর্য্যন্ত শিখিয়াছি। সেই জ্ঞান ঠিক দিতে পারিব সাহস করিয়াছি। উক্ত সিংহ কয়েকটা বিল ঠিক দিবার জ্ঞান দাদাকে দিলেন, ঐ বিলে দাদার ঠিক দেওয়া নিভুল হইল দেখিয়া, কালীকান্ত চট্টোপাধ্যায় তাঁহাকে ক্রোড়ে করিয়া মুখচুম্বন পূর্ব্বক বলিলেন, তুমি চিরজীবী হও, আমি যে তোমার প্রতি আন্তরিক যত্নের সহিত পরিশ্রম করিয়াছি, তাহা অদ্য আমার সার্থক হইল। উপস্থিত সকলে বলিলেন, বন্দ্যোপাধ্যায় মহাশয় আপনার এই বুদ্ধিমান ছেলেকে ভালরূপ লেখা পড়া শিক্ষা দেওয়া আবশ্যিক। তাহাতে পিতৃদেব বলিলেন, ইহাকে হিন্দু কলেজে পড়িতে দিব মনে মনে স্থির করিয়াছি। উপস্থিত সকলে বলিলেন, আপনি মাসিক ১০ টাকা বেতন পাইয়া থাকেন, তাহাতে হিন্দু কলেজে কেমন করিয়া অধ্যয়ন করাইবেন। এই কথা শুনিয়া, তিনি তাঁহাদিগকে উত্তর করিলেন, ছেলের কলেজের মাসিক বেতন ৫ টাকা দিব, আর বাটীর খরচ ৫ টাকা পাঠাইব। ইহা শুনিয়া কেহ কেহ বলিলেন, চোর বাগানের ইংরাজী স্কুলে নিযুক্ত করিলে সামান্য বেতন লাগিবে। এই বিষয়ে মাসাবধি আন্দোলন চলিতে লাগিল। জগদ্বল্লভ সিংহের ভগিনী রাইমণি দাসী ও তাঁহার পরিবারগণ জ্যেষ্ঠা-গ্রজ মহাশয়কে অতি শিশু দেখিয়া অত্যন্ত ভাল বাসিতেন। পিতৃদেব চাকরি উপলক্ষে প্রাতঃকাল হইতে বেলা ৯টা পর্য্যন্ত কার্য্য সমাধা

করিয়া, বাসায় আসিয়া, পাকাদি কার্য সম্পন্ন করিয়া উভয়ে ভোজন করিতেন। আফিস হইতে বাসায় আসিয়া রাত্রি দশটার সময় পুনর্বার পাকাদি কার্য সমাধা করিয়া উভয়ে নিদ্রা ঘাইতেন। প্রাতঃকাল হইতে অষ্টমবর্ষীয় বালক অগ্রজ মহাশয় প্রায় সমস্ত দিন ঐ দয়াময়ী স্ত্রীলোকদ্বয়ের দয়ার উপর নির্ভর করিয়া বিদেশে অবস্থিতি করিতেন। তাঁহারা স্নেহ পূর্বক দিবসে খাবার দিতেন ও কথা বার্তায় ভুলাইতেন তজ্জন্ত ভুলিয়া থাকিতেন, ঐ স্ত্রীলোকদ্বয়, দাদা যখন জননী প্রভৃতির জন্ত ভাবনা করিতেন, তৎকালে ভুলাইয়া ও কত প্রকার গল্প করিয়া সাধনা করিতেন (এবং দেশের জন্ত বা জননীর জন্ত ভাবিতে দিতেন না) উক্ত রাইমণি দাসী ও জগদুন্নভ সিংহের পত্নীর দয়াগুণেই শৈশবকালে অগ্রজ মহাশয় বিস্তর উপকার পাইয়াছিলেন, তাঁহারা এরূপ দয়া দাক্ষিণ্য প্রকাশ না করিলে দাদা কলিকাতায় অবস্থিতি করিতে পারিতেন না। অদ্যাপি ঐ দয়াময়ীদের নাম স্মরণ হইলে দাদার চক্ষে জল আসিত। কয়েকদিন পরে জগদুন্নভ বাবুর বাটীর দক্ষিণে অতি সন্নিহিত বাবু শিবচন্দ্র মল্লিকের বাটীতে এক পাঠশালা ছিল। তথায় রামলোচন সরকারের নিকট শিক্ষা করিবার জন্ত নিযুক্ত করেন। কার্তিক, অগ্রহায়ণ দুই মাস কাল তাঁহার নিকট লেখাপড়া শিক্ষা করেন। দাদা প্রত্যহ পিতৃদেবকে বলিতেন, বীরসিংহায় কালীকান্ত খুড়ার পাঠশালাে যে রূপ উপদেশ ও শিক্ষা পাইয়াছি, তদপেক্ষা ইহার নিকট অতিরিক্ত কিছুই শিক্ষা করিবার আশা নাই। এই পাঠশালাে ঘাইয়া কেবল বসিয়া থাকিতে হয়। এখানে সরকার আমায় নূতন কিছুই শিখান নাই, যাহা দেশে শিখিয়াছি, এখানেও সেই সেই বিষয় বলিয়া দিয়া থাকেন। অতএব যাহার নিকট নূতন বিষয় শিখিতে পারি, আমাকে সেইরূপ গুরুমহাশয়ের নিকট নিযুক্ত করুন, নচেৎ বিদেশে থাকিবার আবশ্যক কি? ইহার কয়েক দিন পরে, অগ্রজ মহাশয় উদরাময়ে আক্রান্ত হইলেন, সর্বদা অসাবধান হইয়া শয্যায় মলমূত্র ত্যাগ করেন। অস্ত্র কেহ অভিভাবক না থাকায় পিতৃদেবকেই ঐ বিষ্ঠা স্বহস্তে মুক্ত করিতে হইত। এক এক দিন এরূপ

হইত যে সিড়িতে মলত্যাগ করিলে সমস্ত সিড়িতে তরল মল গড়াইয়া পড়িত। পিতৃদেব স্বহস্তে ঐ বিষ্ঠা মুক্ত করিতেন, তৎকালে যদিও অগ্রজ মহাশয় বালক, তথাপি মনে মনে করিতেন যে বাবা এত কেন করেন। কয়েক দিন পরে পিতামহী পৌত্রের এরূপ পীড়ার সংবাদ পাইয়া অনতিবিলম্বে কলিকাতা যাইয়া তথা হইতে পৌত্রকে দেশে আনয়ন করিলেন। দেশে ৩ঃ মাস অবস্থিতি করিয়া রোগ হইতে মুক্ত হইলেন। পুনর্বার জ্যৈষ্ঠ মাসে পিতৃদেব দেশে আসিয়া দাদাকে সমভিব্যাহারে করিয়া কলিকাতা যাত্রা করেন। ঐ সময় অগ্রজকে পিতৃদেব জিজ্ঞাসা করিলেন, কেমন ঐশ্বর! এবার বরাবর বাটী হইতে কলিকাতা চলিয়া যাইতে পারিবে কি না? যদি চলিতে না পার, তাহা হইলে এক জন লোক সঙ্গে লইব। সে মধ্যে মধ্যে তোমাকে কোলে করিবে। তাহাতে দাদা উত্তর করিলেন যে, এবার চলিয়া যাইতে পারিব। সঙ্গে লোক লইবার আবশ্যক নাই। পর দিন রবিবার প্রাতে ভোজনান্তে পিতার সহিত ছয় ক্রোশ পথ গমন করিয়া পাতুল গ্রামেরাধামোহন বিদ্যাভূষণের ভবনে অবস্থিতি করেন। তৎপর দিবস তথা হইতে প্রায় ৮ ক্রোশ অন্তরস্থিত তারকেশ্বরের সন্নিহিত রামনগর গ্রামে কনিষ্ঠা পিতৃস্মার বাটী যাইতে হইবে। রাজবলহাটের দোকানে উপস্থিত হইয়া ফলাহার করিলেন। তথা হইতে উঠিবার সময় বলিলেন, বাবা, আমি আর চলিতে পারিব না। পিতা কতই বুঝাইলেন। তিনি বলিলেন, দেখুন পা ফুলিয়া গিয়াছে; পা ফেলিতে আর পারিব না। পিতা বলিলেন, খানিক চল, আগে যাইয়া তরমুজ কিনিয়া দিব বলিয়া ডুলাইতে আরম্ভ করিলেন, কিছুতেই এক পাও চলিলেন না। অবশেষে বলিলেন, যদি চলিতে না পারিবে, তবে লোক লইতে কেন নিবারণ করিলে, এই বলিয়া প্রহার করিলেন। তাহাতে দাদা মহাশয় রোদন করিতে লাগিলেন। তবে তুই এখানে থাক, আমি চলিলাম, এই বলিয়া পিতা, কিয়দূর যাইয়া দেখিলেন, সেই স্থানেই বসিয়া আছেন, এক পাও চলেন নাই; কি করেন অগ্রত্যা ফিরিয়া আসিয়া দাদাকে স্বন্ধে লইয়া চলিলেন। কিয়ৎ ক্ষণ পরে বলিলেন, এবার খানিক চল, আগে দোকানে তরমুজ কিনিয়া দিব। পিতৃদেব অতি ধর্ম্মকায় ও

ক্ষীণজীবী ছিলেন, সুতরাং অষ্টমবর্ষীয় বালককে স্বক্কে করিয়া অধিক দূর গমন করা সহজ ব্যাপার নহে । একারণ কিয়দূর যাইয়া স্বক্ হইতে নামাইলেন । তথায় তরমুজ খাওয়াইলেও চলিতে অসমর্থ হইলেন । সুতরাং পিতা কখন কাদে কখন ক্রোড়ে করিয়া চলিলেন । যদিও দাদা বালক ছিলেন, তথাপি মনে মনে চিন্তা করিতে লাগিলেন, যে বাবার এমন কি, যে আমায় স্বক্কে করিয়া চলিলেন । আমার দ্বারা বাবার কি উপকার হইবে । তাঁহার সন্ধ্যার সময় রামনগরের রামতারক মুখোপাধ্যায়ের বাটীতে উপস্থিত হইলেন । দাদার পদদ্বয়ের বেদনা ভাল হইবার জন্ত পিতৃশ্রমা অন্নপূর্ণা দেবী উষ্ণ তৈল দিয়া পদদ্বয় সম্বাহন করিয়া দিলেন । পর দিন তথায় অবস্থিতি করিলেন । এক দিবস তথায় থাকায় পায়ের বেদনার হ্রাস হইল । সুতরাং অক্রেমে পর দিন বৈদ্যবাটীর পথে গমন করিলেন, তথা হইতে নৌকারোহণে কলিকাতায় সন্ধ্যার সময় বড়-বাজারে বাসায় উপস্থিত হইলেন ।

কয়েক দিন পরে পিতা স্থির করিলেন যে, আমাদের বংশের পূর্ব পুরুষগণ সকলেই সংস্কৃত অধ্যয়ন করিয়া বিদ্যা দান করিয়াছেন, কেবল আমাকে হুর্ভাগ্য প্রযুক্ত বাল্যকাল হইতে সংসার প্রতিপালন জন্ত আশু অর্থকরী ইংরাজী বিদ্যা শিক্ষা করিতে হইয়াছে । ঐশ্বর সংস্কৃত অধ্যয়ন করিলে দেশে টোল করিয়া দিব । জগদ্বর্ভ সিংহের বাটীতে অনেক পণ্ডিত বার্ষিক আদায় করিতে আসিতেন, তন্মধ্যে পটলডাঙ্গার গবর্ণ-মেন্ট সংস্কৃত কলেজের ব্যাকরণের ৩য় শ্রেণীর পণ্ডিত গঙ্গাধর তর্ক-বাগীশ মহাশয়ের সহিত পিতৃদেবের আলাপ ছিল । তাঁহাকে পরামর্শ জিজ্ঞাসায় তিনি উপদেশ দিলেন যে, কলেজে প্রবিষ্ট করিয়া দিলে ৫৬ মাস পরে পরীক্ষায় উত্তীর্ণ হইলে, আপাততঃ মাসে মাসে ৫ টাকা বৃত্তি পাইবে, দেশের টোলে পড়িতে দিলে সংক্ষিপ্তসার অধ্যয়ন করিতে দীর্ঘকাল লাগিবে । কলেজে মুক্তবোধ ব্যাকরণ অধ্যয়ন করিয়া তিন বৎসরের মধ্যে ব্যাকরণে ব্যুৎপত্তি জন্মিলে কাব্যের শ্রেণীতে প্রবিষ্ট হইতে পারিবে । দ্বিতীয়তঃ তৎকালে পাতুল গ্রাম নিবাসী রাধামোহন বিদ্যাভূষণের পিতৃব্যপুত্র মধুসূদন বাচস্পতি সংস্কৃত কলেজে অধ্যয়ন

করেন এবং বৃত্তি পাইয়া থাকেন। পিতৃদেব উক্ত বাচস্পতিকে পরামর্শ
 জিজ্ঞাসা করিলে তিনিও পরামর্শ দেন যে, ঈশ্বরকে সংস্কৃত কলেজে
 ভর্তি করিয়া দাও। পিতৃদেব উহাদের উপদেশের অনুবর্তী হইয়া দাদাকে
 ইংরাজী বিদ্যালয়ে প্রবিষ্ট না করিয়া সংস্কৃত কলেজেই প্রবেশ করাইয়া
 দেওয়া সর্বতোভাবে প্রয়োজন করিলেন।

বিদ্যালয়-চরিত ।

ইংরাজী ১৮২৯ সালের জুন মাসের প্রথম দিবসেই পিতৃদেব অগ্রজ মহাশয়কে কলিকাতা হু পটলডাঙ্গা গবর্ণমেন্ট সংস্কৃত কলেজে ব্যাকরণের ৩য় শ্রেণীতে প্রবিষ্ট করাইয়া দিলেন। তৎকালে তাঁহার বয়স নয় বৎসর মাত্র। ইহার পূর্বে তাঁহার সংস্কৃত শিক্ষা আরম্ভ হয় নাই। ঐ শ্রেণীর পণ্ডিত হালিসহরের নিকটস্থ কুমারহাট নিবাসী গঙ্গাধর তর্কবাগীশ। ইনি শিশুগণকে শিক্ষা দিবার ভালরূপ রীতি নীতি জানিতেন। বিশেষতঃ অল্প-বয়স্ক বালকদিগকে শিক্ষা দিবার জন্য তর্কবাগীশ মহাশয় বিলক্ষণ পরিশ্রম করিতেন; একারণ কলেজের মধ্যে অত্র ব্যাকরণের শিক্ষক অপেক্ষা তর্কবাগীশ মহাশয় বিশেষ ধ্যাতি লাভ করিয়াছিলেন। অনেকের সংস্কার ছিল যে, তর্কবাগীশের ক্লাসে অধ্যয়ন করিলে ছাত্রগণের ব্যাকরণে ব্যুৎপত্তি জন্মে। পিতৃদেব প্রত্যহ প্রাতে ৯টার মধ্যে দাদাকে ভোজন করাইয়া পটলডাঙ্গার কলেজে ব্যাকরণের তৃতীয় শ্রেণীতে বসাইয়া, তর্কবাগীশ মহাশয়ের সহিত সাক্ষাৎ পূর্বক পুনর্বার প্রায় দুই মাইল অন্তর বড়বাজারের বাসায় যাইয়া ভোজনান্তে আফিসে যাইতেন। পুনর্বার বৈকালে ৪টার সময় আফিস হইতে কলেজে যাইয়া অগ্রজকে সঙ্গে করিয়া বাসায় আসিতেন। তৎপরে স্থায়ী অপরাধে যাইতেন। প্রথম এক্ষণে ছয় মাস গত হইলে পর জ্যেষ্ঠ মহাশয় পথ চিনিতে পারিলেন ও ক্রমশঃ সাহস হইল। তৎপরে আর পিতৃদেব সঙ্গে যাইতেন না। কলেজে প্রবিষ্ট হইবার ছয় মাস পরে পরীক্ষোত্তীর্ণ হইয়া মাসে ৫ টাকা বৃত্তি পাইলেন। মধুসূদন বাচস্পতি সর্বদা শৈশব কালে পঠদশায় দাদার তত্ত্বাবধান করিতেন, একারণ তিনি বাচস্পতিকে বিস্মৃত হন নাই; অদ্যাপি তাঁহার পুত্র সুরেন্দ্রকে প্রতিপালন করিয়া থাকেন। বড়বাজার হইতে পটলডাঙ্গার কলেজে অধ্যয়ন করিতে যাইবার সময় পথে ছাতা মাথায় দিয়া যখন যাইতেন, তখন লোকে মনে করিত যে একটা ছাতা চলিয়া যাইতেছে। দাদা বাল্যকালে

অত্যন্ত ধর্ম ছিলেন। সচরাচর লোকের মস্তক অপেক্ষা জ্যেষ্ঠের মস্তক অপেক্ষাকৃত স্থূল ছিল; তদ্রূপ মস্তক প্রায় দৃষ্টিগোচর হইত না। একারণ বাল্যকালে উহাকে কলেজের অনেকে যশোরে কৈ বলিত। (যশোহর জেলার কৈ মাছ নৌকায় ৮। ১০ দিন আসিয়া কলিকাতায় গামলায় কিছুদিন থাকিত, এজন্ত ঐ মাছের মাথা মোটা, অপর অংশ সরু হইত) পরে কেহ কেহ যশোরে কৈ না বলিয়া কসুরে জৈ বলিত। ইহা শুনিয়া অগ্রজ মহাশয় রাগ করিতেন। ক্রোধোদয় হইলে, তৎকালে তিনি সহসা কথা কহিতে পারিতেন না। যে হেতু বাল্যকালে ভোতলা ছিলেন।

তিনি, কলেজে ব্যাকরণের শ্রেণীতে প্রবিষ্ট হইয়া তর্কবাগীশ মহাশয়ের নিকট প্রত্যহ যাহা পড়িয়া আসিতেন, প্রত্যহই রাত্রিতে তাহা পিতার নিকট বলিতে হইত। পিতা, পুত্রের প্রমুখাৎ প্রত্যহ ব্যাকরণের পড়া শ্রবণ করিতেন। ১০। ১৫ দিন পরে তিনি যাহা বিস্মৃত হইতেন, তাহা পিতা অক্লেশে অবিকল বলিয়া দিতেন। পুত্রের নিকট প্রত্যহ শ্রবণ করিয়া পিতার বিলক্ষণ ব্যাকরণে জ্ঞান জন্মিয়াছিল। দাদা মনে মনে করিতেন যে, পিতৃদেব ব্যাকরণ ভালরূপ জানেন। কলেজে তর্কবাগীশ মহাশয় যেরূপ বলিয়া দিতেন, পিতা সেইরূপই বলিয়া দিতেন। বস্তুতঃ পিতৃদেব সংস্কৃত ব্যাকরণ পূর্বে কিছুমাত্র অবগত ছিলেন না। পিতা রাত্রি ৯টার পর কর্মস্থান হইতে বাসায় আসিতেন, যে দিবস রাত্রিতে পড়িতে দেখিতেন, সে দিন পরম আত্মদিত হইতেন। যে দিন আসিয়া দেখিতেন যে, প্রদীপ জলিতেছে, তিনি নিদ্রা যাইতেছেন, তৎক্ষণাৎ ক্রোধাক্ত হইয়া অত্যন্ত প্রহার করিতেন। মধ্যে মধ্যে এরূপ প্রহার করায় জগদ্বীৰ্ত্ত সিংহের ভগিনী ও তাঁহার পত্নী বলিতেন, এরূপ ছোট ছেলেকে যদি অতঃপর এরূপ অস্তায় রূপে প্রহার করেন, তাহা হইলে আপনার এই বাটীতে অবস্থিতি করা হইবে না। কোন দিন প্রহারে ছেলেটা মরিয়া যাইবে। আমাদের সকলকেই বিপদে পড়িতে হইবে। গৃহস্থ এইরূপ ধমক দেওয়ার প্রহারের কথকিৎ লাঘব হইয়াছিল। রাত্রিতে পড়িবার সময় নিদ্রাকর্ষণ হইলে

তিনি প্রদীপের সার্বপ তৈল চক্ষে লাগাইতেন। চক্ষে তৈল লাগিলে চক্ষু জ্বালা করিত, সুতরাং নিজাকর্ষণ হইত না। পিতা রাত্রি ৯টার সময় বাসার আসিয়া পাক করিয়া উত্তয়ে ভোজন করিয়া শয়ন করিতেন। পিতা শেষ রাত্রিতে নিদ্রাভঙ্গ হইলে প্রত্যহ দাদাকে উদ্ভট কবিতা মুখে মুখে শিখাইতেন। এইরূপে তিনি, পিতার নিকট প্রায় দুই শত সংস্কৃত শ্লোক শিক্ষা করিয়াছিলেন। তিনি অত্যন্ত বুদ্ধিমান ছিলেন, সুতরাং অন্যান্য বালক অপেক্ষা ভাল পাঠ বলিতে, শব্দ রূপ করিতে, সন্ধি বলিতে, ও ধাতু রূপ করিতে পারিতেন; এ কারণ অধ্যাপক তর্কবাগীশ মহাশয় সকল ছাত্র অপেক্ষা তাঁহাকে অত্যন্ত ভাল বাসিতেন। ভট্টাচার্য মহাশয় তাঁহার প্রতি সন্তুষ্ট হইয়া প্রত্যহ একটি করিয়া উদ্ভট কবিতা শিখাইতেন ও ঐ কবিতার অর্থ ও অর্থ বলিয়া দিতেন। তর্কবাগীশ মহাশয়ের নিকটেও দাদা প্রায় দুই শত সংস্কৃত শ্লোক শিক্ষা করিয়াছিলেন। ব্যাকরণ শ্রেণীতে তিন বৎসরের মধ্যে দুই বৎসর পরীক্ষায় উত্তমরূপ পারিতোষিক পাইয়াছিলেন। এক বৎসর অপর মন্দ বালক ভাল প্রাইজ পাইল দেখিয়া, তাঁহার মনে এত ক্ষোভ জন্মিয়াছিল যে, কলেজে আর অধ্যয়ন করিব না, দেশে যাইয়া দণ্ডিপুরে বিশ্বনাথ সার্বভৌম পিসা মহাশয়ের টোলে অধ্যয়ন করিব, এই স্থির করিয়াছিলেন। পিতৃদেব এবং তর্কবাগীশ ও মধুসূদন বাচস্পতির অনুরোধের বশবর্তী হইয়া কলেজ পরিত্যাগ করিতে পারিলেন না। ঐ বৎসর ভালরূপ প্রাইজ না পাইবার কারণ এই যে, ঐ বৎসর প্রাইস সাহেব পরীক্ষক ছিলেন। সাহেব ভাল বুঝিতে পারিতেন না। দাদা বাহা উত্তর করিতেন, তাহা ভালরূপ বিবেচনা পূর্বক করিতেন, তাহা নিতুল হইত। যে বালক বিবেচনা না করিয়া তাড়াতাড়ি বলিয়াছিল, তাহা ভালই হউক আর মন্দই হউক, সাহেব তাহাকে বুদ্ধিমান জানিয়া প্রাইজ দিয়াছিলেন। দাদা বাল্যকালে অত্যন্ত একগুঁয়ে ছিলেন। নিজে বাহা ভাল বোধ করিতেন, তাহাই করিতেন। অপরের উপদেশ গ্রাহ্য করিতেন না। গুরুতর লোক উপদেশ দিলে ষাড় বাঁকাইয়া স্থির ভাবে দাঁড়াইয়া থাকিতেন। তজ্জন পিতা গ্রহণ করিলেও তুমিতেন না।

আপনার জীম্ব বজায় রাখিবার জন্য শৈশবকাল হইতে দৃঢ়প্রতিজ্ঞ ছিলেন। ষাড় সোজা করিতেন না বলিয়া পিতা বলিতেন আমার পিতা তোমাকে যে, ষাড়বাঁকা এঁড়ে গোকুর সহিত তুলনা করিয়াছিলেন, তাহা সত্য। পিতা তাঁহার স্বভাব বুঝিয়া চলিতেন। যে দিন শাদা বস্ত্র না থাকিত, সে দিন বলিতেন, আজ ভাল কাপড় পরিয়া কলেজে যাইতে হইবে, তিনি হঠাৎ বলিতেন না আজ ময়লা কাপড় পরিয়া যাইব। যে দিন বলিতেন, আজ স্নান করিতে হইবে, অবশ্যমাত্র দাদা বলিতেন যে, আজ স্নান করিব না; পিতা প্রহার করিয়াও স্নান করাইতে পারিতেন না। সঙ্গে করিয়া টাকশালের ঘাটে নাবাইয়া দিলেও দাঁড়াইয়া থাকিতেন। পিতা চড় চাপড় মারিয়া জোর করিয়া স্নান করাইতেন। অগ্রজের বাহা ইচ্ছা হইত শৈশবকাল হইতে একাল পর্যন্ত তাহাই করিয়াছেন। তিনি বাল্যকাল হইতে এপর্যন্ত নিজের প্রতিজ্ঞা বজায় রাখিয়াছেন এবং অসাধারণ উন্নতি লাভ করিয়াছেন। পিতা ইঁহাকে ষাড় কেঁদো নাম দিয়াছিলেন, অর্থাৎ ষাড় বাঁকাইলে সোজা হইবার নহে।

আমা হইতে ক্রাশে আর কেহ ভাল শিক্ষা করিতে না পারে, এরূপ ঘাটের উপর লেখা পড়া শিখিতে চিরকাল আন্তরিক যত্ন পাইয়াছিলেন। এমন কি শৈশবকালেও প্রায় সমস্ত রাত্রি জাগরণ করিয়া অভ্যাস করিতেন। প্রায়ই পিতাকে বলিতেন রাত্রি দশটার সময় আহার করিয়া শয়ন করিব, আপনি রাত্রি বারটা বাজিলে আমার তুলিয়া দিবেন, নচেৎ আমার পাঠাভ্যাস হইবে না। পিতা আহ্বারের পর দুই ঘণ্টা বসিয়া থাকিতেন, নিকটে আরমাণি গিরিজার ঘণ্টারব শুনিয়া তাঁহার নিদ্রা ভাঙাইয়া দিতেন; তিনি উঠিয়া সমস্ত রাত্রি পাঠাভ্যাস করিতেন। এইরূপ অধিক পরিশ্রম করিয়া মধ্যে মধ্যে অত্যন্ত কঠিন পীড়ায় আক্রান্ত হইতেন। ব্যাকরণ শ্রেণীতে তিন বৎসর ছয় মাস ছিলেন; কিন্তু তিন বৎসরের মধ্যে ব্যাকরণ সমাপ্ত করেন। শেষ ছয় মাস কাল অমর-কোষের মনুস্বাবর্ণ ও ভট্টিকাব্যের পঞ্চম সর্গ পর্যন্ত পাঠ করিয়াছিলেন।

একাদশ বর্ষ বয়ঃক্রমে অগ্রজ মহাশয়ের উপনয়ন সংস্কার হয়। দ্বাদশবর্ষ বয়ঃক্রম সময়ে অগ্রজ মহাশয় সাহিত্য শ্রেণীতে প্রবিষ্ট

হইলেন। তৎকালে সাহিত্য শাস্ত্রের শ্রেণীতে জয়গোপাল তর্কালঙ্কার মহাশয় অধ্যাপক ছিলেন। তিনিই তর্কালঙ্কার মহাশয় কাশীধামে বাল্যকাল হইতে সাহিত্য শাস্ত্র অধ্যয়ন করিয়া বিশেষ প্রতিপ্রাপ্তি লাভ করিয়াছেন। গদ্যপদ্য রচনা বিষয়ে তাঁহার তুল্য লোক প্রায় কেহ তৎকালে জন্মগ্রহণ করেন নাই। এ কারণ সংস্কৃত কলেজ স্থাপন সময়ে উইলসন সাহেব তাঁহাকে কাশীধাম হইতে আনাইয়া এই পদে নিযুক্ত করেন। উইলসন সাহেব প্রথমতঃ বেনারসের টাকশালে কর্ম করিতেন। তদনন্তর কলিকাতায় সংস্কৃত কলেজে অধ্যক্ষের পদে নিযুক্ত হন। কাশীধামে সাহেবের সহিত তর্কালঙ্কার মহাশয়ের বিশেষরূপ আলাপ হইয়াছিল, এজ্জন্ত সংস্কৃত কলেজের সাহিত্যশ্রেণীর শিক্ষকতাপদে নিযুক্ত করিবার জন্ত আনয়ন করিয়া ছিলেন। বাঙ্গালা দেশে ইহার তুল্য কাব্যশাস্ত্রে পণ্ডিত আর কেহ ছিলেন না। দাদা সাহিত্য শ্রেণীতে প্রবেশকালে মুক্তারাম বিদ্যাবাগীশ, মদনমোহন তর্কালঙ্কার প্রভৃতি বিদ্যার্থী অনেকেই এই সাহিত্যশ্রেণীতে প্রবিষ্ট হইয়াছিলেন। তন্মধ্যে তিনি সকল ছাত্র অপেক্ষা অঙ্গবয়স্ক ছিলেন, এজ্জন্ত প্রথমতঃ তর্কালঙ্কার মহাশয় বলেন যে ঈশ্বর এত ছোট ছেলে কাব্য বুঝিতে পারিবে কি? এজ্জন্ত তিনি ভট্টির কয়েকটি কবিতার অর্থ করিতে বলেন। অগ্রজ যেরূপ অর্থ ও অর্থ করিলেন সেরূপ অন্য কোন ছাত্র অর্থার্থ করিতে পারিলেন না, তজ্জন্ত তর্কালঙ্কার মহাশয় তাঁহার প্রতি অতিশয় সন্তুষ্ট হইয়াছিলেন। তর্কালঙ্কার মহাশয় বাঙ্গালা দেশের সকল পণ্ডিত অপেক্ষা কাব্য শাস্ত্রে সুপণ্ডিত ছিলেন সত্য বটে, কিন্তু ছাত্রগণকে পড়াইবার সময়, যে কবিতার অর্থ করিতেন তাহার অর্থ বলিতেন না, বাহার অর্থ ও ভাব বলিতেন তাহার অর্থ করিতেন না, হুতরাং যে সকল ছাত্র ব্যাকরণে বিশেষ ব্যুৎপত্তি লাভ করিতে পারেন না, অথবা কিছুই কাব্য শিক্ষা করেন না, তাঁহাদের পক্ষে সহসা তর্কালঙ্কার মহাশয়ের নিকট অধ্যয়ন করিয়া কিছুমাত্র ফলোদয় হইত না। অগ্রজ মহাশয়ের ব্যাকরণে বিশিষ্টরূপ ব্যুৎপত্তি জন্মিয়াছিল। বিশেষতঃ ভট্টিকাব্যের প্রথম হইতে পঞ্চম সর্গ ও প্রায় ৫০০ শত উদ্ভট

রুবিতা ভালরূপ কণ্ঠস্থ ছিল, এনিমিত্ত তাঁহার ইঁহার নিকট শিক্ষা বিষয়ে কোন অসুবিধা ঘটে নাই। প্রথম বৎসর রঘুবংশ, কুমারসম্ভব, রাঘব-পাণ্ডবীয় প্রভৃতি সাহিত্য অধ্যয়ন করিয়া, বার্ষিক পরীক্ষায় সর্বোৎকৃষ্ট হইয়া প্রধান আইজ প্রাপ্ত হন। তৎকালে পুস্তক পারিতোষিকের ব্যবস্থা ছিল। দ্বিতীয় বৎসরে মাঘ, ভারবি, মেঘদূত, শকুন্তলা, উত্তরচরিত, বিক্রমোর্কশী, মৃদারাক্ষস, কাদম্বরী, দশকুমারচরিত প্রভৃতি মুখস্থ করিয়া সাহিত্য শাস্ত্রে বিশেষ প্রতিপত্তি লাভ করিয়াছিলেন। তৎকালে রবিবারে কলেজ বন্ধ হইত না। অষ্টমী ও প্রতিপদে সংস্কৃত অনুশীলন নিষেধ ছিল, এজন্য অষ্টমী ও প্রতিপদে কলেজ বন্ধ থাকিত। দ্বাদশী, ত্রয়োদশী, চতুর্দশী, অমাবস্যা ও পূর্ণিমায় নূতন পাঠ বন্ধ থাকিত, একারণ ঐ কয়েক দিবস সংস্কৃত রচনা শিক্ষার অনুশীলন হইত। কোন দিন সংস্কৃত হইতে বাঙ্গালা অনুবাদ, কোন দিন বাঙ্গালা হইতে সংস্কৃত অনুবাদ হইত। অগ্রজ মহাশয় সকল বালক হইতে ভাল অনুবাদ করিতে পারিতেন। বিশেষতঃ ব্যাকরণভুল বা বর্ণাভ্রান্তি হইত না। একারণ অধ্যাপক তর্কালঙ্কার মহাশয় তাঁহাকে অত্যন্ত ভাল বাসিতেন। তিনি কাব্য বা নাটক যাহা অধ্যয়ন করিতেন, তাহা প্রায় কণ্ঠস্থ করিতেন। এরূপ স্মরণশক্তি কোন ছাত্রেরই ছিল না। আমার স্মরণ হয়, নাটকের প্রাকৃত ভাষা প্রায় কণ্ঠস্থ ছিল। একারণ যেমন সংস্কৃত কথা কহিতে সমর্থ ছিলেন, সেইরূপ অনর্গল প্রাকৃত ভাষাও কহিতে পারিতেন। এই অসাধারণ ক্ষমতা দেখিয়া তৎকালের পণ্ডিত ব্যক্তির বলিতেন ঈশ্বর প্রতিধর; এই বালক দীর্ঘজীবী হইলে অদ্বিতীয় লোক হইবে। সাহিত্য প্রেমীতে দ্বিতীয় বৎসরের পরীক্ষায় সর্বোৎকৃষ্ট হইয়া সর্বপ্রধান পারিতোষিক পাইয়াছিলেন। তৎকালে নিয়ম ছিল, যে ছাত্রের হস্তাকর ভাল হইত সে লেখার স্বতন্ত্র একটি পারিতোষিক পাইত। ক্লাসের মধ্যে দাদার হস্তাকর ভাল ছিল এজন্য তিনি লেখার আইজ প্রতি বৎসরেই পাইতেন। তখন এমন অনেক সংস্কৃত পুস্তক ছিল যে, মুদ্রিত হয় নাই, হস্তিধা অনুসারে তিনি অনেক সংস্কৃত পুস্তক স্বহস্তে লিখিয়াছিলেন। এই সময় পিতৃদেব অষ্টমবর্ষীয় তাঁহার মধ্যম পুত্র দীনরত্নকে লেখাপড়া

শিক্ষার মানসে কলিকাতায় আনয়ন করিলেন। ঐ সময় হইতে অগ্রজকে হুই বেলা সকলের পাকাদি কার্য সম্পন্ন করিতে হইত। কোন দাস দাসী ছিল না। প্রত্যবে নিদ্রাভঙ্গ হইলে কিয়ৎক্ষণ পুস্তক আবৃত্তি করিয়া বড়বাজার টাকশালের গদ্বার ঘাটে স্নান করিয়া আসিবার সময় বড়বাজার কাশীনাথ বাবুর বাজারে যাইতেন। তথায় বাটা মংস্ত ও আলু পটল তরকারী ক্রয় করিয়া আনিতেন। বাসায় পঁহুঁছিয়া প্রথমতঃ হরিজাদি বাল মশলা বাটিয়া উন্নত ধরাইয়া মুগের দাউল পাক করিয়া মংস্তের কোল রন্ধন করিতেন। তখন বাসায় চারি জন লোক ভোজন করিতেন, ভোজনের পর উচ্ছিষ্ট মুক্ত ও বাসন ধোত করিতে হইত। হাঁড়ী মাজিয়া, বাসন ধোত করিয়া, ও স্নান মুক্ত করায় অঙ্গুলির অগ্রভাগ ও নখগুলি ক্ষয় হইয়া যাইত। হরিজা বাটার জন্ত হস্তে হরিজার চিহ্ন থাকিত। ভোজন করিতে করিতে যদি একটি ভাত ছড়ান হইত বা পাতে কিছু উচ্ছিষ্ট পড়িয়া থাকিত, তাহা হইলে পিতৃদেব চড় মারিতেন, ভোজনের পাত পরিষ্কার করিয়া থাইতে হইত। এই সকল রীতি বাল্যকালে পিতার নিকট শিক্ষা পাইয়াছিলেন। ভোজনের পাত্র অদ্যাপি পরিষ্কার করিয়া আহার করিতেন। একারণ তাঁহার উচ্ছিষ্ট পাত্রে অনেকে শ্রদ্ধা পূর্বক ভোজন করিতে ইচ্ছা করিত, অগ্রজ মহাশয় মধ্যম সোদর দীনবন্ধুকে সংস্কৃত কলেজের দ্বিতীয় শ্রেণীতে প্রবিষ্ট করাইয়া দিলেন। তৎকালে হরিপ্রসাদ তর্কপঞ্চানন উক্ত শ্রেণীর অধ্যাপক ছিলেন। যদিও দীনবন্ধু বাল্যকালে লেখা পড়া শিক্ষা বিষয়ে ওদাস্ত অবলম্বন করিতেন, কিন্তু অদ্বিতীয় বুদ্ধিমান ছিলেন। অনেকে দীনবন্ধুকে শ্রুতিধর বলিত। অধিক কি সংস্কৃত কবিতা এক বার শ্রবণ করিলেই দীনবন্ধুর কণ্ঠস্থ হইত। পিতৃদেব স্বীয় কার্য সমাধা করিয়া রাত্রি নয় টার সময় বাসায় আসিতেন। জ্যেষ্ঠ ও মধ্যম পুত্র উভয়ে মনোযোগ পূর্বক পাঠাভ্যাস করিতেছেন দেখিলে পরমাত্মাভিত হইতেন। প্রদীপ জলিতেছে পুস্তক খোলা রহিয়াছে উভয়েই নিদ্রা যাইতেছে দেখিবামাত্র ক্রোধাক্ত হইয়া অত্যন্ত প্রহার করিতেন, প্রহারে উভয়ে অত্যন্ত চীৎকার করিয়া রোদন করিতেন, ইহাদের রোদন শুনিয়া গৃহস্থানী সিংহ মহা-

শরের পরিবারগণ অত্যন্ত হুঃখিত হইতেন এবং তাঁহারা স্পষ্টাক্ষরে বলিতেন ছোট ছোট প্রাণসম সন্তানগণকে এরূপ প্রহার করা উচিত নহে । এক দিন এইরূপ প্রহারে চাই কি মরিয়া বাইতে পারে, আপনাকে আমরা পুনঃপুনঃ বলিয়া থাকি যে, ছোট ছেলেকে এরূপ নির্দয় ভাবে যদি প্রহার করেন, তাহা হইলে আপনার এখানে থাকা হইবে না ; তজ্জগৎ প্রহারের অনেক লাঘব হইয়াছিল । পিতৃদেব রাত্রি নয় ঘটিকার সময় বাসায় আগমন করিলে পর তিনি পাকারস্ত করিতেন, পাক ও আহার করিয়া রাত্রি একাদশ ঘটিকার পর শয়ন করিতেন । পুনর্ব্বার শেষ রাত্রিতে নিদ্রাভঙ্গ হইলে পিতার নিকট যে সকল উদ্ভট কবিতা শিক্ষা করিয়াছিলেন সেই সমস্ত গুলি আবৃত্তি করিতেন । পরে সূর্য্যোদয় হইলে পর কলেজের পাঠ্য পুস্তক মুখস্ত করিতেন, তৎপরে গঙ্গাস্নান করিয়া প্রাতঃসন্ধ্যা করিতেন, পাকাদি কার্য্য সমাধানান্তে ভোজন করিয়া বিদ্যালয় বাইতেন । অগ্রজ মহাশয় সন্ধ্যার ক্রমগুলি প্রকাশরূপে দেখাইতেন । লোকে জানিত যে অগ্রজ মহাশয়ের সন্ধ্যাভ্যাস আছে ; কিন্তু সন্ধ্যা সমস্ত বিস্মৃত হইয়াছিলেন । সন্দেহ প্রযুক্ত এক দিবস কালিদাস বন্দ্যোপাধ্যায় পিতৃব্য তাঁহাকে বলিলেন, আমরা সন্ধ্যা ভুলিয়া গিয়াছি, বিশেষতঃ আমরা বিষয়ী লোক, তুমি সংস্কৃত অধ্যয়ন করিয়াছ, তোমার শুদ্ধ হইবে অতএব একবার সন্ধ্যাটি তুমি আবৃত্তি কর, আমি শুনিতে ইচ্ছা করি । তিনি সন্ধ্যা ভুলিয়া গিয়াছেন কিছুই বলিতে পারিলেন না ; পিতৃব্য পিতৃদেবকে বলিলেন যে, ঈশ্বর সন্ধ্যা সমস্ত ভুলিয়া গিয়াছে । মিথ্যা কেবল হাত নাড়াদি কার্য্য করিয়া থাকে । পিতৃদেব শুনিয়া বিলক্ষণ প্রহার করেন । সন্ধ্যা শিক্ষা না হইলে জল খাইতে দিব না বলায়, অগ্রজ সন্ধ্যার পুঁথি দেখিয়া পুনর্ব্বার সন্ধ্যা মুখস্ত করেন । জননী দেবী চরখা সূতা কাটিয়া উভয় পুত্রের বস্ত্র প্রস্তুত করিয়া কলিকাতায় পাঠাইতেন । সেই মোটা বস্ত্র উভয় ভাতা পরিধান করিয়া অধ্যয়নার্থ পটল ডাক্তার কলেজে বাইতেন । এক্ষণে সেইরূপ চরখা কাটা সূতার মোটা বস্ত্র উড়িষ্যানেশীর বেহারা বা জঙ্গলবাসী বান্ধড়গণকে পরিধান করিতে দেখা যায় । বরাবর অগ্রজ মহাশয়কে পুরু বস্ত্র পরিধান

করিতে দেখা গিয়াছে, তিনি কখনই হস্ত বস্ত্র পরিধান করেন না । অগ্রজ মহাশয় কলেজে মাসিক বৃত্তি বাহা পাইতেন তাহা পিতাকে দিতেন ।

এইরূপে তাঁহার উন্নতি হওয়াতে পিতৃদেব বলিলেন যে, তোমার এই টাকায় জমি ক্রয় করিব, কলেজে অধ্যয়ন শেষ হইলে দেশে টোল করিয়া দিব । দেশস্থ লোক বাহাতে লেখা পড়া শিক্ষা করিতে পারে, তাহা তুমি করিবে । তোমার বৃত্তির টাকায় জমি বাহা ক্রয় হইবে, তাহার উপস্থতের দ্বারায় বিদেশীয় ছাত্রগণের ব্যয় নির্বাহের কিছু সাহায্য হইতে পারিবে । ইহা মনে করিয়া কাঁচিয়া গ্রাম প্রভৃতিতে কয়েক বিঘা জমি ক্রয় করিয়াছিলেন । কিছু দিন পরে বলিলেন, তোমার টাকায় তোমার আবশ্যকীয় পুস্তকাদি ক্রয় করিবে । তাহাতে দাদা অনেক হস্তাক্ষরিত পুঁথি ক্রয় করিয়াছিলেন । তৎসমস্ত অদ্যাপি তাঁহার প্রসিদ্ধ লাইব্রেরীতে দেদীপ্যমান রহিয়াছে । অগ্রজ মহাশয় ব্যাকরণ ও কাব্য শাস্ত্রে অদ্বিতীয় পণ্ডিত হইয়াছিলেন । যখন দেশে (বীরসিংহায়) আসিতেন তৎকালে কাহারও বাটীতে আদ্যভ্রাজ হইলে কৃতী নিমন্ত্ণার্থ কবিতা অগ্রজের নিকট রচনা করাইতেন, সমাগত সভাস্থ পণ্ডিতগণ ঐ কবিতা দেখিয়া বলিতেন যে, এ কবিতা কাহার রচনা, বলিলে কৃতী বলিতেন এই বালক রচনা করিয়াছে । সমাগত পণ্ডিতগণ তাঁহার সহিত ব্যাকরণের বিচার করিতেন, বিচার সময়ে তিনি সংস্কৃত ভাষায় কথা কহিতেন । তজ্জন্ত দেশস্থ পণ্ডিতগণ আশ্চর্য্য হইতেন । ক্রমশঃ দেশে প্রচার হইল যে বন্দ্যোপাধ্যায় মহাশয়ের পুত্র ঈশ্বরচন্দ্র অদ্বিতীয় পণ্ডিত হইয়াছেন, যেহেতু বিচার সময়ে সংস্কৃত ভাষা অবলম্বন করিয়া কথা কহিয়া থাকেন । দেশীয় পণ্ডিতগণ সংস্কৃত ভাষায় কথা কহিতে সম্পূর্ণরূপ সক্ষম ছিলেন না ।

দেশে অনেকে অগ্রজকে কস্তাদান করিবার জন্ত বিশিষ্টরূপ বস্ত্র পাইয়া-
ছিলেন । প্রথমতঃ রামজীবনপুরের আনন্দচন্দ্র অধিকারী সম্বন্ধ স্থির করিয়া
যান । তাঁহাদের স্বাত্রায় সম্প্রদায় ছিল এ কারণ তাঁহাদিগকে অধিকারী
বলিত, তজ্জন্ত তিনি তাঁহাদের বাটীতে বিবাহ করিতে অসম্মতি প্রকাশ

করিলেন। আর তাঁহার ধনশালী লোক ছিলেন, আমাদের ইষ্টক নির্মিত বাটী নয় দেখিয়া, তাঁহারও সম্বন্ধ ভঙ্গ করিয়া দেন। পরে জগন্নাথপুরে চৌধুরীদের বাটীতে সম্বন্ধ স্থির হইয়াছিল। নানা কারণে এ স্থানে বিবাহ ঘটিল না। অবশেষে ক্ষীরপাই নিবাসী শত্রুঘ্ন ভট্টাচার্য মহাশয় আসিয়া বলিলেন, ঈশ্বর বিদ্বান্ হইয়াছেন। সংপাত্রে কন্ডাদান করিতে আমি বাসনা করিয়াছি। এ প্রদেশের মধ্যে তৎকালে ক্ষীরপাই সর্বপ্রধান গ্রাম ছিল। তৎকালে কলের কাপড় ছিল না। উক্ত গ্রামে নানা দেশের লোক আসিয়া কাপড়ের ব্যবসা করিত। পশ্চিম হইতে হিন্দুস্থানী মহাজনেরা আসিয়া রেশম ও কাপড়ের ব্যবসার জন্য কুঠী প্রস্তুত করিয়াছিলেন। ভট্টাচার্য মহাশয় ক্ষীরপাই গ্রামের মধ্যে ক্ষমতার, মাস্ত্রে ও সত্বয়ে সর্বপ্রধান লোক ছিলেন। বিশেষতঃ কন্ডাটি অতি সুলক্ষণ ও দর্শনীয় ছিলেন। কুঠীর ফল ভাল ছিল। ভট্টাচার্য মহাশয় বলিলেন, আমার এই কন্ডা পাচুকা, কুঠী গণনার ফল জানিবেন যে, এই কন্ডা বাহাকে দান করা বাইবে সর্বপ্রকারে তাঁহার অচলা লক্ষী হইবে। পরে শত্রুঘ্ন ভট্টাচার্য মহাশয় পিতৃদেবকে বলিলেন, বন্যোপাধ্যায় ! তোমার ধন নাই কেবল তোমার পুত্র বিদ্বান্ হইয়াছেন এই কারণে আমার প্রাণসম-তনয়া দিনময়ীকে তোমার পুত্রকে সমর্পণ করিলাম। অগ্রজের বিবাহ করিতে আন্তরিক ইচ্ছা ছিল না। যাবজ্জীবন লেখা পড়া শিখিব, সাধ্যানুসারে দেশের উপকার করিব, এই আন্তরিক ইচ্ছা ছিল। কেবল পিতার ভয়ে অগত্যা বিবাহ করিতে সন্মত হইয়াছিলেন। ক্ষীরপাই নিবাসী শত্রুঘ্ন ভট্টাচার্য মহাশয়ের দিনময়ী নামী অষ্টমবর্ষীয়া সুলক্ষণ ও দর্শনীয়্য দুহিতার সহিত পাণিগ্রহণ বিধি সমাধা হইল।

পঞ্চদশ বর্ষ বয়ঃক্রমকালে অগ্রজ মহাশয় অলঙ্কারশাস্ত্রের প্রেণীতে প্রবিষ্ট হইলেন। তৎকালে প্রেমচাঁদ তর্কবাগীশ মহাশয় অলঙ্কারের অধ্যাপক ছিলেন। তর্কবাগীশ মহাশয় ব্যাকরণ, সাহিত্য ও অলঙ্কারে বিশিষ্টরূপে ব্যুৎপন্ন ছিলেন। সংস্কৃত পদ্য পদ্য রচনা বিষয়ে তাঁহার অসাধারণ ক্ষমতা ছিল। অলঙ্কার প্রেণীতে প্রবিষ্ট ছাত্রগণ তাঁহার নিকট অধ্যয়ন করিয়া সংস্কৃত ভাষার সম্যক ব্যুৎপত্তি লাভ করিত।

ইনি পরিশ্রমশালী, এ ক্ষেত্রে সকলে ইহার প্রশংসা করিত। ৩৭-কালে অলঙ্কার শ্রেণীতে অগ্রজই সকল বালক অপেক্ষা অগ্রবরস্ব ও ধর্মাকৃতি ছিলেন। অলঙ্কার শ্রেণীতে এরূপ ছোট বালক অধ্যয়ন করিতেছে দেখিয়া অমৃত্য লোকে আশ্চর্য্যাবিত হইত। এক বৎসরের মধ্যে সাহিত্যদর্পণ, কাব্যপ্রকাশ, রসগঙ্গাধর প্রভৃতি অলঙ্কার গ্রন্থ, অধ্যয়ন করেন। এবং বাৎসরিক পরীক্ষায় সর্বোৎকৃষ্ট হইয়া সর্বপ্রধান পারিতোষিক পুস্তক প্রাপ্ত হইলেন। তর্কবাগীশ মহাশয় অনধ্যায় দিবসে ছাত্রগণকে গদ্য পদ্য রচনা ও কবিতার টীকা করিতে উপদেশ দিতেন।

সংস্কৃত রচনায় অগ্রজের বিশিষ্টরূপ ক্ষমতা জন্মিয়াছিল, এ কারণ তর্কবাগীশ মহাশয় সকল ছাত্র অপেক্ষা তাঁহাকে আন্তরিক ভাল বাসিতেন। এই সময়ে তাঁহাকে প্রত্যহ দুই বেলায় পাকাদি কার্য্য সমাধা করিতে হইত। পাক করিতে করিতে নিজের পাঠ্য পুস্তক লইয়া পাঠাংশীলন করিতেন। অগ্রজ মহাশয় ও মধ্যমগ্রজ মহাশয় বেলা দশটার সময় বড় বাজার হইতে পটলডাঙ্গা কলেজে বাইবার সময় পথে বহি দেখিতে দেখিতে গমন করিতেন। বাসায় প্রায় সমস্ত রাত্রি জাগরণ করিয়া অধ্যয়ন করিতেন। জ্যেষ্ঠগ্রজ নিরন্তর পরিশ্রম করিয়া উৎকট রোগে আক্রান্ত হইলেন; প্রত্যহ রক্ত ভেদ হইতে লাগিল। কলিকাতায় থাকিয়া ঔষধাদি দ্বারা রোগ হইতে অব্যাহতি পাইলেন না, অগত্যা দেশে আসিতে হইল। নানাবিধ ঔষধ সেবনে দেশে রোগের উপশম হইল না। অবশেষে প্রতিবাসী কান্দীনাথ পালের অভীষ্টদেব, সিন্ধু ওল ডকুমেন্ট করিয়া, ভোজন করিবার ব্যবস্থা করেন। এই ঔষধ কতিপয় দিবস ব্যবহার করার সম্পূর্ণরূপ আরোগ্য লাভ করিয়াছিলেন। অনন্তর পুনর্বার কলিকাতা বাইয়া রীতিমত অধ্যয়নে প্রবৃত্ত হইলেন, এবং পূর্বের মত স্বয়ং পাকাদি কার্য্য সম্পন্ন করিতে লাগিলেন। এক দিন মধ্যম সহোদর দীনবন্ধুকে সন্ধ্যার সময় বাজার করিতে পাঠাইয়াছিলেন। রাত্রি একাদশ ঘটিকা অতীত হইতে যায় তথাপি দীনবন্ধু বাসায় উপস্থিত না হওয়াতে, তাঁহার অন্তত

হুঁতাবনা হইল। ভাতার জন্ত উচ্চৈঃস্বরে রোদন করিতে লাগিলেন, অবশেষে অত্যন্ত লোকের উপদেশানুসারে প্রথমতঃ বড়বাজারে কাশীনাথ বাবুর বাজারে অনুসন্ধান করিলেন। তথায় অনুসন্ধান না পাওয়ায় পরিশেষে ষোড়াসাঁকো নূতন বাজারে অনুসন্ধান করেন; তথায় দেখিলেন, দীনবন্ধু বাজারে দেওয়াল ঠেস দিয়া নিদ্রা যাইতেছেন। নিদ্রা তান্ধাইয়া তাঁহাকে বাসায় লইয়া যান। অগ্রজ মহাশয় ছোট ছোট ভাই ও ভগিনীদিগকে আন্তরিক স্নেহ করিতেন। এরূপ ভ্রাতৃস্নেহ অপর কাহারও দৃষ্টিগোচর হয় নাই। অগ্রজ মহাশয় শৈশবকাল হইতে কাল্পনিক দেবতার প্রতি কখনই ভক্তি বা শ্রদ্ধা করিতেন না। জগতের মধ্যে কেবল হিন্দুগণ দেব দেবী প্রতিমার প্রতি যেরূপ ছদ্ময়ের সহিত ভক্তি প্রকাশ করেন, তিনি জনক জননীকে বাল্যকাল হইতে তদ্রূপ আন্তরিক শ্রদ্ধা ও দেবতাস্বরূপ জ্ঞান করিতেন। দেশে আগমন করিলে আদি শিক্ষক কালীকান্ত চট্টোপাধ্যায় মহাশয়কে আন্তরিক ভক্তি সহকারে প্রণাম করিবার নিমিত্ত তাঁহার বাটী যাইতেন। তিনিও সমস্তান সদৃশ স্নেহ করিতেন। দেশের কি ইতর কি ভদ্র সকল সম্প্রদায় লোকের সহিত সৌজন্যপ্রকাশ করিতেন। ছোট ছোট ছেলের সহিত কপাটী খেলিতেন, এতদ্ব্যতীত কখন তাস শতরঞ্জ প্রভৃতি ক্রীড়া করিতেন না ও জানিতেন না।

অলঙ্কার শ্রেণীতে অধ্যয়ন কালে অপরায়ু চারি ষটিকার সময় বিদ্যালয়ের ছুটি হইলে ঠনুঠনিয়ার চৌরাস্তার কিয়দূর পূর্বে তারাকান্ত বিদ্যাসাগর, তারানাথ তর্কবাচস্পতি ও মধুসূদন বাচস্পতি মহাশয়দের বাসা যাইতেন। ঐ সময় উক্ত মহাশয়দের কলেজে অধ্যয়ন শেষ হইয়াছে। উহারা তাঁহাকে অত্যন্ত স্নেহ করিতেন, এ কারণ তিনি প্রত্যহ ছুটির পর তাঁহাদের বাসায় যাইতেন। সন্ধ্যা পর্যন্ত তথায় অবস্থিতি করিয়া সাহিত্যদর্পণ দেখিতেন। এক দিবস বিখ্যাত দর্শনশাস্ত্রবেত্তা জয়নারায়ণ তর্কপঞ্চানন মহাশয় জজ পণ্ডিতের পদ প্রাপ্ত্যভিলাষে ল কন্মিটির পরীক্ষা দিবেন, এজন্ত তারানাথ তর্কবাচস্পতির সহিত যুক্তি করিতে আসিয়াছিলেন। তিনি তথায় অগ্রজ

মহাশয়কে সাহিত্যদর্পণ আবৃত্তি করিতেছেন দেখিয়া চমৎকৃত হইলেন, এবং বাচস্পতিকে জিজ্ঞাসা করেন, এরূপ অল্পবয়স্ক বালক সাহিত্যদর্পণ বুঝিতে পারে কি? ইহা শ্রবণ করিয়া বাচস্পতি বলিলেন, কেমন শিখিয়াছে ও সংস্কৃতে ইহার কীদৃশী ব্যুৎপত্তি জন্মিয়াছে, প্রশ্ন করিয়া অবগত হউন। সাহিত্যদর্পণের রসের বিচার স্থলে জিজ্ঞাসা করিলে, অগ্রজ যেরূপ ব্যাখ্যা করিলেন তাহা শ্রবণ করিয়া তর্কপঞ্চানন আশ্চর্য্যাবিত হইয়া বলিলেন, এই বালকের বয়োবৃদ্ধি হইলে বাঙ্গালা দেশের মধ্যে অদ্বিতীয় লোক হইবে। এত অল্প বয়সে এরূপ সংস্কৃত ভাষায় ব্যুৎপন্ন লোক আমার দৃষ্টিগোচর কখনই হয় নাই। ইহা শুনিয়া তারানাথ তর্কবাচস্পতি বলিলেন, আমরা এই বালককে কলেজের মহামূল্য অলঙ্কারস্বরূপ জ্ঞান করিয়া থাকি। তর্কপঞ্চানন মহাশয় শেষাবস্থায় কাশীবাস করিয়াছিলেন, তথায় সোণারপুর মহল্লাতে বহুসংখ্যক হিন্দুস্থানী, বাঙ্গালী, মহারাষ্ট্রীয়, দণ্ডী, পরম হংস, ও ব্রহ্মচারীকে ত্রায়, বৈশেষিক, সাংখ্য, পাতঞ্জল, বেদান্ত, মীমাংসা এই ষড়দর্শন ও অত্রান্ত দর্শনশাস্ত্রের গ্রন্থ সকল অধ্যয়ন করাইতেন। তর্কপঞ্চানন মধ্যে মধ্যে ঐ সকল দণ্ডী প্রভৃতি ছাত্রগণের নিকট অগ্রজের বিষয় গল্প করিতেন। আমি কাশীতে তর্কপঞ্চাননের প্রমুখ্যে জ্যেষ্ঠের বাল্যকালের বহুতর গল্প শ্রবণ করিয়াছি।

এই সময় দাদা কলেজে মাসিক ৮ টাকা বৃত্তি প্রাপ্ত হন। তৎকালীন কলেজের নিয়মানুসারে অলঙ্কার, ত্রায়, বেদান্ত ও তৎপরে স্মৃতিশাস্ত্র পর্য্যন্ত অধ্যয়ন করেন। ছাত্রগণ ত্রায় দর্শন শাস্ত্রের শ্রেণীতে প্রবিষ্ট হইয়া অধ্যয়ন করিত, তাহার পর বেদান্ত শ্রেণীতে প্রবিষ্ট হইয়া বেদান্ত অধ্যয়ন করিত, তদনন্তর স্মৃতির শ্রেণীতে প্রবিষ্ট হইয়া মনুসংহিতা, মিতাক্ষরা, জমীমতবাহন কৃত দায়ভাগ প্রভৃতি অধ্যয়ন করিয়া জজ পণ্ডিতের পদপ্রার্থনায় ল কমিটির পরীক্ষা দিবার সময় প্রস্তুত হইত। অগ্রজ মহাশয় কলেজের অধ্যক্ষ মহাশয়ের নিকট আবেদন করিয়া অলঙ্কার শ্রেণী হইতে অগ্রে স্মৃতিশ্রেণীতে প্রবিষ্ট হইলেন। ঐ সময় রামচন্দ্র বিদ্যাবাগীশ প্রভৃতি উপযুক্ত স্মৃতি শাস্ত্রের অধ্যাপকগণ নানা

কারণে পদচ্যুত হইয়াছিলেন। তৎকালীন বিদ্যালয়ের অধ্যক্ষগণ দর্শন-শাস্ত্রজ্ঞ হরনাথ তর্কভূষণ মহাশয়কে স্মৃতিশাস্ত্রের অধ্যাপক নিযুক্ত করিয়াছিলেন। তর্কভূষণ মহাশয় দর্শনশাস্ত্রেরই পারদর্শী ছিলেন সত্য, বটে, কিন্তু প্রাচীন স্মৃতিশাস্ত্রে তাঁহার তৎপূর্ব্বে বিশেষ দৃষ্টি ছিল না; সুতরাং স্মৃতির ব্যবহারাধ্যায়ে ভালরূপ ব্যবস্থা স্থির করিতে অক্ষম ছিলেন। যদিও অগ্রজ স্মৃতির শ্রেণীতে প্রবিষ্ট হইয়াছিলেন, তথাপি ঐ পণ্ডিতের নিকট অধ্যয়ন করিয়া মনের তৃপ্তি জন্মাইত না, একারণ অদ্বিতীয় ধীশক্তিসম্পন্ন হরচন্দ্র ভট্টাচার্য্যের নিকট যাইয়া স্মৃতি অধ্যয়ন করেন। সাধারণ পণ্ডিতগণ ২১৩ বৎসরে যে সমস্ত প্রাচীন স্মৃতিশাস্ত্র শিক্ষা করিয়া পরীক্ষা দিতেন; তিনি স্মৃতির সেই সকল গ্রন্থ ছয় মাসে মুখস্থ করিয়া পরীক্ষায় উত্তীর্ণ হইবার মানসে পিতৃদেবকে বলিলেন, আমি ছয় মাস পাকাদি কার্য্য সম্পাদন করিতে পারিব না। সুতরাং তাঁহার অনুজ দীনবন্ধুকে দুই বেলা পাকাদি কার্য্য সমাধা করিতে হইত। তখন মধ্যমাত্রাজ দীনবন্ধুর বয়ঃক্রম দশ বৎসর মাত্র। জ্যেষ্ঠাগ্রজ প্রাতঃকাল হইতে সমগ্র মনুসংহিতা, মিতাক্ষরা প্রভৃতি স্মৃতিগ্রন্থ বেলা নয় ষটিকা পর্য্যন্ত অনন্যকর্ম্মা ও অনন্যমনা হইয়া আবৃত্তি করিতেন এবং ভোজনান্তে বড়বাজার হইতে পটলডাঙ্গা বিদ্যালয় যাইবার সময় পথে আবৃত্তি করিতে করিতে গমন করিতেন। কলেজে উপস্থিত হইয়া পড়া বন্ধ করিতেন। পুনরায় ৪টার পর বাসা আসিবার সময় পথে আবৃত্তি করিতে করিতে বাসায় আসিতেন। রাত্রি দশটার সময় ভোজন করিয়া দুই ষট্টা নিদ্রা যাইতেন। নিকটস্থ আরমাণি গিরজার ষড়িতে রাত্রি বারটা বাজিলে পুনর্বার নিদ্রাভঙ্গ করিয়া সমস্ত রাত্রি স্মৃতি আবৃত্তি করিতেন। সমস্ত রাত্রির মধ্যে একবারও অধ্যয়নে বিরত হইতেন না। এইরূপ নিরন্তর ৬ মাস কাল পরিশ্রম করিয়া ল কমিটির পরীক্ষায় উত্তীর্ণ হইলেন।

১৭।১৮ বৎসরের বালক বাহার অদ্যাপি আশ্রয়ের আরও উদয় হয় নাই, তিনি পরীক্ষায় উত্তীর্ণ হইয়া ল কমিটির সার্টিফিকেট পাইলেন। এত অল্প বয়সে ছয় মাসের মধ্যে সমগ্র প্রাচীন স্মৃতি কণ্ঠস্থ করিয়াছিলেন,

ইহাতে অধ্যাপক মহাশয়েরা তাঁহার অলৌকিক ক্ষমতা দর্শনে বিশ্বয়াপন্ন হইয়াছিলেন। ল কমিটির সার্টিফিকেট প্রাপ্তির কিয়দ্বিঘ্ন পরে ত্রিপুরা জেলার জজ পণ্ডিতের পদ শূন্য হইলে ঐ পদ প্রাপ্তির প্রার্থনায় আবেদন করেন। অগ্রজকে ঐ কার্যে নিযুক্ত করিবার জন্ত গবর্ণমেন্ট তাঁহাকে এই নিয়োগ পত্র দেন যে, তুমি ত্বরায় ত্রিপুরায় আসিয়া কার্যে প্রবৃত্ত হও। কিন্তু পিতৃদেবের অসম্মতি নিবন্ধন তাঁহার ঐ কার্যে যাওয়া ঘটিল না।

এখনকার মত তৎকালে থিয়েটার বা হাপ্ আখড়াই প্রভৃতি ছিল না। তৎকালে কলিকাতায় কবি ও কৃষ্ণযাত্রা হইত, দাদার কবি শুনিবার অত্যন্ত শক ছিল, কোথাও কবি হইলে শুনিতে যাইতেন। যখন দেশে যাইতেন, সমবয়স্ক ভাই বন্ধু লইয়া কবি গান করিতেন। মাতৃদেবীর অনুরোধে আত্মীয় লোকের পীড়া হইলে তাহাদের বাটীতে যাইয়া শুশ্রূষাদি কার্যে প্রবৃত্ত হইতেন, এরূপ কার্যে কিছুমাত্র ঘৃণা ছিল না। নিঃসম্পর্কীয় অর্থাৎ কোনরূপ সংশ্রব না থাকিলেও পীড়িত লোকের মলমূত্র স্বহস্তে পরিষ্কার করিতেন। পীড়িত লোকের শুশ্রূষাদি কার্যে ব্যাপৃত থাকিয়া রাত্রি জাগরণ করিতেন। যে সকল সংক্রামক রোগাক্রান্ত রোগীকে অপরে স্পর্শ করিতেও ভীত হইত, তিনি নির্ভয়ে ও অসম্বুচিত চিন্তে সেইরূপ রোগীর শুশ্রূষাদি কার্যে লিপ্ত থাকিতে ভীত হইতেন না। তিনি বাল্যকাল হইতে পরম দয়ালু ছিলেন। তাঁহার এবশ্বিধ গুণ থাকায় তৎকালে কলেজের সকল শিক্ষক ও ছাত্রবৃন্দের পরম প্রিয়পাত্র ছিলেন।

বৈকালে, কলেজের নিকট ঠনঠনিয়ার চৌমাথার কিছু পূর্বে বিপ্রদাস বন্দ্যোপাধ্যায়ের মিঠাইয়ের দোকান ছিল, তথায় কলেজের ছুটির পর জল খাইতেন। কলেজের যে কোন ছাত্র সম্মুখে থাকিত সকলকেই মিষ্টান্ন খাওয়াইতেন। তিনি মাসিক যে ৮ টাকা রুত্তি পাইতেন, তাহা অপরাপর বালককে বৈকালে জল খাওয়ানায় খরচ হইত। এতদ্বিধ কলেজের দ্বারবানদের নিকট যথেষ্ট টাকা ধার করিতেন, যে যে বালকের বস্ত্র জীর্ণ দেখিতেন, ঐ ধার করা টাকায় ঐ বালকদের

বস্ত্র ক্রয় করিয়া দিতেন। বড়বাজারের বাসায় যে যে সহাধ্যায়ী বাইতেন, তাহাদিগকে জল খাওয়াইতেন, একারণ অনেকে মনে করিতেন যে ঐশ্বর্য ধনশালী লোক। পূজার অবকাশে দেশে আগমন করিলে যে যে প্রতিবাসিগণ পীড়িত হইয়াছেন শুনিতেন, তাহাদের বাটীতে সর্বদা বাইতেন এবং তাহাদের শুশ্রূষাদি কার্যে স্বতঃপ্রবৃত্ত হইতেন। অপর লোকে রোগীর শুশ্রূষাদি কার্যে নিযুক্ত থাকিতে ঘৃণা প্রকাশ বা ক্রেশ বোধ করিত, কিন্তু অগ্রজ যে কোন জাতীয় লোকের পীড়া হইলে সন্তুষ্ট চিত্তে তাহাদের সেবা করিতে অত্যন্ত সন্তোষ প্রকাশ করিতেন, একারণ তৎকালে দেশস্থ লোক দাদাকে দয়াময় বলিত। অনেকেই দেখিয়াছেন যে, সামান্য বিড়াল বা কুকুর মরিলেও দেখিয়া তাঁহার চক্ষে জল আসিত ; কোন লোক রোদন করিলে তিনিও তাহাদের সহিত রোদনে প্রবৃত্ত হইতেন।

পূজার অবকাশে দেশে গদাধর পাল, ব্রজমোহন চক্রবর্তী ও ছোট ছোট ভ্রাতৃগণের সহিত কপাটী খেলিতেন। অল্প কোনরূপ ক্রীড়ায় কখন তাঁহাকে আসক্ত হইতে দেখি নাই। কপাটী খেলিলে অত্যন্ত শ্রম হয়, তাহাতে উদরাময় প্রভৃতি রোগ আরোগ্য হয়, এতদভিপ্রায়ে কপাটী খেলায় প্রবৃত্ত হইতেন। এতদ্ব্যতীত কখন কখন মদনমোহন মণ্ডলের সহিত লাঠী খেলিতেন। দেশস্থ যে সকল লোকের দিনপাত হওয়া দুষ্কর দেখিতেন, তাহাদিগকে যথাসাধ্য সাহায্য করিতে ক্ষান্ত থাকিতেন না। অল্পাংশ লোকের পরিধেয় বস্ত্র না থাকিলে, গামছা পরিধান করিয়া নিজের বস্ত্রগুলি তাহাদিগকে বিতরণ করিতেন। বাল্যকালে দেশে বাইয়া কৃষকগণের সহিত মাঠে কান্তিয়া লইয়া ধান্য কাটিতেন। ভ্রাতৃগণকে বলিতেন, সকলে মাঠে চল, মাঠ হইতে ধান বহিয়া আনিতে হইবে। মজুরদের সহিত ধান বহিয়া পরম আত্মসম্মতি হইতেন।

১৯ বৎসর বয়ঃক্রম কালে, বেদান্ত শাস্ত্রের শ্রেণীতে প্রবিষ্ট হইলেন। পূজ্যপাদ শঙ্কুচন্দ্র বাচস্পতি মহাশয় ঐ সময় বেদান্ত শাস্ত্রের অধ্যাপক ছিলেন। তিনি তাঁহাকে অত্যন্ত ভাল বাসিতেন। ভট্টাচার্য্য মহাশয়ের বা কিছু যুক্তি বা পরামর্শ, তৎসমস্তই তাঁহার সহিত হইত।

বেদান্ত বা পাতঞ্জল কি সাহ্য গ্রন্থের যে যে স্থলে পাঠের সন্দেহ হইত বা সংলগ্ন না হইত, তদ্বিষয়ের সন্দেহ ভঞ্জনার্থে তাঁহার সহিত বাদানুবাদ করিতেন। তাহাতে তিনি আন্তরিক সন্তুষ্ট হইয়া বলিতেন যে, তুমি ঈশ্বর। ঐ সময়ে পিতৃদেব, আমার অষ্টমবর্ষ বয়ঃক্রমকালে বিদ্যা শিক্ষার মানসে আমায় কলিকাতায় লইয়া আইসেন। কয়েকদিন পরে দাদা আমাকে সংস্কৃত কলেজের ব্যাকরণের তৃতীয় শ্রেণীতে প্রবিষ্ট করিয়া দিলেন। তৎকালে ঐ শ্রেণীতে গঙ্গাধর তর্কবাগীশ মহাশয় অধ্যাপক ছিলেন। আমি ঈশ্বরের তৃতীয় সহোদর, একারণ তিনি আমাকে যথেষ্ট স্নেহ করিতেন। তিন ভ্রাতা ও পিতা আর দয়ালচাঁদ মুখোপাধ্যায় প্রভৃতি সকলের দুই বেলার পাকাদি কার্য অগ্রজ মহাশয়ই সম্পন্ন করিতেন। যে গৃহে পাক করিতেন, তাহার অতি সন্নিহিত স্থানে অপরের পাইখানা ছিল, সুতরাং পাকশালায় বসিলেই অত্যন্ত দুর্গন্ধ বোধ হইত। এক্ষণে মিউনিসিপালিটির বন্দোবস্তে পাইখানায় আর সেরূপ দুর্গন্ধ থাকে না। তৎকালে কলিকাতায় মিউনিসিপালিটি ছিল না, পথে ময়লা ফেলিলেও কেহ কোন কথা বলিতেন না। পাকগৃহটি অত্যন্ত অন্ধকার ছিল, একটী মাত্র দ্বার ব্যতীত জানালা ছিল না। পাকশালা অত্যন্ত ছোট ছিল, তৈলপায়ী অর্থাৎ আরশুলায় পরিপূর্ণ থাকিত। প্রায় মধ্যে মধ্যে দুই চারিটা আরশুলা ব্যঞ্জে পতিত হইত। দৈবাৎ একদিন অগ্রজের ব্যঞ্জে একটা আরশুলা পড়িয়াছিল। প্রকাশ করিলে বা পাতের নিকট ফেলিয়া রাখিলে ভ্রাতৃগণ বা পিতা ঘৃণাপ্রযুক্ত আর ভোজন করিবে না, এই আশঙ্কায় তিনি সমস্ত আরশুলা, ব্যঞ্জনসহিত উদরস্থ করিলেন। ভোজনের কিয়ৎক্ষণ পরে, আরশুলা খাইবার কথা ব্যক্ত করিলেন। শুনিয়া উপস্থিত সকলেই আশ্চর্য্যান্বিত হইলেন। যে স্থানে আহার করিতে বসিতেন তাহার নিকটস্থ নর্দমা হইতে কেঁচো ও অগ্ন্যস্ত কুমি উঠিয়া ভোজনপাত্রের নিকটে আসিত, এজন্য তিনি এক খটী জল কাছে রাখিতেন, ঐ জল ঢালিয়া দিয়া কুমি গুলিকে সরাইয়া দিতেন। ঐ সময় জগদ্বীৰ্ভ সিংহের বাটীর সম্মুখে তিলকচন্দ্র ঘোষের সোণা রূপার ধোদাইখানার গৃহ ছিল, তিলকচন্দ্র ঘোষ

ও উহার পুত্র রামকুমার ঘোষ অতি ভদ্র লোক ছিলেন। তাঁহারা তাঁহাকে অত্যন্ত ভাল বাসিতেন। ঐ বাটীর উপরের গৃহে পিতৃব্য কালীদাস বন্দ্যোপাধ্যায় মহাশয় রাত্রিতে শয়ন করিতেন; উহার নিম্নস্থ গৃহে অগ্রজ মহাশয় রাত্রিতে পাঠ্যপুস্তক পাঠ করিয়া অধিক রাত্রিতে শয়ন করিতেন। সন্ধ্যার সময় হইতে তাঁহার শয্যায় আমিও শয়ন করিতাম। এক দিবস আমার উদরাময় হওয়ায় সন্ধ্যার সময় অসাবধানপ্রযুক্ত বস্ত্রেই মলত্যাগ করিয়াছিলাম, তজ্জন্ত যদি ভোজন করিতে না দেন, এই আশঙ্কায় উহা প্রকাশ করি নাই। অধিক রাত্রিতে অগ্রজ মহাশয় শয়ন করিয়া, তৎক্ষণাৎ নিদ্রাভিভূত হইলেন। প্রাতে নিদ্রাভঙ্গ হইলে দেখিলেন যে, তাঁহার পাঠ, বুক, হস্ত প্রভৃতিতে বিষ্ঠা লাগিয়া রহিয়াছে। আমায় কোন কথা না বলিয়া গাত্র ধৌত করিয়া সমস্ত শয্যা স্বহস্তে কূপোদক দ্বারা প্রক্ষালিত করিলেন। তিনি বাল্যকাল হইতে পিতা মাতার প্রতি ভক্তি এবং ভ্রাতা ও ভগিনীদিগকে যথেষ্ট স্নেহ করিয়া আসিতেছেন। এরূপ পিতৃমাতৃভক্তি ও ভ্রাতৃস্নেহ অল্প কেহ করিতে পারেন না। জননীরও সকল পুত্র অপেক্ষা অগ্রজ মহাশয়ের প্রতি আন্তরিক স্নেহ ছিল।

বেদান্তের শ্রেণীতে যখন অধ্যয়ন করিতেন, তখন প্রত্যহ ক্লাশের পড়া শেষ করিয়া, শেষ বেলায় আমাকে ও মধ্যমাগ্রজ দীনবন্ধুকে ব্যাকরণের শ্রেণী হইতে আনিয়া নিজের নিকটে বসাইয়া রাখিতেন। এক দিন বাচস্পতি মহাশয় বলিলেন, শম্ভু, তুমি আমার নামটী চুরি করিয়াছ কেন? ইহা শুনিয়া আমি উত্তর করিলাম, মহাশয়! আমি চুরি করি নাই, বাবা চুরি করিয়াছেন। ইহা শ্রবণ করিয়া বাচস্পতি মহাশয় পরম আশ্চর্য হইলে তদবধি প্রত্যহ শেষ বেলায় ব্যাকরণ শ্রেণী হইতে আমায় আহ্বান করিতেন। বাচস্পতি মহাশয় অগ্রজকে আন্তরিক ভাল বাসিতেন ও অধিতীয় বুদ্ধিমান ছাত্র বলিয়া প্রশংসা করিতেন। তিনি সন্তুষ্ট হইবেন এই নিমিত্ত, বাচস্পতি মহাশয় আমাদিগকে প্রত্যহ কাছে বসাইয়া সজ্ঞি জিজ্ঞাসা করিতেন। বাচস্পতি মহাশয়ের পত্নী কালগ্রাসে নিপতিতা হইলে, কিয়দ্দিবস পরে

তিনি বৃদ্ধ বয়সে পুনর্বার বিবাহ করিবার জন্ত বিলক্ষণ যত্ন পাইতে লাগিলেন। বিবাহ করা উচিত কি না, এক দিন নির্জনে অগ্রজের সহিত পরামর্শ করেন। তিনি বলিলেন, এরূপ বয়সে মহাশয়ের বিবাহ করা পরামর্শসিদ্ধ নয়। বাচস্পতি মহাশয় তাঁহার পরামর্শ কোনরূপে গুনিলেন না। একারণ তিনি রাগ করিয়া বাচস্পতি মহাশয়ের বাটী যাইতেন না। বাচস্পতি মহাশয় তৎকালে কলিকাতার অধিতীয় ঘনশালী ও সম্ভ্রান্ত রামচুলাল সরকারের পুত্র ছাত্তু বাবু ও লাটু বাবুর দলের সভাপণ্ডিত ছিলেন, আর নড়ালের রামরতন বাবু বাচস্পতি মহাশয়কে অতিশয় মান্য করিতেন। ইহারা উভয়ে ঐক্য হইয়া সম্বন্ধ স্থির করিয়া এক পরমা সুন্দরী কন্যার সহিত বাচস্পতির বিবাহ কার্য সমাধা করান। বাচস্পতি মহাশয় অগ্রজকে স্নতনির্কির্ষেবে স্নেহ করিতেন, এজন্ত এক দিবস বলেন, ঈশ্বর তোমার মাকে এক দিনও দেখিতে গেলে না। ইহা শুনিয়া তিনি রোদন করিতে লাগিলেন। পরে এক দিন জোর করিয়া দাদাকে তাঁহার বাটীতে লইয়া যান। বাচস্পতি মহাশয়ের নূতন বিবাহিতা পত্নীকে দেখিবামাত্র অগ্রজ রোদন করিতে লাগিলেন। বাচস্পতি মহাশয় তাঁহাকে অনেক উপদেশ দিয়া সান্ত্বনা করেন। ইহার কিছু দিন পরে বাচস্পতি মহাশয় পরলোকযাত্রা করেন। অগ্রজ শত্ননাথ বাচস্পতির দেশস্থ কোন লোক দেখিলেই তাহাকে প্রজ্ঞা ও ভক্তি করিতেন।

১৮৩৮ খৃষ্টাব্দে এই নিয়ম হইয়াছিল যে, স্মৃতি, শ্রায়, বেদান্ত এই তিন প্রধান শ্রেণীর ছাত্রদিগকে বাৎসরিক পরীক্ষার সময়ে সংস্কৃত গদ্য ও পদ্য রচনা করিতে হইবেক। বাহার রচনা সর্বাপেক্ষা ভাল হইবে, সে গদ্য রচনায় একশত টাকা ও কবিতা রচনায় একশত টাকা পারিতোষিক পাইবে। এক দিনেই উভয় প্রকার রচনার সময় নির্দ্ধারিত হয়। দশটা হইতে একটা পর্য্যন্ত গদ্য রচনা, একটা হইতে চারিটা পর্য্যন্ত কবিতা রচনার সময় ছিল। গদ্যপদ্য পরীক্ষার দিবসে দশটার সময়ে, সকল ছাত্র পরীক্ষাস্থলে উপস্থিত হইয়া লিখিতে আরম্ভ করিল। অলঙ্কার শাস্ত্রের অধ্যাপক প্রেমচন্দ্র তর্কবাগীশ মহাশয় অগ্রজকে পরীক্ষাস্থলে

অনুপস্থিত দেখিয়া, বিদ্যালয়ের তৎকালীন অধ্যক্ষ মার্শেল সাহেব মহোদয়কে বলিয়া অগ্রজকে বলপূর্বক তথায় লইয়া গিয়া এক স্থানে বসাইয়া দিলেন। তিনি বলিলেন, মহাশয়! আমার রচনা ভাল হইবে না, আমি লিখিতে পারিব না। তর্কবাগীশ মহাশয় অত্যন্ত রাগান্বিত হইয়া বলিলেন; যা পার লিখ, নচেৎ অধ্যক্ষ মার্শেল সাহেব রাগ করিবেন। অগ্রজ বলিলেন, কি লিখিব? তিনি বলিলেন, সতং হি নাম আরম্ভ করিয়া লিখ, তদনুসারে লিখিতে প্রবৃত্ত হইলেন। সত্য কথনের মহিমা গদ্য রচনার বিষয় ছিল। তিনি উক্ত বিষয় ধেরূপ লিখিয়াছিলেন, তাহা সর্কাপেক্ষা উৎকৃষ্ট হইয়াছিল। কিন্তু তিনি ভাবিয়াছিলেন যে, আমার লেখা বোধ হয় ভাল হয় নাই, কিন্তু পরীক্ষক মহাশয়েরা সকল ছাত্রের রচনা অপেক্ষা তাঁহার রচনাকে সর্বোৎকৃষ্ট স্থির করিয়াছিলেন, সুতরাং গদ্য রচনার পারিতোষিক ১০০ এক শত টাকা প্রাপ্ত হইলেন।

ইহার অব্যবহিত পরে পিতৃদেব মধ্যমাগ্রজের বিবাহবিধি সমাধা করেন; এতদুপলক্ষে পিতৃদেবের বিলক্ষণ খণ হইয়াছিল। বীরসিংহাঙ্গ ভবনের কিছুমাত্র ব্যয়ের লাভ করিতে পারিলেন না, সুতরাং অগত্যা কলিকাতা হু বাসার ব্যয়ের হ্রাস করেন। দুগ্ধ, মংগাদি কিছুকালের জন্য রহিত হয়। বৈকালে জল খাবার জন্য আধ পয়সার ছোলা আনিয়া ভিজান হইত, আধ পয়সার বাতাসা আসিত, ইহাই বৈকালে সকলের জলখাবার ব্যবস্থা ছিল। ঐ অর্দ্ধ ছোলার কিয়দংশ রাত্রে কুমড়ার ব্যঞ্জনের সহিত পাক হইত। ঐ সময় কষ্টের পরিসীমা ছিল না। প্রাতে ও রাত্রিতে কুমড়ার ডালনা ও ছোলা মিশ্রিত পোস্তভাজা ব্যঞ্জন হইত। তৎকালে এরূপ কষ্ট স্বীকার করিয়া স্বহস্তে পাকা দি সম্পন্ন করিয়া অগ্রজ ধেরূপ লেখা পড়া শিক্ষা করিয়াছিলেন, এক্ষণকার ছেলেরা ভাল দ্রব্য খাইয়া ও উত্তম বসন পরিধান করিয়াও সেরূপ স্বল্পপূর্বক লেখা পড়া শিক্ষা করে না।

এই বৎসর কার্তিক মাসে কলিকাতা বড়বাজারের বাবু জগদ্বল্লভ সিংহের ঘে বাটীতে বাসা ছিল, অগত্যা ঐ বাটী প্রায় ৩।৪ মাসের

জ্ঞান পরিত্যাগ করিতে হয়। ইহার কারণ এই যে, উক্ত সিংহ ভ্রমক্রমে চোরাই কোম্পানির কাগজ ক্রয় করিয়া রাজদ্বারে দণ্ডাই হন। তাঁহার বাটী কিছু দিনের জ্ঞান পুলিশকর্মচারী দ্বারা বেষ্টিত হয়। সুতরাং অগ্রজ মহাশয়ের সহিত আমরা দুই মাস কাল পাতুলগ্রাম নিবাসী গুরুপ্রসাদ মুখোপাধ্যায় পিসা মহাশয়ের বাসায় অবস্থিতি করিয়া কলেজে অধ্যয়ন করি। ঐ সময় অগ্রজ, কলেজের সকল ছাত্র অপেক্ষা পদ্যে অত্যন্ত কৃষ্ণ সংস্কৃত কবিতা রচনা করেন; শিক্ষা-সমাজ তজ্জ্ঞান ৫০ টাকা পুরস্কার প্রদান করেন। উপরি উক্ত জগদ্ব্যভিচার সিংহ মোকদ্দমা করিয়া ঋণগ্রস্ত হন, আমরা তাঁহার বাটীতে ভাড়া না দিয়া দীর্ঘকাল অবস্থিতি করিতাম। তিনি অত্যন্ত দূরবস্থা প্রযুক্ত তেতলায় যে গৃহে আমাদের বাসা ছিল, তাহা তনমুদাস নামক হিন্দুস্থানীকে ভাড়ায় বিলি করেন, ঐ ভাড়ার টাকায় ঐ সিংহের সংসার চলিতে লাগিল। সুতরাং আমাদেরকে ঐ বাটীর নিম্নগৃহে অগত্যা বাস করিতে হইল।

বড়বাজারের নিম্নতলস্থ গৃহ অত্যন্ত আর্দ্র, তাহাতে শয়ন করিয়া অগ্রজ মহাশয় বিষম রোগাক্রান্ত হইয়া অনেক কষ্ট ভোগ করেন। সর্বদা আমবাতের মত হইত, অনেক প্রতিকার দ্বারা প্রকৃতিস্থ হন। ঐ সময়ে অগ্রজ মহাশয় বেদান্তের শ্রেণী হইতে ত্রায়শাস্ত্রের শ্রেণীতে প্রবিষ্ট হন। তৎকালে নিমচাঁদ শিরোমণি মহাশয় কলেজের দর্শনশাস্ত্রের অধ্যাপকের পদে নিযুক্ত ছিলেন। সে সময়ে তিনি বঙ্গদেশের মধ্যে অদ্বিতীয় দর্শনশাস্ত্রবেত্তা ছিলেন। তাঁহার সহিত বিচারে সকল দর্শনবেত্তাদিগকে পরাস্ত হইতে হইয়াছিল। তাঁহার নিকট দাদা এক বৎসর ভাষাপরিচ্ছেদ, সিদ্ধান্তমুক্তাবলী, কুহুমাঞ্জলি, শব্দশক্তিপ্রকাশিকা প্রভৃতি প্রাচীন ত্রায়গ্রন্থ অধ্যয়ন করেন। দ্বিতীয় বার্ষিক পরীক্ষার সময় দর্শনশাস্ত্রে সকল ছাত্র অপেক্ষা সর্বোৎকৃষ্ট হন; একারণ দর্শনের প্রাইজ ১০০ টাকা; এবং সংস্কৃত কবিতারচনার বিষয় ছিল, তাহা তিনি সর্বোপেক্ষা ভাল লিখিয়াছিলেন, তজ্জ্ঞান তাহাতে ১০০ টাকা পুরস্কার প্রাপ্ত হন।

নিমচাঁদ শিরোমণি মহাশয়, ঐ সময় ইহ জগৎ পরিত্যাগ করেন। ইহার মৃত্যুতে অগ্রজ কিছু দিন দুর্ভাবনায় মগ্ন হইয়াছিলেন।

কয়েক মাস সর্বানন্দ স্মারবাগীশ দর্শনশ্রেণীর ছাত্রগণকে শিক্ষা দেন। কিন্তু তিনি স্মার পড়াইতে ভালরূপ পারিতেন না। অগ্রজ উদ্যোগী হইয়া অধ্যক্ষ মার্শেল সাহেব মহোদয়ের নিকট আবেদন করেন। তজ্জন্য বিদ্যালয়ের সেক্রেটারি সাহেবের আদেশ হয় যে, কর্মপ্রার্থী দর্শনশাস্ত্র-বেত্তা পণ্ডিতগণ আবেদন করুন। পরীক্ষায় যিনি সর্বশ্রেষ্ঠ হইবেন, তিনিই দর্শনশ্রেণীর অধ্যাপক হইবেন। নানাস্থানের পণ্ডিতগণ এই পদ প্রার্থনায় দরখাস্ত করেন। কিন্তু জয়নারায়ণ তর্কপঞ্চানন প্রথমতঃ আবেদন করেন নাই। বিদ্যাসাগর মহাশয় শালিকায় কয়েকবার তর্কপঞ্চাননের টোলে বাইয়া, তাঁহার স্বাক্ষর করাইয়া আবেদনপত্র স্বয়ং অধ্যক্ষ সাহেবের হস্তে অর্পণ করেন। তর্কপঞ্চানন মহাশয়ের প্রতি তাঁহার আন্তরিক শ্রদ্ধা ও ভক্তি ছিল। বিশেষতঃ যৎকালে অলঙ্কার ক্লাশে অধ্যয়ন করেন, ঐ সময়ে তাঁহার সহিত তারানাথ তর্কবাচস্পতি মহাশয়ের বাসায় শাস্ত্রালাপ হইয়া পরস্পরের প্রতি হৃদয়তা জন্মিয়াছিল। আর যে বৎসর তিনি ল কমিটির পরীক্ষা দেন, সেই বৎসর তর্কপঞ্চানন মহাশয়ও ঐ পরীক্ষা দিয়াছিলেন। পরীক্ষায় কর্মপ্রার্থী সকল দর্শনশাস্ত্রবেত্তা অপেক্ষা জয়নারায়ণ তর্কপঞ্চানন মহাশয় উৎকৃষ্ট হইয়াছিলেন। তজ্জন্য পরীক্ষক মহাশয়েরা জয়নারায়ণ তর্কপঞ্চাননকে কলেজের দর্শনশাস্ত্রের যোগ্য অধ্যাপক স্থির করিয়াছিলেন। কর্তৃপক্ষরা তাঁহাকে ঐ পদে নিযুক্ত করিলেন। অগ্রজ ইহার নিকট ৩ বৎসর, আর নিমটান্দ শিরোমণির নিকট ১ বৎসর এই ৪ বৎসর রীতিমত পরিশ্রম করিয়া প্রায় সমগ্র দর্শনশাস্ত্র অধ্যয়ন করেন। ইহাতে অন্যান্য পণ্ডিতগণ অবাক হইয়াছিলেন যে, অপরে ১০।১২ বৎসরে যে শাস্ত্র শেষ করিতে পারে না, ঈশ্বর এত স্বল্প সময়ের মধ্যে কেমন করিয়া শেষ করিল।

যৎকালে দর্শন শ্রেণীতে অধ্যয়ন করেন, তখন দেশে বাইলে অনেকের সহিত বিচার হইত, সকলেই তাঁহার সহিত বিচারে সন্তুষ্ট হইয়া তাঁহাকে আশীর্বাদ করিতেন। একদা বীরসিংহ গ্রামের কৃষ্ণচন্দ্র বিশ্বাস সমারোহপূর্বক মাতৃশ্রদ্ধ করেন, তিনি দাদার

নিকট শ্রাদ্ধে ভট্টাচার্য্য নিমন্ত্রণ জন্য সংস্কৃত কবিতা প্রস্তুত করাইয়া লয়েন, শ্রাদ্ধের দিন নানাহান হইতে পণ্ডিতমণ্ডলী আসিয়াছিলেন। কে এরূপ কবিতা রচনা করিয়াছেন জানিবার জন্য পণ্ডিতগণ ব্যগ্র হইলেন। পরে অগ্রজকে ঐ কবিতা-রচয়িতা জানিয়া সকলে তাঁহার সহিত বিচারে প্রবৃত্ত হইয়া পরাস্ত হন। অবশেষে কুরাণ গ্রামনিবাসী সুবিখ্যাত দর্শনশাস্ত্রবেত্তা রামমোহন তর্কসিদ্ধান্তের সহিত প্রাচীন ন্যায়শাস্ত্রের বিচার হয়, বিচারে তর্কসিদ্ধান্ত মহাশয়ের পরাজয় হয় ইহা শুনিয়া, পিতৃদেব তর্কসিদ্ধান্তের পদরজঃ লইয়া দাদার মস্তকে দেন। পিতৃদেব অনেক স্তবস্ততি করিয়া তর্কসিদ্ধান্তকে সান্ত্বনা করেন, তর্কসিদ্ধান্ত মহাশয় বিচারে পরাজিত হইয়া, পিতৃদেবকে বলেন যে, "তোমার পুত্র ঈশ্বর ষেরূপ কাব্য, অলঙ্কার, স্মৃতি ও ন্যায়শাস্ত্র শিক্ষা করিয়াছে, এরূপ বঙ্গদেশের মধ্যে কেহই শিক্ষা করিতে পারেন না; উত্তরকালেও যে, অপর কেহ শিক্ষা করিতে পারিবেন, এরূপ আশা করা যাইতে পারে না। ঈশ্বরের প্রতি সরস্বতীর কৃপাদৃষ্টি হইয়াছে, নচেৎ এই অল্প বয়সে এত শাস্ত্র কেমন করিয়া শিক্ষা করিয়াছে।" কোন কোন পণ্ডিত সর্বসমক্ষে ব্যক্ত করিলেন যে, ঈশ্বরের পিতামহ বহুকাল তীর্থক্ষেত্রে তপস্বী করিতেছিলেন, স্বপ্ন দেখিয়া দেশে আসিয়া ঈশ্বর ভূমিষ্ঠ হইবামাত্র জিজ্ঞাস্য কি মন্ত্র লিখিয়া দিয়াছিলেন, তজ্জন্য দৈবশক্তিবলে সমস্ত শাস্ত্রে পারদর্শী হইয়াছে। কোন কোন পণ্ডিত বলিতেন যে, ঈশ্বরের মাতামহ শবসাধন করেন, তাঁহার আশীর্বাদ প্রভাবেই এত অল্প বয়সে এরূপ পণ্ডিত হইয়াছে।

ষৎকালে অগ্রজ ন্যায়শাস্ত্রের শ্রেণীতে অধ্যয়ন করেন, তৎকালে ব্যাকরণের দ্বিতীয় শ্রেণীর অধ্যাপক হরিপ্রসাদ তর্কপঞ্চানন গীড়িত হইয়াছিলেন। কলেজের অধ্যক্ষ মহাশয় দাদাকে উপযুক্ত পণ্ডিত বিলক্ষণ রূপে অবগত হইয়া, ২ মাসের জন্ত অগ্রজকে প্রতিনিধি পদে নিযুক্ত করেন। তিনি প্রতিনিধি পদে নিযুক্ত থাকিয়া ৪০ টাকা প্রাপ্ত হন, সেই টাকা পিতৃদেবের হস্তে অর্পণ করিয়া বলেন, এই টাকায় পিতৃকৃত্য সম্পাদনার্থে গয়াধাম প্রভৃতি তীর্থপর্যটনে যাত্রা করুন।

ছেলেমানুষ পিতাকে তীর্থক্ষেত্র যাইতে উপদেশ দিতেছেন, এই কথায় আত্মীয় বন্ধুবান্ধব সকলেই পরম আত্মদিত হইলেন ।

পিতৃদেব তৎকালে কলিকাতা ঘোড়শালা কো নিবাসী বাবু রামসুন্দর মল্লিকের আফিসে চাকরি করিতেন, রামসুন্দর মল্লিক অতি ধার্মিক লোক ছিলেন, তথাপি তিনি পিতৃদেবকে ঐ সময় তীর্থ পর্য্যটনে যাইতে নিষেধ করেন, সেই জন্ত পিতা তাঁহার অবোধ হইয়া যাইতে সাহস করেন না, এজন্য দাদা বাবু রামসুন্দর মল্লিকের বাটী যাইয়া, যাহাতে পিতা গয়া যাইতে পারেন, রামসুন্দর বাবুকে এরূপ ধর্মবিষয়ক উপদেশ প্রদান করেন । বুদ্ধ রামসুন্দর বাবু ছেলেমানুষের প্রমুখ্যৎ নানাপ্রকার হিতগর্ত উপদেশ শুনিয়া পরম আত্মদিত হন, এবং পিতৃদেবের গয়াযাত্রার বিষয়ে আর নিবারণ করিতে পারিলেন না । তখন রেলের পথ হয় নাই । পিতৃদেব পদব্রজেই প্রস্থান করেন ।

ঐ সময় মার্শেল সাহেব সংস্কৃত কলেজের সেক্রেটারির পদ পরিত্যাগ করিলেন । ঐ পদে কলিকাতার ছোট আদালতের জজ বাবু রসময় দত্ত মহাশয় নিযুক্ত হইলেন । তৎকালে ইঁহার তুল্য বাঙ্গালীর মধ্যে আর কাহারও অধিক বেতন ছিল না । দত্ত বাবু যদিও সংস্কৃত ভাষায় অনভিজ্ঞ, তথাপি রাজকীয় ব্যক্তিগণ ইঁহার হস্তেই সংস্কৃত বিদ্যালয়ের গুরুতর ভার ন্যস্ত করিয়াছিলেন । মধুসূদন তর্কালঙ্কার ইঁহার আসিষ্ট্যান্ট সেক্রেটারি ছিলেন । কলেজের তৃতীয় বার্ষিক পরীক্ষার সময় দত্ত মহাশয় অগ্নীধু রাজার তপস্তা সংক্রান্ত কতিপয় কথা লিখিয়া পরীক্ষার্থী ছাত্রগণকে বলিয়া দেন, এই বিষয়ের শ্লোক রচনা কর । অগ্রজের উক্ত বিষয়ের রচনা উদ্ধৃত করিলাম না । যে হেতু তাঁহার সংস্কৃত রচনা নামক পুস্তকে সমস্ত মুদ্রিত হইয়াছে ।

ঐ সময়ে কলেজে নিম্ন শ্রেণীর বালকগণকে একঘণ্টা কাল ভূগোল ও অঙ্ক শিক্ষা দেওয়া হইত, আর উচ্চ শ্রেণীর ছাত্রগণকেও একঘণ্টা কাল আইন শিক্ষা দেওয়া হইত । শিক্ষা দিবার জন্ত বাবু নবগোপাল চক্রবর্তী মহাশয় নিযুক্ত হইয়াছিলেন । দাদা তৃতীয় বার্ষিক পরীক্ষায় দর্শন শাস্ত্রে সর্বপ্রধান হইয়াছিলেন, তজ্জন্তু গ্রায়ে ১০০ টাকা, কবিতা রচনায় ১০০

টাকা, ক্লাশের মধ্যে হস্তাক্ষর সর্বোৎকৃষ্ট হইয়াছিল একারণ লেখার পুরস্কার ৮ টাকা, আইনের পরীক্ষায় সর্বপ্রধান হইয়াছিলেন তজ্জন্ম পাঁচিশ টাকা একুনে ২৩৩ টাকা পারিতোষিক পাইয়াছিলেন। পরে পিতৃদেব তীর্থপর্যটন করিয়া জলপথে কলিকাতায় সমুপস্থিত হইলেন। পিতৃদেব মহাশয় পুরস্কারের সমস্ত টাকা পাইয়া পরম আত্মাদিত হইলেন।

কাব্যশাস্ত্রের অধ্যাপক জয়গোপাল তর্কালঙ্কার মহাশয় তায় ও শ্রুতির ক্লাশের ছাত্রদিগকে মধ্যে মধ্যে কবিতা রচনা করিতে দিতেন। অনেকেই তাঁহার সমক্ষে বসিয়া কবিতা রচনা করিতেন, অগ্রজ মহাশয় তদনুসারে কবিতা রচনায় কদাচ প্রবৃত্ত হইতেন না। বার্ষিক পরীক্ষায় রচনার পারিতোষিক পাইবার পর, জয়গোপাল তর্কালঙ্কার বলিলেন, আর আমি তোমার কোন ওজর শুনিব না। অদ্য তোমায় কবিতা রচনা করিতেই হইবেক। এই বলিয়া, তিনি পীড়াপীড়ি করাতে নিতান্ত অনিচ্ছাপূর্বক কবিতা রচনায় প্রবৃত্ত হইলেন।

গোপালায় নমোহস্ত মে, এই চতুর্থ চরণ নির্দিষ্ট করিয়া তর্কালঙ্কার মহাশয় সকলকে শ্লোক রচনায় নিযুক্ত করিলেন। দাদা পরিহাস করিয়া জিজ্ঞাসা করিলেন, মহাশয় ! কোন গোপালের বিষয় বর্ণনা করিব। এক গোপাল আমাদের সম্মুখে উপস্থিত রহিয়াছেন ; আর এক গোপাল বহু কাল পূর্বে বৃন্দাবনে লীলা করিয়া অন্তর্হিত হইয়াছেন। এ উভয়ের মধ্যে কাহার বর্ণনা আপনকার অভিপ্রেত, স্পষ্ট করিয়া বলুন। পূজ্যপাদ তর্কালঙ্কার মহাশয় অগ্রজ মহাশয়ের এই কৌতুককর জিজ্ঞাসা বাক্য শ্রবণ করিয়া, বলিলেন, বৃন্দাবনের গোপালের বর্ণনা কর, অগ্রজ ঐ বিষয়ে পাঁচটি শ্লোক লিখিয়াছিলেন। জয়গোপাল তর্কালঙ্কার শ্লোক পাঁচটি দেখিয়া পরম আত্মাদিত হইলেন। সেই পাঁচটি শ্লোক এই—

“যশোদানন্দকন্দায় নীলোৎপলদলগ্রিয়ে ।

নন্দগোপালবালায় গোপালায় নমোহস্ত মে ॥ ১

ধেহুরক্ষণদক্ষায় কালিন্দীকূলচারিণে ।

বেণুবাদনশীলায় গোপালায় নমোহস্ত মে ॥ ২

ধৃতপীতহুকূলায় বনমালাবিলাসিনে ।

গোপস্ত্রীপ্রেমলোলায় গোপালায় নমোহস্ত মে ॥ ৩

বুদ্ধিবংশবতংশায় কংসধ্বংসবিধায়িনে ।

দৈতেয়কুলকালায় গোপালায় নমোহস্ত মে ॥ ৪

নবনীতৈকচৌরায় চতুর্বর্গৈকদায়িনে ।

জগদাণ্ডকুলাশায় গোপালায় নমোহস্ত মে ॥ ৫

অগ্রজ চারি বৎসর দর্শনশাস্ত্রের শ্রেণীতে অধ্যয়ন করিয়া ষড়দর্শনে বিশেষ ব্যুৎপত্তি লাভ করিয়াছিলেন। জয়নারায়ণ তর্কপঞ্চানন মহাশয় মধ্যে মধ্যে বলিতেন, ঈশ্বরের ত্রায় বুদ্ধিমান আমার দৃষ্টিগোচর হয় নাই। ইহাকে পড়াইবার জন্য দর্শনশাস্ত্রে আমার বিশেষরূপ দৃষ্টি রাখিতে হইয়াছিল। সুতরাং দর্শনে যে আমার বিশেষরূপ অধিকার জন্মিয়াছিল তাহার সন্দেহ নাই। পড়াইবার সময় এরূপ বোধ হইত যেন কত কাল পূর্বে বিদ্যাসাগরের ঐ সকল শাস্ত্রে বিশিষ্টরূপ অধিকার ছিল। নচেৎ চারি বৎসরের মধ্যে দর্শনশাস্ত্রে এরূপ কাহারও অধিকার হইতে পারে না।

ঐ সময় বড়বাজারের বাবু জগদ্বল্লভ সিংহের যে বাটীতে আমাদের বাসা ছিল, তাঁহার অবস্থার অত্যন্ত ধর্মতা প্রযুক্ত ঐ বাটীর সদরের সমস্ত গৃহ তনমুকদাস হিন্দুস্থানীকে ভাড়া বিলি করা হইয়াছিল। অন্তঃপুরস্থ নিম্ন গৃহে সিংহবাবু আমাদের বাসা অবধারিত করিয়া দেন। নিম্ন গৃহে অবস্থিতি প্রযুক্ত অগ্রজ মহাশয় পীড়িত হইলেন। চিকিৎসকগণ পিতৃদেবকে বলিলেন, কলিকাতায় নিম্নগৃহে বিশেষতঃ বড়বাজারে, অবস্থিতি করা রোগীর পক্ষে কদাপি উচিত হয় না। নিম্ন গৃহে শয়ন প্রযুক্ত বিদ্যাসাগর মহাশয় ইতঃপূর্বে একবার বিষম রোগাক্রান্ত হইয়াছিলেন। অনেক কষ্টে আরোগ্যলাভ করেন। তথাপি আপনারা ওরূপ গৃহ পরিত্যাগ করেন না। ওরূপ গৃহে শয়ন করিলে নিশ্চয়ই মৃত্যুমুখে নিপতিত হইবেন। রাত্রিতে সমস্ত শয্যা যেমন জলসিক্ত বোধ হইয়া থাকে; অতএব যত শীঘ্র পারেন, এই গৃহ পরিত্যাগ করুন। ইত্যাদি নানা কারণে বড়বাজারের বাসা পরিত্যাগ পূর্বক বহুবাজারের পঞ্চাননতলায় আনন্দচন্দ্র সেনের বাটীতে বাসা স্থির

হইল। সেই বাটীর মধ্যে স্বতন্ত্র গৃহে দেশস্থ বিশ্বস্তর ঘোষ ও যশোদানন্দন ঘোষ প্রভৃতি অবস্থিতি করিতেন। দেশস্থ লোক সহ একত্র এক বাটীতে অবস্থিতি করায় বিশেষ সুবিধা বোধ হইয়াছিল।

ইহার কিয়দ্দিবস পরে, আশ্বিন মাসে, অগ্রজ মহাশয় অসুস্থতা নিবন্ধন দেশে প্রস্থান করেন। মধুসূদন তর্কালঙ্কার সংস্কৃত কলেজের এসিষ্টাণ্ট সেক্রেটারি ও ফোর্ট উইলিয়ম কলেজের শেরেস্তাদার পণ্ডিত অর্থাৎ প্রধান পণ্ডিতের পদে নিযুক্ত ছিলেন। কার্তিক মাসে তর্কালঙ্কারের মৃত্যু হইল। ফোর্ট উইলিয়ম কলেজের ঐ পদ প্রাপ্ত্যভিলাষে অনেক ইং মার্শেল সাহেবের নিকট আবেদন করিতে লাগিলেন। বহুবাজারের মলঙ্গা নিবাসী বাবু কালিদাস দত্ত মহাশয়, অপর এক পণ্ডিতকে ঐ পদ দেওয়াইবার আশয়ে মার্শেল সাহেবকে অনুরোধ করিতে যান। সাহেব বলেন, সংস্কৃত কলেজের এক ছাত্র, তাহার নাম ঈশ্বরচন্দ্র, তাঁহাকে এই কৰ্ম্ম দিবার মানস করিয়াছি। আমি বৎকালে সংস্কৃত কলেজের অধ্যক্ষতা কার্যে নিযুক্ত ছিলাম, সেই সময় হইতে বিশিষ্টরূপ অবগত আছি যে, ঈশ্বর অত্যন্ত বুদ্ধিমান ও সংস্কৃত ভাষায় বিশেষরূপ ব্যুৎপত্তি লাভ করিয়াছেন। সাহেবের প্রমুখ্যৎ ইহা শ্রবণ করিয়া কালিদাস বাবু বলেন, তিনি আমার আত্মীয় লোক, তিনি এ পদ পাইলে আমি পরম আনন্দিত হইব। ইহা বলিয়া কালিদাস বাবু প্রস্থান করেন। অনন্তর, মার্শেল সাহেব জয়নারায়ণ তর্কপঞ্চাননকে ডাকাইয়া বলেন, তোমার ক্রাসের ছাত্র ঈশ্বর কোথায়। আমি তাহাকে ফোর্ট উইলিয়ম কলেজের প্রধান পণ্ডিতের কৰ্ম্ম দিব মানস করিয়াছি। কিন্তু ঈশ্বর নিতান্ত ছেলে মানুষ। গবর্ণমেন্ট ছেলে মানুষ দেখিলে এ পদ তাহাকে দেন কি না সন্দেহ। ইহা শুনিয়া তর্কপঞ্চানন মহাশয় বলেন ঈশ্বর ২২ বৎসর বয়সে সংস্কৃত কলেজের ল কমিটির পরীক্ষায় উত্তীর্ণ হইবার পর, এক বৎসর বেদান্ত শাস্ত্রের শ্রেণীতে অধ্যয়ন করেন, তৎপরে দর্শন শ্রেণীতে প্রায় ৪ বৎসর সমগ্র দর্শনশাস্ত্র অধ্যয়ন করিয়াছেন। অতএব ঈশ্বরের বয়স এক্ষণে ২৭ বৎসর অতীত হইয়াছে। সুতরাং সাহেব আর কম বয়সের আপত্তি করিতে পারেন নাই।

নচেৎ কম বয়সে এ পদ পাইবার কোন আশা ছিল না। সাহেব ৪৭-কালে সংস্কৃত কলেজের অধ্যক্ষতার পদে নিযুক্ত ছিলেন, সেই সময় হইতে অগ্রজের প্রতি তাঁহার বিশেষ লক্ষ্য ছিল। তজ্জন্ত তিনি বহুবাজার মল্লিকা নিবাসী বাবু রাজেন্দ্র দত্ত মহাশয় দ্বারা আমাদের বাসায় ঐ সম্বাদ পাঠাইয়াছিলেন। ঐ সময়ে অগ্রজ দেশে অবস্থিতি করিতেছিলেন। পিতৃদেব রাজেন্দ্র বাবুর প্রমুখ্যৎ এ সম্বাদ প্রাপ্তি মাত্রেই দেশে গমন পূর্বক অগ্রজকে সমভিব্যাহারে করিয়া কলিকাতায় পঁহুছিলেন। পরদিন ফোর্ট উইলিয়ম কলেজের প্রধান পণ্ডিতের পদপ্রাপ্ত্যভিলাষে আবেদন পত্র মার্শেল সাহেবের নিকট প্রেরিত হয় ও গবর্ণমেন্ট মার্শেল সাহেবের রিপোর্টে সম্মতি দান করেন।

চাকরি।

ইং ১৮৪১ খৃঃ অব্দে ডিসেম্বর মাসে অগ্রজ মহাশয় ফোর্ট উইলিয়ম কলেজের প্রধান পণ্ডিতের পদে মাসিক ৫০ টাকা বেতনে নিযুক্ত হইলেন। সিবিలిয়ানগণ বিলাত হইতে কলিকাতায় আসিয়া, প্রথমতঃ ফোর্ট উইলিয়ম কলেজে বাঙ্গালা, হিন্দী প্রভৃতি শিক্ষা করিয়া পরীক্ষোত্তীর্ণ হইলে জেলায় জেলায় বিচার কার্যে নিযুক্ত হইতেন। যিনি পরীক্ষায় উত্তীর্ণ হইতে না পারিতেন, তিনি পুনর্বার পরীক্ষা দিতেন, তাহাতেও উত্তীর্ণ হইতে না পারিলে স্বদেশে অর্থাৎ বিলাত ফিরিয়া যাইতে হইত। সিবিలిয়ানদের মাসিক পরীক্ষার কাগজ অগ্রজকে সংশোধন করিতে হইত। অধ্যক্ষ মার্শেল সাহেব যখন সংস্কৃত কলেজের অধ্যক্ষ ছিলেন, ঐ সময়ে দাদাকে অসাধারণ ধীশক্তি-সম্পন্ন এবং ব্যাকরণ, কাব্য ও অলঙ্কার শাস্ত্র প্রভৃতি গ্রন্থে অদ্বিতীয় পণ্ডিত বলিয়া বিশিষ্টরূপ পরিচয় পাইয়াছিলেন; তজ্জন্ত অগ্রজের নিকট মুক্খোবোধ ব্যাকরণ, রঘুবংশ, কুমারসম্ভব, শকুন্তলা, উত্তরচরিত, বিক্রমোর্কশী প্রভৃতি সংস্কৃত গ্রন্থ সকল অধ্যয়ন করিতে প্রবৃত্ত হন।

তৎকালে অগ্রজ সামান্য রূপ ইংরাজী জানিতেন। একারণ মার্শেল সাহেব বলেন, ঈশ্বরচন্দ্র ! তোমাকে রীতিমত ইংরাজী ও হিন্দীভাষা শিখিতে হইবে। যেহেতু মাসে মাসে সিভিলিয়ান বিদ্যার্থী ছাত্রদের পরীক্ষার কাগজ দেখিয়া দোষ গুণ বিবেচনা করিতে হইবে। সুতরাং বিদ্যাসাগর কয়েক মাস প্রাতে ৯টা পর্য্যন্ত এক হিন্দুস্থানী পণ্ডিতকে মাসিক ১০ টাকা বেতন দিয়া হিন্দীভাষা শিক্ষা করেন। তাহাতে হিন্দী পরীক্ষার কার্য্য তাঁহার দ্বারা সুচারুরূপে নির্বাহ হইতে লাগিল।

তৎকালে তালতলা নিবাসী বাবু দুর্গাচরণ বন্দ্যোপাধ্যায় মহাশয় হেয়ার সাহেবের স্কুলের দ্বিতীয় মাষ্টার ছিলেন। তিনি সর্ব্বদা বৈকালে ২।৩ ঘণ্টা আমাদের বাসায় অবস্থিতি করিয়া নানা বিষয়ে তর্ক বিতর্ক ও হিতগর্ত্ত গল্প করিতেন, ঐ সময় দুর্গাচরণ বাবুর মত সুবিজ্ঞ লোক অতি বিরল ছিল। তিনি অগ্রজের পরম বন্ধু ছিলেন। প্রথমতঃ দুর্গাচরণ বাবুই স্বয়ং দাদাকে ইংরাজী ভাষা শিখাইতে প্রবৃত্ত হইলেন। কিছু দিন পরে তাঁহার ছাত্র বাবু নীলমাধব মুখোপাধ্যায়ের উপর ইংরাজী পড়াইবার ভারার্পণ করেন। নীলমাধব বাবু সামান্য দিন শিক্ষা দেন। অনন্তর তৎকালীন হিন্দুকলেজের ছাত্র বাবু রাজনারায়ণ গুপ্তকে মাসিক ১৫ টাকা বেতন দিয়া অগ্রজ প্রত্যহ প্রাতঃকাল হইতে বেলা নয়টা পর্য্যন্ত ইংরাজী ভাষা অধ্যয়ন করিতেন। এইরূপে কিছু দিন অতীত হইলে সিভিলিয়ানগণের পরীক্ষার কাগজ দেখিতে যেরূপ ইংরাজী ভাষা অবগত হওয়া আবশ্যক সেইরূপ শিক্ষা হইল।

পিতৃদেব তৎকাল পর্য্যন্ত সামান্য বেতনের কর্ম্ম করিতেন। অগ্রজ মহাশয় অনেক অনুন্নয় ও বিনয় করিয়া পিতৃদেবকে কর্ম্ম হইতে অবসর লইয়া দেশে অবস্থিতি করিবার জন্ত অনুরোধ করেন। কিন্তু, পিতৃদেব কর্ম্ম ত্যাগ করিয়া পুত্রের অধীনে সংসারের ও অপর পুত্রগণের লেখা পড়ার ব্যয় নির্বাহ করার অনিচ্ছা প্রকাশ করিলেন। অনেক বাদানুবাদের পর জ্যেষ্ঠাগ্রজের সবিশেষ অনুরোধে পড়িয়া সম্মত হইলেন। কর্ম্ম পরিত্যাগ সময়ে তাঁহার মনিব পিতৃদেবকে উপদেশ দেন যে, ছেলে মানুষের কথায় উপস্থিত কর্ম্ম ত্যাগ করা বিধেয় নহে, পরাধীন

হওয়া উচিত নয়। যখন অসমর্থ হইবে, তখন ঐ ছেলে উচ্ছৃঙ্খল হইয়া যদি তোমার সাহায্য না করে, তখন কি পুনরায় চাকরি করিতে আসিবে? পিতৃদেব তাঁহাকে বলেন যে, আমার পুত্র সাক্ষাৎ যুধিষ্ঠিরের মত ধর্ম্মশীল এবং আমায় দেবতুল্য জ্ঞানে ভক্তি ও শ্রদ্ধা করিয়া থাকে। তাহার কথা অবহেলন করিতে পারিব না। যদি তাহাকে অর্থাত্মিক ও দুঃচরিত্র জানিতাম, তাহা হইলে কখনই কর্ম্ম ত্যাগ করিতাম না। তদবধি মাসিক ব্যয় নির্বাহার্থ, অগ্রজ পিতৃদেবকে প্রতি মাসের প্রথমেই ২০ টাকা প্রেরণ করিতেন। অবশিষ্ট ৩০ টাকায় কথঞ্চিৎ বাসার ব্যয় নির্বাহ করিতেন। তৎকালে বাসায় আমরা তিন সহোদর, দুই জন পিতৃব্যপুত্র, পিতৃস্বসেয় দুই জন, মাতৃস্বসেয় এক জন, পৈত্রিক অনুগত ভৃত্য শ্রীরাম নাপিত, এই নয় জন বাসায় অবস্থিতি করিতাম। বাসায় পাচক ব্রাহ্মণ ছিল না, সকলকেই পর্যায়ক্রমে পাকাদি কার্য্য সম্পন্ন করিতে হইত। অগ্রজও পর্যায়ক্রমে পাকাদি কার্য্য নির্বাহ করিতেন। যে বাটীতে বাসা ছিল তাহাতে সকলের সম্পত্তি না হওয়ায় বাবু রাজকৃষ্ণ বন্দ্যোপাধ্যায় মহাশয়-দের পকাননতলাস্থ বৈঠকখানা বাটীতে বাসা হইল।

ঐ বৎসর ভাদ্র মাসে মার্শেল সাহেব সংস্কৃত কলেজের জুনিয়র ও সিনিয়র ডিপার্টমেন্টের এস্কলারশিপের পরীক্ষক নিযুক্ত হন। এই বৎসর হইতে এই নূতন পরীক্ষায় নূতন প্রথা এডুকেসন কোউনসেল হইতে আদর্শ হয়। সাহেব স্বয়ং সংস্কৃত ভাষা ভালরূপে জানিতেন না, সুতরাং তাঁহার পণ্ডিত বিদ্যাসাগর মহাশয়কেই সমস্ত প্রশ্ন প্রস্তুত করিতে হইত। কাব্য ও অলঙ্কারের ক্লাশ জুনিয়র; ঐ দুই ক্লাসের জন্ত, কাব্যের ও বাঙ্গালা হইতে সংস্কৃত সংস্কৃত হইতে বাঙ্গালা অনুবাদের, এবং ব্যাকরণের ও শীলাবতীর প্রশ্ন প্রস্তুত করেন। সিনিয়র ক্লাশের জন্ত দর্শন, বেদান্ত, স্মৃতি, সংস্কৃত গদ্য ও পদ্য রচনা, বীজগণিতের অঙ্ক প্রভৃতির প্রশ্ন প্রস্তুত করিয়া গোপনে মুদ্রিত করান, আর কোন কোন বিষয়ের প্রশ্ন স্বহস্তে লিখিয়া দেন। পরীক্ষার কার্য্যপ্রণালী দেখিয়া সকলেই মার্শেল সাহেব ও অগ্রজের ভূয়সী প্রশংসা করিয়াছিলেন।

ইহার পূর্ববৎসর উপযুক্ত পরীক্ষকের অভাবে সকলই অসম্মত প্রাপ্ত হইয়াছিল। তজ্জন্ত কোন ছাত্রেই এস্কলারশিপ প্রাপ্ত হন নাই।

ফোর্ট উইলিয়ম কলেজে নিযুক্ত হইবার পর ইংরাজী ভাষাতে কৃতবিদ্য অনেক লোক অর্থাৎ বাবু শ্যামাচরণ সরকার, বাবু রামরতন মুখোপাধ্যায় প্রভৃতি অগ্রজের নিকট সংস্কৃত অধ্যয়ন মানসে বাসায় আসিতেন। তৎকালে উপক্রমণিকা ব্যাকরণের সৃষ্টি হয় নাই, সংস্কৃত ভাষা শিখিতে হইলে অগ্রে মুক্তবোধ বা অন্য কোন ব্যাকরণ পড়িতে হইত, স্তুরাং অগ্রে মুক্তবোধ ব্যাকরণ পড়াইতেন। ব্যাকরণ শিখাবার এমন কৌশল জানিতেন যে, একবৎসরের মধ্যেই অনেকে ব্যাকরণ সমাপ্ত করিয়া কাব্য অধ্যয়ন করিতে সক্ষম হইতেন। এ কারণ ক্রমশঃ, প্রাতে ও সায়াং কালে অনেক বিষয়ী লোক সংস্কৃত শিখিবার মানসে আমাদের বাসায় উপস্থিত হইয়া প্রত্যহ সংস্কৃত শিক্ষা করিতে প্রবৃত্ত হন। ক্রমশঃ বাসায় ছাত্রসংখ্যা বৃদ্ধি হইতে লাগিল। নিজে ইংরাজী পড়া করিতেন, তথাপি অপর যে সকল লোক সংস্কৃত শিক্ষা করিতে আসিতেন, তাহাদের প্রতি কখনও ক্ষণকালের জন্তও বিরক্তিভাব প্রকাশ করিতেন না। তিনি বাল্যকাল হইতে জ্ঞানদান কার্যে কখন পরাড্রুথ ছিলেন না। যে সকল লোক সর্বদা বাসায় আসিতেন, তাঁহারা পরস্পর মনে করিতেন যে, বিদ্যাসাগরের আমরাই পরম বন্ধু ও আত্মীয়। কিন্তু আমরা দেখিতাম, কি আত্মীয় কি শত্রু তিনি সকলের প্রতি সমভাব প্রকাশ করিতেন।

ফোর্ট উইলিয়ম কলেজে নিযুক্ত হইবার অব্যবহিত পরে, তত্ত্ববোধিনী সভার বিখ্যাত লেখক বাবু অক্ষয় কুমার দত্ত প্রত্যহ সন্ধ্যার পর উক্ত সভায় যে সকল প্রবন্ধ প্রচার হইবে তাহা অগ্রজ মহাশয়ের নিকট পাঠ করিয়া শুনাইতেন। এবং অগ্রজ মহাশয়ের অভিপ্রায় অনুসারে অনেক স্থল পরিবর্তিত ও পরিত্যক্ত হইত। তাঁহার রচিত বাহ্য বস্তুর সহিত মানবপ্রকৃতির সম্বন্ধ বিচার নামক পুস্তক ষৎকালে ইংরাজী হইতে বঙ্গভাষায় অনুবাদিত হয়, তৎকালে তিনি, ঐ পুস্তক আদ্যোপান্ত অগ্রজ মহাশয়ের নিকট ঐরূপ দেখাইয়া লইয়াছিলেন, এবং যে সকল

হুসুহ শব্দ বাঙ্গালায় লিখিতে অক্ষম হইয়াছিলেন, তাহা নূতন প্রণালীতে তাঁহার দ্বারা রচনা করাইয়া লইয়াছিলেন। ফলতঃ বাহু বস্তুর সহিত মানব প্রকৃতির সম্বন্ধ বিচার পুস্তক যে সকলের আদরের বস্তু হইয়াছে তাহা বিদ্যাসাগর মহাশয়ের সংশোধন প্রণালীর ফল, সকলেই মুক্তকণ্ঠে ইহা স্বীকার করেন। তিনি আদ্যোপান্ত সংশোধন করিয়া না দিলে অক্ষয় বাবুর ঐ পুস্তক সহজে সাধারণের বোধগম্য হইত না। এতদ্ব্যতীত অক্ষয় বাবুর অন্ত্যান্ত কয়েক খানি পুস্তকও তিনি দেখিয়া দিয়া ছিলেন। অগ্রজ মহাশয় সর্বত্রই মহাভারতের বাঙ্গালা অনুবাদ তত্ত্ববোধিনীতে প্রকাশ করেন। তৎকালে তত্ত্ববোধিনীর সভ্যগণের অনু-রোধবশবর্তী হইয়া তথাকার তত্ত্বাবধায়ক হইয়াছিলেন। কিন্তু কিছু দিন পরেই কোন বিশেষ কারণে তত্ত্ববোধিনীর সংস্রব এক বারে পরিত্যাগ করেন।

আমাদের তৎকালীন বাসার সম্মুখে ৮ হৃদয়রাম বন্দ্যোপাধ্যায়ের বাটী ছিল। ইহার পৌত্র বাবু রাজকৃষ্ণ বন্দ্যোপাধ্যায় মহাশয় হিন্দু কলেজে অধ্যয়ন করিতেন। তিনি অল্পবয়সেই ইংরাজী পড়া পরিত্যাগ পূর্বক নিরর্থক বাটীতে বসিয়া থাকিতেন। তিনি নিত্যই দেখিতেন যে, অনেকে ইংরাজী শিক্ষা করিয়া বিষয় কর্মে লিপ্ত থাকিয়াও অগ্রজের নিকট সংস্কৃত শিক্ষা করিতেছেন; এজন্ত তিনিও, তাঁহার নিকট মুক্ত-বোধব্যাকরণ শিক্ষা করিতে প্রবৃত্ত হন। ইতিপূর্বে রাজকৃষ্ণ বাবু কিছুমাত্র ব্যাকরণ অবগত ছিলেন না। তিনি দিবারাত্র পরিশ্রম সহ-কারে অগ্রজের নিকট অধ্যয়ন করিয়া মুক্তবোধ ব্যাকরণ ছয় মাসের মধ্যে সমাপ্ত করেন। এজন্ত সংস্কৃত কলেজের পণ্ডিত ও ছাত্রগণ আশ্চর্য-যিত হইয়া বলিয়াছিলেন যে, ঈশ্বর কি প্রণালী অবলম্বন করিয়া এত শীঘ্র ব্যাকরণ সমাপ্ত করাইলেন। পণ্ডিত গিরিশচন্দ্র বিদ্যারত্ন কলেজে অধ্যয়ন সমাপ্ত করিয়া চাকরী না হওয়া প্রযুক্ত অগ্রজ মহাশয়ের বাসায় মধ্যে মধ্যে অবস্থিতি করিতেন। দাদাও তাঁহাকে সহোদরের ছায় স্নেহ করিতেন। ঐ সময়ে ফোর্ট উইলিয়ম কলেজে সিভিল পড়াইবার জন্য ৪০ টাকা বেতনের একটা পণ্ডিতের পদ শূন্য হইলে,

অগ্রজ মার্শেল সাহেবকে বলিয়া তাঁহার বাল্যকালের পরমবন্ধু মদনমোহন তর্কালঙ্কারকে নিযুক্ত করিয়া দেন । ইতিপূর্বে মদনমোহন তর্কালঙ্কার কলিকাতায় বাঙ্গালা পাঠশালায় মাসিক ১৫ টাকা বেতনের শিক্ষকতা কার্যে নিযুক্ত ছিলেন, তৎপরে বারাসতে মাসিক ২০ টাকা বেতনের কর্ম করিতেন । ইহার কিছু দিন পরে মাদরাসা কলেজের ৪০ টাকা বেতনের একটা পণ্ডিতের পদ শূন্য হইলে, সাহেবকে অনুরোধ করিয়া অগ্রজ মহাশয়, তাঁহার সহায়্যায় মুক্তারাম বিদ্যাবাগীশকে ঐ পদে প্রবৃত্ত করিয়া দেন ।

এই সময়ে লর্ড হার্ডিঞ্জর বাহাদুর ভারতবর্ষের গবর্ণর জেনেরলের পদ প্রাপ্ত হইয়া আইসেন । উক্ত মহাত্মা এক সময় কলেজ পরিদর্শন জন্ত আগমন করিয়া কথা প্রসঙ্গে অবগত হইলেন যে, সংস্কৃত কলেজের ছাত্রগণ ইংরাজী অধ্যয়ন করে না, একারণ ভাল কর্ম পায় না । প্রতি জেলায় যে এক জন করিয়া জজপণ্ডিত ছিল তাহাও সম্প্রতি এবলিশ হইয়াছে । একারণ সংস্কৃত কলেজের ছাত্রসংখ্যা অল্প । সাহেব সংস্কৃত কলেজের বিদ্যার্থীগণের উৎসাহ বর্দ্ধনার্থ বঙ্গদেশে একশত একটা বাঙ্গালাবিদ্যালয় স্থাপন করেন । গবর্ণমেন্ট সকল বিদ্যালয়ের পণ্ডিতের পরীক্ষার ভার মার্শেল সাহেবের প্রতি অর্পণ করেন । অগ্রজ মহাশয় উক্ত সাহেবের পণ্ডিত ছিলেন সাহেব বাঙ্গালা ভাল জানিতেন না, একারণ দাদা উহাদের পরীক্ষা করিয়া পণ্ডিতের পদে নিযুক্ত করিয়া দেন । তৎকালে অল্প কোন বাঙ্গালা পুস্তক ছিল না । পুরুষ পরীক্ষা, জ্ঞানপ্রদীপ হিতোপদেশর বাঙ্গালা, অন্নদামঙ্গল প্রভৃতি পুস্তকের পরীক্ষা হয় । লীলাবতীর অঙ্ক ও ভূগোল পরীক্ষায় বাহারা উত্তীর্ণ হইবে সেই সকল পণ্ডিতকে নিযুক্ত করা আবশ্যক, একারণ তিনি তৎকালে ভাল পণ্ডিত নির্বাচন করিয়া দেন ; তজ্জন্ত কত পণ্ডিত যে বাসায় আসিতেন, তাহা ব্যক্ত করা বাহুল্য । সংস্কৃত কলেজে অনেক মহামাত্র পণ্ডিত থাকাতোও সাহেব তাঁহাকে যে পরীক্ষক নির্বাচন করিয়া দেন, ইহাতে সাধারণ লোকে তাঁহার যথেষ্ট প্রশংসা করিয়াছিলেন, কিন্তু পণ্ডিতগণের মধ্যে অনেকে মনে মনে ঈর্ষ্যা করিয়া বলেন যে, আমরা বিদ্যমান থাকিতেও

সাহেব ঈশ্বরকে বহুসংখ্যক পণ্ডিতের পরীক্ষক নিযুক্ত করিলেন। তিনি নিরপেক্ষভাবে লোক নির্বাচন করায় তাঁহার বিশিষ্টরূপ সুখ্যাতি হইয়াছিল। অন্যাপি হার্ভিঞ্জর বাহাদুরের কীর্তিস্তম্ভরূপ বাঙ্গালা স্কুল কোন কোন স্থানে দেখিতে পাওয়া যায়।

সংস্কৃত কলেজের ব্যাকরণের তৃতীয় শ্রেণীর অধ্যাপক গঙ্গাধর তর্কবাগীশ মহাশয় তাঁহার পুত্র গোবিন্দচন্দ্র শিরোমণি অপেক্ষা অগ্রজ মহাশয়কে ভাল বাসিতেন। যখন যাহা আবশ্যক হইত, তিনি তাহা দাদাকে বলিতেন। শ্রবণমাত্রেই তিনি তাঁহার আজ্ঞানুবর্তী হইয়া সে কার্য সম্পন্ন করিতেন। অনুমান হয় ইং ১৮৪৩ সালে জ্যৈষ্ঠমাসের শেষে গঙ্গাধর তর্কবাগীশ মহাশয় বিষম বিহুচিকারোগাক্রান্ত হইলেন এবং অবিলম্বে তাঁহার শৌচ প্রস্রাব বন্ধ হইয়া যাতনা হইতে লাগিল। অগত্যা তাঁহার প্রিয় ছাত্র বিদ্যাসাগর মহাশয়কে আহ্বান করেন। ইহা শ্রবণমাত্রই তিনি অত্যন্ত বিষণ্ণ বদনে দ্রুতবেগে তৎকালের বিখ্যাত ডাক্তার বাবু নবীনচন্দ্র মিত্র ও ডাক্তারলা নিবাসী ডাক্তার বাবু দুর্গাচরণ বন্দ্যোপাধ্যায় মহাশয়দের বাটী যাইয়া তাঁহাদিগকে সমভিব্যাহারে করিয়া তর্কবাগীশ মহাশয়ের বাটীতে গমন করেন। তিনি তিন দিবস অনন্তকর্ম্ম ও অনন্তমনা হইয়া পীড়িত উক্ত পণ্ডিতের চিকিৎসা করাইলেন। তাহাতে তর্কবাগীশ প্রথমতঃ আরোগ্যলাভ করেন, পরে হঠাৎ এক দিবস প্রাণত্যাগ হয়। কয়েক দিবস অগ্রজ মহাশয় স্বহস্তে তাঁহার মলমূত্রাদি পরিষ্কার করেন। তাঁহার অনুরোধপরতন্ত্র হইয়া চিকিৎসকগণ কয়েক দিবসের ভিজীটের টাকা গ্রহণ করেন নাই। উক্ত কয়েক দিবসের ঔষধের মূল্য অগ্রজ মহাশয় স্বয়ং প্রদান করেন। বাল্যকালের শিক্ষকের প্রতি তাঁহার এরূপ শ্রদ্ধা ও ভক্তি দেখিয়া সংস্কৃত কলেজের অধ্যাপক ও ছাত্রগণ তাঁহার বধেষ্ট প্রশংসা করিতে লাগিলেন। এবং সকলে একবাক্যে বলেন যে, তর্কবাগীশের পুত্র ও কন্যা এ সময়ে নিকটে উপস্থিত নাই; অনেক ছাত্র বিদ্যমান রহিয়াছেন, কিন্তু কেহই ঈশ্বরের মত ভক্তি-পূর্ব্বক স্বহস্তে বিষ্ঠা মুক্ত করিতে পারে নাই। অতঃপর অপর যে কোন আত্মীয় বন্ধুর পীড়া হইত, তিনি বিনা ভিজীটে ডাক্তার পাইবার

জ্ঞান অগ্রজকে জানাইতেন। তিনিও কি আত্মীয় কি অনাত্মীয় কাহারও পীড়ার সম্বাদ পাইলে ডাক্তার হুর্গাচরণ বাবুকে লইয়া সেই রোগীর ভবনে যাইতেন। যে রোগীর কোন অভিভাবক নাই জানিতে পারিতেন, তাহার বাটী যাইয়া সকল অভাব পূরণ করিতেন। তিনি তৎকালে বাসাস্থিত ভ্রাতা ও অন্যান্য আত্মীয়দিগকে ঐ সকল রোগীর শুশ্রূষার জন্য পাঠাইতেন; একারণ অনেকেই বলিত, ঈশ্বরের মত দয়ালু ও ধর্ম্মশীল লোক সচরাচর দৃষ্টিগোচর হয় না।

ইহার কিছু দিন পরে দর্শনশাস্ত্রাধ্যাপক জয়নারায়ণ তর্কপঞ্চাননের নারীকেলডাক্সাস ভবনে, তাঁহার ভাগিনেয় ঈশানচন্দ্র ভট্টাচার্য্যের ওলাউঠা হয়। তর্কপঞ্চানন মহাশয় ভাগিনেয়কে ভয়ে বাটীর বাহিরে সামান্য এক স্থানে রাখিয়াছেন, চিকিৎসা করান হয় নাই, মৃত্যুর আশঙ্কায় শয্যা দেন নাই, দরমার উপর রোগীকে শয়ান রাখা হইয়াছে, অগ্রজ মহাশয় এই সম্বাদ পাইয়া ডাক্তার বাবু হুর্গাচরণ বন্দ্যোপাধ্যায়কে সমভিব্যাহারে করিয়া নারীকেলডাক্সাস ভট্টাচার্য্যের ভবনে উপস্থিত হইয়া চিকিৎসা করাইতে প্রবৃত্ত হন। ঐ রাত্রিতে দীনবন্ধু ত্রায়রত্ন মধ্যম সহোদরকে বহুবাজারে পাঠাইয়া বালীশ তোষক আত্মীয় প্রভৃতি আনাইয়াছিলেন। নিশীথ সময়ে মুটে না পাওয়ায় মধ্যমাগ্রজ দীনবন্ধু ত্রায়রত্ন স্বয়ং প্রায় দেড়কোশ পথ উক্ত শয্যানিমাধ্যম করিয়া লইয়া যান। রোগীকে ভাল শয্যায় শয়ন করান হয়, এবং রোগীর গাত্রে মলমূত্র বিদ্যাসাগর মহাশয় স্বহস্তে পরিষ্কার করিয়া দেন। রোগী সম্পূর্ণরূপ আরোগ্য লাভ করিলে, বাসায় গমন করেন। তর্কপঞ্চাননের ভাগিনেয় বিষম বিস্থচিকা রোগাক্রান্ত হইলেন, কিন্তু তর্কপঞ্চানন বা তাঁহার শিশুসন্তানদিগকে ভয়ে রোগীর দ্বিসীমায় আগমন করিতে দেন না। বিদ্যাসাগর মহাশয় বহুবাজার হইতে ডাক্তার, শুশ্রূষা ও শয্যা সহিত তথায় বাইয়া চিকিৎসা করাইলেন। তদর্শনে অনেকে আশ্চর্য্যাবিত হইয়াছিলেন। ইহার কিছুদিন পরে সংস্কৃত কলেজের তৎকালীন সর্ব্বপ্রধান ছাত্র প্রিয়নাথ ভট্টাচার্য্যের মধ্যম সহোদর ও কনিষ্ঠ সহোদর বিস্থচিকারোগগ্রস্ত হইলেন, এই সংবাদ প্রাপ্তিমাত্র অগ্রজ

মহাশয়, হুর্গাচরণ বাবু প্রভৃতি ডাক্তারগণকে লইয়া চিকিৎসা করান। হুচিকিৎসায় প্রিয়নাথের মধ্যম সহোদর দীনবন্ধু আরোগ্যলাভ করেন, হুর্ভাগ্য প্রযুক্ত তাঁহার সর্বকনিষ্ঠ কালনামক ভ্রাতা মৃত্যুমুখে নিপতিত হন।

ঐ সময় বহুবাজারস্থ বাসাবাটীর এক পার্শ্বে মোক্তার বৈদ্যনাথ মুখোপাধ্যায়ের এক ভৃত্যের ওলাউঠা হয়। মোক্তার বাবু চাকরের হাত ধরিয়া উপর হইতে নামাইয়া পথে শোয়াইয়া রাখেন। অগ্রজ তাহাকে ভূমিতে পতিত দেখিয়া, অনেক হুঃখ প্রকাশ পূর্বক নিজ বাসায় লইয়া গিয়া, আপন শয্যায় শয়ন করাইলেন, এবং অবিলম্বে ডাক্তার আনাইয়া চিকিৎসা করাইতে লাগিলেন। পাঁচ সাত দিন চিকিৎসা ও শুশ্রূষায় রোগী সম্পূর্ণরূপ আরোগ্যলাভ করে।

ঐ সময় বিদ্যাসাগর মহাশয় অনেক অনাথ পীড়িত লোকের চিকিৎসাদি কার্যে বিস্তর অর্থব্যয় করিয়াছিলেন। সকলেই বিদ্যাসাগরের এরূপ দয়া দেখিয়া বলিত, ইনি মানুষ নন, সাক্ষাৎ অবতার বিশেষ। এইরূপ কত রোগীর প্রতি অগ্রজ দয়া প্রকাশ করিয়াছেন, তাহা বিস্তৃতি ভয়ে এক্ষণে লিখিতে ক্ষান্ত রহিলাম। এই সময় সংস্কৃত কলেজের ব্যাকরণের প্রথম শ্রেণীর পণ্ডিত হরনাথ তর্কভূষণ মাসিক ৯০ টাকা ও তৃতীয় শ্রেণীর পণ্ডিত গঙ্গাধর তর্কবাগীশ মাসিক ৫০ টাকা বেতনে কর্ম করিতেন। ইহাদের উভয়ের মৃত্যু হইলে এডুকেশন কৌন্সিলের সেক্রেটারি ডাক্তার ম্যরেট সাহেব কোর্ট উইলিয়ম কলেজের অধ্যক্ষ মার্শেল সাহেবের নিকট যাইয়া বলেন যে, উক্ত কার্য্য নির্বাহের জন্য উপযুক্ত দুইটি পণ্ডিত মনোনীত করিয়া দেন। তাহাতে মার্শেল সাহেব অগ্রজকে ব্যাকরণের প্রথম শ্রেণীর কর্ত্তে নিযুক্ত হইবার জন্য আদেশ করেন, আর দ্বিতীয় শ্রেণীর নিমিত্ত একটা লোক মনোনীত করিয়া দিবার আদেশ করেন।

ইহা শ্রবণ করিয়া অগ্রজ উত্তর করিলেন, মহাশয়! টাকার প্রত্যাশা করি না, আপনার অহুগ্রহ থাকিলে, আমি কৃতার্থ হইব। আর আপনার নিকট থাকিলে, আমি নূতন নূতন উপদেশ পাইব। আমি দুইটি উপযুক্ত শিক্ষক মনোনীত করিয়া আপনাকে দিব, এই বলিয়া তারানাথ

উর্কবাচস্পতির নাম ব্যক্ত করিলেন। সাহেব বলিলেন, তারানাথ এখন কোথায় অবস্থিতি করেন। অগ্রজ বলিলেন যে, তিনি পূর্বে সংস্কৃত কলেজে অধ্যয়ন করিয়া সর্বোৎকৃষ্ট প্রশংসাপত্র পাইয়া কয়েক বৎসর কালীধামে অবস্থান পূর্বক, পাবিনি ব্যাকরণ ও বেদান্ত প্রভৃতি অধ্যয়ন করেন। সম্প্রতি অম্বিকাকালনায় চতুপ্যাঠী স্থাপন করিয়া বহু-সংখ্যক ছাত্রকে শিক্ষা দিতেছেন। এই কথা শুনিয়া সাহেব বলেন, তাঁহার চাকরি করিতে ইচ্ছা আছে কি না, অগ্রে জানা আবশ্যক। ঐ দিবস অগ্রজ বাসায় আসিয়া মাতৃস্মার পুত্র সর্বোৎকৃষ্ট বন্দোপাধ্যায়কে সম্ভিষ্যাহারে লইয়া হাটধোলায় ঘাটে গঙ্গা পার হইয়া পদব্রজে কালনা অভিমুখে যাত্রা করিলেন। পরদিন বৈকালে তথায় উপস্থিত হইলেন, বাচস্পতি ও তাঁহার পিতা অকস্মাৎ অগ্রজকে অবলোকন করিয়া বিস্ময়াক্রান্ত হইলেন। অনন্তর বাচস্পতি জিজ্ঞাসা করিলেন, এরূপ বেশে পদব্রজে এত পথ আসিবার কারণ কি? অগ্রজ বলিলেন, আপনি কলেজে অধ্যয়ন করিয়া যে প্রশংসাপত্র পাইয়াছেন, তাহা আমার প্রদান করুন। আমি আপনার সার্টিফিকেট ফোর্ট উইনিয়ম কলেজের অধ্যক্ষ মার্শেল সাহেবকে দেখাইব। তিনি আপনার মাসিক ১০৭ টাকা বেতনে সংস্কৃত কলেজে ব্যাকরণের প্রথম শ্রেণীর শিক্ষকতা কার্যের জন্ত গবর্ণমেন্টে লিখিবেন। ইহা শুনিয়া বাচস্পতি মহাশয় ও তাঁহার পিতা পরম আনন্দিত হইলেন, এবং প্রশংসাপত্রগুলি অগ্রজের হস্তে সমর্পণ করিলেন। প্রায় ৩০ ক্রোশ পথ পদব্রজে গমন করিয়া, সর্বোৎকৃষ্টের চরণদ্বয় ক্ষীত ও তাহাতে বেদনা হইয়াছে, এক পাও চলিতে পারিবেন না বিবেচনায় নৌকারোহণে কলিকাতা যাত্রা করিলেন। পর দিবস কলিকাতায় উপস্থিত হইয়া নবাব বিহার বসিয়া, বাচস্পতির সার্টিফিকেট ও আবেদনপত্র সাহেবকে প্রদান করিলেন।

মার্শেল সাহেব রিপোর্ট করিলে পর, গবর্ণমেন্ট বাচস্পতিকে ১০৭ টাকা বেতনের পদে নিযুক্ত করেন, এবং দ্বিতীয়শ্রেণীর ব্যাকরণের পণ্ডিতের পদ ও পুস্তকাধ্যক্ষের কর্তব্য খালি হওয়াতে সেক্রেটারি বাবু রসময় দত্ত মহাশয় নবাবলের চতুপ্যাঠীর পণ্ডিতগণকে ঐ কর্তব্য দিতে ইচ্ছা

করিয়াছিলেন, কিন্তু ময়েট সাহেব মার্শেল সাহেবকে জিজ্ঞাসা করাতে মার্শেল সাহেব তাঁহার পণ্ডিত বিদ্যাসাগর মহাশয়ের পরামর্শানুসারে ময়েট সাহেবকে বলিলেন, মফঃস্বল টোলার পণ্ডিতের দ্বারা কলেজের ছাত্রদিগের অধ্যাপনা কার্য উত্তমরূপে নির্বাহ হইবে না। অতএব কলেজেরই পরীক্ষোত্তীর্ণ পূর্বতন ছাত্রদিগকে ঐ কর্ম দিলে অধ্যাপনা ভালরূপে সম্পন্ন হইবে। তদনুসারে সেক্রেটারি মহাশয় ঐ দুই কর্মে লোক নিযুক্ত করিবার জন্ত ব্যাকরণ বিষয়ে নূতন পরীক্ষার ব্যবস্থা করিলেন। মফঃস্বলের পণ্ডিত প্রাণকৃষ্ণ বিদ্যাসাগর প্রভৃতি এবং সংস্কৃত কলেজের কয়েকজন প্রসিদ্ধ ছাত্র পরীক্ষা প্রদান করিলেন। পরীক্ষায় দ্বারকানাথ বিদ্যাভূষণ প্রথম ও গিরিশচন্দ্র বিদ্যারত্ন দ্বিতীয় হইলেন। তদনুসারে বিদ্যাভূষণকে ৫০ টাকা ও বিদ্যারত্নকে ৩০ টাকা বেতন দিয়া উক্ত দুই পদে নিযুক্ত করা হইল। গিরিশচন্দ্র বিদ্যারত্ন সংস্কৃত কলেজে ফাষ্ট গ্রেডের সিনিয়ার এস্কলারশিপ পরীক্ষায় উত্তীর্ণ হইয়াছিলেন। তিনি অতি উপযুক্ত লোক। সাহিত্য ও অলঙ্কার শাস্ত্রে ইহার বিশেষ অধিকার আছে। তর্কবাচস্পতি মহাশয় সংস্কৃত ভাষায় অদ্বিতীয় লোক বলিলেও অত্যাুক্তি হয় না। ইহার সভায় বিচার করিবার বিশিষ্টরূপ ক্ষমতা ছিল। এ কারণ বাচস্পতি বাঙ্গালা দেশে বিশেষ খ্যাতি ও প্রতিপত্তি লাভ করিয়াছিলেন। তর্কবাচস্পতি, বিদ্যাভূষণ ও বিদ্যারত্ন এই তিনজন উপযুক্ত লোক সংস্কৃত কলেজে নিযুক্ত হইলেন। দাদা সংস্কৃত কলেজে অধ্যয়ন করিয়াছেন, একারণ কৌশল ও অনুরোধ করিয়া তিন জন উপযুক্ত লোককে কলেজে প্রবিষ্ট করিয়া দিয়া পরম আশ্লাদিত হইয়াছিলেন। মার্শেল সাহেব মাসিক ৯০ টাকার উক্ত পদ অগ্রজকে দিবার মানস করিয়াছিলেন, কিন্তু তিনি তাহা স্বীকার না পাইয়া, বাচস্পতি মহাশয়ের দেশে গিয়া তাঁহাকে অনুরোধ করিয়া আনাইয়া কর্মে প্রবিষ্ট করাইয়া দেন, ইহাতে বিষয়ী লোক মাত্রেরই আশ্চর্য্যাবিত হইয়াছিলেন। একারণ বাচস্পতি মহাশয়ের সহিত অগ্রজের অত্যন্ত সদ্ভাব ছিল।

১৮৪২ খৃষ্টাব্দে রবর্ত কষ্ট নামক একটা সম্ভ্রান্তবংশোদ্ভব সিবিলিয়ান

ফোর্ট উইলিয়ম কলেজে অধ্যয়ন করিতেন। অগ্রজ সেই সময়ে ঐ কলেজের প্রধান পণ্ডিতের পদে নিযুক্ত ছিলেন। তাঁহার সহিত আলাপ হইলে, তিনি মধ্যে মধ্যে কলেজে আসিয়া, অগ্রজের সহিত নানা বিষয়ের আলোচনা করিতেন। তিনি বিলক্ষণ বুদ্ধিমান ও বিদ্বান ছিলেন। বিদ্যাসাগরের সহিত আলাপ করিয়া, সাতিশয় সুখী হইতেন। একদিন তিনি আগ্রহ সহকারে সবিশেষ অনুরোধ করিয়া অগ্রজকে বলিলেন, যদি তুমি, আমার বিষয়ে সংস্কৃত ভাষায় কবিতা রচনা করিয়া দাও, তাহা হইলে, আমি অত্যন্ত আফ্লাদিত হইব। তাঁহার অনুরোধের বশবর্তী হইয়া, ক্ষণকাল অপেক্ষা করিতে বলিয়া, নিম্নলিখিত শ্লোকদ্বয় তাঁহার হস্তে প্রদান করিলেন। সাহেব শ্লোক লইয়া প্রীতমনে প্রস্থান করিলেন। শ্লোকদ্বয় এই—

শ্রীমান্ রবটকষ্টোহদ্য বিদ্যালয়মুপাগতঃ ।

সৌজন্তপূর্ণৈরালোচনৈর্ভরাং মামতোষয়ৎ ॥ ১ ॥

স হি সঙ্গুণসম্পন্নঃ সদাচাররতঃ সদা ।

প্রসন্নবদনো নিত্যং জীবত্বকশতং সুখী ॥ ২ ॥

কষ্ট সাহেব সন্তুষ্ট হইয়া অগ্রজ মহাশয়কে ২০০ শত টাকা দিতে মানস করিয়াছিলেন। কিন্তু তিনি তাহা না লইয়া সাহেবকে উপদেশ দেন যে, এই টাকা কলেজে জমা করিয়া দেন, সংস্কৃত কলেজের যে ছাত্র সংস্কৃত রচনায় ভাল পরীক্ষা দিবেন, তিনি ৫০ টাকা পারিতোষিক পাইবেন। এইরূপ ব্যবস্থা হইলে বৎসর বৎসর পরীক্ষায় একজন করিয়া ছাত্র কবিতা রচনার পুরস্কার ৫০ টাকা পাইবেন। কষ্ট সাহেবের পুরস্কার সংস্কৃত কলেজের ছাত্রেরা চারি বৎসর পাইয়াছিলেন, তৎকালে এই পুরস্কারকে কষ্ট সাহেবের পুরস্কার বলিত। কষ্ট সাহেব অগ্রজকে নির্লোভ ও উদারহৃদয় দেখিয়া বার-পর-নাই সন্তুষ্ট হইয়াছিলেন। কষ্ট সাহেবের পুরস্কার প্রাপ্তির পরীক্ষায়, অগ্রজ প্রথম বৎসর এই প্রশ্ন দেন যে, বিদ্যা, বুদ্ধি, সুশীলতা এই তিনের গুণবর্ণনা সংস্কৃত পদ্যে লিখ ও এই গুণত্রয়ের মধ্যে কে প্রধান তাহাও সংস্কৃত পদ্যে লিখ। তৎকালে ঐ পরীক্ষা ফোর্ট উইলিয়ম কলেজে সমাধা হইত। সংস্কৃত

কলেজে সিনিয়র ছাত্রবর্গের মধ্যে নীলমাধব ভট্টাচার্য্য সর্ক্সাপেক্ষা উত্তম রচনা করিয়াছিলেন সুতরাং তিনিই ঐ কষ্ট সাহেবের ৫০ টাকা পুরস্কার প্রাপ্ত হন। দ্বিতীয় বৎসরে সংস্কৃত পদ্য লিখিবার প্রশ্ন হয়, তাহাতে দীনবন্ধু জায়রত্ন ও শ্রীশচন্দ্র বিদ্যারত্ন এই দুইজন সর্ক্সাপেক্ষা উৎকৃষ্ট হন। শ্রীশের ব্যাকরণ ভুল হইয়াছিল, কিন্তু দীনবন্ধুর ব্যাকরণ ভুল হয় নাই। দীনবন্ধু সহোদর, একজ্ঞ লোকে যদি দু'নাম করে, এই আশঙ্কায় শ্রীশকেই ঐ পারিতোষিক প্রদান করিতে বাধ্য হন।

এই সময়ে, পরীক্ষোত্তীর্ণ হইয়া রবর্ত কষ্ট পঞ্জাবপ্রদেশে নিযুক্ত হইলেন, এবং অনেক দিন কর্ম করিয়া স্বদেশাভিমুখে যাত্রা করেন। প্রস্থানের পূর্বে একদিন অগ্রজের সহিত দেখা করিয়া, তিনি বলিলেন, আমি স্বদেশে বাইতেছি, আর ভারতবর্ষে আসিব না, তোমার সহিত এই আমার শেষ দেখা। কিয়ৎক্ষণ কথোপকথনের পর তিনি বলিলেন, যদি তোমার পূর্বের মত কবিতা রচনার অভ্যাস থাকে, তাহা হইলে কল্যাণ আমার বিষয়ে কিছু শ্লোক রচনা করিয়া পাঠাইলে, পরম আনন্দিত হইব। তদনুসারে কয়েকটি কবিতা লিখিয়া তাঁহার নিকট প্রেরণ করেন। কবিতাগুলি নিম্নে মুদ্রিত হইল—

“দোষ্টেবর্দিনাকৃতঃ সর্ক্সৈঃ সর্ক্সৈরাসেবিতো গুণৈঃ ।

কৃতী সর্ক্সান্ন বিদ্যান্ন জীয়াং কষ্টো মহামতিঃ ॥ ১ ॥

দয়াদাক্ষিণ্যমাধুর্ঘ্যগান্তীর্ঘ্যপ্রমুখা গুণাঃ ।

নয়বজ্ররতে নূনং রমন্তেহস্মিন্ নিরন্তরম্ ॥ ২ ॥

সদা সদালাপরতে নির্ভ্যং সংপদবর্তিনঃ ।

সর্ক্সলোকপ্রিয়স্তান্ত সম্পদস্ত সদা স্থিরা ॥ ৩ ॥

স্বস্ত প্রশান্তচিত্তস্ত সর্ক্সত্র সমদর্শিনঃ ।

সর্ক্সধর্মপ্রবীণস্ত কীর্তিরামুচ বর্জ্যতাম্ ॥ ৪ ॥

বিদ্যাবিবেকবিনয়াদিগুণৈরুদারৈঃ ।

নিঃশেষলোকপরিভোষকরশ্চিরায় ।

দূরং নিরন্তরলক্ষ্যচর্ক্সচনাবকাশঃ

শ্রীমান্ সদা বিজয়তাং সু রবর্তকষ্টঃ ॥ ৫ ॥”

পূর্বপ্রদর্শিত প্রকারে সংস্কৃত রচনা বিষয়ে সাহস ও উৎসাহ জন্মিলে, অগ্রজ মহাশয় সময়ে সময়ে স্বতঃপ্রবৃত্ত হইয়া কোন কোন বিষয়ে শ্লোক রচনা করিতেন । শেষবিষয়ে যে শ্লোক রচনা করিয়াছিলেন, তন্মধ্যে কয়েকটা নিম্নে প্রকাশ করা গেল ।

“প্রায়ঃ সহায়যোগাৎ সম্পদমধিকর্তৃমীশতে সর্কে ।

জলদাঃ প্রাবৃড়পায়ে পরিহীযন্তে প্রিয়া নিভরাম্ ॥ ১ ॥

কিং নিয়গা জলদমণ্ডলবর্জিতেন

তোয়েন বুদ্ধিমুপগন্তমধীশতে তাম্ ।

ন স্তাদজস্রগলিতং যদি পাস্তবুনাং

সাহায়কায় কিল নির্মলমজ্রবর্ষম্ ॥ ২ ॥

কান্তাভিসাররসলোলুপমানসানাম্

আতঙ্ককম্পিতদৃশামভিসারিকানাম্ ।

যদ্বিগ্নকৃদ্ দুরিতমর্জিতবানজস্রং

কেনাধুনা ঘন তরিষ্যসি তন্ন বিদ্বাঃ ॥ ৩ ॥

ক্ষীণং প্রিয়াবিরহকাতরমানসং মাং

নো নির্দয়ং ব্যথয় বারিদ্ নাত্মবেদিন্

ক্ষীণো ভবিষ্যসি হি কালবশং গতঃ সন্

আন্তে তবাপি নিয়তস্তুড়িতা বিয়োগঃ ॥ ৪ ॥

সর্বত্র সমমৃতদন্তটিনীশরীর-

সংবর্দ্ধকস্তনুভূতাং শমিতোপতাপঃ ।

যচ্চাতকেয়ু করুণাবিশ্মুখোহসি নিত্যং

নাশং মতো জলদ কিং বত পক্ষপাতঃ ॥ ৫ ॥

বিদ্যাসাগর মহাশয় জন মিয়র নামক এক সিমিলিয়ানের প্রস্তাব অনুসারে পুরাণ, স্বর্ষসিদ্ধান্ত ও ইউরোপীয় মতানুযায়ী ভূগোল ও ধগোল বিষয়ক কতকগুলি শ্লোক রচনা করিয়া ১০০ এক শত টাকা পারিতোষিক প্রাপ্ত হইয়াছিলেন । সেই কবিতাগুলি মুদ্রিত করিবার অভিপ্রায় প্রকাশ করিয়াছিলেন । এতদ্ব্যতীত তিনি বাল্যকালে সংস্কৃত গদ্য পদ্য দেশ ভ্রমণ, সন্তোষ, ক্রোধ প্রভৃতি নানাবিধ রচনা করিয়াছিলেন । ঐ

সকল কাগজ আমার নিকট ছিল। আমি যৎকালে বালক-বালিকা বিদ্যালয় বসাইবার জন্ত দেশে গিয়া তাঁহার আদেশানুসারে কার্য করি, তৎকালে ঐ সকল কাগজপত্র মধ্যমাগ্রজের নিকট রাখি, তিনি উহা যত্নাথ মুখোপাধ্যায় ভগিনীপতিকে দেন। যত্নাথ তৎকালে সংস্কৃত কলেজে অধ্যয়ন করেন, ঐ সকল লেখা দেখিয়া, তৎকালের সংস্কৃত কলেজের অনেক ছাত্র সংস্কৃত রচনা শিখিয়াছিলেন। দীনবন্ধু ও যত্নাথ কালকবলে নিপতিত হইয়াছেন, তজ্জন্ত উক্ত রচনার কাগজ সকল পাওয়া যায় নাই। যাহা উপস্থিত ছিল, তাহাই ১২৯৬ সালে ১লা অগ্রহায়ণ প্রকাশ করিয়াছেন। ফোর্ট উইলিয়ম কলেজে কর্ম করিবার সময়ে সীটিনকার, কষ্ট, চ্যাপম্যান, সিসিল বীডন, গ্রে, গ্রাণ্ড, হেলিডে, লর্ড ব্রাউন, ইডেন প্রভৃতি বহুসংখ্যক সম্ভ্রান্ত সিভিলিয়ানের সহিত বিশেষরূপ ঘনিষ্ঠতা ও আত্মীয়তা ছিল। সিভিলিয়ানগণ তাঁহাকে বিশেষ সম্মান করিতেন। কোন কোন সম্ভ্রান্ত সিভিলিয়ানকে পরীক্ষায় পাস না হইলে দেশে ফিরিয়া যাইতে হইত। একারণ মার্শেল সাহেব দয়া করিয়া ঐ সকল সিভিলিয়ানদের পরীক্ষার কাগজে নম্বর বাড়াইয়া দিতে বলিতেন। অধ্যক্ষেরও কথা না শুনিয়া অগ্রজ জ্ঞানানুসারে কার্য করিতেন। উপরোধ করিলে ষাড় বাঁকাইয়া বলিতেন, অন্তায় দেখিলে কার্য পরিত্যাগ করিব। একারণ সিভিলিয়ান ছাত্রগণ ও অধ্যক্ষ মার্শেল সাহেব তাঁহাকে আন্তরিক ভক্তি ও শ্রদ্ধা করিতেন।

ঐ বৎসর সংস্কৃত কলেজের দ্বিতীয় এস্কলারশিপের পরীক্ষা গ্রহণের ভার, গবর্ণমেন্ট, মার্শেল সাহেবের প্রতি অর্পণ করেন। ঐ সাহেবের জুনিয়ার ও সিনিয়ার উভয় ডিপার্টমেন্টের প্রশ্ন প্রস্তুত ও মুদ্রিত করিয়া দেন। পরীক্ষা স্থলে প্রশ্ন দেখিয়া কলেজের শিক্ষক মহাশয়গণ অগ্রজের পাণ্ডিত্য ও কৌশলের ভূরি ভূরি প্রশংসা করিতে লাগিলেন। এই বৎসর মধ্যম সহোদর সংস্কৃত কলেজের পরীক্ষায় সিনিয়ার ডিপার্টমেন্টের সর্বপ্রধান হইলেন। মধ্যম দীনবন্ধু, অগ্রজ মহাশয়ের তুল্য বুদ্ধিমান ছিলেন। ইতিপূর্বে বাবু রাজকৃষ্ণ বন্দ্যোপাধ্যায় মহাশয়ের বিষয় উল্লেখ হইয়াছে যে, তিনি অগ্রজ মহাশয়ের নিকট ছয় মাসের মধ্যে ব্যাকরণ

শেষ করিয়াছেন। এক্ষণে তিনি রঘুবংশ, কুমারসম্ভব, মাঘ, ভারবি, মেঘদূত, শকুন্তলা, উত্তরচরিত প্রভৃতি সাহিত্য গ্রন্থ অধ্যয়ন করিয়া অলঙ্কার, সাহিত্যদর্পণ, কাব্যপ্রকাশ অধ্যয়ন করেন; তৎপরে প্রাচীন স্মৃতি মনু মিতাক্ষরা অধ্যয়ন করিয়া সংস্কৃত কলেজের সিনিয়ার ডিপার্টমেন্টের ছাত্রগণের সহিত পরীক্ষা দিয়া সেকেণ্ড গ্রেডের এসকলা শীর্ষ প্রাপ্ত হন। তৎপরে রাজকৃষ্ণ বাবু পরীক্ষায় উত্তীর্ণ হইয়া দুই বৎসর কুড়ি টাকা করিয়া ফাষ্ট গ্রেডের এসকলাশীর্ষ প্রাপ্ত হন। নিয়ম ছিল যে, আউট ইণ্ট্রুডেন্ট অর্থাৎ বাহিরের অপর কোন বিদ্যার্থী পরীক্ষায় উত্তীর্ণ হইলে এসকলাশীর্ষ পাইতে পারিতেন। তদনুসারে রাজকৃষ্ণ বাবু পরীক্ষা দিয়া বৃত্তি লাভ করেন। ইনি অতিশয় ধীশক্তি সম্পন্ন, অনগ্র্যকর্মা ও অনগ্র্যমনা হইয়া নিরন্তর অধ্যয়ন করিতেন। সুতরাং রাজকৃষ্ণ বাবু ৬ মাসে ব্যাকরণ ও দুই বৎসরে সাহিত্য, অলঙ্কার ও স্মৃতি অধ্যয়ন করিয়া পরীক্ষায় উত্তীর্ণ হইয়া বৃত্তি প্রাপ্ত হইয়াছিলেন। এই সম্বাদ শ্রবণে সংস্কৃত কলেজের শিক্ষকগণ ও অপর সকলে বিস্ময়াবিত হন। ইহার কারণ এই যে, যিনি সাহিত্যের পণ্ডিত তিনি স্মৃতি বা অলঙ্কার পড়াইতে অক্ষম; যিনি যে বিষয়ের পণ্ডিত, তিনি তাহাই শিক্ষা দিতে সমর্থ, অপর বিষয়ে সম্পূর্ণ অসমর্থ। অগ্রজ সকল বিষয়েই শিক্ষা দিতে দক্ষ ছিলেন। অনেকে রাজকৃষ্ণ বাবুকে দেখিবার জন্ত অগ্রজের বাসায় সমাগত হইতেন। তৎকালের কলেজের শিক্ষকগণ দাদার অলৌকিক ক্ষমতা দর্শনে মুগ্ধ হইয়াছিলেন। সংস্কৃত কলেজের নিয়ম ছিল যে, ৩ বৎসর ব্যাকরণ অধ্যয়ন এবং তৎপরে দুই বৎসর সাহিত্য শিক্ষা করিতে হইত। অনন্তর এক বৎসর অলঙ্কার শ্রেণীতে শিক্ষা লাভ করিয়া ব্যুৎপত্তি জম্মিলে, ছাত্রগণ দর্শন বা স্মৃতির শ্রেণীতে অধ্যয়ন করিত। পরে টেষ্ট একজামীনে উত্তীর্ণ হইলে পর, সিনিয়ার ডিপার্টমেন্টে পরীক্ষা দিতে পাইত। এমত স্থলে অগ্রজ আড়াই বৎসর শিক্ষা দিয়া রাজকৃষ্ণ বাবুকে সিনিয়রের পরীক্ষা দেওয়ানাতে চতুর্দিকে তাঁহার ধন্যবাদ হইতে লাগিল। কিরূপ প্রণালী অবলম্বনে শিক্ষা দিয়াছিলেন, তাহা পরিস্ফুট

হইবার জন্ত অনেকে বিদ্যাসাগর মহাশয়ের বাসায় সমুপস্থিত হইতেন।

কলিকাতা তালতলা-নিবাসী ডাক্তার বাবু দুর্গাচরণ বন্দ্যোপাধ্যায় বিদ্যাসাগর মহাশয়ের পরম বন্ধু ছিলেন। পূর্বে তিনি হেয়ার সাহেবের স্কুলের শিক্ষকের পদ পরিত্যাগ পূর্বক মেডিকেল কলেজে চিকিৎসাবিদ্যা শিক্ষা করেন। তিনি অসাধারণ ধীশক্তিসম্পন্ন ও চিকিৎসা বিদ্যাতেও সম্পূর্ণরূপ পারদর্শী ছিলেন। অগ্রজ কিছুদিন তাঁহার নিকট ইংরাজী শিক্ষা করিয়াছিলেন। উক্ত কৃতবিদ্য চিকিৎসক কলিকাতায় স্থায়ী হইলে, আত্মীয়বর্গের ও অগ্রজ সাধারণ লোকের সবিশেষ উপকার হইবে, এই মানসে, তাঁহাকে কলিকাতায় স্থায়ী করিবার নিমিত্ত অগ্রজের ঐকান্তিকী ইচ্ছা হইয়াছিল। ইত্যবসরে ফোর্ট উইলিয়ম কলেজে অশীতি মুদ্রা বেতনের একটী হেড রাইটারের পদ শূন্য হইলে উক্ত ডাক্তার বাবুকে ঐ পদে নিযুক্ত করাইবার জন্য কলেজের অধ্যক্ষ মার্শেল সাহেবকে অনুরোধ করেন। সাহেব তদীয় অনুরোধের বশবর্তী হইয়া দুর্গাচরণ বাবুকে ঐ পদে নিযুক্ত করিয়া দেন।

সংস্কৃত কলেজের আসিষ্টান্ট সেক্রেটারি রামমাণিক্য বিদ্যালঙ্কার মহাশয় পরলোক যাত্রা করিলে পর শিক্ষাসমাজের সেক্রেটারি ডাক্তার মর্রেট সাহেব ঐ পদে উপযুক্ত লোক অর্থাৎ ইংরাজী ও সংস্কৃতভাষাভিজ্ঞ পণ্ডিত নিযুক্ত করিবার মানসে ফোর্ট উইলিয়ম কলেজের অধ্যক্ষ মার্শেল সাহেবের সমীপে সমুপস্থিত হইয়া বলিলেন; একটী কার্যদক্ষ লোক নিযুক্ত না করিলে সংস্কৃত কলেজের বিশেষ উন্নতির আশা নাই। দেখুন, প্রাচীন রামচন্দ্র-বিদ্যাবাগীশ ঐ পদে কয়েক বৎসর ছিলেন। তাঁহার মৃত্যুর পর অবধি রামমাণিক্য বিদ্যালঙ্কার ঐ কার্য করিয়া আসিতে-ছিলেন। উল্লিখিত পণ্ডিতদ্বয় দ্বারা কলেজের কোন উন্নতি হইতে দেখি নাই। এক্ষণে আপনার পণ্ডিত ঈশ্বরচন্দ্র বিদ্যাসাগরকে ঐ পদে নিযুক্ত করা সর্ব্বতোভাবে কর্তব্য। মার্শেল সাহেব, অগ্রজ মহাশয়কে সংস্কৃত কলেজের ঐ পদে নিযুক্ত হইবার কথা ব্যক্ত করিলে পর তিনি

বলিলেন, কোর্ট উইলিয়ম কলেজে প্রবেশ্ত হইবার পূর্বে আমারও ঐ পদগ্রহণে আন্তরিক ইচ্ছা ছিল। কিন্তু এক্ষণে মহাশয়ের নিকট হইতে কার্য পরিত্যাগ করিয়া আমার বাইতে ইচ্ছা নাই। ইহা শুনিয়া সাহেব সংস্কৃত কলেজে নিযুক্ত হইবার জন্য আগ্রহাতিশয় প্রকাশ করিতে বলিলেন, মহাশয়! যদি আমার মধ্যম সহোদর দীনবন্ধু জায়গরদুকে এই পদে নিযুক্ত করেন, তাহা হইলে সংস্কৃত কলেজের ঐ পদে নিযুক্ত হইবার আমার কোন আপত্তি নাই। ইহার কারণ এই যে, তথায় বাইয়া আমি বৈরূপ বন্দোবস্ত করিব, তাহাতে যদি সেক্রেটারি বাবু রসময় দত্ত মহাশয়ের সহিত মনান্তর ঘটে, কিম্বা আমার বন্দোবস্ত বা কথা রক্ষা না পায়, তাহা হইলে নিশ্চয় পদ পরিত্যাগ করিব। সহসা কার্য পরিত্যাগ করিলে অর্থাভাবে আমার পরিবারবর্গের বিশেষ কষ্ট হইবে, কিন্তু এখানে আপনার নিকট দীনবন্ধুর কর্তৃত্ব থাকিলে অন্তকষ্ট হইবে না। আর আমার মধ্যম সহোদর দীনবন্ধু অসাধারণ ধীশক্তিসম্পন্ন। অল্পবয়সেই সংস্কৃত কলেজে উচ্চ শ্রেণীর পরীক্ষায় সর্বপ্রধান হইয়া কয়েক বৎসর সর্বোৎকৃষ্ট এসকলার্শিপ পাইয়াছে। সাহেব জিজ্ঞাসা করিলেন, তুমি আমাকে বৈরূপ ব্যাকরণ, সাহিত্য ও নাটকাদি পড়াইয়া দাও, যদি দীনবন্ধু সেইরূপ পড়াইতে পারেন, তাহা হইলে তাঁহাকে এখানে তোমার পদে নিযুক্ত করিতে আমার কোন আপত্তি নাই, ফলতঃ আমাকে রীতিমত পড়াইতে পারিলেই আমি সন্তুষ্ট। ইহা শ্রবণ করিয়া তিনি উত্তর করেন; ব্যাকরণ, কাব্য, অলঙ্কার, বেদান্ত ও দর্শন শাস্ত্রে এবং লীলাবতী ও বীজগণিতে দীনবন্ধুর বিশিষ্টরূপ ব্যুৎপত্তি ও অধিকার আছে। অধিক আর কি বলিব, আমি অপেক্ষা দীনবন্ধু কোন বিষয়ে ন্যূন নহে, বরং অল্পশাস্ত্রে বিশেষ ব্যুৎপন্ন। ইহা শুনিয়া মার্শেল সাহেব গবর্ণমেন্টে রিপোর্ট করিয়া মধ্যম সহোদর মহাশয়কে অগ্রজ মহাশয়ের পদে নিযুক্ত করিলেন।

এই সময় তিনি হুক ও তদ্বারা যে সকল খাদ্য দ্রব্য প্রস্তুত হয় তৎসমস্ত ভোজন করিতেন না। ইহার কারণ এই যে, পাণ্ডিত্যোদয় সময়ে বৎসকে আবদ্ধ রাখায় সেই বৎস স্তন্য পানার্থে ছটকট করে,

কিন্তু মনুষ্য এমন নৃশংস ও স্বার্থপর যে তাহার মাতৃহৃদ তাহাকে পান করিতে দেয় না ; এইরূপ গাভীদোহন দেখিয়া তাঁহার অত্যন্ত মানসিক কষ্ট হইত ; কখন কখন চক্ষের জলে বঙ্গঃস্থল ভাসিয়া যাইত। প্রায় পাঁচ বৎসর কাল তিনি দুগ্ধ ও ঘূতের দ্বারা প্রস্তুত মিষ্টান্নাদি ভোজন করিতেন না। এবং তৎকালে মংসও পরিত্যাগ করিয়া নিরামিষ ভোজন করিতেন। কিছু কাল এই নিয়মে দিনপাত করেন, পরে জননী দেবীর অনুরোধের বশবর্তী হইয়া, মংস খাইতে বাধ্য হইলেন, কিন্তু তদবধি দুগ্ধ অসহ্য হইল অর্থাৎ দুগ্ধ পান করিলে ভেদ ও বমি হইত।

১৮৪৬ খঃ অব্দের এপ্রেল মাসে অগ্রজ মহাশয় মাসিক ৫০ টাকা বেতনে সংস্কৃত কালেজের আসিষ্ট্যান্ট সেক্রেটারি পদে প্রবিষ্ট হন। অনন্তর তিনি ব্যাকরণের প্রথম, দ্বিতীয় ও তৃতীয় শ্রেণীর অধ্যয়নের নূতন প্রণালী প্রচলিত করিলেন। তদনুসারে অধ্যাপকগণ ছাত্রদিগকে শিক্ষা দিতে প্রবৃত্ত হন। বিদ্যালয়ের কোন কোন শিক্ষক চেম্বারে উপবিষ্ট হইয়া নিদ্রা যাইতেন, ছাত্রগণের মধ্যে কেহ পাখা লইয়া অধ্যাপককে বাতাস করিত, এই কুপ্রথা উঠাইয়া দিলেন। সাড়ে দশটার মধ্যেই অধ্যাপক ও ছাত্রগণকে বিদ্যালয়ে উপস্থিত হইতে হইবে, এইরূপ নিয়ম করিয়া দিলেন। অতঃপর সেক্রেটারির বিনা অনুমতিতে কি শিক্ষক কি ছাত্র কেহই ইচ্ছামত বিদ্যালয় হইতে বাটী যাইতে পারিবেন না। ছাত্রগণ ইচ্ছানুসারে একবারেই সকলে ক্লাশ হইতে বাহিরে মালীর গৃহে যাইতে পারিবে না, এক এক জন করিয়া যাইবে, কিন্তু তাহাও কাঠের পাশ গ্রহণ করিয়া যাইতে হইবে। অধ্যাপক ও বিদ্যার্থিগণ আবেদন ব্যতিরেকে অনুপস্থিত হইতে পারিবেন না। সাহিত্য শ্রেণীতে যে সকল পুস্তক অধ্যয়ন হইত, তন্মধ্যে হইতে অশ্লীল কবিতা সমূহ রহিত করিয়া অধ্যাপককে অধ্যয়ন করাইতে হইত। কালেজ জুনিয়র ও সিনিয়র এই দুই শ্রেণীতে বিভক্ত। তন্মধ্যে সাহিত্য ও অলঙ্কারের শ্রেণী জুনিয়র। দর্শন, বেদান্ত ও স্মৃতির শ্রেণী সিনিয়র। জুনিয়রের পরীক্ষায় ছাত্রবর্গকে পাঁচ দিন পাঁচ বিষয়ের পরীক্ষা দিতে হইত। ব্যাকরণের প্রশ্ন হইত কিন্তু ছাত্রগণ নীরস বলিয়া প্রায় ব্যাকরণ দেখিতে আলাস্ত

করিত; সুতরাং ব্যাকরণে অনেক ছাত্র ফেল হইত। একারণ অগ্রজ মহাশয় মাসে মাসে ব্যাকরণের পরীক্ষা ও শিক্ষার ব্যবস্থা করিয়াছিলেন। ব্যাকরণের প্রথম শ্রেণীর অধ্যাপক তারানাথ তর্কবাচস্পতি মহাশয় যথানিয়মে উক্ত জুনিয়র ডিপার্টমেন্টের ছাত্রগণকে উপদেশ দিতেন। সাহিত্য ও অলঙ্কারের অধ্যাপক নিয়মানুসারে বাঙ্গালা ভাষা হইতে সংস্কৃত অনুবাদ, সংস্কৃত ভাষা হইতে বাঙ্গালা অনুবাদ ও শ্লোকের টীকা করাইতেন। তৎকালে নিয়ম ছিল, অলঙ্কারের শ্রেণী হইতে ছাত্রগণ লীলাবতী ও বীজগণিতের অঙ্ক শিক্ষা করিত, কিন্তু সাহিত্য শ্রেণীর ছাত্রগণের মধ্যে কেহ অঙ্ক শিক্ষা করিবার জন্য জ্যোতিষের শ্রেণীতে যাইত না, এতদ্বিষয়েও কর্তৃপক্ষের কোন বন্দোবস্ত ছিল না, সুতরাং সাহিত্য শ্রেণীর ছাত্রগণ অঙ্কে প্রায় ফেল হইত। এজন্য বিদ্যাসাগর অগ্রজ মহাশয়, যোগদ্যান শাস্ত্রীর শ্রেণীতে সাহিত্যশ্রেণীর ছাত্রগণের অঙ্ক শিক্ষা করিবার জন্য নূতন ব্যবস্থা করিয়া দেন। ঐরূপ দর্শন, ও স্মৃতির ছাত্রগণের, অলঙ্কার শ্রেণীতে গিয়া নিয়মানুসারে অলঙ্কার গ্রন্থ লিখিবার ব্যবস্থা করিয়া দেন। অলঙ্কারের অধ্যাপক প্রেমচন্দ্র তর্কবাগীশ মহাশয় ছাত্রবর্গকে রীতিমত সংস্কৃত গদ্য পদ্য রচনা ও বাঙ্গালা রচনা, শিক্ষা দিতেন। দর্শন ও স্মৃতির শিক্ষক মহাশয় প্রথের উত্তর লিখিবার অনুশীলনে বিশিষ্টরূপ যত্ববান হইতেন। এরূপ নিয়ম করিয়া দেওয়ার ছাত্রগণের লিখিবার অধিকার জন্মিল। বিদ্যাসাগরের এই অভিনব বন্দোবস্তে শিক্ষক ও বিদ্যার্থীগণ পরম সন্তোষ লাভ করিয়াছিলেন।

অগ্রজ মহাশয় সংস্কৃত কলেজের বিশেষ কার্যোপলক্ষে এক সময় হিন্দু কলেজের প্রিন্সিপাল কারসাহেবের নিকট গমন করিয়াছিলেন। সাহেব টেবিলের উপর চন্দ্রপাত্ৰ সহিত চরণদ্বয় উত্তোলন করিয়া অগ্রজের সহিত কথোপকথন করেন। তাঁহার সেই অসৌজন্যে অগ্রজ মনে মনে অসন্তুষ্ট হইয়াছিলেন। কিছু দিন পরে ঐ কারসাহেব হিন্দু কলেজের কোন কার্যানুরোধে সংস্কৃত কলেজে অগ্রজের সহিত সাক্ষাৎ করিতে আইসেন। কারসাহেব ইতি পূর্বে বৈরূপ শিষ্টাচার দেখাইয়া আপ্যায়িত করিয়াছিলেন, বিদ্যাসাগর অদ্যাপি তাহা বিস্মৃত

হন নাই। সাহেব দেখা করিতে আসিতেছেন শুনিয়া, অগ্রজ চটী চন্দ্রপাটকা সহিত চরণযুগল টেবিলের উপর রাখিয়া সাহেবকে বসিবার জন্ত কোনও রূপ সম্ভাষণ বা অভ্যর্থনা করিলেন না। সাহেব দণ্ডারমান হইয়া তাঁহার সহিত কথা কহিতে লাগিলেন। কিয়ৎক্ষণ পরে সাহেব লজ্জিত ও অবমানিত হইয়া প্রস্থান করেন। তৎপরে শিক্ষাসমাজের সেক্রেটারি ময়েট সাহেবের নিকট রিপোর্ট করেন যে, হিন্দু কলেজের কোন কার্যানুরোধে সংস্কৃত কলেজের আসিষ্টাণ্ট সেক্রেটারির সমীপে গিয়াছিলাম। তিনি আমার প্রতি যে রূপ অভদ্রতা করিয়াছেন, তাহাতে আমার বিশেষরূপ অপমান হইয়াছে। অত্র কোন ইউরোপীয়ান হইলে এরূপ অপমান সহ করিতেন না। শিক্ষাসমাজ বিদ্যাসাগর মহাশয়ের কৈফিয়ত তলপ করেন। তিনিও তাহার উত্তর লেখেন যে, ইতিপূর্বে ঐ সাহেব আমার প্রতি ঐরূপ সৌজন্য প্রকাশ করিয়াছিলেন, অর্থাৎ আমাকে বসিতে না বলিয়া টেবিলের উপর চন্দ্রপাটকা সহিত চরণদ্বয় অর্পণ করিয়া, আমার সহিত কথাবার্তা কহিয়াছিলেন। তাহাতে শিক্ষা সমাজের সেক্রেটারি পরম সম্ভাষণ লাভ করিয়া হান্তপূর্ণ বদনে কহিলেন, বাঙ্গালার মধ্যে পণ্ডিত বিদ্যাসাগরের মত তেজস্বী লোক আমার দৃষ্টিগোচর হয় নাই; এই কারণেই আমরা, সকল বাঙ্গালী অপেক্ষা পণ্ডিতকে আন্তরিক শ্রদ্ধা ও ভক্তি করিয়া থাকি। বাঙ্গালায় বিদ্যাসাগরের সদৃশ আর দ্বিতীয় লোক নাই। ময়েট সাহেব যত দিন শিক্ষা সমাজের অধ্যক্ষ ছিলেন, তত দিন বিদ্যাসাগরের সহিত পরামর্শ না করিয়া কোন কার্য করিতেন না।

ইং ১৮৪৬ সালে, পূজ্যপাদ জয়গোপাল তর্কালঙ্কার মহাশয় মানবলীলা সম্বরণ করিলে, সংস্কৃত কলেজে সাহিত্য শাস্ত্রের অধ্যাপকের পদ শূন্য হয়। সংস্কৃত কলেজের সেক্রেটারি বাবু রসময় দত্ত মহাশয় অগ্রজ মহাশয়কে ঐ পদে নিযুক্ত করিবেন, স্থির করিয়াছিলেন। এই সময়ে অগ্রজ সংস্কৃত কলেজে আসিষ্টাণ্ট সেক্রেটারির পদে নিযুক্ত ছিলেন। কোনও বিশেষ কারণ বশতঃ তিনি অধ্যাপকের পদগ্রহণে অসম্মত হইয়া, মদনমোহন তর্কালঙ্কারকে নিযুক্ত করিবার নিমিত্ত স বিশেষ

অনুরোধ করেন। তৎকালে মদনমোহন তর্কালঙ্কার কৃষ্ণনগর কলেজে প্রধান পণ্ডিতের পদে মাসিক ৫০ টাকা বেতনে নিযুক্ত ছিলেন। অগ্রজের যত্নে মদনমোহন তর্কালঙ্কার উক্ত পদে নিযুক্ত হন। জয়গোপাল তর্কালঙ্কারের মৃত্যুর অব্যবহিত পরেই সর্কানন্দ ভ্রায়বাগীশ সাহিত্য প্রেণীর প্রতিনিধিরূপে কার্য করিতেছিলেন, ভ্রায়বাগীশ মহাশয় পূর্বের ভ্রায় প্রত্যহ বিদ্যালয়ে উপস্থিত হইয়া চেয়ারে বসিয়া নিদ্রা যাইতেন, অনবরত নশ্ত লইতেন, তথাপি নিদ্রা উঠাকে পরিত্যাগ করিত না। এই কারণে ছাত্রেরা এই কবিতাটি পাঠ করিতেন—“সর্কানন্দভ্রায়বাগীশো ভ্রায় নিত্যং নিদ্রাং যাতি কলেজমধ্যে। ধীরো নাম্না ধ্যাপনা নাস্তি তস্ত চত্বারিংশমুদ্রিকাণাং গতেহপি।” তিনি ছাত্রগণকে পড়াইবার সময় কেবল মল্লিনাথের টীকাগুলি আবৃত্তি করিয়া দিতেন। কবিতার ভাব, অর্থ কি অর্থ বলিয়া দিতেন না, তজ্জগুই ছাত্রগণের মনস্তৃষ্টি হইত না। তিনি শিক্ষক থাকিলে, আগামী বর্ষে বাৎসরিক পরীক্ষায় কৃতকার্য হইবার আশা নাই এই বিবেচনায় সাহিত্যপ্রণেীর ছাত্রগণ আসিষ্টাণ্ট সেক্রেটারিকে সমস্ত বিবরণ অবগত করাইয়াছিল এবং শিক্ষাসমাজের অধ্যক্ষ ময়েট সাহেবের নিকট এই আবেদন করে যে, উপযুক্ত শিক্ষক দ্বারায় নিযুক্ত না হইলে, আমাদের পাঠের অনেক ক্ষতি হইতেছে। তৎকালে অনেকের আন্তরিক ইচ্ছা ছিল যে, সর্কানন্দ বহুকাল হইতে কলেজের সকল প্রেণীতে প্রতিনিধির কার্য করিয়া থাকেন, অতএব উপস্থিত সাহিত্যপ্রণেীর কার্যটি ইহারই হওয়া উচিত। সেই সময়ে অনেকে বলিয়াছিলেন, বিদ্যাসাগর মহাশয়, বৃদ্ধ ব্রাহ্মণকে তাড়াইয়া আপনার বন্ধু মদনকে আনাইবার জন্য ছাত্রগণকে ধোঁপাইয়াছে। অনন্তর, বিদ্যাসাগরের কৌশলে মদনমোহন তর্কালঙ্কার ঐ পদে নিযুক্ত হইবার আদেশ পাইয়াছেন, তিনি ভ্রায়বাগীশ মহাশয় প্রেহান করেন। কৃষ্ণনগরের কার্য ত্যাগ করিয়া কলিকাতায় আসিতে মদনমোহন তর্কালঙ্কারের বিলম্ব হওয়ায়, বিদ্যাসাগর মহাশয় কয়েক দিন সাহিত্যপ্রণেীতে ক্রিয়াজড়ুণীর অর্থাৎ ভারবি পড়াইতে প্রবৃত্ত হইলেন। ছাত্রগণ তাঁহার অধ্যাপনার পাণ্ডিত্য দর্শনে পরমাক্ষান্বিত হইয়াছিল।

তদনন্তর মদনমোহন তর্কালঙ্কার কলিকাতায় আগমন পূর্বক কয়েক দিবস বিদ্যাসাগরের বাসায় অবস্থিতি করিয়া, তাঁহার নিকট ভারবির যে যে অংশ ছাত্রগণকে পড়াইতে হইবে সেই সেই স্থলের সন্দেহ ভঞ্জন করিয়া লইতেন। ক্রমশঃ তর্কালঙ্কার অধ্যাপনা কার্য্য করিয়া সাহিত্য-শাস্ত্রে অসাধারণ লোক হইয়া উঠিলেন। মদনমোহন তর্কালঙ্কার অগ্রজের বাল্যবন্ধু ও সহাধ্যায়ী ছিলেন। এই কারণেই যে উঁহাকে ঐ পদে নিযুক্ত করাইয়াছিলেন, এরূপ নহে, কেবল, সহাধ্যায়নকালে উক্ত মদনমোহন তর্কালঙ্কারকে কাব্যশাস্ত্রে বিশেষ ব্যুৎপন্ন বলিয়া জানিতেন, তজ্জন্মই উঁহাকে ঐ পদে নিযুক্ত করিবার জন্ত প্রয়াস পাইয়াছিলেন। অগ্রজের আন্তরিক আগ্রহাতিশয় না থাকিলে এরূপ উপযুক্ত তর্কালঙ্কার মহাশয় উক্ত পদে নিযুক্ত হইতেন না।

তৎকালে ভাল বাঙ্গালা পুস্তক ছিল না। জ্ঞানপ্রদীপ, প্রবোধ-চন্দ্রোদয়, পুরুষপরীক্ষা ও হিতোপদেশের বাঙ্গালা প্রভৃতি যে ৩।৪ খানি মাত্র বাঙ্গালা পুস্তক ছিল, তৎপাঠে কোনও ফলোদয় হইত না। সিবিলিয়ানদের অধ্যয়নের অত্যন্ত গোলযোগ হইত। একারণ ফোর্ট উইলিয়ম কলেজের অধ্যক্ষ মার্শেল সাহেব মহোদয় অগ্রজ মহাশয়কে এক দিবস বলেন যে, ঈশ্বরচন্দ্র ! তুমি কতকগুলি ভাল বাঙ্গালা পুস্তক ভাষান্তর হইতে অনুবাদ বা নূতন রচনা করিয়া মুদ্রিত ও প্রকাশিত কর, নচেৎ এখানকার ছাত্রগণের বাঙ্গালা শিক্ষার অত্যন্ত অনুবিধা দেখিতেছি। সাহেবের অনুরোধ শ্রবণে, অগ্রজ বলিলেন, মহাশয় ! আমি কি লিখিব, আদেশ করুন। সাহেব বলিলেন, তুমি ত হিন্দী বেতালপঞ্চবিংশতি রীতিমত অধ্যয়ন করিয়াছ। ঐ পুস্তক অবলম্বন করিয়া হিন্দীভাষা হইতে বিত্তজ্ঞ বাঙ্গালায় অনুবাদ কর। আর সিরাজউদ্দৌলার সিংহাসনাধিরোহণ হইতে ইংরাজদের বাঙ্গালা অধিকার পর্য্যন্ত মার্শমন্ সাহেবের রচিত ইংরাজী পুস্তক অবলম্বন করিয়া সরল বাঙ্গালা ভাষায় অনুবাদ কর। বেতালপঞ্চবিংশতির বাঙ্গালা ছাপাইতে যেমন অধিক ব্যয় হইবে, তেমন গবর্ণমেন্ট এখানকার লাইব্রেরীর জন্য একশত পুস্তক ৩০০ ডিন শত টাকা মূল্যে গ্রহণ করিবেন। তাহাতে তোমার

ছাপানার ব্যয় নির্বাহ হইবে। অবশিষ্ট পুস্তক বিক্রয় করিয়া তুমি বখেট লাভ করিতে পারিবে। প্রথমতঃ মার্শেল সাহেবের উত্তেজনার উৎসাহাধিত হইয়া তিনি হিন্দী বেতালের অনুবাদ করিতে প্রবৃত্ত হইলেন। অল্প দিনের মধ্যে লেখা শেষ হইলে, ঐ পুস্তক লালবাজারস্থ রোজারী কোম্পানির মুদ্রাবন্ধে মুদ্রিত হইয়াছিল।

তিনি আসিস্ট্যান্ট সেক্রেটারির পদে প্রতিষ্ঠিত হইয়া সংস্কৃত কলেজের বন্দোবস্ত করায়, কলেজের সেক্রেটারি বাবু রসময় দত্ত মহাশয় ও এডুকেশন কোন্সেলের সেক্রেটারি ডাক্তার ময়েট সাহেব, পরম সন্তোষ লাভ করিয়াছিলেন। তাঁহার বন্দোবস্তে অশ্রান্ত বৎসর অপেক্ষা এই বৎসরের ইন্সকলার্শিপ পরীক্ষার ফল অনেক অংশে উৎকৃষ্ট হইয়াছিল। ঐ বৎসর ফাল্গুন মাসে পারিতোষিক বিতরণ কার্য সমাধার পর অগ্রজ ছোট ছোট ভাইগুলিকে কলিকাতায় রাখিয়া বাটী গমন করেন; ইহার কয়েক দিন পরে দ্বাদশবর্ষীয় হরচন্দ্র নামক চতুর্থ সহোদর বিহুটিকা রোগে আক্রান্ত হইয়া অকালে কালগ্রাসে নিপতিত হয়। অল্পগত, অসাধারণ বুদ্ধিশক্তিসম্পন্ন, ভাতার মৃত্যুসম্বন্ধে অগ্রজ মহাশয় অত্যন্ত শোকাহুত হইয়াছিলেন। লেখাপড়ার চর্চা একবারে পরিত্যাগ করিয়া দিবারাত্রি কয়েক মাস রোদনেই সময়ান্তিপাত করিতেন। ৫।৬ মাস রীতিমত আহার না করায়, অতিশয় দুর্বল হইয়াছিলেন। ভাতৃ-বর্গের মধ্যে হরচন্দ্র অত্যন্ত বুদ্ধিমান ছিল। তাহার উপর জ্যেষ্ঠের এরূপ আশা ছিল যে, নিজে পরিবার প্রতিপালনের জন্য চাকরি করিতে প্রবৃত্ত হইয়াছি, ইচ্ছামত ভালরূপ লেখাপড়া শিখিতে পারিলাম না; বাহা জানি, তাহাতে দেশের কোন উপকার হইবে না। হরচন্দ্রকে মনের মত লেখাপড়া শিখাইব, তাহার দ্বারা দেশস্থ লোকের উপকার হইবে। জননী দেবী, পুত্রশোকে আহার নিজা পরিত্যাগ পূর্বক নিরন্তর রোদন করিয়া থাকেন, এ কারণ তাঁহার সান্ত্বনার জন্য অশ্রান্ত ভাতৃবর্গকে কলিকাতা হইতে দেশে পাঠাইয়া দেন। মধ্যম সহোদর দীনবন্ধু ভায়রত কোর্ট উইলিয়ম কলেজের প্রধান পণ্ডিতের কার্যে ৬ মাস প্রতিনিধি রাখিয়া অশ্রান্ত ভাতৃবর্গ সমতি-

ব্যাহারে দেশে অবস্থিতি করেন। কিয়দ্বিবস পরে জননী দেবীর শোকের কিছু লাঘব হইলে পর অগ্রজ মহাশয় আমাদিগকে পুনর্ব্বার কলিকাতা যাইবার আদেশ করেন।

ঐ সময় অগ্রজ মহাশয়, সংস্কৃত কলেজের কোন বন্দোবস্ত উপলক্ষে কথা রক্ষা না পাওয়ায় হঠাৎ কর্ম পরিত্যাগ করেন। রেজাইনপত্র প্রাপ্ত হইয়া কলেজের অধ্যক্ষ বাবু রসময় দত্ত ও শিক্ষাসমাজের সেক্রেটারি ডাক্তার ময়েট সাহেব, অগ্রজকে অনেক প্রকার উপদেশ প্রদান করিয়া কর্ম পরিত্যাগ করিতে নিবারণ করেন, এবং অশ্রান্ত আত্মীয় বন্ধু-বান্ধবও বিশিষ্টরূপ হিতগুৰ্ত্ত উপদেশ দেন, কাহারও কথা শ্রবণ করেন নাই। একারণ অনেক আত্মীয় তৎকালে বলেন, বিদ্যাসাগর অতঃপর ভূমি কি করিয়া দিনপাত করিবে? তাহা শ্রবণ করিয়া তাঁহাদিগকে উত্তর করিলেন, আলু পটল বিক্রয় বা মূদীর দোকান করিয়া জীবিকা নির্ব্বাহ করিব। এরূপ সম্মানের কার্য্য অক্রেমে পরিত্যাগ করায় অনেকে আশ্চর্য্যাবিভ হন। তৎকালে কেহ কেহ বলেন যে বিদ্যাসাগরের ভ্রম হইয়াছে, নচেৎ সম্মানের পদ পরিত্যাগ করেন কেন? কিন্তু কর্ম ত্যাগ করিয়া অগ্রজের কিছুমাত্র মানসিক কষ্ট হইল না। তৎকালে বাসায় নিরুপায় আত্মীয় ও স্বসম্পর্কীয় প্রায় ২০টি বালককে অন্নবস্ত্র দিয়া বিদ্যালয়ে অধ্যয়ন করাইতেছিলেন। তন্মধ্যে কাহাকেও বাসা হইতে যাইবার কথা এক দিনের জ্ঞাতও বলেন না। বাল্যকাল হইতে অগ্রজ মহাশয় পরম দয়ালু ছিলেন। পরের কিসে উপকার হইবে সত্ত্বে এই চিন্তাতেই মগ্ন ছিলেন। ভালরূপ ইংরাজী ভাষা শিক্ষার জন্ত প্রত্যহ প্রাতে বহুবাজারের পঞ্চাননতলাহ বাসা-ভবন হইতে সত্ৰা-বাজারহ রাজা রাধাকান্ত দেবের বাগীতে রাজার জামাতা বাবু অমৃতলাল মিত্র ও অপর জামাতা বাবু শ্রীনাথচন্দ্র বসুর নিকট যাইতেন। একাগ্রে-চিন্ত হইয়া, আগ্রহাতিশয় সহকারে ইংরাজী ভাষার অনুশীলনে প্রবৃত্ত হইতেন। মধ্যম সহোদর ফোর্টউইলিয়ম কলেজে প্রদান পণ্ডিতের পদ নিযুক্ত থাকিয়া মাসিক বে ৫০ টাকা বেতন পাইতেন, তদ্বারা কদিকাতার বাসাধরচ অতি কষ্টে নির্ব্বাহ হইতে লাগিল। অগ্রজ

মহাশয় দেশজ্বাণী বাটীর মাসিক ব্যয় নির্বাহের জন্য মাসে মাসে ৫০১ টাকা ব্যয় করিয়া প্রেরণ করিতে লাগিলেন ।

১৯০৩ সংবতে হিন্দী বেতালপঞ্চবিংশতির বাঙ্গালা ভাষায় অনুবাদ প্রকাশিত করিলেন । ফোর্ট উইলিয়ম কলেজের কর্মধ্যক্ষ একশত বেতাল পঞ্চবিংশতি সিবিলায়ানদের পাঠের উদ্দেশে তথাকার লাইব্রেরীতে রাখিলেন ; পর্বর্ণমেন্ট উহার মূল্য ৩০০১ টাকা প্রদান করেন । এতদ্বারা ছাপানার ব্যয় নির্বাহ হইল । অবশিষ্ট চারি শত পুস্তকের মধ্যে প্রায় দুই শত পুস্তক আঙ্গীয় ও বঙ্গবান্ধবকে বিনামূল্যে বিতরণ করেন । বেতালপঞ্চবিংশতি মুদ্রিত হইবার পূর্বে অপর আর কেহ কখন এরূপ উৎকৃষ্ট বাঙ্গালাভাষায় পুস্তক লিখিতে পারেন নাই । এজন্য দেশ বিদেশে অগ্রজ মহাশয়ের ধন্যবাদ হইতে লাগিল । প্রথম এক বেতালপঞ্চবিংশতি লিখিয়া বাঙ্গালা দেশের মধ্যে তাঁহার অদ্বিতীয় নাম প্রকাশিত হইল । বেতালপঞ্চবিংশতি পুস্তকে অতি সুমধুর পদবিদ্যাস হইয়াছে । বেতালপঞ্চবিংশতির বাঙ্গালা তৎকালে সকল সম্প্রদায় লোকের পাঠ করিবার জন্য আন্তরিক ইচ্ছা হইয়াছিল । এই পুস্তকের বাঙ্গালা পাঠ করিয়া তৎকালীন সংস্কৃত কলেজের ও অন্যান্য বিদ্যালয়ের বালকবৃন্দ বাঙ্গালা লিখিতে শিক্ষা করিতেন । অগ্রজ মহাশয়, বাঙ্গালা ভাষা শিক্ষার আদি পথপ্রদর্শক, ইহা সকলকেই মুক্তকণ্ঠে স্বীকার করিতে হইবে । বিদ্যাসাগর মহাশয় প্রচলিত বাঙ্গালা ভাষা লিখিবার ও শিক্ষা করিবার আদি গুরুস্বরূপ । ঐ সময়ে কি সংস্কৃত কি ইংরাজী বিদ্যালয়ের ছাত্রগণ অনেকেই বেতালপঞ্চবিংশতি পুনঃ পুনঃ অধ্যয়ন করিয়া কণ্ঠস্থ করিয়াছিল ; ইহার তাৎপর্য্য এই যে বাঙ্গালা রচনা বা অনুবাদ করিবার সময় বেতালপঞ্চবিংশতির কোন কোন স্থানেই অবিকল পঁক্তি লিখিয়া দিত ।

ইহার কিয়দ্বিবস পরে মার্শমন সাহেবের হিষ্টিরি অব বেঙ্গল অর্থাৎ বাঙ্গালার ইতিহাস, সিরাজদৌলার সিংহাসনাবিরোহণ হইতে ইংরাজদের অধিকার পর্য্যন্ত, প্রাঞ্জল দেশীয় ভাষায় অনুবাদ করিয়া মুদ্রিত করেন । তৎকালে বাঙ্গালার ইতিহাস সকলেই সমাদর পূর্ব্বক গ্রহণ

করেন। স্বল্পদিনের মধ্যেই সকল পুস্তক নিঃশেষ হইয়া যায়। ইহার কয়েক মাস পরে অর্থাৎ সন ১২৫৬ সালের ২৬ শে ভাদ্র জীবনচরিত নামক পুস্তক মুদ্রিত ও প্রচারিত করিলেন। এই পুস্তক রবর্ত উইলিয়ম চেম্বার্স, বহুসংখ্যক সুপ্রসিদ্ধ মহানুভবদিগের বৃত্তান্ত সঙ্কলন করিয়া ইংরাজী ভাষায় যে জীবনচরিত পুস্তক প্রচার করিয়াছেন, তদ্ব্যতীত হইতে কেবল কোপার্নিকাস, গ্যালিলিও, নিউটন, হার্শেল প্রভৃতি কয়েকটি মহানুভবের চরিত ইংরাজী ভাষা হইতে বাঙ্গালা ভাষায় অনুবাদ করিয়া প্রকাশ করিয়াছেন। ইতিপূর্বে এতদেশীয় কেহ কখন এরূপ জীবনচরিত সঙ্কলন বা অনুবাদ করেন নাই। বিশেষতঃ এতদেশে এরূপ জীবনচরিত লিখিবার প্রথা পূর্বে প্রচলিত থাকে নাই। ইউরোপীয়দের দ্বারা জীবনচরিত লিখিবার প্রথা প্রচলিত থাকিলে, এতদেশেরও অনেক মহানুভবের নাম প্রকাশ হইত। দুর্ভাগ্য প্রযুক্ত এরূপ প্রথা না থাকিতে ভারতবর্ষের পূর্বতন অসংখ্য মহানুভব মহামহোপাধ্যায়ের নাম কালসহকারে বিলুপ্তপ্রায় হইয়াছে। বাঙ্গালা দেশের বিদ্যার্থী বালকবৃন্দের বিশিষ্টরূপ উপকার দর্শিতে পারে এই আশায় বিদ্যাসাগর মহাশয় ঐ পুস্তকের অনুবাদে প্রবৃত্ত হইয়াছিলেন। “সামান্য কৃষকের পুত্র নিউটন নিজের স্বল্প ও পরিভ্রমে লেখা পড়া শিক্ষা করিয়া জগদ্বিখ্যাত হইয়াছিলেন। নিউটন অদ্বিতীয় বুদ্ধিমান ও বিদ্বান হইয়াও স্বভাবতঃ বিনীত ছিলেন। আপন বিদ্যার কিকিমাত্র অভিমান করিতেন না। নিউটনের এই এক সুপ্রসিদ্ধ কথা ধরাতলে জাগরুক রহিয়াছে, আমি বালকের দ্বারা বেলাভূমি হইতে উপলব্ধ ও সঙ্কলন করিতেছি, জ্ঞানমহার্যব পুরোভাগে অক্ষুরূপ রহিয়াছে” ইত্যাদি রূপ বিদ্যাশিক্ষার উত্তেজক জীবনচরিত পাঠে এতদেশীয় লোক নানাপ্রকার উপদেশ প্রাপ্ত হইবে, দ্বিতীয়তঃ আনু-সঙ্গিক তত্ত্বদেশের তত্ত্বকালীন রীতি, নীতি, ইতিহাস, আচার, ব্যবহার পরিজ্ঞাত হইবে। বিদ্যাসাগর মহাশয় ঐ পুস্তক মুদ্রিত করিবার স্বল্পদিনের মধ্যেই লোকের আগ্রহাতিশয়ে সমস্ত জীবনচরিত পুস্তক নিঃশেষ হইল। তৎকালীন বিদ্যার্থী মাঝেই এই পুস্তক সমাদর পূর্বক পাঠ করিতেন।

বিদ্যাসাগর মহাশয়ের সুন্দর অনুবাদ ও ললিত রচনা প্রণালী দর্শনে সকলে অপরিণীত আনন্দলাভ করিয়াছিলেন। সুতরাং সাধারণের নিকট অদ্বিতীয় লেখক বলিয়া প্রশংসাজনন হইয়াছিলেন। ইতি-পূর্বে সাধুভাষার ইংরাজী পুস্তকের এরূপ অনুবাদ করিতে কেহ সক্ষম হন নাই।

কাপ্তেন ব্যাক সাহেব সংস্কৃত, বাঙ্গালা ও হিন্দী শিক্ষার মানসে শিক্ষাসমাজের অধ্যক্ষ ডাক্তার ময়েট সাহেবকে এই অনুরোধ করেন যে ইংরাজী ও সংস্কৃত ভাষার বিলম্ব একটা পণ্ডিত নির্বাচন করিয়া দেন। ময়েট সাহেব, বিদ্যাসাগর সংস্কৃত কলেজের সেক্রেটারি কার্য পরিত্যাগ করিয়া নিরর্থক বসিয়া আছেন মনে করিয়া কাপ্তেন ব্যাককে শিক্ষা দিবার জন্য অগ্রজ মহাশয়কে অনুরোধ করেন। অগ্রজ মহাশয় ময়েট সাহেবের অনুরোধপরতন্ত্র হইয়া ব্যাক সাহেবকে কএক মাস প্রত্যহ শিক্ষা দিতে যাইতেন। সাহেব স্বল্পদিনের মধ্যেই বাঙ্গালা ও হিন্দী ভাষা ভালরূপে শিক্ষা করিলেন। কয়েক মাস পরে ব্যাক সাহেব মাসিক ৫০ টাকার হিসাবে একবারে কএক মাসের টাকা তাঁহাকে প্রদান করেন, কিন্তু তিনি ঐ টাকা গ্রহণ করিলেন না। সাহেব টাকা না লইবার কারণ জিজ্ঞাসা করায় অগ্রজ বলেন, আপনি বলিয়াছিলেন যে আপনি ময়েট সাহেবের পরম আত্মীয়, আমিও তাঁহার আত্মীয়, এমনত্ব হলে আমি কি প্রকারে আপনার নিকট বেতন লইতে পারি। চাকরি নাই ক্রমশঃ গণগ্রস্ত হইতেছেন, তথাপি সাহেবের নির্বন্ধাতি-শয়েও প্রমল্ল টাকা গ্রহণ করিলেন না। এরূপ অবস্থায় অল্প লোক কদাচ উপস্থিত প্রচুর টাকা পরিত্যাগ করিতে পারিতেন না। বাল্যকাল হইতেই তাঁহার অর্থের প্রতি দৃষ্টি কম।

এই সময়ে অগ্রজ মদনমোহন তর্কালঙ্কারের সহিত পরামর্শ করিয়া সংস্কৃত বঙ্গ নাম দিয়া একটি মুদ্রাযন্ত্র স্থাপন করেন। ৬০০ টাকার একটি প্রেস ক্রয় করিতে হইবে, টাকা না থাকাতে তাঁহার পরম বন্ধু বাবু নীলমোহন মুখোপাধ্যায়ের নিকট ঐ টাকা গণ করিয়া তর্কালঙ্কারের হস্তে দেন, তাহা হইতেই তর্কালঙ্কার প্রেস ক্রয় করেন। ঐ টাকা

নীলমাধব মুখোপাধ্যায়কে প্রত্যাশ করিবার কথা ছিল। এক দিবস কথা এসঙ্গে মার্শেল সাহেবকে বলেন যে, আমরা একটি ছাপাখানা প্রস্তুত করিয়াছি, যদি কিছু ছাপাইবার আবশ্যক হয় বলিবেন। ইহা শুনিয়া সাহেব বলিলেন, বিদ্যার্থী সিবিলিয়ানগণকে যে ভারতচন্দ্রকৃত অন্নদামঙ্গল পড়াইতে হয়, তাহা অত্যন্ত জঘন্য কাগজে ও জঘন্য অক্ষরে মুদ্রিত, বিশেষতঃ অনেক বর্ণাশুদ্ধি আছে, অতএব যদি কৃষ্ণনগরের রাজবাটী হইতে আদি অন্নদামঙ্গল পুস্তক আনাইয়া শুদ্ধ করিয়া ত্বরায় ছাপাইতে পার, তাহা হইলে ফোর্ট উইলিয়ম কলেজের জন্ত আমি একশত পুস্তক লইব, এবং ঐ এক শতের মূল্য ৬০০ শত টাকা দিব। অবশিষ্ট ষত পুস্তক বিক্রয় করিবে, তাহাতে তুমি যথেষ্ট লাভ করিতে পারিবে, তাহা হইলে যে টাকা ঋণ করিয়া ছাপাখানা করিয়াছ, তৎসমস্তই পরিশোধ হইবে। সুতরাং কৃষ্ণনগরের রাজবাটী হইতে অন্নদামঙ্গল পুস্তক আনাইয়া মুদ্রিত ও প্রকাশিত করেন। একশত পুস্তক ফোর্ট উইলিয়ম কলেজে দিয়া ৬০০ ছয় শত টাকা প্রাপ্ত হন, ঐ টাকায় নীলমাধব মুখোপাধ্যায়ের ঋণ পরিশোধ হয়। ইহার পর যে সকল সাহিত্য, ন্যায়, দর্শন পুস্তক মুদ্রিত ছিল না, তৎসমস্ত গ্রন্থ ক্রমশঃ মুদ্রিত করিতে লাগিলেন। ফোর্ট উইলিয়ম কলেজের ও সংযুক্ত কলেজের লাইব্রেরীর জন্য নূতন নূতন যে পরিমাণে পুস্তক লইতে লাগিল, তদ্বারা ছাপানার ব্যয় নির্বাহ হইয়াছিল। অন্যান্য লোক যাহা ক্রয় করিতে লাগিলেন, তাহা লাভ হইতে লাগিল। ঐ টাকায় ক্রমশঃ ছাপাখানার ইষ্টেট বা কলেবর বৃদ্ধি করিতে লাগিলেন। অনন্তর ফোর্ট উইলিয়ম কলেজের হেড রাইটায়ের পদ শূন্য হইলে ঐ পদে অগ্রজ মহাশয় মাসিক ৮০ টাকা বেতনে নিযুক্ত হইলেন। তথাপি বৈরূপ পরিভ্রম করিয়া ইংরাজী শিক্ষা করিতে-ছিলেন, এক্ষণেও শিক্ষা বিষয়ে কখন ক্রটি করেন নাই। ইংরাজীতে যে সকল রিপোর্ট পর্বর্ষমেটে পাঠাইতে হইত তৎসমুদায় স্বয়ং রচনা করিতেন; অন্ত কাহারও সাহায্য লইতে হইত না। তাঁহার ইংরাজী রচনা অতি উৎকৃষ্ট হইত। একারণ কৃতবিদ্য ইংরাজী লেখকগণ

তঁাহার ইংরাজী রচনা দেখিয়া আশ্চর্য্যাবিত হইতেন। সৰ্ব্বদা অনেক রিপোর্ট করিয়া রচনা যেমন উৎকৃষ্ট হইয়াছিল তদনুরূপ ইংরাজী হস্তাক্ষরও অতি উত্তম হইয়াছিল। পণ্ডিত লোকের অধিক বয়সে নিজের স্বত্ব ও পরিশ্রমে যে একরূপ ইংরাজী শিক্ষা করা অতি আশ্চর্য্যের বিষয় বলিতে হইবে।

এই সময় সংস্কৃত কলেজের গণিতশাস্ত্রাধ্যাপক যোগদ্যান পণ্ডিত মানবলীলা সম্বরণ করেন। তিনি সংস্কৃত কলেজের ছাত্রগণকে লীলাবতী ও বীজগণিতের অঙ্ক শিক্ষা দিতেন। তৎকালে তিনি বঙ্গদেশের মধ্যে অঙ্কশাস্ত্রে অদ্বিতীয় পণ্ডিত ছিলেন। কলেজের কৰ্ম্মাধ্যক্ষ বাবু রসময় দত্ত উত্তর পশ্চিমাঞ্চল হইতে, গণিতশাস্ত্রের অঙ্ক শিক্ষা দিবার লোক নির্বাচন করিয়া আনিবার ইচ্ছা প্রকাশ করেন, কিন্তু অগ্রজের অভিপ্রায় এই যে সংস্কৃত কলেজের মধ্যে যিনি অঙ্কে প্রতি-বৎসর পরীক্ষায় সৰ্ব্বশ্রেষ্ঠ হইয়া থাকেন; ছায় বিচারে তঁাহারই এই পদ পাওয়া সৰ্ব্বতোভাবে বিধেয়, মনে মনে এই স্থির করিয়া শিক্ষা-সমাজের প্রেসিডেন্ট ও সেক্রেটারিকে অনুরোধ করিয়া বলেন যে, সংস্কৃত কলেজের সকল ছাত্র অপেক্ষা প্রিয়নাথ ভট্টাচার্য্য প্রতি বৎসর অঙ্কের পরীক্ষায় সর্বোৎকৃষ্ট হইয়া থাকেন এবং কলেজের সকল ছাত্র অপেক্ষা তঁাহার অঙ্কে ব্যুৎপত্তি জন্মিয়াছে। অজ্ঞাত বিষয়েও পরীক্ষায় গত বৎসর সর্বোৎকৃষ্ট হইয়া প্রধান এস্কলারশিপ প্রাপ্ত হইয়াছেন। অতএব উক্ত পদ তঁাহারই পাওয়া উচিত, ইহা শ্রবণ করিয়া শিক্ষাসমাজ প্রিয়নাথ ভট্টাচার্য্যকে উক্ত পদে নিযুক্ত করেন। প্রিয়নাথ ভট্টাচার্য্য কৰ্ম্মে নিযুক্ত হইয়া আন্তরিক স্বস্তির সহিত বালকগণকে শিক্ষা দিতেন। তৎকালই গত বৎসর অপেক্ষা ঐ বৎসর পরীক্ষায় ছাত্রগণ অঙ্কে উৎকৃষ্ট হইয়া-ছিল। পরীক্ষায় পূৰ্ব্ব বৎসর অপেক্ষা কল ভাল হওয়ারতে অগ্রজ প্রিয়নাথের প্রতি পরম সন্তুষ্ট হইয়াছিলেন।

এই বৎসর শিক্ষাসমাজ সংস্কৃত কলেজের জুনিয়র ও সিনিয়র উত্তর ডিপার্টমেন্টের বাৎসরিক পরীক্ষার ভার বিদ্যাসাগর মহাশয় ও ডাক্তার রোয়ারের প্রতি অর্পণ করেন। অগ্রজ মহাশয়ই স্বয়ং উত্তর ডিপার্ট-

মেন্টের প্রশ্ন প্রস্তুত করেন। কলেজের অধ্যাপকগণ প্রশ্ন দেখিয়া সন্তুষ্ট হইয়াছিলেন। পাঁচ দিবস পরীক্ষার স্থলে উপস্থিত থাকায়, প্রশ্ন প্রস্তুত-করায় ও পরীক্ষার কাগজ দেখায়, যথেষ্ট পরিশ্রম হইয়াছিল, তজ্জন্ম গবর্ণমেন্ট হইতে উভয় পরীক্ষকই পুরস্কার প্রাপ্ত হইয়াছিলেন। সিনিয়র ডিপার্টমেন্টের পরীক্ষায় রামকমল ভট্টাচার্য্য কাব্য ও অলঙ্কারের প্রশ্নের উত্তর সর্ব্বাপেক্ষ ভাল লিখিয়াছিলেন, একারণ অগ্রজ মহাশয় রামকমল ভট্টাচার্য্যকে ঐ টাকা হইতে সমগ্র সংস্কৃত মহাভারত পুস্তক ক্রয় করিয়া দিয়াছিলেন। অবশিষ্ট টাকা হইতে দরিদ্র লোককে বস্ত্র ক্রয় করিয়া দেন। তৎকালে কোন পরীক্ষক নিজ হইতে ছাত্রকে পারিতোষিক প্রদান করেন নাই ; বিদ্যাসাগর মহাশয়কে এ বিষয়ের প্রথম পথপ্রদর্শক বলিতে হইবেক। ঐ সময় রামকমল ভট্টাচার্য্য কঠিন রোগে আক্রান্ত হইয়া কষ্ট পাইতেছেন, ইহা শ্রবণ করিয়া তিনি বাবু হুর্গাচরণ বন্দ্যোপাধ্যায় ডাক্তার মহাশয়কে সমভিব্যাহারে করিয়া রামকমল বাবুর বাটী বাইয়া চিকিৎসা করাইতে প্রবৃত্ত হন। ষত দিন তিনি সম্পূর্ণরূপ আরোগ্য লাভ করিতে না পারিয়াছিলেন ততদিন অগ্রজ বহুবাজারের বাসা হইতে সিমুলিয়ায় তাঁহাদের বাটী বাইতে আলম্ব্য করিতেন না। তাঁহার অহুরোধে হুর্গাচরণ বাবু ভিজিট গ্রহণ করেন নাই। ঐ সময়ে রামকমল বাবুর বাটীতে দেবনাথ মুখোপাধ্যায় মহাশয়ের সহিত দাদার প্রথম আলপ হয়। তিনি উক্ত মুখোপাধ্যায় মহাশয়কে সম্মান করিতেন। তৎকালে নীলাশ্বর বাবুর শৈশবাবস্থা। নীলাশ্বর বাবু ঐ সময়ে বহুকাল হইতে রোগে আক্রান্ত হইয়া কষ্ট পাইতেছিলেন। অগ্রজ নীলাশ্বর বাবুর মস্তক দেখিয়া ব্যস্ত করেন যে, এই বালক অসাধারণ ধীশক্তিসম্পন্ন। তিনি তাঁহাকে সংস্কৃত কলেজে ভর্তি করিয়া লেখা পড়ার বন্দোবস্ত করিয়া দেন।

সন ১২৫৬ সালের ৩০ শে কার্তিক নিশাযোগে অগ্রজ মহাশয়ের পরী এক সন্ধান প্রসব করেন। তিনি, অধিক বয়স পর্য্যন্ত পুত্রলাভে বঞ্চিতা ছিলেন ; একারণ, পিতৃদেব তাঁহাকে নারায়ণের ঔষধ সেবন করান, তন্নিমিত্ত ঐ শিশুর নাম নারায়ণ রাখেন। ইহার কয়েক দিন

পরে অষ্টমবর্ষীয় পঞ্চম সহোদর হরিশ্চন্দ্র লেখা পড়া শিক্ষার জন্ত কলিকাতায় গিয়াছিল। তাহার কলিকাতায় উপস্থিতির কয়েক দিন পরে বিষম বনুচিকা রোগে আক্রান্ত হইয়া অকালে কালগ্রাসে নিপতিত হয়। একারণ অগ্রজ মহাশয় কয়েক মাস শোকে অভিভূত হইয়া ছিলেন। তিনি ষথাসময়ে রীতিমত ভোজন করিতেন না এবং লেখা পড়ায় বিরত হইয়াছিলেন। আমরা সাত ভাই, এজ্ঞ জ্যেষ্ঠাগ্রজ সর্বদা বলিতেন যে, যদিপি সকলে জীবিত থাকি দেশের অনেক উপকার করিতে পারিব। তিনি মনে মনে সংকল্প করিয়াছিলেন, নিজে উপার্জন করিয়া সংসার নির্বাহ করিব, অগ্র্য ভ্রাতৃবর্গকে দেশে রাখিয়া বিদ্যালয় স্থাপন করিয়া দেশের দরিদ্র লোকের সম্ভানগণকে লেখা পড়া শিক্ষাইব। কিন্তু উপর্যুপরি দুই বৎসরে দুইটি ভ্রাতার মৃত্যুতে হতাশ হইয়াছিলেন। হরিশ্চন্দ্র ইতিপূর্বে বলিয়াছিল যে, দাদা! আমার বিবাহে বাজনা করিতে হইবে, এজ্ঞ অদ্যপি অগ্রজ অপর লোকের বিবাহে বাদ্যের শব্দ শুনিলে দীর্ঘ নিশ্বাস পরিত্যাগপূর্বক অশ্রুবিসর্জন করিতেন। লোকপরম্পরায় শুনিলেন, জননী দেবী পুত্রহয়ের মৃত্যুতে সর্বদা রোদন করিয়া থাকেন; এজ্ঞ জননী দেবীকে দেশ হইতে কলিকাতা লইয়া যান। তথায় পাঁচ মাস কাল নিকটে রাখিয়া সান্ত্বনা করেন। জননী, দেশে থাকিয়া পাকাদি কার্য স্বয়ং নির্বাহ করিয়া অপরাপর আগতক ব্যক্তিগণকে বা দরিদ্র নিরুপায় লোকদিগকে ভোজন করাইতে ভাল বাসিতেন। তাঁহাকে অশ্রুমনস্ক করিয়া রাখিবার জন্ত তিনি সর্বদা আত্মীয় ও বন্ধুগণকে নিমন্ত্রণ করিয়া আনিতেন। জননী স্বয়ং পাকাদি কার্য নির্বাহ করিয়া উপস্থিত নিমন্ত্রিতদিগকে খাওয়াইতেন। রন্ধন পরিবেশনাদি কার্যে ব্যাপৃত থাকায় তাঁহার শোকের অনেক লাঘব হইতে লাগিল। জননীকে সন্তুষ্ট করিবার জন্ত পাঁচ মাস কাল অকাতরে ষথেষ্ট টাকা ব্যয় করিয়াছিলেন। কিয়ৎ-পরিমাণে শোকের হ্রাস হইলে পর বৈশাখ মাসে অগ্র্য ভ্রাতৃবর্গ সহিত জননীকে দেশে পাঠাইয়া দেন। ঐ মাসে অগ্রজের পুত্র নারায়ণের বয়ঃক্রম ছয় মাস; তাহার অন্ত্রাশ্রয় উপলক্ষে পিতৃদেব সমারোহ

করিয়া আত্মীয়গণকে নিমন্ত্রণ করিয়া আনাইয়াছিলেন । অগ্রজ তৎকাল-পর্যন্ত মৃত হরিশচন্দ্র ভ্রাতার শোক সন্মরণ করিতে পারেন না ; কেবল পিতার অনুরোধে দেশে গমন করেন । দেশে অবস্থিতির সময় মনে মনে চিন্তা করিলেন যে, অল্পবয়স্ক বালকবালিকাগণ প্রথম, দ্বিতীয়, ও তৃতীয় ভাগ শিশুশিক্ষা পড়িয়া, তৎপরে কি পুস্তক অধ্যয়ন করিবে ? অনন্তর রুডিমেন্টস্ অফ নলেজ বঙ্গভাষায় অনুবাদ করিয়া বোধোদয় নামে একখানি পুস্তক ১২৫৭ সালে মুদ্রিত ও প্রচারিত করেন । নিয়-শ্রেণীস্থ বালকগণের পাঠোপযোগী এরূপ কোনও পুস্তক একাল পর্যন্ত কেহ প্রকাশ করিতে পারেন নাই ।

বাল্যকাল হইতে অগ্রজ মহাশয় মনে মনে চিন্তা করিতেন যে স্ত্রীলোকেরা কেন লেখা পড়া শিক্ষা করিতে পায় না ? কেনই বা ইহার যাবজ্জীবন, জ্ঞানোপার্জনে অসমর্থ থাকে ? কুলীনদিগের বহুবিবাহ কি উপায়ে রহিত হয় ? ইহা কিছু শাস্ত্রসম্মত নয়, এই কুপ্রথা যত দিন না দেশ হইতে নির্বাসিত হয়, ততদিন বঙ্গনিবাসী হিন্দুগণের মঙ্গল নাই ।

বিধবা বালিকা দৃষ্টিপথে পতিত হইলে আন্তরিক দুঃখানুভব করিতেন । এক দিবস, কোন আত্মীয়ের দ্বাদশবর্ষীয়া দুহিতা বিধবা হইলে, তদর্শনে জননী দেবী শোকে অভিভূতা হইয়া রোদন করিতে লাগিলেন । অগ্রজ জননীকে সান্ত্বনা করিলে পর জননী ও পিতৃদেব বলিলেন যে বিধবা বালিকার পুনর্বিবাহবিধি কি ধর্ম্মশাস্ত্রের কোনও স্থলে কিছু লেখা নাই ? শাস্ত্রকারেরা কি এতই নির্দয় ছিলেন ? জনক জননীর মুখনিঃসৃত এই বাক্য তাঁহার হৃদয়ে প্রোথিত হইয়া রহিল ।

হিন্দু কলেজের সিনিয়র ডিপার্টমেন্টের ছাত্রগণ এক্ষণে সর্ব-শুভকরী নামক মাসিক সম্বাদপত্রিকা প্রকাশ করেন, উক্ত সম্বাদপত্রের অধ্যক্ষ বাবু রাজকৃষ্ণ মিত্র প্রভৃতি অনুরোধ করিয়া বলেন, আমাদের এই নূতন কাগজে প্রথম কি লেখা উচিত তাহা আপনি স্বয়ং লিখিয়া দিন । প্রথম কাগজে আপনার রচনা প্রকাশ হইলে কাগজের গৌরব হইবে, সকলে সমাদর পূর্বক কাগজ দেখিবে । উহাদের অনু-

রোধের বশবর্তী হইয়া প্রথমতঃ বাল্যবিবাহের দোষ কি, তাহা রচনা করিয়াছিলেন তাঁহার লিখিত একারণ তৎকালীন কৃতবিদ্যালোক মাত্রেই সমাদরপূর্ব্বক সর্ব্বশুভকরী পত্রিকা পাঠ করেন। পরমাসে মদনমোহন তর্কালঙ্কার মহাশয় জ্ঞানীশিক্ষা বিষয়ক প্রবন্ধ লিখেন। ইহার পর চৈত্র মাসে চৈত্র-সংক্রান্তির সময় লোকে যে জিহ্বা বিদ্ধ করে ও পীঠ ফুঁড়িয়া চড়ক করিয়া থাকে, এবং যত্নের পূর্ব্বে যে গঙ্গায় অন্তর্জলি করে, এই দ্বিবিধ কুপ্রথার নিবারণার্থে প্রবন্ধ লিখিবার জন্য দীনবন্ধু আয়রহ ও তৎকালীন সংস্কৃতকলেজের স্নলেখক ছাত্র মাধবচন্দ্র গোস্বামীর প্রতি ভার দেন।

এই বৎসর শিক্ষাসমাজ, অগ্রজকে হিন্দু কলেজ, হুগলি কলেজ, কৃষ্ণনগর কলেজ, ও ঢাকা কলেজের সিনিয়র ডিপার্টমেন্টের ছাত্রগণের বাঙ্গালা রচনার পরীক্ষক নিযুক্ত করেন। তিনিও, ভারতবর্ষের জ্ঞানগণকে লেখা পড়ার শিক্ষা দেওয়া উচিত কি না? এই বিষয়ে প্রশ্ন দেন। সকল ছাত্র অপেক্ষা কৃষ্ণনগর কলেজের নীলকমল ভাট্টা উক্ত প্রশ্নের সর্ব্বোৎকৃষ্ট উত্তর লিখিয়াছিলেন। গবর্ণমেন্ট উক্ত বাবু নীলকমল ভাট্টাকে একটি স্বর্ণমোডেল প্রদান করেন। উক্ত কয়েকটি বিদ্যালয়ের পারিতোষিক বিতরণ কালে প্রেসিডেন্ট মহামতি ডিক্ক ওয়াটার বেথুন উপস্থিত থাকিয়া ঐ সকল বিদ্যালয়ে জ্ঞানীশিক্ষা বিষয়ের সুদীর্ঘ বক্তৃতা করিয়া সাধারণের মনোহরণ করেন এবং ঐ সকল বিদ্যালয়ের যে সকল ছাত্র ভাল পরীক্ষা দিয়াছিলেন, তাঁহাদের রচনাও সর্ব্বসমক্ষে, পারিতোষিক প্রদান সময়ে, পাঠ করা হইয়াছিল। তদবধি সভ্য প্রোত্রিয়বর্গের মধ্যে অনেক কৃতবিদ্য লোক বাহাতে জ্ঞানীশিক্ষা দেখে প্রচলিত হয়, তাহাষে আন্তরিক বৃত্ত করিতে লাগিলেন।

সংস্কৃত কলেজের সাহিত্যশাস্ত্রাধ্যাপক মদনমোহন তর্কালঙ্কার সংস্কৃত কলেজ পরিভ্যাগ করিয়া মুরশিদাবাদের অল্পপণ্ডিতের পদে নিযুক্ত হইলে পর সংস্কৃত কলেজের কাব্যশাস্ত্রের শিক্ষকের পদ শূন্য হয়। তৎকালীন এডুকেশন কোমিশনের সেক্রেটারি ডাক্তার ময়েট সাহেব বিদ্যাসাগর মহাশয়কে ঐ পদে নিযুক্ত করিবার অভিপ্রায়

প্রকাশ করিলে, (ঐ সময়ে দাদা ফোর্ট উইলিয়ম কলেজে হেড রাইটার নিযুক্ত ছিলেন)। অগ্রজ মহাশয় নানা কারণ দর্শাইয়া, প্রথমতঃ অস্বীকার করেন; পরে, ময়েট সাহেব সবিশেষ যত্ন ও আগ্রহ প্রকাশ করাতে তিনি বলিয়াছিলেন, যদি শিক্ষাসমাজ আমাকে অধ্যক্ষপদে নিযুক্ত করেন, তাহা হইলে আপাততঃ এই পদ স্বীকার করিতে পারি। সাহেব তাঁহার নিকট হইতে ঐ মর্মে একখানি পত্র লিখাইয়া লয়েন। তৎপরে স্বঃ ১৮৫০ সালের ডিসেম্বর মাসে সংস্কৃত কলেজে সাহিত্যশাস্ত্রের অধ্যাপকের পদে ৯০ টাকা বেতনে নিযুক্ত হইলেন। বিভাসাগর মহাশয়ের পরম বন্ধু বাবু রাজকৃষ্ণ বন্দ্যোপাধ্যায় মহাশয় জার্ডিন কোম্পানির হোসে কেসিয়ারি পদে নিযুক্ত ছিলেন। ফোর্ট উইলিয়ম কলেজের অধ্যক্ষ মহোদয়কে অনুরোধ করিয়া ঐ কলেজের হেড রাইটারের পদে নিযুক্ত করাইয়া দেন। অগ্রজ মহাশয় কিছু দিন সাহিত্যশ্রেণীর অধ্যাপনার কার্য সম্পন্ন করিতেছেন, ইত্যবসরে বাবু রসময় দত্ত মহাশয় সংস্কৃত কলেজের সেক্রেটারের পদ পরিত্যাগ করেন। কিরূপ ব্যবস্থা করিলে, সংস্কৃত কলেজের উন্নতি হইতে পারে, তদ্বিশয়ের রিপোর্ট প্রদান করিবার আদেশ হইল। তদনুসারে অগ্রজ মহাশয় রিপোর্ট সমর্পণ করিলে, ঐ রিপোর্ট দর্শনে সন্তুষ্ট হইয়া, শিক্ষাসমাজ তাঁহাকে সংস্কৃত কলেজের অধ্যক্ষের পদে নিযুক্ত করেন। সংস্কৃত কলেজের অধ্যক্ষতা কর্ম, সেক্রেটারি ও আসিষ্টান্ট সেক্রেটারি, এই দুই ব্যক্তি দ্বারা নির্বাহিত হইয়া আসিতেছিল, ঐ দুই পদ রহিত করিয়া, শিক্ষা সমাজ অগ্রজকে সংস্কৃত কলেজের প্রিন্সিপালি পদে ১৫০ টাকা বেতনে নিযুক্ত করেন। তখন তিনি কিরূপ বনোবস্ত করিলে কলেজের সম্যক উন্নতি হইবে, নিরন্তর এই চিন্তা করিতে লাগিলেন। তিনি সাহিত্য শ্রেণীর অধ্যাপকের পদে ত্রিশচন্দ্র বিদ্যারত্নকে নিযুক্ত করিলেন। তৎকালে সাহিত্যশ্রেণীর যে সকল পাঠ্য পুস্তক অবধারিত ছিল, তন্মধ্যে যে কয়েক প্রকারের পুস্তক হুম্মাপা হইয়াছিল, তৎসমূহ পুনর্মুদ্রিত করাইয়া বিদ্যার্থীদের বিশিষ্টরূপ সুবিধা করিয়া দিয়াছিলেন। সাহিত্য পুস্তক রঘুবংশ, বাহা ভরতমল্লিক, জয়মল্ল,

নাথুরাম শাস্ত্রী ও প্রেমচন্দ্র তর্কবাগীশের চীকা সম্বলিত মুদ্রিত ছিল, উহার চীকাগুলি সর্কান্দ্রহন্দর না থাকায় মল্লিনাথের চীকাসম্বলিত রঘুবংশ ও কুমারসম্ভব মুদ্রিত করিয়া সাধারণের বিশেষ উপকার করিয়াছিলেন। ইহার পূর্বে কুমারসম্ভব মুদ্রিত হয় নাই, সুতরাং কলেজের ছাত্রগণ হস্তলিখিত পুস্তক দর্শনে অধ্যয়ন করিত; ইহাতে সাধারণের বিশেষ উপকার হইয়াছিল। এইরূপ দর্শনশ্রেণীর বিদ্যার্থীগণের যে সকল পাঠ্য পুস্তক মুদ্রিত ছিল না, হস্তলিপি দেখিয়া অধ্যয়ন করিতে হইত, তৎসমস্ত ত্বরায় মুদ্রিত করাইয়া, ঐ অভাব মোচন করেন। ইহাতে কলেজের অধ্যাপক ও ছাত্রবর্গের ও অগ্রাগ্র টোলের ছাত্রবর্গেরও বিশেষ সুবিধা হইয়াছিল।

প্রিন্সিপালের পদে নিযুক্ত হইবার ৬৭ মাস পরে অগ্রজ মহাশয় অত্যন্ত পীড়িত হন। কিছু সূস্থ হইবার পর শিরঃপীড়া ও দন্তরোগে আক্রান্ত হইয়া অতিশয় যন্ত্রণা ভোগ করেন; অনেক তহির করিয়া কিছু সূস্থ হন। কিন্তু শিরঃপীড়া হইতে একেবারে নিষ্কৃতিলাভ করিতে পারেন নাই, বহু দিবস ব্যাপিয়া শিরঃপীড়ার মূত্র ছিল। প্রিন্সিপাল নিযুক্ত হইবার কয়েক মাস পরে ভয়ানক এক দুর্ঘটনা উপস্থিত হইল। অগ্রজ মহাশয়ের প্রধান মুরকি লেজীসলেটিভ কোমিসিলের মেম্বর ও শিক্ষাসমাজের প্রেসিডেন্ট ভারতহিতৈষী, বিদ্যোৎসাহী, মহামতি বেথুন সাহেব মহোদয় কালগ্রাসে নিপতিত হন।

অগ্রজ মহাশয়, সংস্কৃত কলেজের ও অগ্রাগ্র কলেজের ভবিষ্যৎ উন্নতির জন্য এবং ভারতবর্ষের জেলায় জেলায় বিদ্যালয় স্থাপন জন্য যে বিদ্যোৎসাহী বেথুন সাহেবের ভবনে নিরন্তর বাইতেন; সেই মহাত্মার নাম এখানে উল্লেখ না করিয়া ক্ষান্ত থাকা উচিত হয় না। মহামতি ভারতহিতৈষী বেথুন সাহেব ভারতবর্ষের অবলাগণের বিদ্যা শিক্ষার জন্য সর্বপ্রথমে কলিকাতা মহানগরীতে বালিকাবিদ্যালয় স্থাপন করেন। প্রথমতঃ কলিকাতায় হিন্দু দলপতিগণ ক্রীশিক্ষা বিষয়ে নানাবিধ অমূলক আপত্তি উত্থাপন করেন; তথাপি বেথুন সাহেব ভদ্রোৎসাহ হন নাই। সর্বাগ্রে কলিকাতা সুকিয়া স্ট্রীটের বাবু দক্ষিণারঞ্জন মুখো-

পাধ্যায়ের বৈঠকখানায় অভিনব বালিকাবিদ্যালয়ের কার্য আরম্ভ হয়। সাহেব প্রতিদিন বালিকাবিদ্যালয়ের তত্ত্বাবধান করিতে আসিতেন, কিরূপে বিদ্যালয়ের উন্নতি হয়, সতত এই চিন্তায় মগ্ন থাকিতেন। কিছু দিন পরে পটলডাঙ্গার গোলদিঘীর দক্ষিণপূর্ব কোণে, পূর্বে যে গৃহে হেয়ার সাহেবের স্থল ছিল, সেই বাটীতে ঐ বিদ্যালয়ের কার্যনির্বাহ হইত। বালিকাগণকে উৎসাহ দিবার জন্ত মধ্য মধ্য তৎকালীন গবর্ণর জেনেরালের পত্নী লেডি ডালহৌসী বেথুন-সংস্থাপিত এই বিদ্যালয়ে আসিয়া কার্য পরিদর্শন করিতেন এবং স্বরায় বাহাতে বিদ্যালয়ের উন্নতি হয়, তাহিষয়ে বিশিষ্টরূপ মনোযোগ দিয়াছিলেন।

কলিকাতায় দলপতিদের নিবারণে প্রথমতঃ কেহ কেহ স্বীয় হুহিতাগণকে শিক্ষার জন্ত এই নবপ্রতিষ্ঠিত বালিকাবিদ্যালয়ে পাঠাইতে সাহস করেন নাই। অগ্রজ মহাশয়ের অনুরোধে বহুবাজারনিবাসী বাবু নীলকমল বন্দ্যোপাধ্যায় মহাশয়, বাবু হরপ্রসাদ চট্টোপাধ্যায়, বাবু রামগোপাল ঘোষ, বাবু ঈশানচন্দ্র বসু তৎকালের সদর দেওয়ানী আদালতের প্রধান উকীল বাবু শত্ৰুনাথ পণ্ডিত, পণ্ডিত তারানাথ তর্কবাচস্পতি, পণ্ডিত মদনমোহন তর্কালঙ্কার প্রভৃতি কয়েক জন কৃতবিদ্য ও সম্ভ্রান্ত লোক স্বীয় স্বীয় কন্তাগণকে শিক্ষার্থে বেথুন-বালিকাবিদ্যালয়ে প্রেরণ করিতেন। উক্ত মহোদয়গণ দলপতিদের নিবারণেও ক্ষান্ত হইলেন না। এজন্ত কলিকাতা ও পল্লিগ্রামস্থ সম্ভ্রান্ত দলপতিরা ঐক্য হইয়া উইঁাদের সহিত সামাজিক ব্যবহার বন্ধ করিয়া দেন এবং সম্বাদপত্রেও তাঁহাদের বধোচিত দুর্নাম ঘোষণা করিয়াছিলেন। তাহাতেও তাঁহারা স্ব স্ব প্রাণসম হুহিতাগণকে বিদ্যালয়ে পাঠাইতে ক্ষান্ত হইলেন নাই। তৎকালে অগ্রজ মহাশয়ের কন্তা হয় নাই, একারণ অনেকে বলিত, বিজ্ঞানাগরের কন্তা থাকিলে কখন তিনি উইঁাদের মত গাড়ী করিয়া বেথুনস্থলে পাঠাইতেন না। অপরকে উত্তেজিত করিয়া দিয়া নিজে বাহিরে থাকিয়া সাহেবদের হুধ্যাতিভাজন হইতেছেন। যে গাড়ীতে বালিকাগণকে বিদ্যালয়ে পাঠান হইত ঐ গাড়ীতে ধর্মশাস্ত্র মনুসংহিতার এই বচনটি স্পষ্টাক্ষরে লেখা ছিল—

কন্ঠাপ্যেয়ং পালনীয়া শিক্ষণীয়ান্তি বহুতঃ ।

সমাজের ভয়ে অশান্ত কৃতবিদ্য অনেক লোক স্ব স্ব ছহিতা, ভগিনী ও ভাগিনেয়ী প্রভৃতিকে বেধুনস্থলে পাঠাইতে সাহস করিতেন না। যে সকল বালিকা ঐ বিদ্যালয়ে অধ্যয়নার্থে প্রবিষ্টা হইয়াছিল, তাহাদের মধ্যে কোন কোন বালিকার পাণিগ্রহণ সময়ে বিপর্যয়কর প্রতিবেশী সকল অনেক আপত্তি উত্থাপন করিয়াছিলেন। অগ্রজ মহাশয়, ঐ আপত্তি সকল, পরিশ্রম স্বীকার করিয়া গতিবিধি ও উপরোধ অনুরোধ দ্বারা খণ্ডন করিয়া দিতে ক্ষান্ত থাকিতেন না। তৎকালে বেধুন ফিমেল স্কুলের চিরস্থায়িতার কোন আশা ছিল না। পরিশেষে বেধুন সাহেব মহোদয় অগ্রজ মহাশয়কে ঐ বিদ্যালয়ের অবৈতনিক সেক্রেটারি পদে নিযুক্ত করিলেন। তিনি সেক্রেটারি পদে নিযুক্ত হইয়া উন্নতির জন্য কায়মনোবাক্যে বিলম্ব যত্ববান হইয়াছিলেন। বেধুন সাহেব ফিমেল স্কুলের বাটী নির্মাণার্থে স্বীয় প্রচুর অর্থের দ্বারা সিমুলিয়ার স্বতন্ত্র স্থান ক্রয় করেন। বনিয়াদ গাড়া হইল, ক্রমশঃ ভিত্তি হইতে আরম্ভ হইল; ইত্যবসরে বেধুন সাহেব কলিকাতার সন্নিহিত প্রায় দশ মাইল পশ্চিম জনাইগ্রামবাসী লোকদিগের অনুরোধের বশবর্তী হইয়া তথাকার স্থল পরিদর্শনে গমন করেন। বর্ষা কাল, জুতরাং পথ অতিশয় কৰ্দময় হওয়াতে সেই হেতু গাড়ি চলিল না, তজ্জন্ত শকট হইতে অবরোধন করিয়া পদব্রজেই কৰ্দমোপরি গমন করিয়া বিদ্যালয়ে উপস্থিত হন। ভয়ানক জরে আক্রান্ত হইয়া কালের করাল কবলে নিপতিত হন। ভারতের অদ্বিতীয় বহু, অদ্বিতীয় বিদ্যোৎসাহী, সদৃশবিভূষিত, পরম দয়ালু বেধুন মহাশয়ত্বের মৃত্যু সম্বন্ধে দেশীয় কৃতবিদ্য লোক ও বিদ্যালয়ের ছাত্র সমূহ বিষম মনে মৃত মহাত্মার সম্বন্ধে উপস্থিত হইয়া শোক ও দুঃখ প্রকাশ করিতে লাগিলেন।

অগ্রজ মহাশয় সর্বসমক্ষে রোদন করিতে প্রবৃত্ত হইলেন। বহন-মণ্ডল অশ্রুজলে প্রাবিত হইল, অশান্ত লোকের উপদেশও নিবৃত্ত হইলেন না। তিনি বঙ্গভূমির বিদ্যালয় সমূহের উন্নতির জন্য নিরন্তর বেধুনের ভবনে বাসিতেন। সাহেব নিঃস্বার্থ, নির্লোভ, স্বার্থ দেশহিতৈষী বিদ্যা-

সাগরের প্রতি আন্তরিক স্নেহ ও মমতা প্রদর্শন করিতেন । বিশেষতঃ ভারতবর্ষের জেলা সমূহের মফঃস্বলে প্রায়ই বিদ্যালোচনার অভাব ছিল ; তৎকালকার অধিকাংশ প্রজাপুঞ্জ কৃষিবৃত্তি অবলম্বন করিয়া দিনপাত করিয়া থাকে । তাহাদের সম্ভানগণ বাল্যকালে পাঠশালায় যাহা শিক্ষা করে তাহার পর অর্থের অসম্ভাব প্রযুক্ত কলিকাতায় লেখাপড়া শিক্ষার জন্ত যাইতে সম্পূর্ণরূপ অক্ষম ; অতএব যাহাতে গবর্ণমেন্ট দ্বারা দেশে দেশে বিদ্যালয় স্থাপন হয় আপনি তদ্বিষয়ের উপায় করিয়া দেন । সাহেবের সহিত প্রায় এইরূপ কথার আন্দোলন হইত । সাহেব মফঃস্বলের স্থানে স্থানে বিদ্যালয় স্থাপন জন্ত গবর্ণমেন্টকে উত্তেজনা করিতেন । তাঁহার কথাতেই তৎকালীন গবর্ণর জেনারেল লর্ডডালহৌসি কর্ণপাত করিয়া ছিলেন । তাহাতেই যে দেশের এরূপ উন্নতি হইয়াছে, তাহার সন্দেহ নাই । তিনি আর কিছু দিন জীবিত থাকিলে দেশের কতই না জানি উন্নতিলাভ হইত । ভারতবর্ষের দুর্ভাগ্য প্রযুক্ত বেথুন ইহ জগৎ পরিত্যাগ করিলেন । অনন্তর মৃতদেহ সমাধি স্থানে নীত হইল, কেবল হেলিডে সাহেব ও অগ্রজ মহাশয় এক শকটে আরোহণ করিলেন । আর প্রায় সহস্রাধিক বিদ্যালয়সমূহের ছাত্রগণ সমবেত হইয়া সমাধি স্থানে সমুপস্থিত হইলেন ।

অন্ত্যেষ্টিক্রিয়া সমাপনান্তে সকলে ম্লান বদনে স্ব স্ব গৃহে প্রত্যাগমন করেন । অনন্তর গবর্ণর জেনারেল বাহাদুর বেথুন-ফিমেল স্কুলের ভার স্বহস্তে লইয়াছিলেন । তৎকালে হোমডিপার্টমেন্টের সেক্রেটারি সিসিল বীডন সাহেব মহোদয়কে এই বিদ্যালয়ের প্রেসিডেন্ট নিযুক্ত করেন । আর বিদ্যাসাগর মহাশয়কে পূর্বের মত অবৈতনিক সেক্রেটারির পদে নিয়োগ করেন । তাঁহার আন্তরিক স্বর ও অধ্যবসায়ে ক্রমশঃ বালিকাবিদ্যালয়ের উন্নতি হইতে লাগিল । যাহারা উক্ত বিদ্যালয়ের প্রধান বিদেষ্টা ছিলেন, বিদ্যাসাগর ক্রমশঃ তাঁহাদিগকে কমিটী করিয়া উপদেশ দিয়া তাঁহাদের বাটীর বালিকাগণকেও “অর্থাৎ সভাবাজারস্থ রাজা কালীকৃষ্ণ বাহাদুর প্রভৃতির বাটীর” বেথুনফিমেলস্কুলে এবিষ্ট করিয়া দিলেন । সর্বপ্রথমে ভারতবর্ষে স্ত্রীশিক্ষা প্রচার বিষয়ে বিদ্যাসাগর মহাশয়ই বেথুন-

সাহেবকে প্রবৃত্ত করেন। ফলতঃ বিদ্যাসাগর মহাশয় আন্তরিক স্বপ্ন না করিলে তৎকালে এতদেশে স্ত্রীশিক্ষা প্রচলিত হওয়া দুষ্কর হইত। তাঁহার স্বপ্নের শৈথিল্য থাকিলে কোন কালে বেথুন-ফিমেলস্কুল উঠিয়া যাইত।

চেম্বস, ইংরাজী ভাষায় মর্যাল ক্লাসবুক নামে যে পুস্তক প্রচারিত করিয়াছেন, এতদেশীয় বালকবালিকাগণের নীতিজ্ঞানার্থে ঐ পুস্তক সন ১২৫৭ সালে বিদ্যাসাগর মহাশয় বাঙ্গালাভাষায় অনুবাদ করিতে প্রবৃত্ত হইলেন। প্রথমতঃ, পুস্তকগণের প্রতি ব্যবহার, পরিবারের প্রতি ব্যবহার, প্রধান ও নিকৃষ্টের প্রতি ব্যবহার, পরিশ্রম, স্বচিন্তা ও স্বাবলম্বন, প্রত্যুৎপন্নমতিত্ব, বিনয়, এই কয়েকটি প্রস্তাব অনুবাদ করিয়াছিলেন এবং প্রত্যেক প্রস্তাবের উদাহরণ স্বরূপ যে সকল বৃত্তান্ত লিখিত হইয়াছে, তন্মধ্যে নেপোলিয়ন বোনাপার্টের কথাও তাঁহার অনুবাদিত; কিন্তু প্রিন্সিপাল-পদে নিযুক্ত হওয়ায় ও অগ্রাহ্যরূপ কার্যে নিরন্তর ব্যাপৃত থাকায় অনবকাশ প্রযুক্ত তিনি তাঁহার পরম বন্ধু বাবু রাজকৃষ্ণ বন্দ্যোপাধ্যায় মহাশয়ের প্রতি নীতিবোধ প্রস্তুত করিবার ভার্য্যার্পণ করেন। তিনি অবশিষ্ট অংশ লিখিয়া সন ১২৫৮ সালের ৪ঠা শ্রাবণ মুদ্রিত ও প্রকাশিত করেন।

ঐ সালে মার্চেল সাহেব লংকৃতকলেজের জুনিয়ার ও সিনিয়র উভয় ডিপার্টমেন্টের পরীক্ষক নিযুক্ত হন। অন্যান্য বৎসর অপেক্ষা এ বৎসরের পরীক্ষার ফল উৎকৃষ্ট হইয়াছিল। বিদ্যাসাগর মহাশয়ের মুনিমমই ইহার কারণ। ঐ বৎসরের আখিন মাসে পূজার অবকাশে বাবু প্রসন্নকুমার সর্বাধিকারীকে সঙ্গে লইয়া বাটী যান। তথায় উভয়েই পুস্তক লইয়া শচীসরোবরের এক অশ্বখবৃক্ষের মূলে বসিয়া পুস্তক পাঠ ও কথোপকথন করিতেন। যে কয়েক দিবস বাটীতে অবস্থিতি করিতেন, সেই কয়েক দিন দরিদ্র লোকের বিলম্বন সুবিধা হইত, কারণ তিনি তাহাদিগকে গোপনে কিছু কিছু দান করিতেন।

গ্রামবাসীদের বাটীতে বাইরা ও সবিশেষ অনুসন্ধান লইয়া বাহার বেকর অভাব ছিল, সাধ্যানুসারে অভাব মোচন করিতেন। ইহা জানিয়া

অন্যান্য ধনশালী লোকেরা আশ্চর্য্যাবিভ হইতেন যে, যে ব্যক্তি এতদূর প্রচুর টাকা দান করেন, তাহা গোপনে করিবার কারণ কি ? আমরা বাহা দান করি তাহা সকলকে প্রকাশ করিয়া থাকি । এক দিবস একটি ভদ্র লোক তাঁহাকে জিজ্ঞাসা করেন যে, মহাশয় ! গোপনে দান করিবার তাৎপর্য্য কি ? তিনি উত্তর করেন যে লোকের সমক্ষে দিলে লইতে যদি লজ্জিত হয় এজন্য গোপনভাবে দেওয়া হয় । যাহারা প্রকাশ্যে দান করেন, তাঁহারা লোকের নিকট প্রতিষ্ঠালাভের অভিপ্রায়ে করিয়া থাকেন । আমি লক্ষ্যলক্ষ্যে কাছাকাছ দান করি না ; লোকের কষ্ট দেখিলেই, দিয়া থাকি । নামে আমার আবশ্যক নাই । উক্ত আশ্বিন মাসে বাটীতে থাকিয়া দেখিলেন, কনিষ্ঠ সহোদর ঈশান ও অগ্রজের পুত্র নারায়ণকে পিতৃদেব অত্যন্ত আদর করিতেন উদ্দর্শনে পরিহাস পূর্ব্বক পিতৃদেবকে বলিলেন, আপনি ঈশানের ও নারায়ণের মাথা ধাইতেছেন, তথাপি আপনি আপনাকে কিরূপে নিরামিষাশী বলিয়া লোকের নিকট পরিচয় দেন ।

তৎকালে সংস্কৃত কলেজে কেবল ব্রাহ্মণ ও বৈদ্যজাতীয় সন্তান-গণ অধ্যয়ন করিত, ব্রাহ্মণের সন্তানেরা সকল শ্রেণীতে অধ্যয়ন করিত । বৈদ্যজাতীয় বালকেরা দর্শন শাস্ত্র পর্য্যন্ত অধ্যয়ন করিতে পাইত, বেদান্ত ও ধর্ম্মশাস্ত্র অধ্যয়ন করিতে পাইত না । শূদ্র বালকের পক্ষে সংস্কৃত কলেজে অধ্যয়ন নিষেধ ছিল । অগ্রজ মহাশয় প্রিন্সিপাল হইয়া শিক্ষাসমাজে রিপোর্ট করিলেন যে, হিন্দুমাঝেই সংস্কৃত কলেজে অধ্যয়ন করিতে পারিবেক । শিক্ষাসমাজ রিপোর্টে সন্তুষ্ট হইয়া তাঁহার প্রস্তাবে সন্মত হইলেন । ইহা শ্রবণ করিয়া ব্রাহ্মণেরা আপত্তি করেন, শূদ্রেই সন্তানেরা সংস্কৃতভাষা কদাচ শিক্ষা করিতে পাইবে না । তাহাতে অগ্রজ মহাশয় বলিয়াছিলেন যে পণ্ডিতেরা তবে কেমন করিয়া সাহেবদিগকে সংস্কৃত শিক্ষা দিয়া থাকেন ? আর সভাবাজারের রাজা রাধাকান্তদেব শূদ্রবংশোদ্ভব, তবে তাঁহাকে কি কারণে সংস্কৃত শিক্ষা দেওয়া হইয়াছিল । এইরূপে সকল আপত্তি অগ্রজ মহাশয়ের দ্বারা খণ্ডিত হইয়াছিল । তাঁহার মত এই যে, শূদ্রসন্তানেরা ব্যাকরণ, সাহিত্য,

অলঙ্কার ও দর্শনশাস্ত্র অধ্যয়ন করিতে পারিবেন, শাস্ত্রের কোনও স্থানে ইহার বাধা নাই। কেবল দর্শনশাস্ত্র স্মৃতি অধ্যয়ন করিতে পারিবেন না। তজ্জন্য শূদ্রপণের স্মৃতির শ্রেণীতে অধ্যয়ন রহিত হইয়াছে। তদবধি শূদ্রজাতীয় সন্তানগণ সংস্কৃত কলেজে প্রবিষ্ট হইয়া সংস্কৃত ভাষা অবাধে শিক্ষা করিয়া আসিতেছেন। শূদ্রেরা যে সংস্কৃত কলেজে সংস্কৃত অধ্যয়ন করিতেছেন, কেবল বিদ্যাসাগর ইহার প্রধান উদ্যোগী, ইহার বন্ধে ও আগ্রহাভিলাষেই শূদ্রপণের সংস্কৃতশিক্ষা প্রচলিত হইয়াছে; এবং ইহাতে দেশের বিশেষ উপকার সাধিত হইতেছে।

তৎকালে সংস্কৃত কলেজে ব্রাহ্মণ ও বৈদ্যজাতির সন্তানেরা বিনা বেতনে অধ্যয়ন করিত, বেতন না লইয়া শিক্ষা দেওয়ার সাহেবদের নিকট বিদ্যালয়ের পৌরব থাকে না। একারণ তিনি, অতঃপর ব্রাহ্মণ, বৈদ্য ও শূদ্রের যে সকল নূতন বালক অধ্যয়নার্থ আসিত, তাহাদের নিকট হইতে মাসিক বেতন আদায়ের ব্যবস্থা করিয়া দিলেন।

মুক্তবোধ ব্যাকরণ, অমরকোষ, ধাতুপাঠ ও ভট্টির পঞ্চম সর্গ অধ্যয়ন করিতে প্রায় ৪।৫ বৎসর সময় অতিবাহিত হইত, এতদ্ব্যতীত মুক্তবোধের হুর্গাদাস ও রামতর্কবাগীশের টীকা অধ্যয়ন করিতে হইত, তথাপি ব্যাকরণে বিশিষ্টরূপ ব্যুৎপত্তি হইত না।

সাহিত্য শাস্ত্র অধ্যয়ন করিতে হইলে অগ্রে সংস্কৃত ব্যাকরণ শিক্ষা করা অভ্যাবশ্যক, নচেৎ সাহিত্যে বোধাদিকার হয় না। অনেক কৃত-বিদ্য বিচক্ষণ বিষয়ী লোক সংস্কৃত ভাষা শিখিতে ইচ্ছা করিয়া থাকেন, কিন্তু ব্যাকরণে অজ্ঞতা প্রযুক্ত সংস্কৃত অধ্যয়নে বঞ্চিত হইয়াছেন। অধ্যাপকগণ হুহুমারমতি শিশুগণকে ব্যাকরণের বাহা উপদেশ প্রদান করিভেন, বালকগণ তাহা কঠিন করিয়া রাখিত, কোন ধাঁধাকই ভালরূপ বুঝিতে পারিত না; “বেমন শুকপক্ষীকে লোকে রাখাক্ষক পাঠ দেয়, অনেকবার শিক্ষা দেওয়ার বনের পক্ষীও ঐ নাম বলিতে পারে, কিন্তু রাখাক্ষক যে কি পদার্থ তাহা তাহার কখনই বোধগম্য হয় না।”

সন ১২৫৮ সালের ১ লা অগ্রহায়ণ অগ্রজ মহাশয় শিশুসন্তানগণের আন্ত সংস্কৃত ভাষার অধ্যয়নের লৌক্যার্থে ব্যাকরণের উপক্রমত্রিকা

নামক পুস্তক রচনা করিয়া মুদ্রিত ও প্রকাশিত করিলেন। ইহার মধ্যে সন্ধি, শব্দ, ধাতু, কৃদন্ত, কারক, সমাস, তদ্ধিত, আছে। সংস্কৃতভাষার অধিকাংশ পুস্তক দেবনাগর অক্ষরে লিখিত থাকে, একারণ উপক্রমণিকা শেষ ভাগে দেবনাগর অক্ষরের বর্ণপরিচয়ও মুদ্রিত হইয়াছে। উপক্রমণিকা শেষ করিয়া সাহিত্য বুঝিতে পারিবে না, এই জন্ত শেষে সরল ভাষার সংস্কৃত গদ্যরচনাও সন্নিবেশিত হইয়াছে। বিদ্যার্থী বালকগণ ছয় মাসের মধ্যে উপক্রমণিকা পাঠ করিয়া সংস্কৃত একবাক্য অনায়াসে বলিয়া থাকে ও সংস্কৃত ভাষা লিখিতে সক্ষম হয়, ইহা দেখিয়া সর্বসাধারণ লোক অগ্রজের এই লোকাভীত ক্ষমতাবলোকনে আশ্চর্য্যাবিত হইয়াছিলেন।

উপক্রমণিকা অধ্যয়ন করিয়াই রঘুবংশ প্রভৃতি অধ্যয়ন করা শিশুগণের পক্ষে দুর্লভ ইত্যাদি আলোচনা করিয়া পঞ্চতন্ত্র গ্রন্থ হইতে কতিপয় সরল গল্প উদ্ধৃত করিয়া সন ১২৫৮ সালের ১লা অগ্রহায়ণ সংস্কৃত ঋজুপাঠ নামক পুস্তক মুদ্রিত ও প্রচারিত করিয়াছেন। সন ১২৫৮ সালের ২২ শে ফাল্গুন রামায়ণের কতিপয় শ্লোক উদ্ধৃত করিয়া ২য় ভাগ ঋজুপাঠ মুদ্রিত করেন। তৎপরে হিতোপদেশের সরল গদ্য ও পদ্য এবং মহাভারত, বিষ্ণুপুরাণ, ঋতুসংহার, বেণীসংহার ও ভট্টিকাব্য এই সকল গ্রন্থের কিয়দংশ উদ্ধৃত করিয়া তৃতীয় ভাগ ঋজুপাঠ মুদ্রিত ও প্রকাশিত করেন। বালকেরা এক বৎসরের মধ্যে ঋজুপাঠ প্রথম, দ্বিতীয় ও তৃতীয় ভাগ অধ্যয়ন করিয়া অনায়াসে সাহিত্য শাস্ত্র অধ্যয়ন করিবার অধিকার পাইয়া থাকে এবং সংস্কৃত রচনা করিবারও যে সামান্যরূপ ক্ষমতালাভ করিয়া থাকে, তাহা বিলক্ষণরূপে প্রকাশ পাইয়াছে। ব্যাকরণের উপক্রমণিকা প্রচার না হইলে বিষয়ী লোক প্রভৃতি কখনই সংস্কৃত অধ্যয়নে প্রবৃত্ত হইতে সক্ষম হইতেন না। ফলতঃ সংস্কৃত ভাষা লিখিবার সহজপথ-প্রদর্শক বিদ্যাসাগর মহাশয়।

কলিকাতায় গ্রীষ্মের অত্যন্ত প্রাচুর্য্য, ঐ সময় কলিকাতায় থাকিয়া পাঠ করা একান্ত কষ্টকর, একারণ ঐ সময়ে অবকাশের আবশ্যক বিবেচনা করিয়া বৈশাখ, জ্যৈষ্ঠ দুই মাস অবকাশের জন্ত শিক্ষাসমাজে

আবেদন করিয়া কৃতকার্য হন, তদবধি বাঙ্গালা দেশে ঐ দৃষ্টান্তে ক্রমশঃ গ্রীষ্মাবকাশ প্রবর্তিত হইল ।

১২৫১ সালের গ্রীষ্মাবকাশে কলিকাতা হইতে যাত্রা করিয়া পদব্রজে ৬ ক্রোশ অন্তর চণ্ডীতলা গ্রামের এক পাছ নিবাসে রাত্রি যাপন করেন, পরদিবস পদব্রজেই তথা হইতে ২০ ক্রোশ অন্তর বীরসিংহার নিজ বাটীতে পঁহছিলেন, এবং পঁহছিয়াই পিতা মাতা ভাই ভগিনীদের ও প্রতিবেশী বন্ধুবর্গের সহিত সাক্ষাৎ করিতে ক্ষণকাল বিলম্ব করিলেন না ।

পর দিবস হইতে গ্রামস্থ নিরুপায়দিগকে বিবেচনামত কিছু কিছু দিয়া সাহায্য করিতে লাগিলেন, ইহা দেখিয়া গ্রামের ও পার্শ্ববর্তী গ্রামের অনেকেই ইহাকে ধনশালী বলিয়া স্থির করিলেন । বোধ হয় এই কারণেই গ্রামস্থ ব্যক্তিদের যোগে ৩০শে বৈশাখ আমাদের বাটীতে ডাকাইতি হয় । ঐ দিবস আমরা রাত্রি নটার পর ভোজনান্তে অন্তঃপুরে শয়ন করিয়াছি, সদর বাটীতে প্রায় ৩০ জন পুরুষ নিদ্রা বাইতেছিলেন, এতদ্ব্যতীত দুই জন গ্রাম্য চৌকিদার জাগরিত ছিল । নিশীথ সময়ে বাটীর সম্মুখে প্রায় ৪০ জন লোক ভয়ানক চীৎকার করিয়া উঠিল ; ঐ চীৎকার শ্রবণে আমাদের নিদ্রাভঙ্গ হইল, তখন, ডাকাইতগণ মশাল জালিয়া মধ্যদ্বার ভাঙিতেছে, তদদর্শনে দাদা অত্যন্ত ভীত হইলেন, আমরা অলক্ষিত ভাবে খিড়কির দ্বার দিয়া তাঁহাকে লইয়া বাটী হইতে প্রস্থান করি, দম্ভ্যগণ অগ্রজকে ধরিতে পারিলে টাকার জন্ত বিলক্ষণ বাতনা দিত । অনন্তর দম্ভ্যগণ যথাসর্ব্ব্ব লুটিয়া লইয়া প্রস্থান করে । রাত্রিতেই খাঁটাল ধানার দারপাকে সম্বাদ দেওয়ার তিনি পর দিন প্রাতে পঁহছিয়া পুলিশ কর্মচারীদের এখানুসারে গোলামাল করায়, পিতৃদেব বলিলেন, আপনি হুলীন ব্রাহ্মণের ছেলে বলিয়া আপনার মর্যাদা রাখিতে পারি, কিন্তু এ সম্বন্ধে আপনাকে কিছু দিতে পারি না । অনন্তর পিতৃদেব পরিবারবর্গের কাহারও দ্বিতীয় বস্ত্র না থাকায় ও ঘটা, বাটা, খালা ইত্যাদি কিছুমাত্র না থাকায় ঐ সকল ক্রয় করিবার জন্ত উদয়গড় ও বড়ার গ্রামে গেলেন । ইত্যবসরে অগ্রজ মহাশয়

বাটীর সম্মুখে ভাতা ও বন্ধুবর্গ লইয়া কপাটী খেলা আরম্ভ করেন। দারোগা বাবু কাঁড়ীদারকে বলিলেন এ বামুনের (ঠাকুরদাস বন্দ্যোপাধ্যায়ের) এত কি জোর যে, আমি দারোগা, আমার মুখের উপর জবাব দেয় যে এক পয়সাও দিব না এবং ইহাও অতি আশ্চর্যের বিষয় (অঙ্গুলি দ্বারা দাদাকে দেখাইয়া বলিলেন) ঐ ছোঁড়াটা কি রকমের লোক, কল্যা ডাকাইতি হইয়াছে, আজ সকালেই বাটীর সম্মুখে কপাটী খেলিতেছে। কাঁড়ীদার বলিল, হজুর ইনি নামাত্র লোক নহেন, জাহালাবাৎদের তেগুটী মাজিষ্ট্রেট বাবু ঈশ্বরচন্দ্র ঘোষাল, ইনি যখন দেশে আইসেন, বন্ধুভাবে এখানে আসিয়া ইহাঁর সহিত সাক্ষাৎকার লাভ করিয়া আপনাকে কৃতার্থ জ্ঞান করেন। এবং শুনা যায় যে, বড় লাট ও ছোট লাট সাহেবের সহিত ইহাঁর বন্ধুত্ব আছে, ইহাঁর মত লইয়া জজ মাজিষ্ট্রেট বাহাল হয়। ইহা শুনিয়া দারোগা স্তব্ধ হইল, এবং শান্তভাবে কার্য করিল, ডাকাইতির কোন কিনারা হইল না। গ্রীষ্মকালের শেষে পদত্বজে কলিকাতায় আসিবার পর এক দিবস ছোট লাট হেলিডের সহিত সাক্ষাৎ হইলে কথাপ্রসঙ্গে হেলিডে সাহেব বলিলেন, তুমি অতি কাপুরুষ, বাটীতে ডাকাইত পড়িল, বিষয় রক্ষা না করিয়া ও তাহাদিগকে না ধরিয়া কাপুরুষের মত পলায়ন করিলে, ইহা অপেক্ষা তোমার পক্ষে আর কি লজ্জার বিষয় হইতে পারে।

ঐ সময়ে দেশহিঁতবী হেলিডে সাহেব লেপ্টেনেন্ট গবর্নরের পদে অভিষিক্ত হইয়াছিলেন। ঐ পদ ভারতবর্ষে এই নূতন স্থাপিত হইল। ঐ সময়ে এডুকেশন কৌন্সিলের কার্যদক্ষ সেক্রেটারি ডাক্তার মর্রেট সাহেব কিছু দিনের জন্য অবকাশ গ্রহণ করিয়া স্বদেশাভিমুখে যাত্রা করেন। হেলিডে সাহেব বাহাদুর নূতন লেপ্টেনেন্ট গবর্নর হইয়া সাবেক শিক্ষামন্ত্রীর পরিবর্তন করেন। এডুকেশন কৌন্সিল নামের পরিবর্তে এক্ষণে পাবলিক ইনস্টিটিউশন এই নামকরণ করিলেন, সেক্রেটারি নাম না রাখিয়া ডিরেক্টরের পদ স্থাপন করেন, ও ঐ পদে গর্ডন ইয়ং সাহেবকে নিযুক্ত করেন। তৎকালে বিদ্যানাগর মহাশয় হেলিডে

সাহেবকে বলেন, যে আপনি, সিভিলিয়ান অফিসার, এবস্থিৎ হোকরা সাহেবকে এত বড় গুরুতর ভার দিয়া ভাল করেন না তিনি এ প্রদেশের রীতি নীতি আচার ব্যবহার কিছুমাত্র পরিজ্ঞাত নন, বেহেতু ঐ সাহেব সিভিলিয়ান অফিসার ও বালক, বিশেষতঃ উনি অল্প দিন ভারত-বর্ষে সমাগত হইয়াছেন, এ প্রদেশের রীতি নীতি কিছুই পরিজ্ঞাত নহেন, শিথিতে আরও কিছুকাল লাগিবে। ইনি কিরূপে এই গুরুতর ভার বহন করিবেন বুঝিতে পারি না। ডাক্তার ময়েট বহুকাল হইতে শিক্ষাসমাজের কার্যদক্ষ ছিলেন, তাঁহার প্রতি এ ভার সমর্পণ করিলে সর্বতোভাবে ভাল হইত। ইহা শ্রবণ করিয়া হেলিডে সাহেব বলিলেন আমার নিজের এ বিষয় পরিদর্শনে বিলম্ব ইচ্ছা আছে। আমি নিজেই সকল কাজ দেখিব, ইয়ও সাহেব উপলক্ষ্য মাত্র, তুমি দুই মাস ইয়ও সাহেবকে কার্যশিক্ষা দাও। ইয়ও বুদ্ধিমান, তরার কার্যদক্ষ হইবার সম্ভাবনা। হেলিডের আদেশে বিদ্যাসাগর মহাশয় কয়েক মাস মধ্যে মধ্যে ডিরেক্টর আফিসে বাইরা ঐ সাহেবকে উপদেশ প্রদান করিয়া কার্যক্ষম করিয়া দেন। যে কয়েক মাস সাহেব কার্য শিক্ষা করেন, সেই কয়েক মাস ইঁহাকে বিশেষ সম্মান করিতেন।

অগ্রজ মহাশয়, অমৃতমি বীরসিংহ ও তৎসম্বন্ধিত গ্রামবাসী মানব-গণের ও বালকগুলির মোহান্তকার নিবারণ মানসে - বিদ্যালয় স্থাপন করিবেন, শৈশবকাল হইতে এ বিষয় মনে মনে আন্দোলন করিতেছিলেন। কিন্তু অর্থান্ধ্র প্রবৃত্তি, বিদ্যালয় স্থাপন করিব এই কথা এতাবৎকাল পর্যন্ত ব্যক্ত করিতে পারেন নাই। এক্ষণে মাসিক ৩০০ তিন শত টাকা বেতন পাইতেন ও বেতালপত্রবিৎপতি, জীবনচরিত, বাঙ্গালার ইতিহাস, উপক্রমণিকা, বোধোদয় প্রভৃতি পুস্তক বিক্রয়ের লাভও যথেষ্ট হইত; একারণ ভ্রাতৃচতুষ্টয় সহ কানুন মাসে জলপথে উলুবেড়ে, বৈয়োধানি, তমোলুক, কোলা, বাক্সী, গোপীপল্ল হইয়া তৃতীয় দিবসে বাঁটালে নৌকা হইতে অবতরণ করিয়া বাটা বান, এবং বাটাতে সমুপস্থিত হইয়া পিতৃদেব মহাশয়কে বলিলেন, যে আপনি দেশে টোল করিয়া দেশস্থ লোককে বিদ্যান্বান করিবেন ইহা বহু দিন পূর্বে মধ্যে মধ্যে প্রায় ব্যক্ত করি-

তেন, এক্ষণে মহাশয়ের আশীর্বাদ প্রভাবে অবস্থা ভাল হইয়াছে, অতএব আমি বীরসিংহায় একটা বিদ্যালয় স্থাপন করিতে মানস করিয়াছি। ইহা প্রবণ করিয়া জননী দেবী ও পিতৃদেব মহাশয় পরম আশ্লাদিত হইয়া দাদার মুখচুষন করিয়া আশ্লাদ প্রকাশ করিলেন। পর দিন বিদ্যালয়ের স্থান নিরূপণ হইল। ভূস্বামী রামধনচক্রবর্তী প্রভৃতিকে মূল্য দিয়া ভূমিবিক্রয়ের কোবালাপত্র লিখাইয়া লইলেন। ইহার পর দিবস মজুর পাওয়া যায় নাই দেখিয়া, দাদা স্বয়ং কোদাল গ্রহণ পূর্বক ভাত্রবর্গ সহ মাটি খনন করিতে প্রবৃত্ত হইলেন। পরে বিদ্যালয়গৃহ শীঘ্র নির্মাণ জন্য পিতৃদেবকে সহস্রাধিক মুদ্রা দিয়া কলিকাতা প্রস্থান করেন।

১৮৫০ খঃ অব্দে গ্রীষ্মাবকাশের পূর্বে চৈত্র মাসে মধ্যম ও তৃতীয় সহোদর ও তৎকালীন বাসার যে যে আত্মীয় সংস্কৃত কলেজের উচ্চ শ্রেণীতে অধ্যয়ন করিত অর্থাৎ ত্রিলোচন শিরোমণি প্রভৃতি কয়েক জনকে দেশস্থ বালকগণের শিক্ষাকার্য্য সম্পাদনার্থে নিযুক্ত করিয়া পাঠাইলেন। বিদ্যাভবন প্রস্তুত হইতে আরও ৪ মাস সময় অতিবাহিত হইবে একারণ দেশস্থ স্বীয় বাসভবনে ও সম্মিহিত প্রতিবেশী লোকের ভবনে কাস্তন মাসে বীরসিংহ গ্রামে বিদ্যালয় স্থাপিত হয়। ইতিপূর্বে এ গণেশে কোনও স্থল স্থাপন হয় নাই। স্থানীয় অনেকের সংস্কার ছিল, স্থলে অধ্যয়ন করিলে স্বস্তান হইয়া থাকে। কেহ কেহ বলিতেন, ছেলেরা নাস্তিক হইবে। কোন কোন ভট্টাচার্য্যের সংস্কার ছিল, জাতিভ্রংশ হইবে; ইত্যাদি কত লোকে কত কথাই প্রকাশ করিতে লাগিল। তৎকালে বীরসিংহবাসী লোকদিগের অবস্থা অত্যন্ত মন্দ ছিল। সদুপোগে কৃষিকর্ম্ম করিয়া দিনপাত করিত। ইহাদের সম্ভানগণ গরু চরাইত। কেহ কেহ অন্যের ক্ষেত্রে মজুরি করিয়া দিনপাত করিত। অনেকের দিনান্তে অন্ন জুটা হুত্ব হইত। বাহা হউক, বিদ্যালয় স্থাপন করিবারাত্র ৫৭ দিনের মধ্যেই প্রায় শতাধিক বালক অধ্যয়নার্থ প্রবিষ্ট হইল। ক্রমশঃ সম্মিহিত গ্রাম পাথরা, উদয়গঞ্জ, কুরাণ, গোপীনাথপুর, মহুপুর, দণ্ডীপুর, ঝড়পালা, দীর্ঘগ্রাম, সাততের্তুল, আমড়াপাট, পুড়ুভড়া, মামরুল, আকপপুর, রাধানগর দ্বীপপাই প্রভৃতি গ্রাম

হইতে যথেষ্ট বালক বিদ্যালয়ে প্রবিষ্ট হইতে লাগিল। পাঠ্য পুস্তক ক্রয় করে অনেকেরই এমন সঙ্গতি ছিল না। বিদ্যালয় অবৈতনিক হইল। অগ্রজ মহাশয় প্রায় ৩০০ তিন শতের অধিক বালকের জন্য পাঠ্যপুস্তক এবং কাগজ ও শ্লেট কলিকাতা হইতে অকাতরে প্রেরণ করিতেন। স্বগ্রামের যে যে ছাত্রের বস্ত্রাভাব ছিল, তাহাদিগকে বস্ত্র-ক্রয় করিয়া দিবার জন্য আমাকে আদেশ দেন। ঐ সময়ে বিদেশস্থ অনেক অধ্যাপকের পুত্র অধ্যয়ন মানসে সমাগত হইলেন।

যাহারা অগ্রের বাটীতে বেতন গ্রহণ করিয়া দিবসে গল্প চরাইত, বা যাহারা দিবসে কৃষিকর্ম করিত, তাহাদের লেখা পড়া শিক্ষার জন্ত নাইট স্কুল স্থাপন করেন। ঐ স্কুলে সন্ধ্যার পর রাত্রি দুই প্রহর পর্যন্ত আলোক জ্বলিত, ও তামাক দেওয়া হইত; দুই জন শিক্ষক নিযুক্ত ছিলেন; বিনামূল্যে পুস্তক দিতে হইত, এই সকল বিষয়ে যাহা ব্যয় হইত তাহা বিদ্যালয় মহাশয় নির্বাহ করিতেন। ঐ সময়ে এ প্রদেশে ডাক্তারি চিকিৎসার প্রচলন ছিল না। অগ্রজ মহাশয় দেশস্থ লোকের প্রতি অনুগ্রহ প্রদর্শন করিয়া দাতব্যচিকিৎসালয় স্থাপন করেন। সকলে বিনামূল্যে ঔষধ পাইত। বীরসিংহা, বোয়ালিয়া, পাথরা, মামুদপুর প্রভৃতি সন্নিহিত গ্রামে কাহারও বাটীতে চিকিৎসা করিতে হইলে পদব্রজে বাইয়া বিনা ভিজীটে চিকিৎসা করিবার ব্যবস্থা ছিল। এতদ্ব্যতীত দুঃস্থ লোককে পথের জন্ত সাণ্ড বাতাসা মিছরি দেওয়া হইত।

তৎকালে এ প্রদেশের স্ত্রীলোকেরা লেখা পড়া শিক্ষা করিত না। বীরসিংহায় সর্বপ্রায়ে বালিকাবিদ্যালয় স্থাপিত হয়। সকল বালিকাই বিনা মূল্যে পুস্তক পাইত। যৎকালে কলিকাতায় প্রথম ব্রেথুন ফিমেল-স্কুল স্থাপিত হয়, তৎকালে কলিকাতাবাসী সম্ভ্রান্ত দলপতিগণ ও অন্যান্য সম্ভ্রান্ত লোকেরা নানারূপ পোষণ করিয়াছিলেন, কিন্তু বীরসিংহায় বালিকাবিদ্যালয় স্থাপিত হইলে প্রতিবেশিবর্গ সন্তুষ্ট চিত্তে স্বীয় স্বীয় দুহিতাদিগকে বিদ্যালয়ে পাঠাইয়া দিতেন। উজ্জ্বল সন্নিহিত অপরাপর গ্রামস্থিত লোক সকল কোনও প্রকার আপত্তি উত্থাপন করেন নাই।

বালকবিদ্যালয়ে প্রথমতঃ বাঙ্গালা এবং সংস্কৃত কাব্য ও অলঙ্কারাদির শিক্ষা দেওয়া হইত, কিছুদিন পরে অধিক সংস্কৃত সাহিত্যাদি অধ্যয়ন না করাইয়া রীতিমত ইংরাজী ও সংস্কৃত শিক্ষা দেওয়া হইত। অগ্রজ মহাশয় উক্ত বিদ্যালয়ে মাসিক ৩০০ টাকা, মাষ্টার ও পণ্ডিতের বেতন প্রদান করিতেন; এতদ্ব্যতীত পুস্তকাদির মূল্য কত লাগিত, আমরা তাহার হিসাব রাধি না; বোধ করি, মাসিক অন্ততঃ ১০০ টাকা, পুস্তক, কাগজ ও প্লেট প্রভৃতিতে ব্যয় হইত। অগ্রজের পরম আত্মীয় বাবু প্যারীচরণ সরকার তাঁহার ফাষ্ট'বুক, সেকেন্ড বুক, থার্ডবুক প্রভৃতি পুস্তক গুলির মূল্য লইতেন না। বালকদিগের পাঠার্থ দান করিতেন। বিদ্যাসাগর মহাশয় বীরসিংহার বালিকাবিদ্যালয়ে মাসে মাসে ৩০ টাকা ব্যয় করিতেন। ডাক্তারধানায় ডাক্তার ও কম্পাউণ্ডারের বেতন এবং বাজেরচ ও ঔষধাদির মূল্য প্রভৃতিতে মাসে মাসে ১০০ টাকা প্রদান করিতেন। নাইট স্কুলে প্রতিমাসে ১৫ টাকা প্রদান করিতেন।

ইতিপূর্বে গ্রামে কয়েকটি পাঠশালা ছিল, অবৈতনিক স্কুল হওয়াতে তাহা উঠিয়া গেল, পাঠশালার শিক্ষকগণের দিনপাতের অন্য কোন উপায় ছিল না, সুতরাং পাঠশালার গুরু মহাশয়েরা অগ্রজের নিকট ভ্রূংখ জানাইতে লাগিলেন। একারণ তিনি তাঁহাদের প্রতি দয়া করিয়া আমায় আদেশ করেন যে, ঈশ্বরচন্দ্র চট্টোপাধ্যায়, হরচন্দ্র আচার্য্য, উমাচরণ চট্টোপাধ্যায় ও মধুসূদন ভট্টাচার্য্য এই কয়েক জনকে তুমি প্রাতে ও রাত্রিতে পরিশ্রম সহকারে বাঙ্গালা পুস্তক ও উপক্রমণিকা, পঞ্চতন্ত্র, রামায়ণ, প্রভৃতি ত্বরায় শিখাইয়া দাও। অদ্য হইতে ইহারা নিম্ন শ্রেণীর শিক্ষক নিযুক্ত হইলেন। পাঠশালায় ইহাদের যেরূপ প্রাপ্য ছিল, তদপেক্ষায় কিছু অধিক বেতন দিবে; ভাল করিয়া শিখিতে পারিলে রীতিমত বেতন দেওয়া যাইবে। তাঁহার বাল্যকালের গুরু মহাশয় কালীকান্ত চট্টোপাধ্যায়কে নিম্ন শ্রেণীর ছোট ছোট ছেলেদিগকে বর্ণপরিচয় শিক্ষা দিবার নিমিত্ত নিযুক্ত করেন।

খঃ ১৮৫৫ সালে সংস্কৃত কলেজের অধ্যক্ষতা স্বত্বেও মহানুভব লেপ্ট-নেট গবর্ণর হেলিডে সাহেব বাহাজুর ইহাকে জগলি, বর্জমান, নদীয়া,

ও মেদিনীপুর, এই জেলা চতুষ্টয়ের স্থানে স্থানে বিদ্যালয় সংস্থাপন ও পরিদর্শন জন্ত মাসিক ২০০০ দুই শত টাকা বেতনে স্পেসিয়াল ইনস্পেক্টার নিযুক্ত করেন।

সংস্কৃত কলেজের প্রিন্সিপালের বেতন ৩০০০ তিন শত টাকা, উপরি উক্ত কার্যের বেতন ২০০০ দুই শত টাকা, এতদ্ব্যতীত জেলায় জেলায় পরিভ্রমণের ব্যয় স্বতন্ত্র নির্দ্ধার্য হয়।

তৎকালে স্কুল ইনস্পেক্টার প্রাট সাহেব ও আরও দুই জন ইংরাজ স্কুল ইনস্পেক্টারের পদে নিযুক্ত হন।

এই সময়ে ইংলণ্ডের রাজপুরুষদের সহিত শিক্ষা বিষয়ে পরস্পর পত্র লেখা চলিতে ছিল। তুরায় স্কুল বসাইবার জন্য ইংলণ্ড হইতে আদেশ-পত্র আসায়, অগ্রজ মহাশয় সত্বর স্থানে স্থানে স্কুল বসাইতে লাগিলেন। কিন্তু ডিরেক্টর ইয়ং সাহেব, আদেশ-পত্রের বিপরীত অর্থ করিয়া ক্ষান্ত থাকেন। অপর ৩ জন স্কুল ইনস্পেক্টার সাহেব এবং লেপ্টেনেন্ট গবর্নর হেলিডে সাহেবও বিপরীত বুঝিয়া অগ্রজকে কিছু দিনের জন্য স্কুল বসাইতে ক্ষান্ত থাকিতে বলেন। তিনি ক্ষান্ত না হওয়ায় ডাইরেক্টর এ বিষয় লেপ্টেনেন্ট গবর্নরকে জানাইলেন। লেপ্টেনেন্ট গবর্নর অগ্রজ মহাশয়কে ডাকাইয়া বাদানুবাদের পর ঐ বিষয় বিলাতে রাজপুরুষদিগের গোচর করেন। রাজপুরুষগণ এই সম্বাদ পাইয়া লেপ্টেনেন্ট গবর্নর বাহাদুরকে তুরায় বিদ্যালয় স্থাপনের আদেশ পাঠান এবং ঐ পত্রে অগ্রজের ভূয়সী প্রশংসা করেন। এই সূত্রে তাঁহার সহিত ডাইরেক্টর ইয়ং সাহেবের অপ্রণয় বন্ধমূল হয়। এই অপ্রণয়ই তাঁহার ভাবী পদ পরিত্যাগের মূল কারণ। (ইহা সমগ্র মতে প্রকাশ হইবে।)

আদর্শ বিদ্যালয়ে বা অন্যত্র ইংরাজী বিদ্যালয়ে বাহাদুর শিক্ষকতার কার্যে প্রবৃত্ত হইবেন, তাঁহাদের শিক্ষার জন্য অগ্রজ গবর্নমেন্টকে অনুরোধ করিয়া কলিকাতায় নর্ম্যাল স্কুল স্থাপন করেন। প্রথমতঃ বাবু অক্ষয়-কুমার দত্ত, পণ্ডিত মধুসূদন বাচস্পতি, ও রাজকৃষ্ণ গুপ্ত নর্ম্যালস্কুলের শিক্ষকতা পদে নিযুক্ত হন। কিছু দিন পরে অক্ষয় বাবু শিরঃপীড়া প্রভৃতি নানা রোগে আক্রান্ত হইয়া কর্ম পরিত্যাগ করিলে, তৎকালের

সংস্কৃত কলেজের সর্বপ্রধান ছাত্র বাবু রামকমল ভট্টাচার্য্যকে নরম্যাল স্কুলের প্রধান পণ্ডিতের পদে নিযুক্ত করেন। রামকমল বাবু সংস্কৃত ও ইংরাজীতে অদ্বিতীয় লোক ও অসাধারণ ধীশক্তিসম্পন্ন, তাঁহার ন্যায় বুদ্ধিমান লোক সম্প্রতি দৃষ্টিগোচর হয় নাই। একারণ বিদ্যাসাগর মহাশয় রামকমলকে অত্যন্ত ভাল বাসিতেন। তাঁহার আশা ছিল, রামকমলের দ্বারা দেশের অনেক উপকার হইবে। তৎকালে মফঃসলের টোল হইতে অনেক ব্রাহ্মণ পণ্ডিত ও অপরাপর লোক বিদ্যালয়ের পণ্ডিতের কর্ম প্রাপ্ত্যভিলাষে নরম্যালে প্রবিষ্ট হইয়া শিক্ষা জন্য পরীক্ষা দিতে লজ্জিত হইতেন না। যাহারা পরীক্ষায় উত্তীর্ণ হইতেন, তাঁহারাই নরম্যালে প্রবিষ্ট হইতে পারিতেন। ঐ সময় সংস্কৃত কলেজের অনেক কৃতবিদ্য ছাত্র কর্মপ্রার্থনায় নরম্যালে প্রবিষ্ট হইয়া অঙ্ক, ভূগোল, পদার্থবিদ্যা শিক্ষা করিতে প্রবৃত্ত হয়েন। কয়েক মাস পরে যাহারা পরীক্ষায় উত্তীর্ণ হইলেন, অগ্রজ মহাশয় তাঁহাদের মধ্যে কাহাকেও আদর্শ বিদ্যালয়ে, কাহাকেও ইংরাজী বিদ্যালয়ের প্রধান পণ্ডিতের পদে নিযুক্ত করিয়া পাঠাইলেন।

মধ্যে মধ্যে রামকমল বাবু বিদ্যাসাগরকে বলিতেন, কত টাকা হইলে আপনার খ্যাতি কিনিতে পারিব। পরে যখন বিদ্যাসাগর কর্ম পরিত্যাগ করেন, তখন উডরো সাহেব এই নরম্যাল বিদ্যালয়ের তত্ত্বাবধায়ক হইয়া ছিলেন। রামকমল বাবুর সহিত উডরো সাহেবের সন্তাব ছিল না, মধ্যে মধ্যে বিলক্ষণ বাদানুবাদ হইত। এক দিবস উডরো কোন কথা বলায় অসহ বোধ হইলে অথবা অন্য কোন কারণে সেই দিন মধ্যাহ্ন সময়ে উদ্বুদ্ধনে প্রাণত্যাগ করেন। এই সম্বাদে অগ্রজ শোকাভিভূত হইয়া রোদম করিতে লাগিলেন। সম্বাদদাতা তাঁহাকে বলেন ৭৮ জন ব্রাহ্মণ প্রেরণ করুন, যে তাঁহারা শবকে মেডিকেল কলেজে লইয়া যাইবেক। তথায় পরীক্ষা কার্য সমাধা হইলে পর, সেই মৃত দেহ নিমতলার ষাটে দাহ কারণ লইয়া যাইতে হইবেক। উদ্বুদ্ধনে প্রাণত্যাগ করিয়াছে বলিয়া আমাদের পাড়ার কোন ব্রাহ্মণ দাহ করিতে যাইতে স্বীকার পান নাই, আর মুদফরাসের দ্বারা বহন করিয়া লইয়া গেলে হুর্নাম ও জাতি-

নাশ হইবে। বিদ্যাসাগর মহাশয় উক্ত শব বহন কারণ অনেককে অহরোধ করেন, কিন্তু কেহই সম্মত হয় নাই; পরিশেষে তাঁহার ভ্রাতা ঈশান-চন্দ্র, পিতৃব্যপুত্র পীতাম্বর, মাতুলপুত্র ঈশ্বর বোষাল, ভগিনীপতি যত্ননাথ মুখোপাধ্যায় প্রভৃতি ৮ জনকে প্রেরণ করেন। উহারা তাঁহার বাটী হইতে বহন করিয়া মেডিকেল কলেজে লইয়া যান, তথায় পোষ্টমর্টন অর্থাৎ পরীক্ষার পর পুনরায় নিমতলার ঘাটে লইয়া গিয়া দাহাদি কার্য সম্পন্ন করেন।

ঐ সময় বিদ্যাসাগর মহাশয়কে প্রতি সপ্তাহের মধ্যে এক দিন অর্থাৎ বৃহস্পতিবারে ছোট লাট হেলিডে সাহেব বাহাদুরের বাটী ঘাইতে হইত। তিনি তাঁহাকে চটি জুতা, থানের ধুতি ও থানের চাদর এই তিনের পরিবর্তে পেট লুন, চাপকান, পাগড়ি, মোজা ও বুটজুতা পরিধান করিবার আদেশ দেন। অগ্রজ অগত্যা কয়েকবার গোপনে সাহেবের কথিত মত পোষাক পরিধান করেন; কিন্তু উক্ত বেশ ধারণে লজ্জিত ও শৃঙ্খলবদ্ধের ন্যায় ক্রেশ অনুভব করিয়া লেপ্টেনেন্ট গবর্নরের সমক্ষে বলেন, আপনার সহিত আমার এই শেষ দেখা, আমি এই বেশ ধারণ করিতে বা শং সাজিতে পারিব না, ইহাতে আমার চাকরি থাক বা যাক। ইহা শ্রবণ করিয়া লেপ্টেনেন্ট গবর্নর দাদাকে তাঁহার অভিলষিত বেশে আসিবার আদেশ দিলেন। তাঁহার আজীবনে এই কয়েক বার ভিন্ন চটিজুতা, থান ধুতি, থানের চাদর পরিত্যাগ করেন নাই। পরে রোগ ও বার্কিক্য নিবন্ধন চিকিৎসকের উপদেশে সময়ে সময়ে ফ্রান্সের জামা ও উড়ানী ব্যবহার করিতে দেখা গিয়াছে।

বাবু শ্রামাচরণ বিশ্বাস ও বিমলাচরণ বিশ্বাস অগ্রজের পুরম বন্ধু ছিলেন। কলিকাতা হইতে ১ ক্রোশ অন্তরে তাঁহাদের পৈতৃক বাস এবং তাঁহারা সংস্কৃত কলেজের সম্মুখে বাটী নির্মাণ করিয়া বাস করিতেন। সময়ে সময়ে তাঁহারা পৈতৃক বাসভূমি পাইতেল গ্রামে যাইতেন। এক বৎসর জগদ্ধাত্রীপূজা উপলক্ষে অগ্রজ উক্ত শ্রামাচরণ বিশ্বাসের সহিত পাইতেল গ্রামে গমন করেন। তথায় রাত্রিজাগরণে ও হিম লাগায় কলিকাতায় প্রত্যাগত হইবার পর তাঁহার জ্বর হইল, পরে

নাসা রোগ দৃষ্ট হইলে পর তৎকালীন বহুবাজারস্থ বাবু রাজকৃষ্ণ বন্দ্যোপাধ্যায় মহাশয়ের বাটীতে অবস্থিতি করিতে লাগিলেন । জর ভাল হইলেও নাশারোগের নিবৃত্তি না হওয়ায় নশ্র ব্যবহার আরম্ভ করিলেন, কয়েক বৎসর নশ্র লইয়াছিলেন ।

ইহার কয়দিনের পরে উদরাময় ও শরীরের দুর্বলতা নিবারণ মানসে জটনৈক ব্যায়ামশিক্ষক (হিন্দুস্থানী পালয়ান) রাখিয়া কয়েক মাস ব্যায়াম শিক্ষা করেন ।

এই সময়ে অগ্রজ মহাশয় বৈছি গ্রাম যাইয়া বাবু গবীনচাঁদ বহুর ভবনে গমন করেন এবং তাঁহার বাটীতেই একটি বালিকা-বিদ্যালয় স্থাপন করেন । তৎকালে তথাকার সম্ভ্রান্ত ও ধনশালী বাবু রাখালদাস মুখোপাধ্যায় মহাশয়ের সাহায্যে বৈছিতে একটি ইংরাজী-বঙ্গবিদ্যালয় স্থাপন করেন । বাঙ্গালা মডেল স্কুলের স্থান নির্ধারণ করণ জন্ত প্রথমে হুগলি জেলার অন্তঃপাতী শ্যাখালা গ্রামে পণ্ডিত প্রিয়নাথ ভট্টাচার্য মহাশয়ের বাটীতে উপস্থিত হইলেন । উক্ত গ্রামে বহুসংখ্যক ভদ্রলোকের বাসস্থান অবলোকন করিয়া তথায় বাঙ্গালা আদর্শবিদ্যালয় সংস্থাপনের উপযুক্ত স্থান স্থির করিলেন । তৎপরে খানাকুল কৃষ্ণনগর গ্রামে বাবু প্রসন্নকুমার সর্কাদিকারী মহাশয়ের সদনে অবস্থিতি করিয়া দেখিলেন, ঐ গ্রাম অতি সমাজস্থান, অনেক ব্রাহ্মণ কায়স্থের আবাস-ভূমি, একারণ কৃষ্ণনগরে বিদ্যালয় স্থাপনের অভিপ্রায় প্রকাশ করেন । তদনন্তর হারোপ বাঙ্গালপুর, কামারপুকুর, ক্ষীরপাই প্রভৃতি গ্রামে যাইয়া আদর্শবিদ্যালয় স্থাপনের উৎকৃষ্ট স্থান নিরূপণ করেন । পরে মেদিনীপুর জেলার অন্তর্গত রাণীগোপাল নগর, বাহুদেবপুর, মালক, বদনগঞ্জ প্রভৃতি ও ঐ জেলাস্থ অন্যান্য গ্রামে যাইয়া বিদ্যালয়ের স্থান নিরূপণ করেন । তদনন্তর জেলা বর্ধমানস্থ জৌগ্রাম, মানিকর প্রভৃতি গ্রামে যাইয়া এবং নদীয়া জেলাস্থ মফঃস্বলের নানা গ্রামে যাইয়া বিদ্যালয়ের স্থান মনোনীত করেন ।

উক্ত চারি জেলার পরিভ্রমণ কালে পথে কেহ শারীরিক অসুস্থতা প্রযুক্ত চলিতে অক্ষম হইয়া ভূমে পতিত আছে দেখিতে পাইলে তিনি

পাকী হইতে নামিয়া ঐ পীড়িত অপরিচিত পথিককে নিজের পাকীতে তুলিয়া দিয়া স্বয়ং পদব্রজে গমন পূর্বক উহাকে তাহার বাটীতে অথবা বাটীর নিকটস্থ কোন বিপনীতে পহঁছাইয়া দিতেন । এবং পাছনিবাসের অধিকারীকে তাহার আবশ্যক ব্যয়ের টাকা প্রদান করিতেন । এরূপ কত লোকই যে তাঁহার দৃষ্টিপথে পড়িয়াছিল তাহা, বিপদাপন্ন ব্যক্তি পরে স্বয়ং আসিয়া অগ্রজকে পরিচয় দিত, এবং সেই সকল লোক তাঁহার পরম বন্ধু বলিয়া গণ্য হইত ।

মফঃসল পরিভ্রমণকালে, সমভিব্যাহারে চক্চকিয়া টাকা, আধুলী, সিকি, ছয়ানি, পয়সা, যথেষ্ট রাখিতেন ; পথে দরিদ্র লোক নয়নগোচরে পতিত হইলে, উহাদিগকে অকাতরে দান করিতেন । পরিভ্রমণ সময়ে অর্থব্যয় করিতে কখনই কুন্তিত হইতেন না । একারণ অনেকে তাঁহাকে বলিত যে আপনাকে আমরা বিদ্যাসাগর না বলিয়া দয়ার সাগর বলিব । মফঃসল পরিভ্রমণ সময়ে অনেক নিরুপায় বালক পুস্তক, বস্ত্র, ও খুলের বেতনের জন্ত তাঁহাকে ধরিত, তিনিও সকলেরই আশা পূর্ণ করিতেন । প্রতিমাসেই উক্ত নিরাশ্রয় বালকদিগের সাহায্য করিতেন, কখনই বিস্মৃত হইতেন না । এক দিন তিনি নিবর্দো দত্তপুকুর নিবাসী বাবু কালীকৃষ্ণ দত্তের বাটী গিয়াছিলেন, তথায় ক্ষেত্রনাথনামক এক ব্রাহ্মণবালক অধ্যয়ন করিতে পান না ইহা শ্রবণ করিয়া উহাকে সমভিব্যাহারে আনয়ন করেন এবং কলিকাতার বাসায় অন্ন বস্ত্র দিয়া সংস্কৃত কলেজে প্রবিষ্ট করিয়া দেন । অন্ততঃ ১২ বৎসর কাল তাঁহাকে বাসায় রাখিয়া বিদ্যা-শিক্ষা করান । সম্প্রতি ঐ ব্যক্তি সম্রাস্ত্র মধ্যে পরিগণিত হইয়াছেন । বারাসতনিবাসী তাঁহার পরম বন্ধু ডাক্তার নবীনচন্দ্র মিত্রের বাটী মধ্যে মধ্যে বাইতেন, তথাকার কয়েকজন বালক তাঁহার সঙ্গে আসিয়া বাসায় অবস্থান করিয়া অধ্যয়নে প্রবৃত্ত হন । ঐরূপ বর্জমান জেলার অন্তঃপাতী ধৌগ্রাম হইতে নিমাইচরণ সিংহ বাসায় অবস্থিতি করিয়া সংস্কৃত কলেজে শিক্ষা করেন । ষাটরো গোবরডান্নার কালীপন বন্দ্যো-পাধ্যায় নামক এক বালক তাঁহার নিকট ক্রন্দন করায় কয়েক বৎসর অন্নবস্ত্র দিয়া সংস্কৃত কলেজে প্রবিষ্ট করাইয়া দেন ।

এই সময়ে বর্দ্ধমান, নদীয়া, হুগলি ও মেদিনীপুর এই জেলাচতুষ্টয়ের বিদ্যালয় সমূহের তত্ত্বাবধানের জন্ত তারাশঙ্কর ভট্টাচার্য্য, মাধবচন্দ্র গোস্বামী, দীনবন্ধু ত্রায়রত্ন, ও হরিনাথ বন্দ্যোপাধ্যায়কে ডেপুটী ইন্স্পেক্টার নিযুক্ত করেন। ইহারা চারি জনে প্রত্যেকে এক এক জেলায় নিযুক্ত হন।

মধ্যে মধ্যে দেশে গিয়া বীরসিংহ বিদ্যালয়ের ও নাইট স্কুলের বা রাখাল স্কুলের অনেক দরিদ্র বালক বাটীতে ভোজন করিয়া অধ্যয়ন করিবে এইরূপ ব্যবস্থা করিয়া দিয়াছিলেন। এতদ্ব্যতীত বিদেশস্থ অনেক ব্রাহ্মণতনয়কে নিজ বাটীতে অন্ত্র দিয়া বীরসিংহবিদ্যালয়ে অধ্যয়ন করাইতেন এম্লে উহাদের মধ্যে কয়েকটির নাম প্রদত্ত হইল—জেলা মেদিনীপুরের কুড়াপুর গ্রাম নিবাসী পণ্ডিত অনন্যপ্রসাদ ত্রায়ালাকারের পুত্র ঈশ্বরচন্দ্র ভট্টাচার্য্য ও ঈশানচন্দ্র ভট্টাচার্য্য, নারাজোলনিবাসী দর্পনারায়ণ বিদ্যাভূষণের পুত্র দিগম্বর চক্রবর্তী, শ্রীবরা গ্রামের ভট্টাচার্য্য মহাশয়দের বাটীর দৌহিত্রসন্তান বেণীমাধব বন্দ্যোপাধ্যায়, চন্দ্রামেড়-নিবাসী রামার্চন বন্দ্যোপাধ্যায়, জেলা হুগলির ঝংকরানিবাসী হুর্গাপ্রসাদ চূড়ামণির পুত্র বরদাপ্রসাদ ও শারদাপ্রসাদ ভট্টাচার্য্য, ঐ গ্রামবাসী রামলাল বন্দ্যোপাধ্যায় প্রভৃতি ন্যূনাধিক ৬০ জন বালক বাটীতে ভোজন করিয়া লেখা পড়া শিক্ষা করিত। মধ্যে মধ্যে পিতৃদেব বলিতেন যে, আমি বাল্যকালে বিলক্ষণ অন্ত্রপাইয়াছি, অতএব অন্ত্রব্যয় করা সর্ব্বোপেক্ষা প্রধান কর্ম্ম। পিতৃদেব স্বয়ং কুমারগঞ্জের হাট ঘাইয়া জুখাদি ক্রয় করিয়া আনিতেন, সকল ছাত্রকে ও পুত্র, পৌত্র, দৌহিত্রদিগকেও একত্র বসাইয়া আহার করাইতেন। জননী দেবী সন্তুষ্ট হইয়া নিজেই রন্ধন পরিবেশনাদি কার্য্যে সমভাবে পাচক ও পাচিকাদিগের সাহায্য করিতেন। ঐ সময়ে অগ্রজ মহাশয় প্রতিবৎসর বীরসিংহবিদ্যালয়ের ৭৮ জন দরিদ্র বালককে কলিকাতায় লইয়া যাইতেন, ও উহাদিগকে বাসায় অন্ত্র বস্ত্র দিয়া, কাহাকেও সংস্কৃত কলেজে, কাহাকেও মেডিকেল কলেজে এবং কাহাকেও বা ইংরাজী স্কুলে অধ্যয়ন করাইতেন। কয়েক বৎসরের মধ্যে বীরসিংহবিদ্যালয়ের শতাধিক ছাত্র মেডিকেল কলেজে

অধ্যয়ন করে। এইরূপ প্রতিবৎসর ৮১০ জন ছাত্র কলিকাতার বাসায় ভোজন করিয়া নরম্যাল স্কুলে অধ্যয়ন পূর্বক অন্যান্য মফঃসল বিদ্যালয়ের শিক্ষক হইয়াছিলেন।

তৎকালের শিক্ষাসমাজের অধ্যক্ষ ডাক্তার ময়েট মহোদয় বেথুন সাহেবের স্মরণার্থ বীটনসোসাইটি নামক সমাজ স্থাপন করেন। মেডিকেল কলেজের ঐ সমাজে বিদ্যাসাগর মহাশয়ের রচিত সংস্কৃত সাহিত্য-বিষয়ক প্রস্তাব পঠিত হয়। অনেকের অনুরোধে অগ্রজ মহাশয় সভাপতির অনুমতি লইয়া উক্ত প্রস্তাব পুস্তকাকারে মুদ্রিত করেন।

বাল্যকাল হইতে ৩০ বৎসর বয়ঃক্রম পর্য্যন্ত অগ্রজ মহাশয়কে কখন তামাক খাইতে দেখি নাই; পরে তামাক খাইতে আরম্ভ করেন। প্রথমতঃ বাসায় কাহারও নিকট খাইতেন না, গোপনে অপরের বাটীতে খাইতেন। তামাক খাইবার বিশেষ কারণ এই যে, রাত্রিজাগরণ করিয়া লেখা পড়ার অনুশীলন করিতেন, তজ্জন্য দাঁতের গোড়া ফুলিত। তৎকারণেই বাবু দুর্গাচরণ বন্দ্যোপাধ্যায় ডাক্তার মহাশয় সর্বদা উপদেশ দিতেন যে, তামাকের ধূমে দস্তমূলের যাতনার অনেক লাঘব হইবে। একারণ অগত্যা ডাক্তারের উপদেশানুসারে তামাক খাইতে বাধ্য হইয়াছিলেন। কিন্তু তৎকালে বাটী আগমন করিয়া ১৫ দিবস অবস্থিতি করিলেও আমরা কখনও তাঁহাকে তামাক খাইতে দেখি নাই। পুনর্বার কলিকাতা যাইয়া খাইতেন। ছোট ভ্রাতৃবর্গ প্রভৃতি কেহই না দেখিতে পায় এরূপ গোপনভাবে তামাক খাইতেন।

বাল্যকালে বড় বাজারের দোয়েহাটা নিবাসী জগদুন্নীত সিংহের ভবনে বাসা ছিল। বাল্যকালে উক্ত সিংহের পরিবারবর্গ অগ্রজ মহাশয়কে যথেষ্ট স্নেহ করিতেন। উক্ত সিংহের মৃত্যুর পর তাঁহার পুত্র ভুবনমোহন সিংহের দ্রবস্থা হইলে উঁহাকে সাংসারিক ব্যয় নির্বাহার্থে মাসে মাসে ৩০ টাকা প্রদান করেন। উক্ত ভুবনমোহন সিংহের মৃত্যুর পর উঁহার পত্নীকেও ঐ টাকা প্রদান করিয়া আসিয়াছেন, এতদ্ব্যতীত উঁহার কণ্ঠার বিবাহের সমস্ত ব্যয় নির্বাহ করিয়াছিলেন, এবং উঁহার অতিনব জামাতার কর্ম করিয়া দিয়াছিলেন।

ঐ সময়ে জননী দেবীর মাতৃস্বসার পুত্র শ্রামাচরণ ঘোষাল কলিকাতায় লোহিসিন্দুকের ও তাওয়া চাটু প্রস্তুতের ব্যবসায় করিতেন; পঠদশায় আমরা দুই ভাতা তাঁহার বাসায় তিন মাস ছিলাম। নানা কারণে ব্যবসায়ের ক্ষতিগ্রস্ত হইয়া তিনি অত্যন্ত কষ্টে পড়িয়াছেন এবং পীড়ায় আক্রান্ত হইয়া মৃতকল্প ও অতিশয় শীর্ণকায় হইয়াছেন, ইহা শুনিয়া দাদা আমার দ্বারা উক্ত শ্রামাচরণ ঘোষাল মাতুলকে ডাকাইয়া বলেন যে, আপনি মাসিক কয় টাকা পাইলে দেশে নিশ্চিত হইয়া বসিয়া থাকিতে পারেন? তাহাতে তিনি বলেন, যদি যাবজ্জীবন মাসে মাসে ১০ টাকা করিয়া দিতে পার তাহা হইলে নিশ্চিত হইয়া দেশে অবস্থিতি করিতে পারি। আমার দ্বিতীয় কথা এই যে তিনটি ভ্রাতাপুত্রকে বীরসিংহায় তোমার বাটীতে রাখিয়া অনবস্ত্র দিয়া লেখা পড়া শিক্ষা দিতে হইবে। অগ্রজ তাঁহার প্রস্তাবে সম্মত হইয়া মাসে মাসে ঐ দশ টাকা প্রদান করেন। আর উঁহার ৩ টি ভ্রাতাপুত্রকে বাটীতে রাখিয়া লেখা পড়া শিক্ষা দিয়া বিষয়কর্মে নিযুক্ত করিয়া দেন ও পরে তাঁহার পুত্রকেও লেখা পড়া শিক্ষাইয়া বিষয়কর্মে নিযুক্ত করিয়া দেন।

বাবু প্রসন্নকুমার সর্বাধিকারী মহাশয় হিন্দুকলেজে শিক্ষা লাভ করিয়া সর্বোৎকৃষ্ট এসকলার্শিপ মাসিক ৪০ টাকা ও স্বর্ণ মেডেল প্রাপ্ত হইয়াছিলেন। তৎকালে বাবু প্রসন্নকুমার সর্বাধিকারী যে ভালরূপ ইংরাজী শিক্ষা করিয়াছিলেন, তাহা প্রকাশ পাইয়াছিল। কোন কারণ বশতঃ তাঁহাকে টাকা কলেজে সামান্য বেতনে শিক্ষকতা কার্যে নিযুক্ত হইতে হয়। প্রথমতঃ দূরদেশ দ্বিতীয়তঃ স্বল্পবেতন ইত্যাদি নানা কারণে তথায় কয়েক বৎসর অবস্থিতি করিয়া পরিশেষে বিনা অনুমতিতে টাকা কলেজ হইতে প্রস্থান করেন; এজন্য শিক্ষাসমাজ প্রসন্নবাবুকে আর অপূর্ণ ফোন কর্তব্য না দেওয়ায় অগত্যা প্রসন্ন বাবু অগ্রজ মহাশয়ের শরণ লইলেন। পরম দয়ালু অগ্রজ মহাশয় প্রসন্ন বাবু ও উঁহার ভ্রাতৃ-বর্গকে ও তাঁহার কনিষ্ঠ পিতৃব্যকে প্রায় দুই বৎসর কাল বহুবাজারের পকাননতলার নিজ বাসায় রাখিয়াছিলেন। কিন্তু তাঁহারা নিজ ব্যয়ে

আহাৰাদি কৰিতেন। অগ্ৰজ মহাশয় এডুকেসন কৌনশেলের সেক্ৰেটাৰি ময়েট সাহেব মহাশয়কে অনুৰোধ কৰিয়া প্ৰসন্ন বাবুকে প্ৰথমতঃ হিন্দুকলেজের নিম্ন শ্ৰেণীৰ শিক্ষক নিযুক্ত কৰান। প্ৰসন্নবাবু স্বল্প বেতনে কৰ্ম কৰিতে প্ৰথমতঃ অসম্মত হইয়াছিলেন, কাৰণ, এই বিদ্যালয়ে অধ্যয়ন কৰিয়া মাসিক ৪০৷ বৃত্তি পাইয়া আউট হইয়াছিলেন; এক্ষণে ঐ বিদ্যালয়ে স্বল্প বেতনে নিম্ন শ্ৰেণীৰ কৰ্ম কৰিতে লজ্জা বোধ হইল। ইহা প্ৰকাশ কৰিলে পৰ, অগ্ৰজ তাঁহাকে উপদেশ দিলেন যে তুমি না বলিয়া ঢাকা কলেজ হইতে আসায় শিক্ষাসমাজ তোমার প্ৰতি অত্যন্ত বিৰক্ত হইয়াছেন। এক্ষণে এই কৰ্ম কৰিতে স্বীকাৰ না পাইলে অপৰাধী বলিয়া তোমাকে কোন ভাল কৰ্মে নিযুক্ত কৰিবেন না, ইত্যাদি ৰূপ উপদেশ দেওয়ায় উক্ত কাৰ্য্য স্বীকাৰ করেন। এবং ত্তৱায় ঐ কৰ্মে প্ৰবৃত্ত হইলেন।

প্ৰসন্নবাবু অগ্ৰজের অনুৰোধে ৪ টাৰ ছুটিৰ পৰ কয়েক মাস সংস্কৃত কলেজে তৎকালের প্ৰধান ছাত্ৰ ৰামকমল, তাৰাশঙ্কৰ, সোমনাথ, সারদাপ্ৰসাদ গঙ্গোপাধ্যায় প্ৰভৃতিকে ইংৰাজী শিক্ষা দিতেন। এবং স্বয়ং বাসায় প্ৰতিদিন প্ৰাতঃকালে অগ্ৰজ মহাশয়ের নিকট সংস্কৃত বিষ্ণুপুৰাণ, ৰবুবংশ প্ৰভৃতি অধ্যয়ন কৰিতেন এবং দাদাও সময়ে সময়ে প্ৰসন্ন বাবুৰ নিকট ইংৰাজী পুস্তক দেখিতেন। প্ৰসন্নবাবু অতিশয় বুদ্ধিমান ও কাৰ্য্যদক্ষ লোক ছিলেন। একমাত্ৰ অগ্ৰজ মহাশয়ের চেষ্টাই ইহঁাৰ ভবিষ্যৎ উন্নতিৰ মূল। তাঁহাৰ অনুগ্ৰহেই প্ৰসন্ন বাবু ক্ৰমশঃ উচ্চপদে অধিৰূঢ় হইয়াছিলেন। প্ৰথমতঃ সংস্কৃত কলেজে ১০০৷ টাকা বেতনে হেড মাষ্টাৰের পদে নিযুক্ত হইয়া, ক্ৰমশঃ সংস্কৃত কলেজের প্ৰিন্সিপাল হয়েন। প্ৰিন্সিপাল পদে থাকিয়াও গ্ৰেডে উঠিয়া মাসিক হাজাৰ টাকার অধিক বেতন পাইয়াছিলেন। 'সংস্কৃত কলেজ হইতে বহৰমপুৰ কলেজের প্ৰিন্সিপাল এবং তৎপরে প্ৰেসিডেন্সি কলেজের প্ৰফেসাৰ হইয়াছিলেন।

ইতিপূৰ্বে সংস্কৃত কলেজে বাবু ৰসিকলাল সেন ও বাবু বিখনাথ সিংহ ইংৰাজীৰ শিক্ষক ছিলেন। যে যে ছাত্ৰের ইংৰাজী শিখিতে

ইচ্ছা হইত তাহারাই দুই ষটা করিয়া ইংরাজী ভাষা অধ্যয়ন করিত । সকল বালক ইংরাজী অধ্যয়ন করিত না ; তাহাতে সাধারণের কোনও ফলোদয় হইবার আশা ছিল না । অগ্রজ মহাশয় শিক্ষাসমাজকে বলিয়া ও অনুরোধ করিয়া, বাবু রসিকলাল সেন ও বিশ্বনাথ সিংহকে সংস্কৃত কলেজ ত্যাগ করাইয়া অপর স্থানে অধিক বেতনে হেড মাষ্টারের পদে নিযুক্ত করিয়া দেন । সংস্কৃত কলেজে লীলাবতী ও বীজগণিতের অধ্যাপক প্রিয়নাথ ভট্টাচার্য্য মহাশয়কে বলিলেন, সিভিল গাইড আইন দেখ । অনন্তর তৎকালের শিক্ষাসমাজের প্রেসিডেন্ট সার্ জেমস্ কলবিন সাহেব মহোদয়কে অনুরোধ করেন যে, সংস্কৃত কলেজে ইংরাজীতে অল্প শিক্ষা দিবার ব্যবস্থা করিয়া রিপোর্ট করিব, অতএব সংস্কৃত অঙ্কের অধ্যাপক প্রিয়নাথ ভট্টাচার্য্য অনেক দিন হইতে মাসিক ১০৭ টাকা বেতনে নিযুক্ত আছেন, ইনি সিভিল গাইড আইন শিক্ষা করিয়াছেন ; এস্পিসিয়াল আদেশ হইলে ইনি আইন পরীক্ষায় কৃতকার্য হইবেন । ইহাকে মুনসেফের পদে নিয়োগ করিবার আদেশ হইলে সংস্কৃত কলেজে ইহার পরিবর্তে ইংরাজীতে অল্প শিক্ষা দিবার ব্যবস্থা স্থির করা হইয়াছে । অনন্তর প্রিয়নাথ ভট্টাচার্য্য পরীক্ষা দিয়া মুনসেফী পদে নিযুক্ত হইলেন । সাধারণ লোক অগ্রজের এরূপ অলৌকিক ক্ষমতাদর্শনে বিস্ময়াগ্নম হইয়াছিলেন ।

ইহার কিছুদিন পরে সংস্কৃত কলেজে ইংরাজী শিক্ষার জন্ম, বাবু প্রসন্নকুমার সর্বাধিকারী, বাবু শ্রীনাথ দাস, বাবু কালীপ্রসন্ন চট্টোপাধ্যায়, বাবু তারিণীচরণ চট্টোপাধ্যায় ও বাবু প্রসন্নকুমার রায় প্রভৃতি ইংরাজী শিক্ষকের পদে নিযুক্ত হইলেন । সিনিয়ার ও জুনিয়ার ডিপার্ট্মেন্টে এসকলার্শিপ পরীক্ষায়, সংস্কৃতের ও অষ্ট্রাভ্রা ব্রাকের পরীক্ষায় ছাত্রগণকে যেরূপ নম্বর রাখিতে হইত সেইরূপ এক দিন ইংরাজীর নম্বর রাখিতে হইবে, নচেৎ এসকলার্শিপ পাইবে না । এই নিয়ম করায় অগত্যা সকলকেই রীতিমত ইংরাজী শিখিতে হইয়াছিল । ক্রমশঃ সংস্কৃত কলেজের ছাত্রগণ ইংরাজী বিদ্যালয়ের ভায় ইংরাজী শিখিতে প্রবৃত্ত হইল । পরবৎসর হইতে বিশ্ববিদ্যালয়ের প্রবেশিকা

পরীক্ষার প্রথা নূতন হইয়াছিল। সংস্কৃত কলেজের ছাত্রগণের মধ্যে অনেকেই প্রথম বিশ্ববিদ্যালয়ের প্রবেশিকা পরীক্ষায় অন্ত্যাত্ম ইংরাজী বিদ্যালয়ের ছাত্রগণের মত কৃতকার্য হইয়াছিল। সংস্কৃত কলেজে ইংরাজী শিক্ষা দিবার আদি কারণ বিদ্যাসাগর মহাশয়। তাঁহারই আন্তরিক ধর ও আগ্রহাতিশয়েই সংস্কৃত কলেজের উন্নতি হইয়াছে, ইহা সকলকেই মুক্তকণ্ঠে স্বীকার করিতে হইবে। উত্তরকালে যিনিই অধ্যক্ষ হউন না কেন, বিদ্যাসাগর মহাশয়ের নাম বিলুপ্ত হইবার আশঙ্কা নাই।

ভারতবর্ষের মধ্যে সর্বপ্রধান কবি কালিদাসের প্রণীত শকুন্তলা সংস্কৃত ভাষায় সর্বোৎকৃষ্ট নাটক ; অগ্রজ মহাশয় ঐ পুস্তক বঙ্গভাষায় অনুবাদ করিয়া ১২৬১ সালে ২৫ অগ্রহায়ণ মুদ্রিত ও প্রচারিত করিলেন। পাঠকবর্গ বিদ্যাসাগরের অনুবাদিত শকুন্তলা পাঠ করিয়া যে পরম সন্তোষ লাভ করিয়াছিলেন, ইহা এ স্থলে উল্লেখ করা বাহুল্য। দেশ বিদেশস্থ বিদ্যার্থী কি পণ্ডিতমণ্ডলী কি বিষয়ী লোক সকলেই আগ্রহাতিশয়ে গ্রহণ পূর্বক পাঠ করিতেন।

রাজা রামমোহন রায়ের পুত্র রমাপ্রসাদ রায়ের সহিত অগ্রজ মহাশয়ের অত্যন্ত প্রণয় ছিল। রমাপ্রসাদ বাবু বর্ধমানের রাজবাটী হইতে নৈহাটনিবাসী নন্দকুমার ত্রায়চক্কু নামক স্বল্পবয়স্ক অসাধারণ ধীশক্তি-সম্পন্ন ত্রায় শাস্ত্রে অদ্বিতীয় এক পণ্ডিতকে আনিয়ন করিয়া বিদ্যাসাগর মহাশয়কে অর্পণ করেন। ঐ নন্দকুমারের পিতৃকুল ও মাতৃকুল বুদ্ধিমত্তা ও বিদ্যাবতার কারণ বঙ্গদেশে সুপ্রসিদ্ধ, এই কারণে অগ্রজ মহাশয় নন্দকুমার ত্রায়চক্কুকে পরম সমাদরে গ্রহণ করিয়া কোন উচ্চ পদ শূন্য না থাকায় অগত্যা একটি ৩০ টাকা বেতনের পণ্ডিতের পদে নিযুক্ত করিলেন। ইনি সংস্কৃত কলেজের ছাত্র ছিলেন না, একারণ শিক্ষা-বিভাগের ডাইরেক্টর ইয়ং সাহেবের নানা আপত্তি শুন করিয়া আপাততঃ কিছু কালের জন্য ঐ পদে রাখিলেন। কিন্তু সংস্কৃত বিদ্যালয়ে পূজ্যপাদ জয়নারায়ণ তর্কপঞ্চানন মহাশয়ের সহিত বিচার হওয়ার নন্দকুমার ত্রায়চক্কু উৎকৃষ্ট সাব্যস্ত হইলেন। পরে পাইকপাড়ার রাজা

প্রতাপনারায়ণ সিংহ ও রাজা ঈশ্বরনারায়ণ সিংহের কান্দীগ্রামে তাঁহাদের স্থাপিত বিদ্যালয়ে ৮০ টাকা বেতনে ছাত্রচক্রে নিযুক্ত করিয়া পাঠান। কয়েক বৎসর পরে তিনি জরকাশ রোগে আক্রান্ত হইলে অগ্রজ মহাশয় তাঁহাকে কলিকাতায় আনাইয়া তৎকালের বিখ্যাত ডাক্তার গুড্ডিভ সাহেব প্রভৃতি চিকিৎসক দ্বারা চিকিৎসা করান। ঐ রোগেই তাঁহার মৃত্যু হইলে পর তাঁহার জননী দেবীর ও পত্নীর এবং নাবালক সহোদরদিগকে কৰ্ম্মক্ষম হওয়া পর্য্যন্ত ভরণপোষণ ও তাহাদের বিদ্যালু-শীলনাদির ব্যয় নির্বাহ করিয়াছেন ও আবশ্যিক মত সময়ে সময়ে নিজে তত্ত্বাবধান করিতেন। এমন কি, তাঁহার ভাতৃবর্গকে সহোদর নির্বিশেষে তত্ত্বাবধান করিয়া আসিয়াছেন। এক্ষণে, রঘুনাথ ভট্টাচার্য্য, যদুনাথ ভট্টাচার্য্য, হরপ্রসাদ শাস্ত্রী ও মেঘনাদ ভট্টাচার্য্য নন্দকুমার ছাত্রচকুর এই চারি সহোদর পৈতৃক পদমর্য্যাদা বজায় রাখিয়া সাংসারিক কার্য্য সমাধা করিতেছেন।

পণ্ডিত হরপ্রসাদ শাস্ত্রী কৃতজ্ঞতা সহকারে উপরোক্ত বিষয় প্রচারার্থ আমাকে অনুরোধ করেন, আমি যতদূর জানিতাম এবং তাঁহার প্রমুখ্যে যাহা অবগত হইলাম তাহা সাধারণের নিকট প্রকাশ করিলাম। তিনি যেরূপ উচ্চবংশোদ্ভব ও সুশিক্ষিত তাঁহার পক্ষে এরূপ কৃতজ্ঞতা স্বীকার আশ্চর্য্যের বিষয় নহে।

বিধবাবিবাহ ।

অগ্রজ মহাশয় শৈশবকাল হইতে পুরুষ জাতি অপেক্ষা স্ত্রীজাতির দুঃখ দর্শনে অতিশয় দুঃখানুভব করিতেন। তিনি, কি আত্মীয় কি অনা-ত্মীয়, কি নিকৃষ্ট জাতি কি ভদ্রজাতি, নিরুপায় পতিপুত্রবিহীনা স্ত্রীলোক দিগের আনুকূল্য করিতে ক্রটি করেন নাই। পুরুষজাতি অপেক্ষা স্ত্রীজাতি স্বাভাবিক দুর্বল এই কারণে তিনি স্ত্রীজাতির সমধিক পক্ষপাতী ছিলেন।

এক দিবস বীরসিংহ বাটীর চণ্ডীমণ্ডপে উপবিষ্ট হইয়া অগ্রজ, পিতৃ-দেবের সহিত বীরসিংহার বিদ্যালয়গুলির সম্বন্ধে কথোপকথন করিতে

ছিলেন, এমন সময়ে জননী দেবী রোমন করিতে করিতে চণ্ডীমণ্ডপে আসিয়া একটি বালিকার বৈধব্যসংঘটনের উল্লেখ করিয়া তাঁহাকে বলিলেন, তুই এত দিন যে শাস্ত্র পড়িলি তাহাতে বিধবাদের কোনও উপায় আছে কিনা ? ইহা শুনিয়া পিতৃদেব বলিলেন, ঈশ্বর ! ধর্মশাস্ত্রে বিধবাদের প্রতি শাস্ত্রকারেরা কি কি ব্যবস্থা করিয়াছেন ? অগ্রজ উত্তর করিলেন, শাস্ত্রে বিধবাদিগের প্রথমতঃ ব্রহ্মচর্য্য, ব্রহ্মচর্য্যে অপারক হইলে, সহমরণ বা বিবাহ। ইহা শুনিয়া পিতৃদেব বলিলেন, রাজা রামমোহন রায়, কালোনায়রায়ণ চৌধুরী ও দ্বারকানাথ ঠাকুর প্রভৃতির জ্ঞোপদেশে ও পরামর্শে লর্ড বেণ্টিক গবর্ণর জেনেরেল সহমরণ প্রথা নিবারণ করিয়াছেন। আর কলিতে ব্রহ্মচর্য্যে অপারক স্ততরাং বিধবা-দিগের পক্ষে বিবাহই একমাত্র উপায়। ইহা শুনিয়া অগ্রজ বলিলেন, বেদ, স্মৃতি, পুরাণ পাঠ করিয়া অনেক দিন হইতে আমার ধারণা হইয়াছে যে, বিধবাবিবাহ শাস্ত্রসিদ্ধ ; ইহাতে আমার অণুমাত্র সন্দেহ নাই, এবং ইহা সাধারণের হৃদয়ঙ্গম হইবে। কিন্তু এবিষয়ের পুস্তক প্রচার করিলে অনেকে নানাপ্রকার কুৎসা ও কটুকাটব্যপ্রয়োগ করিবে। তাহাতে পাছে আপনারা দুঃখিত হন, এই আশঙ্কায় আমি নিবৃত্ত আছি। এই কথায় তাঁহারা বলিলেন, আমরা উভয়ে একবাক্যে বলিতেছি, এবিষয়ে যাহা কিছু সহ্য করিতে হয়, তাহা করিব এবং আমাদিগকে যখন যাহা করিতে হইবে, তাহা সাধ্যমতে ক্রটি করিব না। কিন্তু তুমি পুস্তক প্রচার করিবার অগ্রে আর একবার ধর্মশাস্ত্র ভাল করিয়া দেখিয়া প্রবৃত্ত হইবে। প্রবৃত্ত হইবার পর কিছুতেই পশ্চাৎপদ হইবে না, এমন কি আমরা তোমার পিতা মাতা, আমরা নিবারণ করিলেও ক্ষান্ত থাকিবে না।

বিধবাবিবাহ প্রস্তাবের বহুকাল পূর্বে হইতে বহুধনশালী অনেক লোক বালিকা বিধবার বিবাহ দেওয়া সর্ব্বতোভাবে কর্তব্য এতদ্বিষয়ে আন্দোলন করিয়া আসিতেছিলেন, কিন্তু কোন ধনশালী অর্থাৎ রাজা রাজবল্লভ প্রভৃতি আন্তরিক স্বয়ং থাকিলেও এ বিষয়ে সাহস করিতে পারেন না। অগ্রজের উক্ত প্রস্তাবের দশ বৎসর পূর্বে বহুবাজার-

নিবাসী বাবু নীলকমল বন্দ্যোপাধ্যায় মহাশয় স্বীয় ভবনে কতকগুলি আত্মীয় লোককে ঐক্য করিয়া বিধবাবিবাহ দিবার ইচ্ছা প্রকাশ করিয়াছিলেন। এরূপ অপরাপর দেশে অনেকেই বালবিধবা দেখিয়া দুঃখানুভব করিয়া বিবাহ দিতে সম্মত ছিলেন। কিন্তু সমাজের ভয়ে অগ্রে প্রবৃত্ত হইতে কাহারও সাহস হয় নাই।

কোন কোন ধনশালী লোকের প্রাণসমা কন্যা বিধবা হইলে প্রচার করিতেন, যে বিধবাবিবাহ যিনি প্রচলিত করিতে পারিবেন, তাঁহাকে ব্যয় নির্বাহার্থে লক্ষ টাকা পুরস্কার প্রদান করিব। যৎকালে কত্কার বৈধব্য সংঘটন হয় তৎকালেই দিন কয়েকের জন্ত লোকের মানসিক দুঃখ উপস্থিত হয় যে, একাদশীর দিবস বৈশাখ ও জ্যৈষ্ঠের প্রচণ্ড দিনকরের উত্তাপে বালিকা শুষ্ককণ্ঠ হইয়া জলপান না করিয়া কেমন করিয়া প্রাণ ধারণ করিবে। কন্যার এরূপ অসহ্য কষ্ট দেখা অপেক্ষা আমাদের মৃত্যু হওয়া শ্রেয়ঃ। কিছু দিন অতীত হইলে ঐ কত্কার জনকজননীর আর এরূপ দুর্ভাবনা থাকে না। পরে ঘোবনাবস্থায় সমুপস্থিত হইয়া প্রাকৃতিক নিয়মের বশীভূত হইয়া কার্য্য করিলে পিতামাতা দেখিয়াও দেখেন না। ভ্রূণহত্যা দিতেও পরাডুখ হন না; বরং বলিয়া থাকেন জগদীশ্বরের ইচ্ছায় এ যাত্রা আমাদের জাতি কুল রক্ষা হইল। পুরুষ জাতির স্ত্রীবিয়োগ হইলে ঐ মৃত্যু স্ত্রীকে শ্মশানে দাহ করিতে করিতেই কর্তৃপক্ষ বলিয়া থাকেন, যথাসর্ব্বস্ব বিক্রয় করিয়াও পুনরায় ত্বরায় বিবাহ দিতে হইবে, নচেৎ চলিবে না। দেখুন, স্পষ্টরূপে শাস্ত্রকারেরা বলিয়াছেন, পুরুষ জাতি অপেক্ষা স্ত্রীজাতির দুর্জয় রিপূর্ব্বগ অষ্টগুণ প্রবল, এমন স্থলে পতিবিয়োগের সঙ্গে সঙ্গে স্ত্রীলোকদের দুর্নিবার কামপ্রবৃত্তি কি অন্তর্হিত হয়, যে পিত্তা মাতা বিধবা কন্যার বিবাহ দিতে ইচ্ছা করেন না! কি আশ্চর্য্য, কন্যার ভ্রূণহত্যা করিতে ও স্ত্রীহত্যা করিতেও সম্মত আছেন কিন্তু শাস্ত্রানুসারে বিবাহ দিতে ইচ্ছা করেন না। অনেক সম্ভ্রান্ত লোককেও কন্যার ভ্রূণহত্যা করিতে প্রবণ করা যায়, কিন্তু উইরাই সমাজে তদ্রূপ লোক বলিয়া পরিগণিত হন।

অগ্রজ মহাশয়ের বিধবা বিবাহের পুস্তক মুদ্রিত হইবার কিছু দিন

পূর্বে “কলিকাতার অস্ত্রপাতী পটলডাক্তানিবাসী বাবু শ্রামাচরণ দাস কৰ্ম্মকার, স্বীয় হুহিতার বৈশ্য দর্শনে হুঃখিত হইয়া মনে মনে সঙ্কল্প করিয়াছিলেন, যদি ব্রাহ্মণ পণ্ডিতেরা ব্যবস্থা দেন পুনর্ব্বার কস্তার বিবাহ দিব। তদনুসারে তিনি সচেষ্ট হইয়া বিধবাবিবাহের শাস্ত্রীয়তা প্রতিপাদক এক ব্যবস্থা পত্র সংগ্রহ করেন। উহাতে ৮ কাশীনাথ তর্কালঙ্কার, ভব-
শঙ্কর বিদ্যারত্ন, রামতনু তর্কসিদ্ধান্ত, ঠাকুরদাস চূড়ামণি, হরিনারায়ণ তর্কসিদ্ধান্ত, মুক্তারাম বিদ্যাবাগীশ প্রভৃতি কতকগুলি ব্রাহ্মণ পণ্ডিতের স্বাক্ষর আছে। ইহাঁরাই এতদ্দেশে সৰ্ব্বপ্রধান স্মার্ত ছিলেন। ইহাঁরা সকলেই ঐ ব্যবস্থায় স্ব স্ব নাম স্বাক্ষর করিয়াছেন, কিন্তু আশ্চর্য্যের বিষয় এই, কিছু দিন পরে তাঁহারা আবার বিধবাবিবাহের বিষয় বিদেবী হইয়া উঠেন। বাবু শ্রামাচরণ দাসের সংগৃহীত ব্যবস্থা মুক্তারাম বিদ্যা-
বাগীশের নিজের রচিত এবং ব্যবস্থাপত্র বিদ্যাবাগীশের স্বহস্তলিখিত। কিছু দিন পরে যখন ঐ ব্যবস্থা উপলক্ষে রাজা রাধাকান্তদেবের ভবনে বিচার উপস্থিত হয়, ভরতচন্দ্র শিরোমণি মহাশয় প্রভৃতি মধ্যস্থ ছিলেন, যে কে বিচারে জয়ী হন। তখন ভবশঙ্কর বিদ্যারত্ন বিধবা বিবাহের শাস্ত্রীয়তাপক্ষ রক্ষার নিমিত্ত নবদ্বীপের প্রথম স্মার্ত ব্রজনাথ বিদ্যারত্নের সহিত বিচার করেন এবং বিচারে জয়ী হির হইয়া এক জোড়া শাল পুরস্কার প্রাপ্ত হন। এক জন পরিশ্রম করিয়া ব্যবস্থার স্বষ্টি করিয়াছেন, আর একজন বিরোধী পক্ষের সহিত বিচার করিয়া ঐ ব্যব-
স্থার প্রামাণ্য রক্ষা করিয়াছেন। কিন্তু আশ্চর্য্যের কথা এই কিয়দ্দিন অতীত হইলে ইহাঁরা উভয়েই বিধবাবিবাহ অশাস্ত্রীয় বলিয়া সৰ্ব্বাপেক্ষা অধিক বিদেব প্রদর্শন করিয়াছিলেন। শ্রামাচরণ দাস বিষয়ী লোক, সংস্কৃত ভাষায় অনভিজ্ঞ। পণ্ডিত মহাশয়দের কথার স্থিরতা নাই। এদিকিয়া স্তব্ধ হইয়া রহিলেন। বস্তুতঃ উল্লিখিত বিচার দ্বারা উপস্থিত বিষয়ের কিছুমাত্র সীমাংসা হইল না, তথাপি ঐ বিচার দ্বারা এই এক মহৎ ফল দর্শিয়াছে যে, তদবধি অনেকেই এ বিষয়ের নিগূঢ় তত্ত্ব জানিবার নিমিত্ত অত্যন্ত ব্যগ্র হইয়াছেন। এবং জনকজননীর ঐ সহকের কথোপকথন গুলি হৃদয়ে আগ্রহের ধারায় অগ্রজ সুবিশেষ যত্ন সহ-

কারে এবিষয়ের তত্ত্বানুসন্ধানে প্রবৃত্ত হইয়াছিলেন। এবং কয়েক মাস দিবারাত্রি পরিশ্রম সহকারে সমস্ত ধর্মশাস্ত্র আদ্যোপান্ত অবলোকন করিয়া যত দূর পর্যন্ত কৃতকার্য হইতে পারিয়াছিলেন, সাধারণের গোচরার্থে বঙ্গভাষায় অনুবাদ সহ বিধবাবিবাহের ব্যবস্থা পুস্তক স্বঃ ১৮৫৫ সালে বা সম্বৎ ১৯১২ ৪ঠা কার্তিকে প্রচার করেন। বিধবাবিবাহ প্রচলিত হওয়া উচিত কি না ? ইহা মুদ্রিত হইবার পর সমস্ত ভারত-বর্ষে এ বিষয়ের আন্দোলন চলিতে লাগিল ; বঙ্গদেশের অনেকেই নানাপ্রকার কুংসা ও গালি দিতে লাগিল। এই সময়ে পিতৃদেব কলিকাতায় বহুবাজারস্থ পঞ্চাননতলার বাসায় একদিন ডাক্তার নবীনচন্দ্র মিত্র ও অগ্রজের সহিত কথোপকথনে হাস্যবদনে বলিলেন, ঈশ্বর ! আর তোমাকে আমার শ্রদ্ধ করিতে হইবে না। ইহা শুনিয়া অগ্রজ সহাস্য মুখে বলিলেন, ধরেদরে এক আঁট, (ধরেদরে এক আঁট ইহার অর্থ এই যে, যেমন সামান্য লোকে নানাপ্রকার গালাগালি করিবে, তেমনই বিজ্ঞ ব্যক্তির সমস্ত পর্য্যালোচনা করিয়া মানসিক সন্তোষ লাভ করিবেন এবং বিধবারা বৈধব্য যন্ত্রণা হইতে মুক্তি লাভ করিয়া সুখে সংসারযাত্রা নির্বাহ করিবেন। বিশেষতঃ ভ্রূণহত্যা প্রভৃতি মহা পাপকর ও জাতিনাশকর কার্য গুলির হ্রাস হইবে।) পিতৃদেব বলিলেন, বাবা ! ধরিবার পূর্বে ভাবা উচিত, ধরেছ ছেড়োনা, প্রাণ পর্যন্ত স্বীকার করিও। এই অভিপ্রায়েই পূর্বে বীরসিংহার চণ্ডীমণ্ডপে আমরা উভয়েই তোমাকে বলিয়াছিলাম।

বিধবাবিবাহ পুস্তক প্রচারিত হইবামাত্র লোকে এরূপ আগ্রহ প্রদর্শন পূর্বক গ্রহণ করিতে আরম্ভ করিলেন যে এক সপ্তাহের অনধিক কাল মধ্যেই প্রথম মুদ্রিত দুই সহস্র পুস্তক নিঃশেষ হইয়া গেল। তদর্শনে উৎসাহাধিত হইয়া অগ্রজ মহাশয় আর তিন সহস্র পুস্তক মুদ্রিত করিয়াছিলেন, তাহাও অনতিবিলম্বে শেষ হইতে দেখিয়া পুনর্বার দশ সহস্র মুদ্রিত করেন। ঐ পুস্তক এরূপ আগ্রহসহকারে সর্বত্র পরিগৃহীত হইতেছে দেখিয়া তিনি পরম আনন্দিত হইলেন। কি বিষয়ী কি শাস্ত্রব্যবসায়ী অনেকেই উক্ত প্রস্তাবের উত্তর লিখিয়া মুদ্রিত করিয়া

সর্বসাধারণের গোচরার্থে প্রচার করিয়াছেন। যে বিষয়ে সকলে অবজ্ঞা ও অশ্রদ্ধা প্রদর্শন করিবেন বলিয়া অগ্রজের স্থিরসিদ্ধান্ত ছিল, সেই বিষয়ে অনেকে শ্রম ও ব্যয় স্বীকার করিয়া উত্তর পুস্তক মুদ্রিত ও প্রচারিত করিয়া তাঁহার দর্শন জগৎ প্রদান করেন। অগ্রজ মহাশয় ঐ উত্তর পুস্তকগুলি দেখিয়া শাস্ত্রজ্ঞলিপি মন্থন পূর্বক প্রত্যেকের হিসাবে প্রত্যেক প্রত্যুত্তর পরিচ্ছেদগুলি লিখিয়া একত্র সমবেত করিয়া দ্বিতীয় পুস্তক মুদ্রিত করেন। এই পুস্তক প্রচারিত ও দৃষ্ট হইবামাত্র সমস্ত ভারতবাসী নিরুত্তর ও মনে মনে সন্তোষলাভ করিয়া মৌখিক অসন্তোষকর বাক্য-গুলি প্রকাশ করিতে লাগিলেন। ভারতবাসী হিন্দুরা সকলেই বিধবা-বিবাহের শাস্ত্রীয়তা স্বীকার করিয়াও দেশাচারের একান্ত অনুগত দাস বলিয়া বিবাহে পরাভূত রহিলেন।

অগ্রজ মহাশয় ধর্ম্মশাস্ত্রের বিচারে বাঙ্গালা দেশের প্রধান প্রধান পণ্ডিত সকলকে পরাজয় করিলেন। ইহাতে কি স্ত্রী কি পুরুষ কি ভদ্র কি অভদ্র সকল সম্প্রদায়ের লোকে অগ্রজমহাশয়ের গুণানুবাদ করিতে লাগিল। কেহ কেহ বিলক্ষণ গালি দিতেও লাগিল, কিন্তু তিনি তাহাতে কর্ণপাতও করেন নাই। অনেকেই স্ব স্ব বিধবা হুঁহিতা বা ভগিনী কিম্বা ভাগিনেয়ীর বিধবাবিবাহ দিবার জগৎ সর্বদা অগ্রজ মহাশয়ের নিকট গতি বিধি করিতে লাগিলেন। বিধবার বিবাহ হইলে উহার গর্ত্তগন্তুত সম্মতিগণ রাজকীয় আইনানুসারে মৃত পিতার বিষয়ের উত্তরাধিকারী হইবেক তজ্জগৎ গবর্ণমেণ্টে আবেদন করা কর্তব্য এ বিষয়ে তৎকালের হোমডিপার্টমেন্টের সেক্রেটারি সারু সিমিল বীডন ও সুপ্রিম কোর্সেলের মেম্বরেরা ও লেপ্টেনেন্ট গবর্ণর হেলিডে সাহেব প্রভৃতি আইন পাশের আবেদন জগৎ অগ্রজমহাশয়কে উপদেশ প্রদান করেন, তদনুসারে প্রায় দুই সহস্র লোকের স্বাক্ষর করাইয়া আবেদন পত্র গবর্ণমেণ্টে প্রেরিত হয়। গবর্ণমেণ্টের কোর্সেলের বিচারে, হিন্দুশাস্ত্রানুসারে বিধবার পুনর্বিবাহ যখন বিবাহ হইতে পারে তখন বিধবার গর্ত্তজাত পুত্র ঔরস জাত পুত্র বলিয়া পৈতৃক সম্পত্তির উত্তরাধিকারী হইবে এই ব্যবস্থা বিধিবদ্ধ হইল। ইংরাজী ১৮৫৬ খঃ অব্দের ১৩ই জুলাই এই আইন

পাশ হইল। ইহার নাম ১৮৫৬ সালের ১৫ আইন হইল, এই সম্বন্ধে ভারতবর্ষের সকলেই মনে মনে পরম আশঙ্কিত হইলেন। তৎকালে গ্রাণ্ড সাহেব আইন পাশ বিষয়ে আশাতীত সাহায্য করিয়াছিলেন। তজ্জন্ত ভারতবাসী হিন্দুমাতেই তাঁহার নিকট কৃতজ্ঞতা পাশে বদ্ধ রহিলেন। গ্রাণ্ড সাহেবকে এড্‌রেস অর্থাৎ অভিনন্দন পত্র দিবার সময়ে অগ্রজ মহাশয় কৃষ্ণনগরের রাজা শ্রীশচন্দ্র বাহাদুর, রাজা প্রতাপচন্দ্র সিংহ বাহাদুর, বাবু রামগোপাল ষোষ, পণ্ডিতাগ্রগণ্য তারানাথ তর্কবাচস্পতি প্রভৃতি অনেকেই গ্রাণ্ড সাহেবের বাটীতে গমন করেন। কৃষ্ণনগরের রাজা শ্রীশচন্দ্র বাহাদুর স্বহস্তে উক্ত সাহেবকে এড্‌রেস পত্র প্রদান করেন। বিধবাবিবাহ আইনবদ্ধ করিবার জন্ত পবর্গমেণ্টের নিকট আবেদন পত্র প্রেরিত হইলে পর তৎকালের কয়েক ব্যক্তি সন্তোষপূর্বক অগ্রজ মহাশয়ের নামে ঐ বিষয়ের কতকগুলি সঙ্গীত রচনা করিয়াছিলেন, তন্মধ্যে নিম্নলিখিত একটি সঙ্গীত এস্থলে সন্নিবেশিত করা গেল।

বৈচে থাক বিদ্যাসাগর চিরজীবী হয়ে,

সদরে করেছো রিপোর্ট, বিধবাদের হবে বিয়ে।

কবে হবে এমন দিন, প্রচার হবে এ আইন;

দেশে দেশে জেলায় জেলায় বেরোবে ছকুম,

বিধবা রমণীর বিয়ের লেগে যাবে ধুম,

সধবাদের সঙ্গে যাবো, বরণডালা মাথায় লয়ে।

আর কেন ভাবিস লো সই, ঈশ্বর দিয়াছেন সই,

এবার বুঝি ঈশ্বরেচ্ছায় পতি প্রাপ্ত হই,

রাধাকান্ত মনোভাঙ দিলেন নাকো সই,

লোকযুগে শুনে আমরা আছি লোক-লাজভয়ে।

একাদশী উপসের জালা, কর্ণেতে লাগিত তালা,

ঘুচে যাবে সে সব জালা, জুড়াবে জীবন,

ছজনাত্তে পালঙ্কেতে, করিব শয়ন—

বিনানিয়া বাধবো খোঁপা ওঁজিকাটি মাথায় দিয়ে।

যেদিন হতে মহাপ্রসাদ, শুনেছি ভাই এ সম্বাদ,

চাকরি ।

সেদিন হতে আনন্দেতে হয় না রেতে দুঃ—

পছন্দ করেছি বর, না হতে ছকুম,

ঠাকুরপোরে করিব বিয়ে, ঠাকুরকিরে বলে করে ॥

উপরি উক্ত গীত কি নগরমধ্যে, কি পল্লীগ্রাম মধ্যে, কি বনমধ্যে, কি স্থলপথে কি জলপথে বঙ্গদেশের সর্বত্রই সকলেরই প্রতিগোচর হইত। বিধবার বিবাহ হইবে ইহা শ্রবণে মনে মনে সকলেই পরম আনন্দিত হইরাছিলেন। এ প্রদেশে ইতরজাতি অর্থাৎ ছলে, হাড়ী, কেওরা প্রভৃতি নীচজাতীয় বিধবার বিবাহ প্রচলিত আছে, কিন্তু ভদ্রসমাজে এ প্রথা না থাকায় ইহা এক নূতন কাণ্ড।

ঐ সময়ে শান্তিপুরের তত্ত্বাবায়গণ উপরি উক্ত গীতটি কাপড়ের পেড়ে কাঁপে ডুলিয়াছিল। ঐ বক্ত অনেকেরই আগ্রহাতিশয়ে অধিক মূল্য দিয়া ক্রয় করিত। অনেকেই বিদ্যাসাগর মহাশয়কে দেখিতে আসিত। যখন তিনি পদত্বজে পথে যাইতেন, অনেক স্ত্রীলোক এক দৃষ্টিতে তাঁহাকে অবলোকন করিত। কারণ, এতাবৎ দীর্ঘকালের মধ্যে ভারতবর্ষে অনেক ধনী ও গুণী লোক জন্মগ্রহণ করিয়াছেন, কিন্তু হতভাগিনী বিধবা স্ত্রীলোকদের প্রতি কেহ কখন বিদ্যাসাগরের মত দয়া প্রকাশ করেন নাই। যিনি যতই প্রকাশে বিধবা বিবাহের বিদেষ্টা হউন না কেন, কিন্তু মনে মনে বলিতেন যে, বিদ্যাসাগর মহাশয় বিধবা বিবাহের প্রচলনের ব্যবস্থা করিয়া ভালই করিয়াছেন। তিনি অন্ততঃ একটা বিধবার বিবাহ দিতে পারিলে, অনন্তকালব্যাপিনী কীৰ্ত্তি রাখিয়া যাইবেন, তাহার সন্দেহ নাই।

এ স্থলে কৃষ্ণনগর নিবাসী বাবু বিষ্ণুচন্দ্র বিশ্বাসের অনুরোধে তাঁহার বিবরণটি নিম্নে প্রকাশ করা গেল।

বিদ্যাসাগর মহাশয় কৃষ্ণনগরের লোকদিগকে অতিশয় ভাল বাসিতেন ও অনেকের যথেষ্ট উপকার করিয়াছেন। কৃষ্ণনগর নিবাসী বাবু বিষ্ণুচন্দ্র বিশ্বাস কৃষ্ণনগর কলেজে অধ্যয়নের মানস করিয়াছিলেন। কিন্তু কলেজের বেতনের অসম্ভাব প্রযুক্ত লেখাপড়া শিক্ষা করিতে অক্ষম হইয়া স্থানীয় অল্পাঙ্গ লোকের উপদেশানুসারে কলিকাতার

বাবু রামগোপাল ষোষ মহাশয়ের ভবনে উপস্থিত হন। উক্ত বাবু কোন সাহায্য না করায় নিতান্ত নিরুপায় হইয়া চিন্তাকুল হয়েন। অবশেষে ভোজন করিবার জন্ত তাঁহাদের দেশস্থ দ্বারিকানাথ বাবুর বড়বাজারের বাসায় উপস্থিত হন। তথায় আহার করিয়া দেশে গমন করেন, পুনরুদার বন্ধুবর্গের উপদেশানুসারে আট পয়সা পাথেয় লইয়া দুই দিবস পদব্রজে কলিকাতায় রামগোপাল বাবুর বাটীতে আইসেন। কিন্তু তিনি বলেন যে, আমার জ্বল নাই যে আমি তোমাকে পড়াইব। অবশেষে হতাশ হইয়া ভোজনের জন্য দেশস্থ উক্ত দ্বারিকানাথ বাবুর বাসায় গমন করেন; তথায় যাইয়া দেখিলেন, সেখানে দ্বারিকানাথ বাবুর বাসা নাই, সুতরাং নিরুপায় হইয়া আমাদের বাসায় বসিয়া চিন্তা ও রোদন করিতে লাগিলেন। আমরা তাঁহাকে ভোজন করাইলাম, এবং পরদিন তাঁহাকে উপদেশ দিলাম, তোমার অভিলষিত অগ্রজের নিকট বল, তাহা হইলে, তিনি তোমার উপায় করিয়া দিবেন। তৎকালে অগ্রজ ফোর্ট উইলিয়ম কলেজে ৮০ টাকা বেতনে হেড রাইটার ছিলেন। অনন্তর বিষ্ণু বাবু বিদ্যাসাগর মহাশয়ের পায়ে ধরিয়া রোদন করিলে, তিনিও দয়াজ্ঞ হইয়া বলিলেন, তুমি কেন কাঁদিতেছ, তাহাতে বিষ্ণু বাবু বলিলেন, আমি গরীবের ছেলে, কৃষ্ণনগরের কলেজে অধ্যয়নের মানস করিয়াছি, কিন্তু জ্বলের বেতন দিতে অক্ষম। অনেকের পরামর্শে রামগোপাল বাবুর নিকট আসিয়াছিলাম; কিন্তু তিনি মাসে মাসে একটি টাকা সাহায্য করিতে স্বীকার পাইলেন না। মহাশয় যদি মাসে মাসে একটি করিয়া টাকা দেন, তাহা হইলে আমার জ্বলে পড়া হয়। ইহা শুনিয়া অগ্রজ বলিলেন, তথায় যদি আমার কেহ আত্মীয় থাকেন, তুমি তাঁহার নাম কর, আমি তাঁহার নিকট টাকা পাঠাইয়া দিব। এক্ষণে তোমার পথধরচ কি চাই বল। ইহা শুনিয়া বিষ্ণু বাবু বলিলেন, বাটী হইতে আটটি পয়সা আনিয়াছিলাম, তন্মধ্যে সাতটি ধরচ হইয়াছে একটি আছে। এই কথা শ্রবণ করিয়া দুই দিনের পাথেয় ৥৬০ দশ আনা দিলেন। বিষ্ণু বাবু, রামতল্লা লাহিড়ির নাম করায় অগ্রজ তাঁহার নিকটেই উহার জ্বলের বেতন পাঠাইয়া দিতেন। বিষ্ণু

বাবু স্কুলের বেতন ব্যতীত অপর কিছুই কখনও গ্রহণ করেন নাই, একারণ অগ্রজ মহাশয় বিষ্ণু বাবুকে বিশেষ স্নেহ করিতেন।

উক্ত বিষ্ণু বাবুর কথায় কৃষ্ণনগর নিবাসী ভটগবানচন্দ্র দত্তকে মাসে মাসে ৮ টাকা দিতেন, ইহাঁর মৃত্যুর পর ইহাঁর স্ত্রীকে মাসে মাসে ৫ টাকা ও বৎসরে ৮ খানি বস্ত্র দিতেন। বিদ্যাসাগর মহাশয়ের মৃত্যুর দুই দিন পূর্বে মাসহারা ও বস্ত্র লইয়া গিয়াছেন।

খৃঃ ১৮৬৩ সালে নদীয়া জেলার অন্তঃপাতী কৃষ্ণনগর নিবাসী বাবু লক্ষ্মীনারায়ণ লাহিড়ী সরবেয়ার জেনের্যাল আফিসে মাসিক ৪০৭ টাকা বেতনে কেরাণীগিরি কর্ম করিয়া দিনপাত করিতেন। অল্প বয়সে তাঁহার কয়েকটি পুত্র ও কন্যা উৎপন্ন হয়, তজ্জন্ত ক্রমশঃ আয় অপেক্ষা সাংসারিক ব্যয় বাহুল্য হইতে লাগিল। অতঃপর মাসিক ৪০৭ টাকার সংসার নির্বাহ হওয়া দুষ্কর হইবে ইত্যাদি মনে মনে আলোচনা করিয়া ভাবী উন্নতির প্রত্যাশায় কলিকাতা মেডিকেল কলেজে প্রবিষ্ট হইয়া চিকিৎসা বিদ্যা শিক্ষা করিতে প্রবৃত্ত হইলেন। শেষ বৎসরে তাঁহার এরূপ সংসার অচল হয় যে, অর্থাভাবে অধ্যয়ন পরিত্যাগ না করিলে সংসার-যাত্রা নির্বাহ হওয়া দুষ্কর। তৎকালে বিখ্যাত ও কার্যদক্ষ তাঁহার পিতৃব্য গণের নিকট কোনরূপ সাহায্য না পাইয়া পরিশেষে অগত্যা অগ্রজ মহাশয়কে বিনয়পূর্বক আপন অবস্থা অবগত করাইলেন, তিনিও লক্ষ্মীনারায়ণ বাবুর ঐরূপ কথা শুনিয়া অল্পোৎসাহ পূর্বক প্রায় দুই বৎসর কাল মাসে মাসে ৫০৭ টাকা করিয়া উঁহার সংসারের ব্যয় নির্বাহার্থে প্রদান করিয়াছিলেন। সময়ে সময়ে এইরূপ কৃষ্ণনগরের অনেক লোকের উপকার করিয়াছেন, সকলের কথা লিখিলে হয়ত অনেকের মনে হুঃখ হইবে, এতন্ত ক্ষান্ত হইলাম। হুঃখের বিষয় এই, আমাদের দেশের অনেকে বিশেষ উপকার পাইয়াও কৃতজ্ঞতা দেখাইতে লজ্জাবোধ করেন এবং কেহ কেহ সময়ে সময়ে উপকারীর অনেক কুৎসাও করিয়া থাকেন।

সন ১২৬২ সালের ১লা বৈশাখ, অগ্রজ মহাশয় শিশুগণের শিক্ষার
অবিধার জন্য বর্ণপরিচয়ের প্রথম ভাগ নূতন প্রণালীতে প্রচারিত করি-

লেন, এরূপ বালকদিগের প্রথম পাঠ্য পুস্তক ইতি পূর্বে কেহ প্রকাশ করেন নাই ।

সন ১২৬২ সালের ১ লা আষাঢ় অগ্রজ মহাশয় বালক বালিকাদিগের সংযুক্ত বর্ণ পরিচয় আশুশিক্ষার সৌকর্য্যার্থে দ্বিতীয় ভাগ বর্ণ পরিচয় নাম দিয়া নূতন প্রণালীতে এক পুস্তক মুদ্রিত করিলেন । উহা যে প্রণালীতে রচনা করিয়াছেন সেরূপ প্রণালীতে পূর্বে কেহ কখন রচনা করেন না । এই দ্বিতীয় ভাগ বর্ণপরিচয় ভালরূপ শিখিলে বালকবালিকাগণ অপরাপর সকল পুস্তক অক্লেশে আবৃত্তি করিতে সমর্থ হয় । ভারতবর্ষের মধ্যে যাহারা বাঙ্গালা ভাষা প্রথমে শিক্ষা করিয়া থাকেন, তাহাদের মধ্যে প্রায় সকলকেই অগ্রজের রচিত দ্বিতীয় ভাগ বর্ণপরিচয় শিক্ষা করিতে হয় ।

বালকবালিকাগণের পক্ষে প্রথম ও দ্বিতীয় ভাগ বর্ণপরিচয় শিক্ষা করিয়া, বোধোদয় ও নীতিবোধ অধ্যয়ন করা কিছু কঠিন বোধ হইবে, একারণ অগ্রজ মহাশয় শিশুগণের শিক্ষার সুবিধার জন্য ইংরাজী ভাষায় রচিত গল্পের সরল বাঙ্গালা ভাষায় অনুবাদ করিয়া সন ১২৬২ সালের কান্তন মাসে কথামালা নাম দিয়া এক পুস্তক প্রচার করিলেন ।

সন ১২৬৩ সালের ১লা শ্রাবণ অগ্রজ মহাশয় চরিতাবলী মুদ্রিত ও প্রকাশিত করিয়াছেন । ইহাতে অতি সরল ভাষায় ডুবালা, উইলিয়ম রস্কো, হীন, জিরমটোন, প্রভৃতি ইউরোপীয় মহানুভবদিগের জীবনচরিত বর্ণিত হইয়াছে । ইহাদের জীবনচরিত পাঠ করিলে এতদেশীয় শিশুগণের লেখা পড়ায় অনুরাগ জন্মিবে ও উৎসাহবৃদ্ধি হইতে পারে ; যেহেতু উপরিউক্ত মহাত্মারা প্রায় সকলেই দরিদ্রের সন্তান । সকলেই নানারূপ ক্লেশ পাইয়া নিজের যত্নে ও পরিশ্রমে লেখাপড়া শিখিয়া জগৎবিখ্যাত হইয়াছিলেন । অগ্রজ মহাশয় এতদেশীয় দরিদ্র বালকগণকে লেখা পড়া শিখিতে উৎসাহাষিত করিয়া দিবার মানসে আগ্রহ পূর্বক পরিশ্রমসহকারে এই পুস্তক রচনা করিয়াছেন । ইহা বাঙ্গালা প্রদেশের সকল বঙ্গবিদ্যালয়ের শিশুগণ সমাদর পূর্বক অধ্যয়ন করিয়া থাকে ।

বায়ু শ্রীচন্দ্র বিদ্যালয়ের বিধবাবিবাহের কয়েক দিন পূর্বে পুজ্যপাদ

শ্রেমচন্দ্র তর্কবাগীশ মহাশয় অগ্রজের সহিত সাক্ষাৎ করিয়া বলেন, ঈশ্বর! তুমি বিধবাবিবাহের দ্বিতীয় পুস্তকে যে বিচার করিয়াছ, তাহা আমি আদ্যোপান্ত পাঠ করিয়া পরম আশ্লাদিত হইয়াছি। বিধবাবিবাহ যে শাস্ত্রসম্মত তাহা সকলকেই স্বীকার করিতে হইবে। এবং অত্যন্ত পরিশ্রম সহকারে নানা স্থানে ঘাইয়া আবেদন পত্রে সম্রাট লোকদের স্বাক্ষর করাইয়া রাজদ্বারে আবেদন করিয়াছিলে; তাহাতেও বিধবাবিবাহ বিধিবদ্ধ হইয়াছে, ইহা শুনিয়া পরম সন্তোষ লাভ করিয়াছি। ভবিষ্যতে যে বিধবাবিবাহ প্রচলিত হইবে, তুমি তাহার পথ পরিষ্কার করিয়া দিয়াছ। পরন্তু, যিনি এ বিষয়ের ব্যবস্থা দিবেন, যিনি ইহা আইনবদ্ধ করাইবেন, তাঁহাকেই যে বিধবাবিবাহ দেওয়াইতে হইবে এমন কথা নয়। এ সকল বহুব্যয় সাধ্য কর্ম, তোমার টাকা কোথায়, কোনও কারণে কর্ম-চ্যুত হইলে কি উপায়ে দিনপাত করিবে। ইহা ধনশালী রাজা লোকদের কার্য্য। বরং, আমার বিবেচনায় কিছুকাল মফঃসলে পরিভ্রমণ করিয়া রাজা ও সম্রাট জমিদারদিগকে স্বমতে আনয়ন পূর্ব্বক এই গুরুতর কার্য্যে প্রবৃত্ত হও। অন্যথা কলিকাতাবাসী অল্পবয়স্ক, অপরিণামদর্শী ও অব্যবহিতচিত্ত যুবকবৃন্দের কথায় নির্ভর করিয়া, এই গুরুতর কার্য্যে হস্তক্ষেপ করা উচিত নহে। পূজ্যপাদ তর্কবাগীশ মহাশয়ের এই কথা শুনিয়া অগ্রজ বলিলেন, মহাশয়! উঃসাহ ভঙ্গ করিবেন না। আমি কখনই পশ্চাৎপদ হইব না। তাঁহার বাক্য শ্রবণে তর্কবাগীশ মহাশয় বলিলেন, অগ্রে টাকার যোগাড় ও মফঃসলবাসী রাজা ও জমিদারগণকে স্বমতে আনয়ন পূর্ব্বক এ কার্য্যে প্রবৃত্ত হওয়া উচিত ছিল; এ কথা তোমাকে বারম্বার বলিতেছি। ইহা বলিয়া তর্কবাগীশ মহাশয় প্রস্থান করেন।

এস্থলে নিম্নলিখিত গল্পটি না লিখিয়া ক্ষান্ত থাকিতে পারিলাম না। তর্কবাগীশ মহাশয়ের পূর্ব্বপুরুষের রচিত সাহিত্যদর্পণের হস্তলিখিত টীকাসম্মত পুথিটি অতি জীর্ণ হইয়াছিল, একারণ ছাত্রগণকে বলিয়া-ছিলেন যে, তোমরা ক্রাশে বসিয়া এই আদর্শ দেখিয়া অন্য পুস্তক লিখিবে, কেহ বাটী লইয়া ঘাইও না; যেহেতু জীর্ণ পুস্তক, অনায়াসেই

নষ্ট হইতে পারে বা দৈবাৎ তৈল পড়িয়া পাতার অক্ষর অস্পষ্ট হইতে পারে; তজ্জন্য সকলেই ক্রাশে বসিয়া লিখিত। কিন্তু এক দিবস অগ্রজ মনে করিলেন, এখানে লেখায় অনেক সময় নষ্ট হয়। বাটীতে লিখিলে এক সাত্রেই অনেক লেখা হইবে; এইরূপ মনে করিয়া গোপনে কতকগুলি পাতা লইয়া যাইতেছিলেন। বর্ষাকাল, ছাতা নাই, পথে ভিজিতে ভিজিতে যাইতেছেন, হঠাৎ পড়িয়া গিয়া পরিধানবস্ত্রাদি এবং প্রাচীন পুথির পাতাগুলি ভিজিয়া গেল, দেখিয়া রোদন করিতে লাগিলেন। পরে মনে মনে এই ভাবিলেন যে গুরুর বাক্য অবহেলন করিয়া এই বিপদে পড়িলাম। সত্বেপায় স্থির করিতে না পারিয়া রোদনে প্রবৃত্ত হইলেন। অবশেষে এক ব্যক্তি বলিল, কান্না কেন, সম্মুখে এই ভুনারীর দোকানে পুথির পাতাগুলি অগ্নিতে পেসক, তাহা হইলেই শুকাইবে। তাহার পরামর্শানুসারে ঐরূপ করিতেছেন এমন সময়ে, তর্কবাগীশ মহাশয় ঐ পথ দিয়া যাইতেছিলেন, তিনি অগ্রজকে ভুনারীর দোকানে ঐরূপ অবস্থাপন্ন দেখিয়া বলিলেন, ঈশ্বর! এখানে কি করিতেছ? তর্কবাগীশ মহাশয়কে দেখিয়া ভয়ে কোন কথা বলিতে না পারিয়া মাথা চুলকাইতে লাগিলেন। তাঁহার আজ্ঞা বস্ত্র দেখিয়া তর্কবাগীশ মহাশয় নিজের উড়ানি পরিধান করিতে দিলেন, এবং বলিলেন, পুথির পাতের জন্য তোমার কোন চিন্তা নাই। পরে একটী গাড়ি ভাড়া করিয়া তাঁহাকে বড়বাজারের বাসায় পহুঁছাইয়া দেন।

বিদ্যাসাগর মহাশয় এরূপ প্রকাম্পিত পণ্ডিত মহাশয়ের কথা রক্ষা না করিয়া নিজের জীর্ণ বস্ত্রায় রাখিয়া শ্রীশ বাবুর বিবাহের উদ্যোগ করিতে লাগিলেন।

তৎকালে বঙ্গদেশের অনেকেই বলিত যে, বিদ্যাসাগর মহাশয় আন্তরিক স্বভাবের সহিত পরিভ্রম পূর্বক ধর্মশাস্ত্র সকল আদ্যন্ত অবলোকন করিয়া বিধবাবিবাহ যে শাস্ত্রমত ইহা প্রমাণ করিয়া বঙ্গদেশের সকল পণ্ডিতকে পরাজয় করিয়াছেন এবং রাজদ্বারে আবেদন করিয়া বিধবাবিবাহের আইন পাশ করাইয়াছেন, কিন্তু অন্যাপি একটিও বিধবার বিবাহ দিতে পারিলেন না, অগ্রে একটী বিধবার বিবাহকার্য সমাধা

হইলে দেখিয়া শুনিয়া অনেকেই বিধবা কন্যার বিবাহ দিবেন । কিছু দিন সর্বত্র সকল সময়ে এই কথার আন্দোলন হইতে লাগিল ।

সন ১২৬৩ সালের ২৪শে অগ্রহায়ণ সর্বপ্রথমে মহাসমারোহ পূর্বক কলিকাতার (সুকিয়া ষ্ট্রীট অগ্রজের পরম বন্ধু বাবু রাজকৃষ্ণ বন্দ্যোপাধ্যায়ের ভবনে) একটি বিধবা কন্যার বিবাহবিধি সম্পন্ন হইল । বর বিখ্যাত কথক, সত্তাভ ও ধনশালী, খাটুয়াগ্রাম নিবাসী রামধন তর্কবাণীশের পুত্র শ্রীশচন্দ্র বিদ্যারত্ন । ইনি প্রথমে সংস্কৃত কলেজের আসিষ্ট্যান্ট সেক্রেটারি পদে নিযুক্ত ছিলেন, তৎপরে ঐ বিদ্যালয়ের সাহিত্য শাস্ত্রের অধ্যাপকের পদে নিযুক্ত হইলেন । কিছু দিন পরে মুরশিদাবাদের জজ-পণ্ডিতের পদে নিযুক্ত হন । কস্তার নাম শ্রীমতী কালীমতী দেবী, ইহার পিতার নাম ব্রজানন্দ মুখোপাধ্যায়, ইহার নিবাস বর্ধমান জেলার অন্তঃপাতী পলাশডাঙ্গা গ্রাম । কস্তার প্রথম বিবাহ চারি বৎসর বয়সের সময়ে হইয়াছিল, ছয় বৎসরের সময় বিধবা হয় । বিধবা বিবাহের সময় বয়স দশ বৎসর । নদীয়া জেলার অন্তঃপাতী বহিরগাছি গ্রামনিবাসী হরমোহন ভট্টাচার্য্যের সহিত প্রথম পানিগ্রহণ হইয়াছিল । এই প্রথম বিধবাবিবাহ অতি সমারোহ-পূর্বক সম্পন্ন হয় । ইহাতে অগ্রজ মহাশয়ের বিস্তর অর্থব্যয় হয় । সংস্কৃত কলেজের অধ্যাপক জয়নারায়ণ তর্কপঞ্চানন, ভরতচন্দ্র শিরোমণি, প্রেমচন্দ্র তর্কবাণীশ ও তারানাথ তর্কবাচস্পতি ও অন্যান্য টোলের অধ্যাপক অনেকেই বিবাহসভায় উপস্থিত ছিলেন । বালিগ্রামনিবাসী বাবু মাধবচন্দ্র গোস্বামী ঐ গ্রামের বহুসংখ্যক ব্রাহ্মণসহ সভায় উপস্থিত ছিলেন । শিবপুরনিবাসী তৎকালের সংস্কৃত কলেজের পণ্ডিত হরিনাথ বন্দ্যোপাধ্যায় মহাশয় ও শিবপুরনিবাসী অনেক ব্রাহ্মণ সমুপস্থিত ছিলেন । কলিকাতা নিবাসী সত্তাভ ও ধনশালী বাবু নীলকমল বন্দ্যোপাধ্যায়, বাবু রামগোপাল ঘোষ প্রভৃতি অনেক লোক উপস্থিত ছিলেন । এতদ্ব্যতীত নানা স্থানের ব্রাহ্মণ পণ্ডিতগণ বিবাহের সভায় সমুপস্থিত হইয়াছিলেন । নির্ঝিষে বিবাহ কার্য সম্পন্ন হইয়াছিল । প্রথমতঃ বিধবা বিবাহ বাহাতে না হইতে পারে, তদ্বিবরে কলিকাতায় ও তিন্ন তিন্ন দেশবাসিগণ ঐক্য

হইয়া অনেক বাধা দিয়া কৃতকার্য হইতে পারেন নাই । বিবাহস্থলে অধিক জনতা হইলে অনেক গোলযোগ হইবার আশঙ্কায় রাজপুরুষেরা শান্তিরক্ষার্থ ষথেষ্ট পুলিশকর্মচারীও নিয়োগ করিয়াছিলেন । বিদ্যাসাগর মহাশয় বিধবার বিবাহ দিয়া অনন্তকালস্থায়ী কীর্তিস্তম্ভ স্থাপন করিলেন, দেখিয়া, তদানীন্তন অনেক কৃতবিদ্য ও ধনশালী লোক মনে মনে এই বিষয় আলোচনাপূর্বক ঈর্ষান্বিত হইয়াছিলেন ।

২নং । সন ১২৬৩ সালের ২৫ শে অগ্রহায়ণ, কলিকাতায় একটি কায়স্থজাতীয়া বিধবার বিবাহ কার্য সমারোহপূর্বক সমাধা হয় । কন্ডার নাম শ্রীমতী থাকমণিদাসী, পিতার নাম ঈশানচন্দ্র মিত্র, নিবাস কলিকাতা ঠন্থনিয়া । নয় বৎসর বয়সের সময় কন্ডার প্রথম বিবাহ সম্পন্ন হয়, বিবাহের ৩ মাস পরে বৈধব্য সংঘটন হয়, দ্বিতীয় বার বিবাহ সময়ে বয়স ১২ বৎসর । প্রথম বিবাহ নদীয়া জেলার অন্তঃপাতী সাপুর গ্রাম নিবাসী কৃষ্ণমোহন বিশ্বাসের সহিত হইয়াছিল । দ্বিতীয় বরের নাম মধুসূদন ঘোষ, নিবাস পানিহাটী গ্রাম, জেলা ২৪ পরগণা, পিতার নাম কৃষ্ণকালী ঘোষ । ইঁহার কুলীন কায়স্থ, বর কলিকাতা হাটখোলার দস্ত বাবুদের বাটীর দৌহিত্র, ইঁহার জ্যেষ্ঠতাত বাবু হরকালী ঘোষ সদর দেওয়ানী আদালতের উকীল, ইনি সভাবাজারের রাজবাটীর জামাতা । বর অতি প্রসিদ্ধ বংশোদ্ভব, তৎকালে বর প্রেসিডেন্সী কলেজে ল ক্লাশে অধ্যয়ন করেন । এই বিবাহেও অগ্রজের ষথেষ্ট ব্যয় হইয়াছিল ।

৩নং । সন ১২৬৩ সালের ১১ই ফাল্গুন কায়স্থবংশোদ্ভব এক বিধবার রমণীর বিবাহকার্য মহাসমারোহে সমাধা হইয়াছিল, কন্ডার নাম শ্রীমতী গোবিন্দমণিদাসী, ৯ বৎসর বয়ঃক্রমকালে প্রথম বিবাহ হয়, ১০ বৎসরের সময় বৈধব্য সংঘটন হয় । পুনরায় বিবাহ কালে কন্ডার বয়স ১৪ বৎসর, কন্ডার পিতার নাম রামসুন্দর ঘোষ, নিবাস ভবানীপুর, জেলা ২৪ পরগণা । প্রথম বরের নাম প্রাণকৃষ্ণ সিংহ, নিবাস কলিকাতা হোগলকুড়িয়া । দ্বিতীয় বরের নাম দুর্গানারায়ণ বহু, নিবাস বোড়াল, জেলা ২৪ পরগণা ; পিতার নাম মধুসূদন বহু, ইঁারা অতি সম্ভ্রান্ত লোক । দুর্গানারায়ণ বহু মেদিনীপুর গবর্ণমেন্ট ইংরাজী স্কুলের শিক্ষক,

ইনি বিখ্যাত রাজনারায়ণ বহুর পিতৃব্যপুত্র । এ বিবাহেও অগ্রজ মহাশয়ের বিলক্ষণ ব্যয়াদিক্য হইয়াছিল ।

৪নং । সন ১২৬৩ সাল । ২৬শে ফাল্গুন কলিকাতায় আর একটি কায়স্থের বিধবা কন্ডার বিবাহকাৰ্য্য সমাধা হয়, কন্ডার নাম শ্রীমতী নৃত্যকালী দাসী, ইহার প্রথম বিবাহ ৭ বৎসর বয়ঃক্রমকালে হইয়াছিল, একাদশ বৎসর বয়সের সময় বিধবা হয়, পুনরায় বিবাহ সময়ে ১৪ বৎসর বয়স । ইহার পিতার নাম হরিশ্চন্দ্র বিশ্বাস, ইহার নিবাস শ্রুচর, জেলা ২৪ পরগণা । প্রথম বরের নাম রামকমল সরকার, নিবাস চন্দনপুথুর, জেলা ২৪ পরগণা । দ্বিতীয় বরের নাম মদনমোহন বহু, নিবাস বোড়াল, জেলা ২৪ পরগণা, পিতৃনাম নন্দলাল বহু, এই বর বিখ্যাতবংশোদ্ভব কুলীন কায়স্থ । ইনি পরম ধর্ম্মপরায়ণ বিখ্যাত বাবু রাজনারায়ণ বহু মহাশয়ের মধ্যম সহোদর । দেশহিঁতৈবী বাবু রাজনারায়ণ বহু মহাশয় সাধারণের হিতকামনায় আগ্রহপূর্ব্বক মধ্যম সহোদরের ও পিতৃব্যপুত্র দুর্গানারায়ণ বহুর বিধবাবিবাহ দিয়া সাধারণ কৃতবিদ্য লোকের নিকট প্রশংসার ভাজন হইয়াছেন । এই সময় সিপাই বিদ্রোহ উপস্থিত হওয়ায় বিধবা বিবাহের কার্য্য কিছু দিন স্থগিত ছিল ।

১৮৫৭ খৃঃ অঙ্গে বিশ্ববিদ্যালয় স্থাপিত হয়, ঐ সময়েই বিদ্যাসাগর মহাশয় ইউনিভারসিটির অগ্র্যতম সভ্য হন ।

কিছু দিন পরে গবর্ণমেন্ট সংস্কৃত শিক্ষা রহিত করিবার প্রস্তাব করায় ইউনিভারসিটির সেনেটে অগ্র্য সকল মেম্বরই সংস্কৃত শিক্ষার প্রতিকূলে বদ্ধপরিকর হইলেন ; কিন্তু অগ্রজ, সংস্কৃত শিক্ষার অমুকূলে নানা অকাট্যমুক্তি দর্শাইয়া, সংস্কৃত শিক্ষা রহিত না হইয়া বরং ঐ শিক্ষার বৃদ্ধি করিতে ও প্রবলতা রাখিতে কৃতকার্য্য হইলেন । সকল মেম্বরের প্রতিকূলে নিজের মত বজায় রাখা অপর কাহারও সাধ্য নহে, এজন্য তিনি সমস্ত ভারতবাসীর নিকট ভক্তি ও শ্রদ্ধার ভাজন হইলেন ।

সিবিলিয়ানগণ ফোর্ট উইলিয়ম কলেজে পরীক্ষায় উত্তীর্ণ হইলে, মফঃসেলে আসিষ্ট্যান্ট প্রভৃত পদ পাইয়া থাকেন । এই সময়ে লর্ড ডালহৌসী গবর্ণর জেনেরাল বাহাদুর সিবিলিয়ানগণের উচ্চপদযোগ্য-

তার পরীক্ষা জ্ঞান সেন্ট্রাল কমিটি নামে একটি কমিটি স্থাপন করেন। বিজ্ঞানাগর মহাশয় উক্ত কমিটির অল্পতম মেম্বর হইলেন, এবং উক্ত কমিটিতে বাঙ্গালা ও হিন্দি পরীক্ষার ইহাঁর মতই প্রবল ছিল। কিছুকাল পরে নানা কারণে তিনি ঐ পদ পরিত্যাগ করেন।

সন ১২৬৪ সালের অগ্রহায়ণ মাসে অগ্রজ মহাশয় সিসিলবীডন মহোদয়কে বলিয়াছিলেন যে, সিপাই বিদ্রোহ নিবন্ধন বিধবাবিবাহ কার্য্য স্থগিত রাখা হইয়াছে। ইহা শ্রবণ করিয়া সিসিলবীডন মহোদয় বলিলেন, যখন আমাদের তরবারির উপর নির্ভর, তখন তয় করিয়া বিধবাবিবাহ কার্য্য স্থগিত রাখা তোমার কর্তব্য নয়; অনন্তর ইহাঁর কথা শুনিয়া পুনর্বার বিধবাবিবাহ দিতে যত্নবান হইলেন।

এনং। সন ১২৬৪ সালের অগ্রহায়ণ মাসের শেষে ব্রাহ্মণজাতীয় একটি বিধবা বালিকার বিবাহ হয়। কন্যার নাম শ্রীমতী লক্ষ্মীমণিদেবী, পিতার নাম স্বরূপচন্দ্র চক্রবর্তী, নিবাস চন্দ্রকোণার অতি সম্মিহিত কেয়াগেড়ে গ্রাম, তৎকালে ঐ গ্রাম জেলা হুগলির অন্তর্গত ছিল, এক্ষণে জেলা মেদিনীপুরভুক্ত হইয়াছে। কন্যার ৩ বৎসর বয়সে প্রথম বিবাহ হয়, ঐ বৎসরেই বৈধব্য সংঘটন হয়, এক্ষণে অর্থাৎ দ্বিতীয় বার বিবাহের সময় বয়স ৮ বৎসর। প্রথম বরের নাম শিশুরাম বন্দ্যোপাধ্যায়, নিবাস শিরসা, জেলা মেদিনীপুর। দ্বিতীয় বরের নাম বহুনাথ চট্টোপাধ্যায়, ইনি সংস্কৃত কলেজে অধ্যয়ন করিয়া সংস্কৃত ও ইংরাজী ভাষায় ব্যুৎপন্ন হইয়াছিলেন, ইহাঁর নিবাস গৈগুড়, জেলা নদীয়া। এই বিবাহেও অগ্রজ মহাশয় প্রচুর অর্থ ব্যয় করিতে কুণ্ঠিত হন নাই।

ইতিপূর্বে লেখা হইয়াছে যে, তৎকালীন লেপ্টেনেন্ট গবর্নর হেলিডে সাহেব মহোদয় অগ্রজ মহাশয়কে আন্তরিক স্নেহ ও শ্রদ্ধা করিতেন। তিনি সপ্তাহের মধ্যে বৃহস্পতিবার নানাবিষয়ের মুক্তি ও পরামর্শ করিবার জন্য অগ্রজকে তাঁহার বাটীতে বাইবার আদেশ করেন। অগ্রজ তৎকালীন প্রতি সপ্তাহের বৃহস্পতিবার উহাঁর ভবনে বাইতেন। একদিন ডিক্টিটার-বর্মে অর্থাৎ সম্ভ্রান্ত পদস্থ মান্যপণ্য ও রাজন্য প্রভৃতিতে হল পরিপূর্ণ হইয়াছিল; এমন সময়ে অগ্রজ মহাশয় ঐ হলে সমুপস্থিত হইয়া

চাপরাসী দ্বারা টিকিট পাঠাইবামাত্র চাপরাসি আসিয়া বলিল পণ্ডিতজীকে লাট সাহেব আসিতে বলিলেন। তাহা শ্রবণ করিয়া রায় কিশোরীচাঁদ মিত্রপ্রমুখ ভিজিটারগণ আশ্চর্য্যাবিত হইলেন যে আমাদের মধ্যে কেহ পুলিশের মাজিষ্ট্রেট, কেহ রাজা, কেহ উচ্চপদস্থ কর্মচারী। আমরা বিদ্যাসাগরের আসিবার অনেক পূর্বে টিকিট পাঠাইয়াছি, তাহাতে আমাদের আশঙ্কাকে আহ্বান না করিয়া আমাদের অনেককাল পরে এক জন তালতলার চর্মপাহুকা পায়ে দিয়া ও গাত্রে লংক্রাথের চাদর দিয়া আসিল, অগ্রে আমাদেরকে না ডাকিয়া ঐ ভট্টাচার্য্যকে ডাকিলেন, মনে মনে ইহা কহিয়া, অপমান বোধ হওয়াতে সকলে ঈর্ষ্যাবিত হইয়া কোন এক উচ্চপদস্থ সাহেবের দ্বারা লাট সাহেবকে জানাইলেন যে, তিনি বিদ্যাসাগর ভট্টাচার্য্যকে কি কারণে এত সম্মান করেন অর্থাৎ আমরা উঁহার আসিবার অনেককাল পূর্বে আসিয়াছি, কিন্তু উনি আসিবামাত্র কেন দেখা করিতে বান? ইহা শ্রবণ করিয়া লেপ্টেনেন্ট গবর্নর উঁহাদের মধ্যে প্রধান ব্যক্তিকে উত্তর দেন যে বিদ্যাসাগরের দ্বারা অনেক উপদেশ ও কাজ পাই। কারণ বিদ্যাসাগর নিঃস্বার্থ ও দেশহিতৈষী এবং সকল বিষয়ে অভিজ্ঞ ও অসাধারণ বুদ্ধিমান। উঁহার নিকট সহপদেশ গ্রহণ করিলে দেশের অনেক উপকার সাধিত হইয়া থাকে। অল্প যাহারা আসিয়াছেন, তাঁহারা কেবল স্বীয় স্বীয় স্বার্থ সাধনোদ্দেশে আসিয়া থাকেন। বিদ্যাসাগরের সহিত কাহারও তুলনা নহে।

এক দিন ছোট লাট হেলিডে সাহেব কথাপ্রসঙ্গে অগ্রজ মহাশয়কে বলেন, যে, বঙ্গদেশের মধ্যে কেবল কলিকাতায় একটিমাত্র বালিকা-বিদ্যালয় স্থাপিত হইয়াছে। কুসংস্কারপরতন্ত্র হইয়া সর্বসাধারণ লোকে বালিকাগণকে ঐ বিদ্যালয়ে অধ্যয়নার্থ প্রেরণ করেন না। অতএব আমার ইচ্ছা যে তুমি মকঃসলের স্থানে স্থানে বালিকাবিদ্যালয় স্থাপন না করিলে সাধারণ বালিকাগণের সেবা পড়া শিকার প্রচলন হওয়া দুষ্কর। অতএব তুমি যেমন হুগলি, বর্ধমান, নদীয়া ও মেদিনীপুর এই জেলা চতুষ্টয়ের স্থানে স্থানে মডেল স্কুল অর্থাৎ আদর্শ বঙ্গবিদ্যালয় স্থাপন করিয়া পরিদর্শন করিতেছ, সেইরূপ মকঃসলের স্থানে স্থানে বালিকা-

বিদ্যালয় স্থাপন করিয়া হিন্দু-দ্বীশিক্ষা প্রচলনের জন্ত তোমার বহু পাওয়া কর্তব্য । তজ্জন্ত অগ্রজ মহাশয় আন্তরিক বহু ও পরিশ্রম সহকারে বর্দ্ধমান, নদীয়া, হুগলী ও মেদিনীপুর এই কয়েক জেলার মফঃসলে স্থানে স্থানে প্রায় শতাধিক বালিকাবিদ্যালয় স্থাপন করেন । প্রত্যেক বালিকাবিদ্যালয়ে দুই জন পণ্ডিত, একটি চাকরাণী নিযুক্ত করেন ; বিনামূল্যে বালিকাগণকে পুস্তকাদি প্রদত্ত হইত । কয়েক মাস অতীত হইলে পর ঐ সকল বালিকাবিদ্যালয়ের শিক্ষকগণের বেতনাদির বিল করিয়া ডিরেক্টরের নিকট পাঠাইলেন, কিন্তু ডিরেক্টর ইয়ং সাহেব ঐ বিল মঞ্জুর করিলেন না ।

ইতিপূর্বে কথিত হইয়াছে, আদর্শ বিদ্যালয় স্থাপন সময়ে ডিরেক্টর ইয়ং সাহেবের সহিত অগ্রজ মহাশয়ের অপ্রণয় হওয়ায় ডিরেক্টর ঐ সময় হইতে একাল পর্য্যন্ত তাঁহার ছিদ্রাদেষধণে তৎপর ছিলেন । এই সময়ে পার্লামেন্টে কনসারভেটিব পার্টি প্রবল হয় এবং তৎকালে লর্ড এলেনবরা ভারতবর্ষে সাধারণ শিক্ষার বিকল্পে অভিপ্রায় প্রকাশ করেন, ডিরেক্টর ইয়ং সাহেবও ঐ মতাবলম্বী ছিলেন, সুতরাং ডিরেক্টর এক্ষণে এই ছিদ্র পাইয়া বালিকাবিদ্যালয়ের বিলের প্রতিবাদ করেন । হেলিডে সাহেব এই বিল পাশ করিতে অক্ষম হইয়া নামঞ্জুর করেন, তজ্জন্ত অগ্রজ মহাশয় লেপ্টেনেন্ট গবর্নরকে জানাইলেন । তিনি বলিলেন, লর্ড এলেনবরা ভারতবর্ষের শিক্ষাসমাজের ব্যয়লাভের নিমিত্ত অভিপ্রায় প্রকাশ করিয়াছেন । বালিকাবিদ্যালয়ে গবর্নমেন্ট টাকা দিতে সম্মত নহেন । কিন্তু আমি তোমাকে বাচনিক বিদ্যালয় বসাইবার আদেশ দিয়াছি ইহা সত্য বটে, অতএব তুমি আমার নামে ঐ সকল বালিকাবিদ্যালয়ের কয়েক মাসের বেতনের টাকা আদায় জন্ত অভিযোগ কর ; আবেদন করিলেই আমি তোমার টাকা দিতে বাধ্য হইব । ইহা শুনিয়া অগ্রজ বলিলেন, আমি কখনও কাহারও নামে নালিশ করি নাই, অতএব আপনার নামে কি প্রকারে অভিযোগ করিব । ঐ টাকা আমি নিজে গণ করিয়া পরিশোধ করিব । আপনার কথায় বিশ্বাস করিয়া মফঃসলে বালিকাবিদ্যালয় সকল স্থাপন করা

হইয়াছে ; শিক্ষকগণকে কয়েক মাসের বেতন না দিয়া কিরূপে জবাব দেওয়া যায়, ইহা কহিয়া মর্যাদাসিক ক্রোধাবিত হইয়া প্রস্থান করেন ।

দ্বিতীয়তঃ, হুগলি নদীয়া বর্তমান মেদিনীপুর এই জেলা চতুষ্টয়ের স্থল সমূহের, এম্পিসিয়াল ইনস্পেক্টরের পক্ষে নিযুক্ত ছিলেন। ঐ সকল জেলায় বিদ্যাগর সমূহের বেকরূপ উন্নতি পরিদর্শন করেন, তদনুযায়ী রিপোর্ট করিয়া থাকেন, তজ্জন্ম ডিরেক্টর অর্থাৎ শিক্ষাসমাজের কর্মধ্যক্ষ স্পষ্ট প্রকাশ করিয়া বলেন, এতদপেক্ষা উৎকৃষ্ট অর্থাৎ ভালরূপ সাজা-ইয়া, রিপোর্ট করিবে, নচেৎ সাধারণের নিকট গৌরব হইবে না। অগ্রজ বলিলেন, যাহা হইতেছে আমি তাহাই লিখিব, বাড়াইয়া লেখা আমার কর্ম নহে। যদি ইহাতে সন্তুষ্ট না হন, তাহা হইলে আমি কর্ম পরিত্যাগ করিতে প্রস্তুত আছি।

তৃতীয়তঃ, যৎকালে গবর্ণমেন্ট সংস্কৃত কলেজের বাটী নির্মাণ করেন, তৎকালে গবর্ণমেন্টের উদ্দেশ্য ছিল, যে মধ্যস্থলের উন্নত দ্বিতল বাটীতে উক্ত কলেজের অধ্যাপকগণের বাসাবাটী হইবে, আর ঐ বাটীর উভয় পার্শ্বের একতল। ভবনে বিদ্যার্থীগণ বসিয়া অধ্যয়ন করিবে। কিন্তু হুঁত্যাগপ্রযুক্ত তৎকালের অধ্যাপকবর্গ বলিলেন, স্নেহের ভবনে বাসা করা কোনরূপে হইবে না। একারণ মধ্যস্থলের দ্বিতল ভবনে শিক্ষা কার্য সমাধা হইয়া আসিতেছে। উভয় পার্শ্বের গৃহ খালি পুড়িয়া থাকিত। তৎকালে গবর্ণমেন্ট বিদ্যালয়ের উন্নতির অভিপ্রায়ে নিম্নশ্রেণীর ছাত্রগণকে মাসিক ৫ টাকা বৃত্তি ও উচ্চ শ্রেণীর ছাত্রগণকে মাসিক ৮ টাকা বৃত্তি প্রদান করিতেন। কিছু দিন পরে তৎকালের গবর্ণর জেনারেল লর্ড বেটিক সংস্কৃত কলেজ উঠাইয়া দিবার উদ্যোগ পাইলে কলেজের শিক্ষক জয়গোপাল তর্কালঙ্কার প্রভৃতি নিকরপায় হইয়া, কলেজের স্থায়িত্বের মানসে বিলাতে উইলসন লাহেবকে এই পত্র খানি লিখেন যে—

অম্মিন্ সংস্কৃতপাঠসম্মতসরসি ত্বংস্থাপিতা যে সুধী-

হংসা কালবশেন পক্ষরহিতা দূরং গতে তে স্মরি।

তত্ত্বীরে নিবসন্তি সংহিতশরা ব্যাধাস্তদুচ্ছিতয়ে

তেভ্যস্ত্বং যদি পাসি পালক তদা কীর্তিন্দিবং স্থাপতি ॥

উইলসন সাহেব বিলাতে কলেজের প্রফেসার ছিলেন। বিদ্যালয়েই ঐ পত্র পাইয়া উক্ত কবিতা পাঠ করিয়া নেত্রজলে প্রাণিত হইলেন। সেই বিদ্যালয়ের সত্রাস্তবংশীয় বিদ্যার্থীগণ প্রফেসারের বোদনের কারণ অবগত হইয়া সকলে যুক্তকণ্ঠে বলিল, যে ভাষা পাঠ করিলে এরূপ চক্ষুর জল বিনির্গত হয় সেই ভাষা একবারে পরিত্যাগ করা যুক্তিসিদ্ধ নয়। অনন্তর উপস্থিত সকলেই ঐক্য হইয়া কর্তৃপক্ষগণকে অনুরোধ করায়, তাঁহারা সংস্কৃত কলেজ স্থায়ী করিলেন সত্য বটে, কিন্তু তদবধি ব্যয়ের অনেক লাঘব করিয়া দিলেন। এবং বিদ্যালয়ে নূতন প্রবিষ্ট আর কেহ বৃত্তি পাইল না।

ঐ সময়ে লালবাজারের একটি সামান্য বাটীতে হিন্দু কলেজ ছিল। তথায় নানা অসুবিধা প্রযুক্ত ঐ বিদ্যালয়ের কর্মধ্যক্ষগণ সংস্কৃত কলেজের পূর্ক ও পশ্চিম উভয় পার্শ্বের শূন্য ভবনে হিন্দু কলেজ স্থাপনের অসম্মতি প্রার্থনা করেন। গবর্নমেন্ট সংস্কৃত কলেজের ঐ স্থানে হিন্দুকলেজ স্থাপনের আদেশ প্রদান করেন। তদবধি ঐ স্থানে হিন্দু কলেজের শিক্ষাকার্য্য সমাধা হইয়া থাকে। ক্রমশঃ ছাত্রসংখ্যা বৃদ্ধি হইলে পর, সংস্কৃত কলেজের পশ্চিমাংশের উপরের কয়েকটি গৃহ ও হল আক্রমণ করিয়াছে। ঐ সময়ে প্রেসিডেন্সি কলেজের স্বতন্ত্র বাটীর বন্দোবস্ত হইয়াছিল। তৎকালে, বিদ্যাসাগর মহাশয় সংস্কৃত কলেজে ইংরাজী শিক্ষার নূতন সুপ্রণালী স্থাপন করেন; সুতরাং অধিক স্বরের আবশ্যক হয়। পশ্চিমাংশের উপরের দুইটি গৃহ হিন্দু কলেজের কোনও ব্যবহারে লাগে নাই, কেবল চাষি বস্তু থাকে। ঐ ২টি ঘর শইবার জন্য শিক্ষাসমাজের কর্মধ্যক্ষকে জানাইলে তিনি অগ্রজ মহাশয়কে বলেন যে, তুমি নিজে হিন্দু কলেজের প্রিন্সিপাল সার্টক্লিপ সাহেবকে বলিবে; তাহাতে বিদ্যাসাগর বলেন, সার্টক্লিপের সহিত বিদ্যালয় উপলক্ষে বিলক্ষণ মনোভর আছে; আমি তাঁহাকে কোন কথা বলিব না। ইহাতে সাহেব জীদ করিয়া বলেন যে তোমাকে তাঁহার নিকট বাইতে হইবে। তচ্ছবণে অগ্রজ বলেন যে, তুমি যদি এক দিন তথায় বাইয়া আমার ডাকাও তাহা হইলে অগত্যা আমার বাইতে

হইবে। কয়েক দিন পরে সাহেব হিন্দু কলেজে গিয়াছিলেন, কিন্তু বিদ্যাসাগর মহাশয়কে ডাকান নাই। সুতরাং তথায় বাইরা দেখা না করিয়া সাহেবের বাটী যান, এবং ঘরের কথা উল্লেখ করিলে সাহেব অগ্রজকে সার্টক্লিপের সহিত দেখা করিতে পুনঃ পুনঃ বলায় তিনি তাহাতে সন্মত হইলেন না। তথাপি সাহেব, বারম্বার দেখা করার জন্য জীদ করিলেন। তাহাতে অগ্রজ তৎক্ষণাৎ সেইখানেই কাগজ লইয়া রেজাইন পত্র লিখিয়া দিয়া প্রস্থান করেন। পরে রেজাইন পত্র দেখিয়া লেপ্টেনেন্ট গবর্নর রেজাইন মঞ্জুর করিতে ইচ্ছা করেন নাই। তিনি তাঁহাকে ডাকাইয়া পাঠান, কিন্তু অগ্রজ তাহাতেও দেখা করিতে যান নাই। অবশেষে বেতন বৃদ্ধি করিয়া দিতে স্বীকার পাইলেও বলিয়াছিলেন আর চাকরি করিব না। অনেকে রেজাইন পত্র ফিরিয়া লইতে অমুরোধ করিয়াছিলেন, কিন্তু অগ্রজ কাহারও উপদেশ গ্রহণ করেন না।

১৮৫৮ খঃ অব্দের শেষে বিদ্যাসাগর মহাশয় সংস্কৃত কলেজের প্রিন্সিপালের পদ পরিত্যাগ করেন। ঐ সময়ে কলিকাতার সুপ্রিম কোর্টের চিফ জুষ্টিস সার জেমস কলবিন সাহেব মহোদয় তৎকালীন শিখাসমাজের প্রেসিডেন্ট ছিলেন। ইনি অগ্রজকে অত্যন্ত ভাল বাসিতেন, একারণ অগ্রজকে বলেন তুমি ঘেরূপ হিন্দু ল (আইন) অবগত আছ, উকীল হইলে তোমার আরও প্রতিপত্তি হইবে। ইহা শুনিয়া অগ্রজ তাঁহাকে বলেন যে আমি ইংরাজী আইন জানি না, আর এ বিষয়ে আইন পরীক্ষা দিতেও ইচ্ছা নাই। তাহাতে চিফ জুষ্টিস বলেন যে তোমার মত অধিতীর বুদ্ধিমান দেশহিতৈষী বিদ্যোৎসাহী বিচক্ষণ কার্যদক্ষ ব্যক্তিকে পরীক্ষা দিতে হইবে না। আমার পাশ করিয়া দিবার ক্ষমতা আছে, তোমার মত লোক পাইলে গবর্নমেন্টের ও ভারতবর্ষের অনেক উপকার হইবে। কলবিন সাহেব মহোদয়ের উদ্ভেজনার তৎকালীন সদর দেওয়ানী আদালতের সর্ক্সপ্রধান উকীল বাবু দ্বারকানাথ মিত্র মহোদয়ের বাটীতে প্রতিদিন প্রাতে ও সাংসকালে বাইরা দেখিলেন যে, হিন্দুস্থানী মোক্তারদের সহিত টাকার জন্য অনেক হড়াহড়ী করিতে হয়, দেখিয়া শুনিয়া

ওকালতী কর্ণে ঘৃণা জন্মিল এবং কলবিন সাহেবের বাটী ধাইয়া বলিলেন, অধিক টাকা পাইব বলিয়া এরূপ বিসদৃশ ঘৃণিত কর্ণে প্রবৃত্ত হইতে আমার প্রবৃত্তি হয় না। সাহেব বলিলেন, তোমাকে মোক্তারদের সহিত টাকার জন্য কেন হুড়াহুড়ী করিতে হইবে। যেহেতু কোর্টের জজেরা আদালত মধ্যে তোমাকে দেখিলে খাতির ও সেকহাও অর্থাৎ করস্পর্শ করিবে। তুমি ভারতবর্ষের মধ্যে অদ্বিতীয় পণ্ডিত, একারণ কেহই তোমার সম্মান রাখিতে ক্রটি করিবেন না। সাধারণ লোক ও মোক্তার প্রভৃতি ইহা দেখিয়া স্বতঃপ্রবৃত্ত হইয়া তোমাকেই উকীল মনোনীত করিবেন। অঙ্গদিনের মধ্যেই তোমার ভালরূপ পসার হইবে। সাহেব এবম্বিধ নানাপ্রকার উপদেশ দিয়া বুঝাইলেন, তথাপি অগ্রজের অর্থকরী ওকালতী কর্ণে প্রবৃত্তি হইল না।

স্বাধীনাবস্থা।

যে সকল বালিকাবিদ্যালয়, ছোট লাট হেলিডে সাহেবের বাচনিক আদেশে স্থাপন করিয়াছিলেন, সেই সকল বিদ্যালয়ের শিক্ষকদের বেতন ন্যূনাদিক চারি সহস্র টাকা স্বয়ং ঋণ করিয়া উক্ত বিদ্যালয় সমূহের পণ্ডিতগণকে প্রদান করেন এবং তরায় অধিকাংশ বালিকাবিদ্যালয় উঠাইয়া দিয়া নদীয়া, বর্দ্ধমান মেদিনীপুর ও হুগলি জেলার অন্তঃ-পাতী বীরসিংহ রামজীবনপুর উদয়রাজপুর গোবিন্দপুর ঈড়পালা কুরাণ ঘোঁগ্রাম প্রভৃতি গ্রামে প্রায় ২০টী বালিকাবিদ্যালয় স্থায়ী করেন, এবং ঐ সকল বিদ্যালয়ের ব্যয় স্বয়ং ও নিম্নলিখিত ব্যক্তিদের সাহায্যে নির্বাহ করিতেন। যে যে মহামুভবেরা উক্ত বালিকাবিদ্যালয়ে সাহায্য দান করিতেন তাঁহাদের নাম এই—তৎকালীনের গবর্ণর জেনেরালের পত্নী লেডি ক্যানিং, হোমডিপার্টমেন্টের সেক্রেটারি সিসিল বীডন ও তৎকালীন কৌনসেলের মেম্বর গ্রাণ্ট ও গ্রে সাহেব প্রভৃতি এবং রাজা প্রতাপচন্দ্র সিংহ ও চক্ৰদ্বীপী নিবাসী বাবু সারদাপ্রসাদ

সিংহ প্রভৃতি । এই সকল মহোদয়েরা ভারতবর্ষের কামিনীগণের ভাবী-
 হিতকামনায় বালিকাবিদ্যালয়ের সাহায্যার্থ প্রতি মাসেই অগ্রজ মহা-
 শয়ের নিকট নিয়মিত টাকা প্রেরণ করিতেন । কতিপয় বৎসর উক্তরূপ
 সাহায্যেই বালিকাবিদ্যালয় সকল চলিয়া আসিতেছিল । পরে অগ্রজ
 মহাশয় তৎকালীন ছোট লাট গ্রাও সাহেবের অনুরোধের বশবর্তী
 হইয়া গবর্ণমেন্টের প্রদত্ত অর্ধেক টাকা গ্রহণ করিয়া ব্যয় নির্বাহ করি-
 তেন । অনন্তর ক্রমশঃ কলিকাতার সম্মিহিত উপনগরে বালিকাবিদ্যালয়
 সকল স্থাপিত হইতে লাগিল । প্রথমতঃ ভারতবর্ষের বালিকাবিদ্যালয়
 প্রচলন জন্য হিন্দুদিগের মধ্যে অগ্রজই প্রধান উদ্যোগী ছিলেন,
 অতঃপর দেশীয় অস্ভ্রান্ত সম্ভ্রান্ত লোকের ত্রীশিক্ষা বিষয়ে পূর্বের ন্যায়
 ঘৃণা বা দ্বেষ রহিল না ; সকলেই স্বীয় স্বীয় হুহিতা প্রভৃতিকে বিদ্যালয়ে
 পাঠাইতে লাগিলেন । অবশেষে কলিকাতার দলপতিগণও বেথুন বালিকা-
 বিদ্যালয়ে স্ব স্ব হুহিতা প্রভৃতিকে প্রেরণ করেন । গবর্ণমেন্ট ত্রীশিক্ষা
 বিষয়ে প্রজাবর্গের উৎসাহবর্দ্ধনার্থ পল্লীগ্রামের বালিকাবিদ্যালয়ের
 সাহায্য প্রদানে প্রবৃত্ত হইলেন । অগ্রজ মহাশয়ও ঐ সকল বালিকা-
 বিদ্যালয়ে যেরূপ সাহায্য করিতেন, সেইরূপ অপরাপর স্থানের সম্ভ্রান্ত
 লোকদিগের স্থাপিত বালিকাবিদ্যালয়েও মাসে মাসে সাহায্য করিতেন,
 এবং ঐ সকল বালিকাবিদ্যালয়ের পারিতোষিক দানের সংবাদ প্রাপ্তি
 মাত্র উৎসাহবর্দ্ধনার্থ অন্ততঃ বিংশতি মুদ্রার পারিতোষিক পুস্তক পাঠা-
 ইয়া দিতেন । কিছু দিন পরে হিন্দুস্থানেও বালিকাবিদ্যালয় স্থাপিত
 হইতে লাগিল । ঐ সময়ে কাশীবাসী রাজা দেবনারায়ণ সিংহ প্রভৃতি
 মহোদয়গণ প্রায় প্রতি বৎসর কলিকাতায় ইণ্ডিয়া লেডীসলেটিভ
 কৌন্সিলে আগমন করিতেন । অগ্রজ মহাশয় ঐ সকল বড় লোকদিগকে
 কলিকাতার বেথুন ফিমেল স্কুল দেখাইবার জন্য সমভিব্যাহারে লইয়া
 যাইতেন । রাজা দেবনারায়ণ সিংহ, কয়েকবার উক্ত বিদ্যালয়ের যে
 কয়েকটি বালিকা ভালরূপ শিক্ষা করিয়াছিল তাহাদিগকে বেনারসের
 সাটি পুরস্কার করেন । একবার রাজা দেবনারায়ণ সিংহ মহোদয় কথা
 প্রসঙ্গে অগ্রজ মহাশয়কে জিজ্ঞাসা করিয়াছিলেন যে এই স্কুলবাটী

কোন মহাত্মার অর্থ ব্যয়ে নির্মিত হইয়াছে ? তাঁহার প্রশ্ন শুনিয়া অগ্রজ বলেন মহামতি অবলাবক্স বেথুন সাহেব এই বালিকাবিদ্যালয় স্থাপন করিয়া, ইহার ইমারত প্রভৃতির সমস্ত প্রায় লক্ষ টাকা প্রদান করিয়াছেন। অনন্তর ঐ সকল মহাত্মারা দেশে গমন পূর্ব্বক প্রোৎসাহিত হইয়া স্থানে স্থানে বালিকাবিদ্যালয় স্থাপন বিষয়ে আন্তরিক যত্ন করিতেছেন।

তৎকালে সিসিল বীডন সাহেব হিন্দুবালিকাগণের লেখাপড়া শিক্ষার উৎসাহ বর্দ্ধনার্থ আন্তরিক যত্ন প্রকাশ করিতেছেন এবং বেথুন ফিমেল স্কুলের পারিতোষিক দান সময়ে গবর্ণর জেনেরল প্রভৃতিকে সর্ব্বসমক্ষে প্রকাশ করিয়া বলিতেছেন, ভারতবর্ষের বালিকাবিদ্যালয় প্রচলন বিষয়ে বিদ্যাসাগরই একমাত্র প্রধান উদ্যোগী। মফঃসলে যে কোন স্থানে বালিকা-বিদ্যালয় হইয়াছে, তাহা বিদ্যাসাগরের যত্নে ও উৎসাহেই হইয়াছে ; এবং পরেও যে ভারতবর্ষের নানা স্থানে ফিমেল স্কুল প্রতিষ্ঠিত হইবে, বিদ্যাসাগরই তাহার পথপ্রদর্শক। এতদ্ব্যতীত তৎকালে যে যে বালিকা বিদ্যালয়ে পারিতোষিক দান কার্য্য সমাধা হইত, সেই সেই স্থানীয় কৃতবিদ্যগণ বিদ্যাসাগরের গুণ কীর্ত্তন না করিয়া ক্ষান্ত হইতেন না।

মগরার সন্নিহিত দিগন্ত গ্রামনিবাসী সারদাপ্রসাদ গঙ্গোপাধ্যায় শৈশবকাল হইতে সংস্কৃত কলেজে অধ্যয়ন করিয়া সংস্কৃত ও ইংরাজী ভাষা উত্তমরূপে শিক্ষা করিয়া এস্কলারশিপ প্রাপ্ত হন। কিন্তু তিনি পরিক্ষোভীর্ণ হইবার কিছু দিন পরেই বধির হইলেন ; সুতরাং কৰ্ম্ম পাইলেন না। বহু পরিবার অনাহারে মারা পড়িলে এই বলিয়া এক দিবস অগ্রজের নিকট রোদন করিতে লাগিলেন। ইহার রোদনে পরহৃৎ কাতর অগ্রজ মহাশয়ের হৃদয়ে দয়ার উজ্জেক হইল, কিন্তু কি করিবেন তাহা কিছুই স্থির করিতে না পারিয়া, অবশেষে সোমপ্রকাশ নামে সম্বাদপত্র প্রচার করেন। ইহাতে বাহা লাভ হইবে তাহা সারদাপ্রসাদ গঙ্গোপাধ্যায়ের পরিবারগণের ভরণপোষণার্থ ব্যয়িত হইবে, এই মানসেই সোমপ্রকাশের সৃষ্টি করিলেন। সোমপ্রকাশে প্রথম বাহা প্রকাশ হইয়াছিল, তাহা বিদ্যাসাগর মহাশয়ের নিজের রচনা। ঐ সময়ে বর্দ্ধমানাধি-

পতি ধীরাজ বাহাদুর সংস্কৃত মহাভারত দেশীয় ভাষায় অনুবাদ করিয়া প্রচার করিবার মানস করিলে, অগ্রজ তাঁহাকে বলিলেন, সংস্কৃত কলেজের ছাত্র সারদাপ্রসাদ উত্তম বাঙ্গালা অনুবাদ করিতে পারে। সারদা কাল্য হইয়াছে, অল্প কোন কৰ্ম্ম করিতে অক্ষম, কিন্তু আপনার মহাভারত রচনা করিতে ভাল পারিবেক এবং আপনার পুস্তকালয়ের লাইব্রেরিয়ানের কার্য্য সুন্দররূপে সম্পন্ন করিতে পারিবেক। তাঁহার অনুরোধে সারদাপ্রসাদ রাজবাটীতে কৰ্ম্ম পাইয়া পরিবার প্রতিপালনে সক্ষম হইয়াছিলেন। অনন্তর দ্বারকানাথ বিদ্যাভূষণ মহাশয়কে বোম্বাইতে বিবেচনায় তাঁহাকে সোমপ্রকাশ-সম্বাদপত্র প্রচারের ভার অর্পণ করিলেন। তদবধি বিদ্যাভূষণ মহাশয় উহার উপস্থিতভোগী হইলেন।

ফোর্ট উইলিয়ম কলেজের অধ্যক্ষ জি, টি, লেজার মার্শেল সাহেব, শিক্ষাসমাজের কৰ্ম্মাধ্যক্ষ ডাক্তার ময়েট সাহেব, শিক্ষাসমাজের প্রেসিডেন্ট ডিক্‌ওয়াটার বেথুন সাহেব ইহারা বিদ্যাসাগর মহাশয়কে অত্যন্ত স্নেহ করিতেন এবং ইহারা তিন জনেই তাঁহার উন্নতি, প্রতিপত্তি ও মানসস্ত্রমের আদি কারণ, এই অল্প অগ্রজ ইহাদের প্রতিমূর্ত্তি অঙ্কিত করাইয়া কলিকাতার বাহুড় বাগানের বাটীতে রাখিয়াছেন। প্রত্যহ উক্ত প্রতিমূর্ত্তি একবার না দেখিয়া থাকিতে পারিতেন না।

মেটোপলিটান ।

১৮৫৯ খৃঃ অব্দে কলিকাতা ট্রেনিংস্কুল স্থাপিত হয়। ঠাকুরদাস চক্রবর্ত্তী, মধবচন্দ্র খাড়া, পতিভগাবন সেন, গঙ্গাচরণ সেন, বাদবচন্দ্র পালিত, বৈকচরণ আচা, ইহারা স্থাপয়িতা এবং শর্মাচরণ মল্লিক পেট্রন ছিলেন।

ঐ স্কুল স্থাপয়িতারা এবং আরও কয়েকজন দেশীয় ভক্তলোক একত্র একটী কমিটি স্থাপন করিয়া খৃঃ ১৮৬০ সাল পর্যন্ত উক্ত বিদ্যালয়ের কার্য্য নির্বাহ করেন। কিন্তু পরস্পরের মনোমালিন্য বশতঃ এবং বিদ্যালয়ের অবস্থার অবনতি দেখিয়া ১৮৬১ সালে বিদ্যাসাগর মহাশয়ের

হস্তে সমস্ত ভার অর্পণ করেন। কিয়দ্বিঘ্নপরে মেম্বরগণের পরস্পর মনান্তর ঘটিল, তৎস্থলে পৃথক পৃথক স্থানে দুইটি বিদ্যালয় স্থাপিত হয়। মেম্বরগণ তাঁহাদের স্থাপিত বিদ্যালয়ের নাম ট্রেনিং একাডেমি রাখিয়াছিলেন। কিন্তু অগ্রজ স্বীয় ব্যয়ে বেক প্রভৃতি বিদ্যালয়ের আবশ্যক জব্যাদি ক্রয় করিয়া মেট্রোপলিটান ইনষ্টিটিউশন স্থাপন করেন। উত্তর বিদ্যালয় অতি সম্বিহিত স্থানে স্থাপিত হয়, ও উত্তর বিদ্যালয়ই পরস্পর প্রতিদ্বন্দ্বী ভাবে চলিতে লাগিল। অগ্রজ মহাশয় উপযুক্ত শিক্ষক সকল নিযুক্ত করিতে লাগিলেন, এবং নিজ ব্যয়ে বহুমূল্য পুস্তকাদি ক্রয় করিয়া বিদ্যালয়ের লাইব্রেরী স্থাপন ও উত্তম বন্দোবস্ত করেন। ক্রমশঃ এনট্রান্স পরীক্ষায় গবর্ণমেন্ট বিদ্যালয় অপেক্ষা এখানে বহুসংখ্যক ছাত্র উত্তীর্ণ হওয়ায় চতুর্দিক হইতে বিদ্যার্থী বালকবৃন্দ মেট্রোপলিটান স্কুলে প্রবিষ্ট হইতে লাগিল। অগ্রজ মহাশয় নিরন্তর বিদ্যালয়ের উন্নতির জন্য যত্নবান ছিলেন, একারণ সকল বিদ্যালয় অপেক্ষা ইহা ক্রমশঃ উন্নত পদবীতে অধিক্রুত হইয়াছে। কিয়দ্বিঘ্নপরে ছাত্রসমস্ত বেতন দ্বারা বিদ্যালয়ের সকল প্রকার ব্যয় নির্বাহ হইতে লাগিল। অতঃপর তাঁহাকে নিজ হইতে আর সাহায্য করিতে হয় না। নিম্ন শ্রেণী হইতে উচ্চ শ্রেণী পর্য্যন্ত সকল ছাত্রেরই মাসিক ৩ টাকা বেতন ধার্য্য করেন, কেবল বাঙ্গালা বিভাগে মাসিক ১ টাকা। নিত্যন্ত দরিদ্র বালকগণ বিনা বেতনে পড়িতে পাইত। অনেক দরিদ্র বালককে পুস্তক ও বাসা ধরচ পর্য্যন্ত নিজ ব্যয়ে সাহায্য করিতেন। অজ্ঞান বিদ্যালয়ে শিক্ষকগণ ছাত্রদিগকে প্রহার করিতেন কিন্তু তিনি স্বীয় বিদ্যালয়ে প্রহার বা হুঁকাক্য প্রয়োগ রহিত করেন। যদি কোন শিক্ষক বালকগণকে প্রহার বা হুঁকাক্য বলিতেন, তাঁহাকে তৎক্ষণাৎ পদচ্যুত করিতেন। যে বালক শিক্ষকের সহূদদেশ প্রবণ না করে ও অধ্যয়নে মনোনিবেশ না করে এবং অশু বালকের পড়াশুনায় ব্যাঘাত জন্মায়, তাহাকে প্রথমতঃ নানাপ্রকার উপদেশ দেওয়া হইত। যদি উপদেশে ফল না হয় তৎক্ষণাৎ তাহার নাম কর্তন করিয়া বিদ্যালয় হইতে বহিষ্কৃত করিয়া দিবার নিয়ম করেন।

এন্ট্রান্স পরীক্ষার উত্তীর্ণ হইয়া এলে ও বিএ কোর্স অধ্যয়ন জন্ম প্রেসিডেন্সী কলেজে প্রবিষ্ট হইলে মাসিক ১২ টাকা বেতন লাগে, অগ্রজ মধ্যবিত্ত বিদ্যার্থিগণ উক্ত কলেজে অধ্যয়ন করিতে অক্ষম হইত। অগ্রজ মহাশয় সাধারণের হিতকামনায় এলে ক্লাশ স্থাপনের মানস করেন এবং অবিলম্বে প্রথমতঃ অবৈতনিক এলে ক্লাশ খুলিলেন, এবং অনেক দরিদ্র বালকও প্রবিষ্ট হইবার জন্ম নাম লেখাইল। কিন্তু দুর্ভাগ্য প্রযুক্ত তৎকালে শ্রবণমোচ আবেদনপত্রে সম্মতি প্রদান করেন নাই, তজ্জন্ম আপাততঃ এলে ক্লাশ বন্ধ রাখিলেন। কিন্তু ঐ চিন্তা অগ্রজ মহাশয়ের মনোমধ্যে অহর্নিশ জাগরুক রহিল। তিনি বাহা ধরিতেন তাহার চূড়ান্ত না দেখিয়া কোনও কারণে নিবৃত্ত হইতেন না। তাঁহার উদ্যম একবার ভঙ্গ হইলে ক্ষণমাত্রও বিচলিত হইতেন না বরং দ্বিগুণ উৎসাহের সহিত কার্যে প্রবৃত্ত হইতেন। কিছুদিন পরে পুনর্ব্বার চেষ্টা করিলেন, সেই সময়ে বিদ্যালয় সমূহের কর্তৃপক্ষ সাহেবেবরা অহঙ্কার পূর্ব্বক বলেন যে “বান্ধালীদের ইংরাজী কলেজ চালাইবার এখনও ক্ষমতা হয় নাই”। ইংরাজ ভিন্ন ইংরাজী কলেজ পরিচালনা অসম্ভব। অগ্রজ তাঁহাদের এই সাহঙ্কার বাক্য অগ্রাহ করিয়া তর্ক বিতর্ক দ্বারা নানা প্রকার বাধা অতিক্রম করিয়া নিজ কলেজে সমস্ত দেশীয় শিক্ষক নিযুক্ত করিয়া ভারতবাসীদের মধ্যে সর্ব্বপ্রথমে কলেজ ক্লাস খুলিলেন। এই কলেজ লইয়া ই, সি, বেলির সহিত তাঁহার অনেক কথা বার্তা হয়। ই, সি, বেলি বলেন, বিদ্যাসাগর! কিরূপে তুমি নিজ কলেজ চালাইবে। ইংরাজ সাহায্য ব্যতীত ইংরাজী কলেজ চলিতে পারে না, অগ্রজ তাঁহাকে উত্তর করেন, আমি আপন বিদ্যালয়ের ছাত্রবর্গকে ইংরাজী বিদ্যা শিখাইতে না পারিলেও পাশ করাইতে পারি। ইহা নিশ্চয় জানিবেন। ১৮৭২ খ্রষ্টাব্দে এলে ক্লাশের এক্সিলিয়েসন মঞ্জুর হয়, এবং সেই বৎসর হইতে এলে পরীক্ষার্থীদের রীতিমত পড়া শুনা আরম্ভ হয়। এই সময়ে বিদ্যাসাগর মহাশয় কারিক অত্যন্ত অল্প হইয়াছিলেন। ১৮৭৬ খঃ অব্দের ফেব্রুয়ারী মাসে অগ্রজ মহাশয়ের তৃতীয় জামাতা বাবু স্বর্গ্যকুমার অধিকারী কলেজ এবং

স্কুলের সেক্রেটারির পদে নিযুক্ত হইয়া আয় ও ব্যয়ের উত্তম বন্দোবস্ত করিয়াছিলেন ।

১৮৭২ খৃঃ অঙ্গে বিএ ক্লাশ খোলা হয় । বৎসর বৎসর বিএ পরীক্ষার্থীদিগের সংখ্যা বৃদ্ধি হইতে লাগিল, এমন কি কলিকাতা বিশ্ববিদ্যালয়ে যে বৎসর ২৫০টি ছাত্র বিএ পাশ হয়, সেই বৎসর ঐ ২৫০ জনের মধ্যে প্রায় একতৃতীয়াংশ এই এক মেট্রোপলিটান হইতে পাশ হইয়াছিল এবং বাকী দুইতৃতীয়াংশ কলিকাতার বিশ্ববিদ্যালয়ের অন্তর্গত যাবতীয় বিদ্যালয় হইতে হইয়াছিল । তদর্শনে অগ্রজ মহাশয় প্রোৎসাহিত হইয়া লক্ষাধি খুলিবার জন্ত যত্নবান হন । এবং ১৮৮৪ খৃঃ অঙ্গে লক্ষাধি খোলা হয় । ১৮৮৫ খৃঃ অঙ্গে বিএল পরীক্ষায় মেট্রোপলিটান কলেজ সর্বপ্রথমস্থান অধিকার করে । সেই বৎসর বেঙ্গলগবর্ণমেন্ট সূফল দেখিয়া কলিকাতা গেজেটে মেট্রোপলিটান কলেজের ভূয়সী প্রশংসা করিয়া এক রেজোলিসন্ প্রকাশ করেন ।

ইতিপূর্বে কলিকাতা মুকিয়ামস্ট্রীটে যে বাটীতে বিদ্যালয় ছিল, লাহা বাবুরা ঐ বাটী ক্রয় করিয়া ঐ স্থান হইতে অপর স্থানে বিদ্যালয় উঠাইয়া লইয়া যাইবার নোটস দেন । এই সম্বাদে অগ্রজ মহাশয়ের অত্যন্ত হর্ভাবনা হয় । তিনি অনেক ভাবিয়া চিন্তিয়া, অবশেষে স্থির করেন, বাগুড় বাগানে যে স্থানে নিজের বসতিবাটী আছে ঐ স্থানে আপন নূতন বাটী ভগ্ন করিয়া ও উহার সংলগ্ন আরও কিকিছুমি ক্রয় করিয়া কলেজ বাটী প্রস্তুত করিব । তাহার প্রায় পৰ্য্যাপ্ত প্রস্তুত করাইয়াছিলেন, ইহাই তাঁহার প্রকৃত মহত্বের পরিচায়ক ; কারণ ঐ বাটী ভিন্ন তাঁহার কলিকাতায় অবস্থিতি করিবার ও তাঁহার লাইব্রেরী স্থাপন করিবার অপর আর কোন স্বকীয় স্থান ছিল না এবং ঐ বাটীও মূল্যবান । ঐ সময় পঞ্চাশ সহস্র টাকা মজুত ছিল । প্রিন্সিপাল সূর্য্যবাবুর স্বল্প শব্দর বোম্বের লেনে মহেন্দ্রনারায়ণ দাসের নিকট বিদ্যালয়ের নিমিত্ত নূনাধিক ত্রিশ হাজার টাকায় ভূমি ক্রয় করা হয় । বাটী নির্মাণের জন্ত তৎকালে যে টাকার অসম্ভাব হয়, তাহা কর্জ করিয়া বাটীনির্মাণ কার্য সম্পন্ন করেন । ভূমি পরিষ্ক ও ইমারত নির্মাণ প্রভৃতি কার্যে প্রায় এক

লক্ষ ত্রিশ হাজার টাকা ব্যয়িত হয়। অন্ন দিনের মধ্যেই বিদ্যালয়গৃহ নির্মাণের কারণ বাহা ঋণ হইয়াছিল তৎসমস্তের পরিশোধ হইয়া যায়।
 ১৮৮৭ সালের জানুয়ারী মাসে কলেজ ক্লাশ নূতন বাটীতে প্রবেশ করে, এবং ইহার ২।৪ মাস পরে স্কুলও নূতন বাটীতে যায়।

শাখা স্কুলের মধ্যে শ্রামপুত্র স্কুল ১৮৭৪ সালে স্থাপিত হয়।

১৮৮৫ খৃঃ অঙ্গে বড়বাজার এবং ১৮৮৭ খৃঃ অঙ্গে বড়বাজার ও বালা-
 খানা ব্রাঞ্চ এই তিনটি স্কুল কলেজের পৃষ্ঠপোষক স্বরূপ হইবে ভাবিয়া
 স্থাপন করেন। এখানে ইহাও স্বীকার করা উচিত যে এই কয়েকটি
 স্কুল স্থাপন সময়ে প্রিন্সিপ্যাল স্বর্ঘ্য বাবু নিরন্তর যথেষ্ট পরিশ্রম করিয়া-
 ছিলেন। ১৮৮৮ খৃঃ অঙ্গে ১লা ভাদ্র বৃহস্পতি বার পূজ্যপাদ জ্যেষ্ঠা
 বর্ধদেবী পরলোক গমন করায় অগ্রজ মহাশয় নানাপ্রকার দুর্ভাবনায় অভি-
 ভূত হইলেন এবং ক্রমশঃ তাঁহার শারীরিক ও মানসিক অবস্থার অবনতি
 হইতে লাগিল। ঐ ভাদ্র মাসের ২৫ শে রবিবার স্বর্ঘ্যবাবুকে পদচ্যুত
 করেন। এবং অক্ষশাস্ত্রাধ্যাপক বাবু বৈদ্যনাথ বহুকে প্রিন্সিপালের
 কার্য চালাইবার ভারার্পণ করেন। ইতিপূর্বে অগ্রজ কায়িক অসুস্থতা
 নিবন্ধন মধ্যে মধ্যে বাবু পরিবর্তন জম্ম কণ্ঠটাড় নামক স্থানে গমন
 করিতেন কিন্তু জামাতা স্বর্ঘ্যকুমারকে পদচ্যুত করিয়া অবধি প্রায়
 কণ্ঠটাড়ে গমন করেন নাই। কলিকাতায় সর্বদা অবস্থিতি করিয়া
 ক্রমশঃ অবসন্ন হইতে লাগিলেন, তথাপি প্রায় প্রত্যহ বিদ্যালয়গুলি
 পরিদর্শন না করিয়া ক্ষান্ত থাকিতেন না।

সংকালে বিদ্যাসাগর মহাশয় কিছু দিনের জন্য তত্ত্ববোধিনী পত্রিকার
 কার্যকলাপ পরিদর্শন করিতেন, ঐ সময়ে তিনি তত্ত্ববোধিনী পত্রিকায়
 কয়েকটি প্রবন্ধ লিখিয়াছিলেন; তন্মধ্যে মহাভারতের উপক্রমণিকা
 অধ্যায় বাঙ্গালার অসুবাদ করিয়া ক্রমশঃ প্রকাশ করিয়াছিলেন।
 ১৮৬০ খৃঃ অঙ্গে পুনরায় উহা পুস্তকাকারে মুদ্রিত ও প্রচারিত
 করেন।

১৮৬০ খৃঃ অঙ্গে হিন্দু পেট্রিয়টের বিখ্যাত এডিটর ভবানীপুর-

নিবাসী বাবু হরিশ্চন্দ্র মুখোপাধ্যায় মহাশয় মানবলীলা সম্বরণ করেন। ইহার উত্তরাধিকারীর মধ্যে অপর কেহ উক্ত সম্বাদপত্র চালাইবার যোগ্য লোক না থাকায় প্রযুক্ত উহার উত্তরাধিকারিনী ৫০০০ পঞ্চ সহস্র মুদ্রা মূল্য লইয়া কলিকাতা বোড়ার্নাকো নিবাসী বিদ্যোৎসাহী বাবু কালীপ্রসন্ন সিংহ মহোদয়কে হিন্দুপেট্রিয়টের সভাপিকার বিক্রয় করেন। বাবু কালীপ্রসন্ন সিংহ মাসিক ৬০০ শত টাকা বেতনে একজন সুযোগ্য ইউরোপীয়ান লেখক নিযুক্ত করিয়া কিছু দিন হিন্দু পেট্রিয়ট সম্বাদপত্র প্রকাশ করেন। পরে উহা প্রচার করিতে অক্ষম হইয়া অগ্রজ মহাশয়ের হস্তে উহার সমস্ত ভার সমর্পণ করেন। অগ্রজ মহাশয়ও কয়েকবার ঐ কাগজ প্রচার করিয়া বিরক্ত হইলেন, এবং প্রকাশ করেন যে উপযুক্ত পাত্রে বিনামূল্যে এই সম্বাদপত্রের পরিচালন-ভার অর্পণ করিব। একারণ হিন্দু পেট্রিয়টের স্বত্ব-প্রাপ্ত্যভিলাষে অনেক কৃতবিদ্য লোক তাঁহার নিকট পতিবিধি করিতে প্ররম্ব হইলেন। ঐ সময়ে কৃষ্ণদাস পাল ব্রিটিশ এসোসিয়েসনে কেরানীর পদে নিযুক্ত ছিলেন। যদিও বাবু কৃষ্ণদাস পাল তৎকালীনের কোন বিখ্যাত বিদ্যালয়ে অধ্যয়ন করিয়া জুনিয়র বা সিনিয়র পরীক্ষার উত্তীর্ণ নহেন, তথাপি বাটীতে দয়ঃ সর্বদা অধ্যয়ন করিয়া তাঁহার ভালরূপ ইংরাজী লিখিবার অসাধারণ ক্ষমতা জন্মিয়াছিল। কৃষ্ণদাস পাল অতিশয় বুদ্ধিমান ও কার্যদক্ষ ছিলেন, বিশেষতঃ অগ্রজের সহিত তাঁহার বিশেষ সন্তাব ছিল; তজ্জন্য অগ্রজ মহাশয় বাবু কৃষ্ণদাস পালকে হিন্দু পেট্রিয়টের স্বত্ব এককালে সমর্পণ করেন। তদর্শনে অনেক কৃতবিদ্য লোক স্পষ্ট বাক্যে বলিতেন যে, বিদ্যাসাগর কৃষ্ণদাসকে বিনামূল্যে হিন্দুপেট্রিয়ট একবারে দিয়া ভাল কাজ করেন নাই, যেহেতু কৃষ্ণদাস পাল কোনও ভাল বিদ্যালয়ে অধ্যয়ন করিয়া বৃত্তি পায় নাই। হিন্দু কলেজ, হুগলী কলেজ ও কৃষ্ণনগরের কলেজের পরীক্ষোত্তীর্ণ বঙ্গী লেখকদিগের মধ্যে কাহাকেও না দিয়া অন্যায় কার্য করিলেন। তৎকালে অনেকেই অগ্রজকে নির্দোষ জ্ঞান করিয়াছিলেন। কিন্তু বাবু কৃষ্ণদাস পাল হিন্দুপেট্রিয়টের এডিটর হইয়া ক্রমশঃ বিশেষ প্রতিপত্তি লাভ করেন। হিন্দুপেট্রিয়ট উপলক্ষেই বাবু কৃষ্ণদাস পাল

বিখ্যাত হইয়াছিলেন, ও ক্রমশঃ তিনি ভারত ব্যবস্থাপক সভার সভ্য হইয়াছিলেন । পরন্তু কৃষ্ণদাস বাবুর ওরূপ নাম ও প্রতিপত্তি লাভ হইবার আশা ছিল না, অগ্রজই কৃষ্ণদাস বাবুর এই উন্নতির মূল ।

ইতিপূর্বে বংকালে অগ্রজ মহাশয় বৈছিগ্রামে বালিকাবিদ্যালয় ও ইংরাজী-বঙ্গ বিদ্যালয় স্থাপনোপলক্ষে গিয়াছিলেন, তৎকালে বাবু গোবিন্দ চাঁদ বহুর বাটীতে অবস্থিতি করিতেন । স্থানীয় লোকের প্রমুখ্যৎ অবগত হইয়াছিলেন যে বৈছিগ্রামের মধ্যে উক্ত বাবুরা সাবেক বনিয়াদি তালুকদার এবং পরম দয়ালু । কালসহকারে ইহাদের সম্পত্তি সমূহ লোপ হইয়া যাওয়ায় গোবিন্দচাঁদ বাবু ঢাকা জেলায় মুনসেফী কর্মে নিযুক্ত ছিলেন, দুর্ভাগ্য প্রযুক্ত অল্প দিন হইল গোবিন্দ চাঁদ বাবু কর্মচ্যুত হইয়াছেন, এক্ষণে দিনপাতের কোন উপায় নাই । ইহা শ্রবণ করিয়া অগ্রজ মহাশয় অত্যন্ত দুঃখিত হইলেন ; এবং কলিকাতায় প্রত্যগত হইয়া কয়েক দিবস পরে পাইকপাড়া নিবাসী রাজা প্রতাপচন্দ্র সিংহ মহোদয়কে অনুরোধ করিয়া বৃন্দাবনের লালা বাবুর ঠাকুর বাটীর ও তৎসম্বন্ধিত জমিদারির নায়েবের পদে মাসিক ১৫০ বেতনে নিযুক্ত করিয়া দেন । কয়েক বৎসর পরে গোবিন্দ চাঁদ বাবু ঐ পদ পরিত্যাগ করিলেন, তন্নিমিত্ত উহার ভ্রাতৃপুত্রগণের কলেজে অধ্যয়ন বন্ধ হয় । অগ্রজ ইহা শ্রবণ করিয়া উহার ভ্রাতা বাবু গোকুল চাঁদ বহুকে স্বীয় সংকত প্রেসের ও উহার ডিপজিটারিতে মাসিক ৬০ টাকা বেতনে ম্যানেজার নিযুক্ত করেন । ঐ টাকায় তাঁহার ভ্রাতৃপুত্র দেবেন্দ্র ও উপেন্দ্র বহু প্রভৃতির কলিকাতার বাসাখরচ নির্বাহ হইত । এতদ্বিধ গোকুল বাবু সাংসারিক ব্যয় নির্বাহের জন্য কয়েক মাসের মধ্যে অতিরিক্ত প্রায় দুই সহস্র টাকা না বলিয়া খরচ করেন, ইহাতে অগ্রজ মহাশয় ক্রুদ্ধ হইয়া অসন্তুষ্ট হন নাই ।

এই ঘটনার কয়েক মাস পরে কলিকাতা বহুবাজার নিবাসী বাবু নীলকমল বন্দ্যোপাধ্যায় মহাশয় উক্ত গোকুল বাবু প্রভৃতির নামে অভিযোগ করিয়া বৈছির বসঘাটী ফোক করিয়া নীলাম করিবেন স্থির করিলেন । গোকুলচাঁদ বাবু প্রভৃতি উক্ত সম্বাদ অগ্রজ মহাশয়ের কর্ণপোচর

করিলে, তিনি অকাতরে প্রায় সহস্র মুদ্রা ডিক্রীদার নীলকমল বাবুকে প্রদান করিয়া, উহাদের বাস্তবাবস্থা প্রভৃতি মুক্ত করিয়া দিলেন ।

ঐ সময়ে একদিন সঙ্গীপুর নিবাসী জামাচরণ চট্টোপাধ্যায় আসিয়া বলেন, জনাই গ্রামের মুখোপাধ্যায় মহাশয়েরা ডিক্রী করিয়া আমাদের বাটী নীলাম করিবেন । আপনি ৫০০ টাকা দিলে বাটী রক্ষা হয়, নচেৎ পরিবার লইয়া কাহার বাটীতে বাইয়া বাস করিব ; বলিয়া ক্রন্দন করিতে লাগিলেন । ইহা শুনিবামাত্র অগ্রজ মহাশয় তাঁহাকে অকাতরে ৫০০ টাকা দান করিলেন ।

বিদ্যাসাগর মহাশয় ষ্ণঃ ১৮৪৭ সালে বা বাঙ্গালা ১২৫৪ সালে সংস্কৃত ডিপজিটারি সংস্থাপন করেন । সংস্কৃত যন্ত্রে মুদ্রিত স্বকীয় পুস্তক সকল ও অন্যান্য আত্মীয় ব্যক্তির রচিত পুস্তক এবং এতদ্ব্যতীত বিদেশীয় লোকের মুদ্রিত পুস্তক এই পুস্তকালয়ে বিক্রয় হইত । ইহা স্থাপনের প্রধান উদ্দেশ্য এই যে কতকগুলি নিরাশ্রয় অল্পবয়স্ক ব্যক্তি প্রতিপালিত হইবে ; কিন্তু অনেকেই কার্যভার গ্রহণ করিয়া আত্মসাৎ করিতে কুন্তিত হন নাই । তাঁহাদের সংস্কার যে বিদ্যাসাগর মহাশয় অপরাধ দেখিলেও আদালতে অভিযোগ করিতে পারিবেন না । অবশেষে নানা কারণে ঐ সকল আত্মীয় লোককে কর্তৃত্বচ্যুত করিয়া ডিপজিটারীর কার্যের সৌকর্য্যার্থে ১৮৫১ ষ্ণঃ অক্টোবর ১১ই জুন তারিখে বাবু রাজকৃষ্ণ বন্দ্যোপাধ্যায় মহাশয়কে মাসিক ১৫০ টাকা বেতনে কর্তৃত্বাধ্যক্ষ নিযুক্ত করিয়াছিলেন । ঐ সময়ে রাজকৃষ্ণ বাবু কোর্ট উইলিয়ম কলেজে মাসিক ৮০ টাকা বেতনে কর্তৃত্ব করিতেন । রাজকৃষ্ণ বাবু সংস্কৃত ও ইংরাজী ভাষায় পারদর্শী ; এরূপ কর্তৃত্বাধ্যক্ষ লোক অতি বিরল । ইনি কর্তৃত্বাধ্যক্ষ থাকিয়া অগ্রজ মহাশয়ের নানা বিষয়ের বিশিষ্টরূপ সুবিধা করিয়াছিলেন । কিছু দিন পরে অগ্রজ মহাশয় উহার প্রতি পরিতুষ্ট হইয়া অহরোধ দ্বারা প্রেসিডেন্সী কলেজের সংস্কৃতের প্রোফেসরি পদে নিযুক্ত করিয়া দেন । তৎপরে ঐ পদে বৈছির বাবু গোকুল চাঁদ বহুকে মাসিক ৫০ টাকা বেতনে নিযুক্ত করেন । কিন্তু তিনি

সুচারুরূপে কর্তৃ নির্বাহ করিতে অক্ষম হন, একারণ তাঁহাকে পদচ্যুত করেন । এক দিবস বাবু রাজকৃষ্ণ বন্দ্যোপাধ্যায় মহাশয়ের ডবনে কৃষ্ণ-নগরের ব্রজনাথ বাবুর সহিত কথোপকথন সময়ে তাঁহাকে বলিয়াছিলেন আপনি এক্ষণে ডিপজিটারির কার্য্য দীতিমত চালাইয়া ইহার উপস্থিত ভোগ করুন, পরে যেকূপ বিবেচনা হয় করা যাইবে ।

সন ১২৭১ সালের ভাদ্র মাস হইতে ব্রজ বাবু ডিপজিটারির উপস্থিত নির্বিরোধে ভোগ করিয়া আসিয়াছেন । বিদ্যাসাগর মহাশয়ের উক্ত-রূপ নিঃস্বার্থ দান প্রভাবে কৃষ্ণনগরের মধ্যে ব্রজবাবু একজন ধনশালী ও মান্যগণ্য ব্যক্তি হইয়া উঠিয়াছেন ।

অতঃপর সন ১২৯২ সালের অগ্রহায়ণ মাসে অগ্রজ মহাশয় ব্রজবাবুর ও তাঁহার পরমাত্মীয় কোন ব্যক্তির কার্য্যকলাপ অবলোকনে অত্যন্ত অসন্তুষ্ট হইয়া ডিপজিটারি হইতে স্বরচিত ও প্রকাশিত সমস্ত পুস্তক উঠাইয়া লইয়া সন ১২৯২ সালের ১৮ই অগ্রহায়ণ তারিখে কলিকাতা স্ক্রিয়ার্স স্ট্রীটের ২৫ নং বাটীতে কলিকাতা পুস্তকালয় নামে একটি নূতন পুস্তকালয় সংস্থাপিত করেন । তাঁহার স্বরচিত ও প্রকাশিত এবং ক্রীত সমস্ত পুস্তক এই স্থানেই বিক্রয় হইয়া থাকে । যে সময় সংস্কৃত যন্ত্রের পুস্তকালয় হইতে পুস্তক সকল উঠাইয়া লয়েন, ঐ সময়ে, ব্রজ বাবু অগ্রজকে ডিপজিটারি প্রত্যর্পণ করিবার প্রস্তাব করেন, কিন্তু অগ্রজ মহাশয় তাহা না লইয়া কেবলমাত্র নিজের পুস্তকগুলি উঠাইয়া লন । ডিপজিটারি ব্রজবাবুকেই রাখিতে বলিলেন । ইহাতে বিদ্যাসাগর মহাশয় যে কতদূর ঔদার্য্য প্রকাশ করিয়াছেন, তাহা পাঠক-বর্গই অনুভব করিবেন ।

পূর্বে বলা হইয়াছে যে, কলিকাতাতেই এটি বিধবাবিবাহ কার্য্য সমাধা হইয়াছে, পত্নীগ্রামে একটিও হয় নাই, একারণ অগ্রজ মহাশয় স্বদেশে বিবাহ দেওয়ানিবার জন্য সবিশেষ প্রয়াস পাইয়াছিলেন । দেশীয় অনেক লোক তাঁহার নিন্দা করিত ; কিন্তু মহাপুরুষকে সকলই সহ্য করিতে হইয়াছিল । দেশের বিধবা রমণীগণের স্বরায় বাহাতে বিবাহ হয় তাহাষ্মে জননী দেবী বিশিষ্টরূপ বসুভট্ট হইয়াছিলেন । সন ১২৬৫

সালের আষাঢ় ও শ্রাবণ মাসে জেলা হুগলি মহকুমা জাহানাবাদের
 অন্তঃপাতী রামজীবনপুর, চন্দ্রকোণা, সোলা, শ্রীনগর, কালিকাপুর,
 ক্ষীরপাই প্রভৃতি গ্রামে প্রায় ১৫টি বিধবা রমণীর পাণিগ্রহণ কার্য
 সমাধা হয়, অগ্রজ মহাশয় ঐ সকল বিবাহের সমস্ত ব্যয় নির্বাহ করেন।
 যাহারা বিধবার পাণিগ্রহণ করিয়াছিল তাহাদের বিপন্ন প্রতিবাসিবর্গ
 উহাদের প্রতি নানারূপ অত্যাচার করিয়াছিল। অতঃপর অত্যাচার না
 হইতে পারে তদ্বিষয়ে রাজপুরুষগণ সতর্ক হইয়াছিলেন। বিদ্যাসাগর
 মহাশয়ও উহাদিগকে বিপন্নের অত্যাচার হইতে রক্ষার জন্য অকাতরে
 যথেষ্ট অর্থ ব্যয় করিয়াছিলেন। তৎকালের জাহানাবাদের ডেপুটী
 মাজিষ্ট্রেট মৌলবী আবদুল লতীব খান বাহাদুর সম্পূর্ণরূপ আনুকূল্য
 করেন, তিনি পুলিশ দ্বারা সাহায্য না করিলে প্রতিবাসীরা বিবাহ
 সময়ে বিস্তর অনিষ্ট সাধন করিতে পারিত; একারণ আমরা কন্দি
 কালেও উক্ত মহাত্মা মৌলবী আবদুল লতীব খান বাহাদুরের নাম
 বিন্মুত হইতে পারিব না। ১২৬৬ সাল হইতে ৭২ সাল পর্যন্ত ক্রমিক
 বিস্তর বিধবা কামিনীর বিবাহ কার্য সমাধা হয়। ঐ সকলবিবাহিত
 লোককে বিপদ হইতে রক্ষার জন্য অগ্রজ মহাশয় বিশেষরূপ যত্নবান
 ছিলেন। উহাদিগকে মধ্যে মধ্যে আপনার দেশস্থ ভবনে আনাইতেন।
 বিবাহিতা ঐ সকল স্ত্রীলোককে যদি কেহ দ্বন্দ্ব করে একারণ জননী
 দেবী ঐ সকল বিবাহিতা ব্রাহ্মণজাতীয় স্ত্রীলোকের সহিত একত্র এক
 পাত্রে ভোজন করিতেন। মধ্যে মধ্যে ঐ সকল স্ত্রীলোক আমাদের
 বাটীতে আসিলে জননী দেবী এবং বাটীর অপরাপর স্ত্রীলোকেরা উহা-
 দের সহিত একত্র সমভাবে পরিবেশনা দি করিয়া ব্রাহ্মণদিগকে ভোজন
 করাইত। সন. ১২৭০।১৭১।৭২।৭৩ সালে জেলা মেদিনীপুর মহকুমার
 গড়বেতার অন্তঃপাতী রায়খা, বাছুয়া, লেদাগমা, কেশেডাল, রসকুণ্ড,
 শ্রীরামপুর প্রভৃতি গ্রামে বহুসংখ্যক কায়স্থ জাতীয় বিধবা কস্তার
 বিবাহকার্য সমাধা হয়। ঐ সময়েই বর্তমান জেলার অন্তঃপাতী
 জৌগ্রামের নিমাইচরণ সিংহের জাহানাবাদ মহকুমার অন্তঃপাতী
 বহুপুর গ্রামের রামকৃষ্ণ বন্দ্য বিধবা তনয়ার কলিকাতায় বিবাহ হয়।

অগ্রজ মহাশয় উহাদের সাংসারিক ক্লেশ নিবারণের জন্য বধাসাধ্য আত্মকল্যাণ করিয়া আসিয়াছেন। বিদ্যাসাগর মহাশয়ের জীবনের প্রধান উদ্দেশ্য জীজ্ঞাতির কষ্ট নিবারণ। তাহা হইলে তাঁহাকে বধাসাধ্য ব্যয় করিতেও কখন কাতর বা কুণ্ঠিত হইতে দেখা যায় নাই।

সন ১২৬৫ সালের অগ্রহায়ণ মাসের শেষে পিতামহীর আসন্নকাল উপস্থিত দেখিয়া বীরসিংহ। হইতে তাঁহাকে গঙ্গাযাত্রা করান হয়। তিনি শালিধার গঙ্গাতীরে বিনা আহারে কেবল গঙ্গাজল পান করিয়া ২০ দিন পরে গঙ্গালাভ করেন। তাঁহার প্রাণাদি কার্যে বিধবা-বিবাহের প্রতিবাদিগণ অনেকে শত্রুতা করিয়াও কৃতকার্য হইতে পারেন নাই। প্রাণোপলক্ষে এ প্রদেশের বহুসংখ্যক ব্রাহ্মণ ও পণ্ডিতগণের সমাগম হইয়াছিল, অনেকে মনে করিয়াছিল, বিদ্যাসাগরের পিতামহীর প্রাণে কোনও ব্রাহ্মণ ভোজন করিতে আসিবেন না; তাহা হইলেই পিতৃদেব মনোহুঃখে দেশত্যাগী হইবেন। যাহারা একমুখে মনে করিয়াছিল, তাহারা অতি নির্দোষ, কারণ অগ্রজ মহাশয় দেশে অবৈতনিক ইংরাজী-সংস্কৃত বিদ্যালয় স্থাপন করিয়াছিলেন, প্রায় চারি পাঁচ শত বালককে বিনা বেতনে শিক্ষা ও সমস্ত বালককে পুস্তক কাগজ শ্রেণী প্রভৃতি প্রদান করিতেন। ইহা ভিন্ন বাগীতে প্রত্যহ ৬০টি বিদেশস্থ সন্তান ও অধ্যাপকদের বিদ্যার্থী সন্তানগণকে অন্নবস্ত্র প্রদান করিয়া অধ্যয়ন করাইতেন। মধ্যে মধ্যে অনেক ভিন্ন গ্রামের ছাত্রগণের চাকরি করিয়া দিতেন। দাতব্য ঔষধালয় স্থাপন করিয়াছিলেন, ডাক্তর বিনা ভিজীটে গ্রামের ও সম্মিলিত গ্রামবাসীদের ভবনে চিকিৎসা করিতে বাইত, নাইট স্থলের ছাত্রগণের মধ্যে অনেকেই কলিকাতার বাসায় অন্নবস্ত্র পাইয়া মেডিকেল কলেজে বিদ্যা শিক্ষা করিয়া চিকিৎসক হইয়াছিল। এতদ্ব্যতীত অনেকেই অর্থাৎ কি ধনশালী কি মধ্যবিত্ত কি দরিদ্র সকল সম্প্রদায়ের লোক বিপদাপন্ন হইয়া আশ্রয় লইলে বিপদ হইতে পরিজ্ঞান পাইত। চাণা প্রদান করিয়া বিস্তর বিদ্যালয় স্থাপন করিয়া সাধারণের বিশিষ্টরূপ প্রিয়পাত্র হইয়াছেন। এবিধ লোকের পিতামহীর প্রাণে শত্রুপক্ষ কেমন করিয়া বিদ্রোহ হইতে পারে।

অগ্রজ মহাশয় পিতৃদেবকে সন্তুষ্ট করিবার জন্য শ্রাদ্ধের ব্যয়ার্থ রীতিমত টাকা দিয়াছিলেন। শ্রাদ্ধের দিবস অনেক অধ্যাপক ভট্টাচার্য্যের সমাগম হইয়াছিল। বরদাপরণ্যার প্রায় সমস্ত ব্রাহ্মণ, কুটুম্ব ও বন্ধুবান্ধব অন্তঃ ৩০০০ তিন সহস্র ব্রাহ্মণ ফলাহার করেন। এবং পর দিবস অম্নেও প্রায় দুই সহস্র ব্রাহ্মণ ভোজন করেন। ইহাতে পিতৃদেব পরম আচ্ছাদিত হইয়াছিলেন।

পর বৎসর সপ্তম সময়েও দাদা পিতৃদেবকে সন্তুষ্ট করিবার জন্য ষষ্ঠে টাকা দিয়াছিলেন। অধ্যাপকগণের নিমন্ত্রণার্থ প্রথমে যে কবিতাটি প্রস্তুত হয়, উহা দুর্কোথ দেবীয়া, স্বয়ং এই সরল কবিতাটি লিখিয়া দেন।

পৌষম্য পঞ্চবিংশাহে রবৌ মাতুঃ সপ্তমঃ ।

কৃপয়া সাধ্যাতাং ধীরবীরসিংহসমাগঠৈঃ ॥

আমাদের বাটীর সম্বিহিত রাধানগর নিবাসী জমিদার ৮ বৈদ্যনাথ চৌধুরীর পৌত্র বাবু শিবনারায়ণ চৌধুরী এ প্রদেশের মধ্যে সম্ভ্রান্ত ও মান্য গণ্য জমিদার ছিলেন। বাবু রমাশ্রমাদ রায়ের নিকট ইনি জমিদারী বন্ধক রাখিয়া পঞ্চাশ সহস্র মুদ্রা ঋণ গ্রহণ করেন। ইহার হ্রদও ২৫০০ পঁচিশ হাজার টাকা হইয়াছিল। এই পঁচাত্তর হাজার টাকার কিস্তিবন্দী করিতে যাইয়া বাবু শিবনারায়ণ চৌধুরী কলিকাতায় উক্ত রায় মহাশয়ের দপ্তরখানায় পকড় প্রাপ্ত হন। উহার পুত্রদ্বয় রমাশ্রমাদ বাবুর নিকট কাঁদিয়া পদানত হইলেও উক্ত রায় মহাশয়ের অন্তঃকরণে দয়ার উদ্রেক হইল না। অনন্তর রাধানগরনিবাসী মৃত শিবনারায়ণ চৌধুরীর পুত্রদ্বয় এবং মৃত সন্দানন্দ ও লক্ষ্মীনারায়ণ চৌধুরীর বিধবা পত্নী, ইহারাও কলিকাতায় বিদ্যাসাগর অগ্রজ মহাশয়ের নিকট যাইয়া রোদন করিতে লাগিলেন। উহাদের রোদনে অগ্রজ মহাশয়েরও চক্ষে জল আসিল। উহারা রমাশ্রমাদ বাবুর ভয়ে ভীহার বাটী পরিত্যাগ করিয়া খিদিলপুর পদ্মপুখুরের ধর্মদাস কেরানীর ভবনে গুপ্তভাবে প্রায় চারি মাস কাল অবস্থিতি করেন। অগ্রজ উহাদিগকে গুণজাল হইতে মুক্ত করিবার চেষ্টা করেন। ইহার নিকট টাকার স্থির করেন,

রমাপ্রসাদ বাবু তাঁহাদিগকে টাকা দিতে নিবারণ করিয়া দিষ্টান। উক্ত কলিকাতার মধ্যে কোন মহাজন টাকা ধার দিতে অগ্রসর হয় নাই। অবশেষে রাজা প্রতাপ সিংহের আত্মীয় বাবু কালিদাস ঘোষ মহাশয়ের নিকট পঞ্চাশ সহস্র টাকা ও অন্য এক ব্যক্তির নিকট পঞ্চবিংশ সহস্র মুদ্রা সংগ্রহ করিয়া টাকা দিলেন, কিন্তু মহাজন উক্ত রায় মহাশয় টাকা গ্রহণ করিতে অস্বীকৃত হইলেন। কারণ তিনি উহাদের জমিদারী লইব এরূপ দৃঢ়সংকল্প করিয়াছিলেন। সুতরাং অগ্রজ মহাশয় সুইনহো না কোম্পানির বাটীতে গতিবিধি করিয়া অবিলম্বে টাকা জমা দিয়া উহাদিগকে রমাপ্রসাদ বাবুর নিকট ঋণদায় হইতে অব্যাহতি করিয়া দেন। অগ্রজ মহাশয় রাধানগরের চৌধুরী বাবুদের জমিদারীর রক্ষার জন্য ক্রমিক ছয় মাস কাণ অনন্যকৰ্ম্মা ও অনন্যমনা হইয়া নানা স্থানে নিজের প্রায় দুই সহস্র মুদ্রা ব্যয় করিয়া কৃতকার্য হইয়াছিলেন। তিনি রমাপ্রসাদ বাবুর হস্ত হইতে উহাদিগকে পরিত্রাণ করিয়া দেশস্থ সাধারণের নিকট বিলক্ষণ প্রশংসাজ্ঞান হইয়াছিলেন ; কিন্তু এই ক্ষুদ্র তদবধি বাবু রমাপ্রসাদ রায়ের সহিত অগ্রজের মনান্তর ঘটয়াছিল। অতঃপর কয়েক বৎসর চৌধুরী বাবুরা পরম সুখে কালাতিপাত করেন। দুঃখের বিষয় এই আত্মবিরোধ ও বন্দোবস্ত না হওয়াতে রীতিমত ঋণ পরিশোধ না হইয়া দুই এক মহাজন পরিবর্তের পর ঐ সম্পত্তি ক্রোক নীলামে বিক্রয় হয়। তন্নিবন্ধন উহাদের কষ্ট উপস্থিত হইলে মৃত লক্ষ্মীনারায়ণ চৌধুরীর পত্নী ও সদানন্দ চৌধুরীর পত্নীকে মাসিক ব্যয় নির্বাহার্থ অগ্রজ মহাশয় প্রতি মাসে প্রত্যেককে গোপনভাবে ৩০ টাকা করিয়া মাসহরা প্রেরণ করিতেন। কিছু দিন পরে মোনপুরের কাশীনাথ ঘোষ ৮০০ খত টাকার জন্ত উক্ত চৌধুরীদের নামে অভিযোগ করিয়া বসংবাটী ক্রোক করিলে আদি অগ্রজ মহাশয় ও উহাদের অনুরোধে কাশীনাথ ঘোষের সহিত ১৫০ টাকায় রক্ষা করিয়া দাদার নিকট ঐ টাকা লইয়া উক্ত বিষয় ধোলসা করিয়া দিয়াছিলাম।

ঐ বৎসর পিতৃদেব মহাশয় দীনবন্ধু হস্তাকারকে সমতিব্যাহারে

লইয়া পদব্রজে তীর্থপর্যটনে প্রস্থান করেন। তৎকালে পশ্চিমাক্কে রেলওয়ে হয় নাই। এক বৎসর কাল সকল তীর্থ পরিভ্রমণ করিয়া পরিশেষে পুষ্কর তীর্থ হইতে অগ্রজকে এক পত্র লিখেন যে, তুমি আমার বংশে রামাবতার, তোমার পিতা বলিয়া এ প্রদেশের সকল স্থানের লোকই আমাকে পরম সমাদর করিয়া থাকেন ; অথচ তুমি কাশী, এলাহাবাদ, কানপুর, মথুরা, বৃন্দাবন, জালামুখী, পুষ্কর প্রভৃতি তীর্থে কখন আগমন কর নাই। তোমার শত্রুপরিচয়ে আমি সকলের নিকট পরিচিত হইতেছি। অনন্তর, অগ্রজ মহাশয়ের অনুরোধে পিতৃদেব দ্বারায় দেশে পুনরাগমন করেন।

সংস্কৃত কলেজের ছাত্রদিগের উৎসাহ বর্জনার্থ অগ্রজ মহাশয় তৎকালের লেক্টেনেন্ট গবর্নর গ্রাণ্ড সাহেবকে বলেন যে, রামকমল ভট্টাচার্য্য, গিরিশচন্দ্র মুখোপাধ্যায়, রামানন্দ চট্টোপাধ্যায়কে ডেপুটি মাজিষ্ট্রেটের পদে নিযুক্ত করা আবশ্যক হইয়াছে। সাহেব উহাদের নাম লিখিয়া রাখিলেন এবং বলিলেন, ইহারা এক্ষণে কি করিতেছেন শুনিতে ইচ্ছা করি। অগ্রজ বলিলেন, রামকমল কলিকাতার নর্ম্ম্যাল স্কুলের প্রধান শিক্ষকের পদে নিযুক্ত আছেন। সাহেব তুমি উত্তর করিলেন, যিনি ছেলে পড়াইয়া থাকেন তিনি অকর্ম্মা হইয়াছেন, তাঁহার দ্বারা এ সকল কার্য্য সুচারুরূপে সম্পন্ন হওয়া কঠিন। ইহা শুনিয়া দাদা বলিলেন, রামকমল সংস্কৃত ও ইংরাজী ভালরূপ জানেন। বিশেষতঃ একে ইহার তুল্য লোক এক্ষণে দেখিতে পাওয়া যায় না। অতএব ইহাকে ডেপুটি মাজিষ্ট্রেটের পদে নিযুক্ত না করিলে আমি বড়ই দুঃখিত হইব। আচ্ছা পণ্ডিত ! তোমার কথা স্বীকার করিলাম। গিরিশ কি কল্পে জিজ্ঞাসা করিলে বলিলেন, ইনি এক্ষণে চক্ষিণপরিগণার জজ আদালতে ওকালতি করিতেছেন তুমি সাহেব উত্তর করেন ইনি উহার অপেক্ষা উপযুক্ত লোক, ইনি ভালরূপ কার্য্য করিতে পারিবেন।

রামানন্দের এই পরিচয় দেন যে, ইনি আমার অধীনে ডেপুটি ইন্সপেক্টরের পদে থাকিয়া মফঃসনের বিদ্যালয় সকল পরিদর্শন করিতেন। ইহা শুনিয়া সাহেব উত্তর করেন যে ইনিও কার্য্যকর হইবেন। কয়েক

মাস অতীত হইল, ইহারা কার্যভার প্রাপ্ত হন নাই। উক্ত এক দিন রামকমল অগ্রজকে বলেন, আপনার কথার বিশ্বাস নাই, যেহেতু অদ্যাপি আমরা ডেপুটী মাজিস্ট্রেটের কর্ত্রে নিযুক্ত হইতে পারিলাম না। পর দিবস গ্রাওসাহেবের নিকট গমন করিয়া সাহেবকে বিশেষরূপ অনুরোধ করাতে তিনি বলিলেন, আজ্ঞা রামকমল শীঘ্রই কর্তৃ পাইবেন। হুঃখের বিষয় এই, বাসায় প্রত্যাগত হইয়া কিয়ৎকাল পরে জানিলেন যে রামকমল উদ্বন্ধনে প্রাণত্যাগ করিয়াছেন। রামকমল স্বরায় ডেপুটী মাজিস্ট্রেট নিযুক্ত হইলেন, গিরিশচন্দ্র মুখোপাধ্যায় ওকালতীতে বিশিষ্টরূপ পশার করিয়াছেন, এজন্য ডেপুটী মাজিস্ট্রেটের পদগ্রহণ করিতে সম্মত হইলেন না।

সন ১২৬৯ সালের কার্তিক মাসে অগ্রজ মহাশয় বাটী আগমন করেন। এই সময়ে স্থানীয় অনেক হুঃখিনী ভক্তকুলাজনা স্বীয় স্বীয় সাংসারিক কষ্ট নিবারণ মানসে তাঁহার নিকট আসিয়াছিলেন। তিনি দরিদ্র স্ত্রীলোকদের প্রতি বিশেষ দয়া প্রকাশ করিতেন। পুরুষ অপেক্ষা স্ত্রীজাতির প্রতি সচরাচর ইহঁদের অধিক অনুগ্রহ দৃষ্টিগোচর হইত। ঐ সময়ে বৎসরের মধ্যে প্রায় ২১০ বার দেশে আগমন করিতেন। প্রত্যেক বারে অন্ততঃ নগদ ৫০০ টাকা ও অন্যান্য ৫০০ টাকার বস্ত্র লইয়া বাটী আসিতেন। ঐ সকল, নিরুপায় স্ত্রীলোকদিগকে অকাতরে বিতরণ করিতেন।

এক দিবস অগ্রজ মধ্যাহ্ন সময়ে বাটীর মধ্যে ভোজন করিতে বাইরা উপবিষ্ট হইয়া অবলোকন করিলেন যে, দুইটি অপরিচিত স্ত্রীলোক বসিয়া আছেন। একটির বয়স প্রায় ৬০ বৎসর, অপরটির বয়স ১৮১৯ বৎসর। তাহাদের পরিধেয় বস্ত্র অতি জীর্ণ, মুখের ভাব দেখিলেই বোধ হয় উহারা অতি হুঃখিনী। তিনি জিজ্ঞাসা করিলেন, মা! ইহারা কে? এখানে বসিয়া কেন? জননী বলিলেন, বয়োজ্যেষ্ঠাটি তোমার বাল্যকালের গুরুমহাশয়ের প্রথমকার স্ত্রী, আর অল্পবয়স্কাটি ইহার কস্তা। ইহারা তোমাকে আপনাদের হুঃখের কথা বলিবার জন্য এখানে বসিয়া আছেন। তোমার গুরুমহাশয় দুই পুত্রবিশিষ্ট তব্ব হুলীদ,

৩৭টি মাত্র বিবাহ করিয়াছেন। উক্ত চট্টোপাধ্যায় মহাশয়ের নিকট দাণী বাল্যকালে পাঠশালায় অধ্যয়ন করিয়াছিলেন। একারণ উহাকে মাসে মাসে ৮ টাকা দিতেন, আর বীরসিংহ বিদ্যালয়ের বাঙ্গালা ডিপার্টমেন্টের তত্ত্বাবধানে নিযুক্ত রাখিয়াছিলেন, ডাক্তার ও উপযুক্ত বেতন দিতেন। ইহার অল্প আর এক স্ত্রীর গর্ভসম্ভূত এক পুত্রকেও মাসিক ১০ টাকা বেতনে বিদ্যালয়ের তৃতীয় পণ্ডিতের পদে নিযুক্ত করিয়াছিলেন। উক্ত মহাশয়েরা দাদার বিলক্ষণ খাতির রাখিতেন। ওরফে মহাশয়ের ভগিনীদ্বয় ও ভাগিনেয় তাঁহার বাটীতে থাকিতেন। তিনি যাহা উপার্জন করিতেন ও ভূমাদির উপস্থিত যাহা প্রাপ্ত হইতেন, তৎসমস্ত ভগিনীদ্বয়ের হস্তে সমর্পণ করিতেন। চট্টোপাধ্যায় মহাশয় নিজে অতি ভদ্রলোক ও দেশস্থ সকলেরই সহিত সৌজন্য প্রকাশ করিতেন এই জন্ত এবং তিনি অনেকেরই ওরফে মহাশয় ও কুলীন বলিয়া সকলেই তাঁহাকে শ্রদ্ধা করিতেন। তাঁহার ভগিনীদ্বয় অত্যন্ত দুঃখী ও প্রথরা ছিলেন। যদি তিনি কোন স্ত্রীকে আপন বাটীতে আনিয়া রাখিতেন তাহা হইলে তাঁহার ভগিনীদ্বয় তাহার দ্রব্যাদি লইয়া বাটী হইতে বহিষ্কৃত করিয়া দিতেন। তিনি ভয়ে ভগিনীদ্বয়কে কখন কিছু বলিতে সাহস করিতেন না। একবার আমরা স্বচক্ষে দেখিয়াছি, মেদিনীপুরের সরিহিত পাথরায় অন্নবয়স্কা পরমা সুন্দরী কনিষ্ঠা পত্নীকে আনিয়া বাটীতে রাখিয়াছিলেন। তাঁহার ঐ স্ত্রী পিত্রালয় হইতে আসিবার সময় বথেষ্ট দ্রব্যাদি সমভিব্যাহারে করিয়া আনিয়াছিলেন। কিছু দিন পরে তাঁহার ভগিনীদ্বয় দ্রব্যাদি আত্মসাৎ করিয়া ঐ অন্নবয়স্কা ভাতৃজ্ঞায়াকে বাটী হইতে বহিষ্কৃত করিয়া দেয়। তাহা দেখিয়া তিনি ভগিনীদ্বয়ের জন্মে কোন কথা বলিতে সাহস করেন নাই। তাঁহার অজ্ঞাত স্ত্রী বীরসিংহায় আসিলে, তাহাদের প্রতিও এইরূপ নিষ্ঠুর ব্যবহার করিত।

অজ্ঞাত ঐ দুইটি স্ত্রীলোককে দেখিয়া ভোজননে বিরত হইলেন, এবং উহাদ্বয়কে বলিলেন, তোমরা উভয়ে কি জন্ত আসিয়াছ, তাহা বল। হুজা বলিলেন, যে আমি তোমার বাল্যকালের শিক্ষক মহাশয়ের প্রথম

বিবাহিতা স্ত্রী, এগুি আমার গর্ভসন্তুতা কন্ডা। এই কন্ডার পতি কুলীন জামাতা। প্রায় ৪০ টি কন্ডার পাণিগ্রহণ করিয়াছেন। তিনি যে স্ত্রীর জনকজননীর নিকট খোরাকীর টাকা প্রাপ্ত হন সেই স্ত্রীকে গৃহে রাখেন। আমাদের নিকট কিছুই পাইবার আশা নাই, একারণ আমার কন্ডাকে লইয়া ঘান না। বৎসরের মধ্যে এক বার জামাতাকে আনিতে হইলেও দশ টাকা ব্যয় হয়, তাহারও আমাদের ক্ষমতা নাই। কুলীন জামাতার কন্ডাকে প্রতিপালন করিবার কথা নাই। অগত্যা কন্ডাটী আমার নিকটেই অবস্থিতি করে। আমি এখান হইতে ৩ ক্রোশ দূরে পিত্রালয়ে যাবজ্জীবন অবস্থিতি করিয়া থাকি। আমার পুত্র কষ্টে সংসারযাত্রা নির্বাহ করিয়া থাকে। এক্ষণে পুত্রটী বলিতেছেন, অতঃপর আমি তোমাদের দুই জনকে অন্নবস্ত্র দিতে পারিব না। ইহা শুনিয়া আমি পুত্রকে বলিলাম, বল কি বাবা? তুমি এরূপ বলিলে আমরা কোথায় যাই। তাহাতে পুত্র বলিল, তুমি জননী, না হস্ত তোমাকে অন্ন দিতে পারি, কিন্তু ভগিনীকে খেতে দিতে পারিব না। ইহা শুনিয়া আমি বলিলাম, কুলীন কর্তৃক বিবাহিতা কন্যা চিরকাল ভ্রাতার বাটীতেই থাকে। আমার কথা শুনিয়া পুত্র বলিল, সে যাক্। হটক তোমাকেই খেতে দিব, তুমি উহার বন্দোবস্ত কর। ইহা শুনিয়া আমি রাগ করিয়া বলিলাম, তুমি খেতে দিবে না, তবে কি প্রসন্ন বেঞ্জারূতি অবলম্বন করিয়া দিনপাত করিবে? তাহাতে পুত্র বলিল, উহার যাহা ইচ্ছা তাহাই করুক। তদুপলক্ষে উপযুক্ত পুত্রের সহিত আমার বিলক্ষণ মনান্তর ঘটিল। পুত্রের এইরূপ কথা শুনিয়া চতুর্দিক এককালে অন্ধকারময় দেখিলাম।

কি করি ভাবিয়া কিছুই স্থির করিতে পারিলাম না। অবশেষে শুনিলাম, আমার মাস্তত ভ্রাতার বাটীতে একটী পাচিকার আবশ্যক হইয়াছে। কন্ডাটী লইয়া তথায় যাইলাম; কিন্তু আমাদের দুর্ভাগ্য বশতঃ তাঁহার বলিলেন যে চারি দিবস অতীত হইল আমাদের বাটীতে পাচিকা নিযুক্ত হইয়াছে। কি করি কোথা যাই এই ভাবিতে লাগিলাম। মনে হইল শুনিয়াছি গঙ্গাতীরে একটী গ্রামে স্বামীর এক সংসার আছে, তথায় এক সপত্নীপুত্র ব্যবসা উপলক্ষে বিলক্ষণ সঞ্চতি করিয়াছেন। তিনি

পরম ধার্মিক ও পরম দয়ালু লোক । যদিও আমি বিমাতা আর প্রসন্নময়ী বৈশাখেরভগিনী কিস্ত তাঁহার নিকট বাইরা আমাদের অন্ন বস্ত্রের দুঃখ জানাইলে অবশ্য তাঁহার দয়ার উদ্রেক হইতে পারে । এই ভাবিয়া তাঁহার নিকট উপস্থিত হইলাম এবং সমস্ত ব্যক্ত করিয়া হাতে ধরিয়া রোদন করিতে লাগিলাম । আমাদের কাতরতা দর্শনে সপত্নীপুত্র হইয়াও যথেষ্ট রেহ ও যত্ন করিলেন এবং বলিলেন, মা, যত দিন আপনারা উভয়ে জীবিত থাকিবেন ততদিন আমি তোমাদিগকে ভরণ পোষণ করিব । ইহা শুনিয়া আমরা পরম আশ্বাসিত হইলাম । তিনি যথোচিত যত্ন করিতে লাগিলেন কিস্ত তাঁহার বাটীর স্ত্রীলোকেরা সেরূপ নহেন । তাঁহারা প্রায় বলিভেন যে এ আপদ আবার কোথা হইতে আসিল । স্ত্রীলোকদের সহিত প্রায় মনান্তর ঘটিল, একারণ আমি এক দিন সপত্নীপুত্রকে বলিলাম, বাবা আমাদের উভয়ের প্রতি বাটীর স্ত্রীলোকেরা বেকরূপ ব্যবহার করিতেছেন । তাহাতে আমরা ক্ষণকাল এখানে অবস্থান করিতে পারি না । তাহাতে তিনি বলিলেন, আমি সকলই ইতিপূর্বে অবগত হইয়াছি । বাটীর স্ত্রীলোকদিগকে শাসন করিলে উহারা তোমাদের প্রতি আরও অসহ ব্যবহার করিবেন । এমন স্থলে আপনারা এখান হইতে প্রস্থান করুন । আমি আপনাদের ভরণপোষণ জন্য মাসে মাসে কিছু কিছু সাহায্য করিতে পারি । এইরূপে নিরাশাস হইয়া কস্তার সহিত তথা হইতে বহির্গত হইলাম । পরিশেষে ভাবিলাম, স্বামী জীবিত আছেন এবং বিদ্যাসাগরের বিদ্যালয়ে পণ্ডিতী কর্ত্ত করিয়া থাকেন । তাঁহার নিকট বাইরা রোদন করিলে অবশ্য কস্তাটির জন্য দয়া হইতে পারে । এই স্থির করিয়া ১০।১২ দিবস অতীত হইল, এখানে আসিয়াছিলাম । পতি নিজে ভদ্র লোক বটে কিন্তু তিনি তাঁহার দুইটা ভগিনীর নিতান্ত বশীভূত, তাহাদের পরামর্শে তিনি আমাদিগকে জবাব দিলেন যে, তোমাদের এখানে থাকা হইবে না । তোমাদিগকে অন্ন বস্ত্র দিতে পারিব না । স্বামীর কথা শুনিয়া আশ্চর্য্যাবিত্ত হইলাম । কোথা বাই কি করি ভাবিতেছিলাম, এমন সময়ে এই গ্রামের নবীন চক্রবর্তী ও হারাধন চক্রবর্তী প্রভৃতি ও অন্যান্য অনেক লোক বলিল, বিদ্যাসাগর

পরম দয়ালু, অনাথ স্ত্রীলোকের একমাত্র বন্ধু । তিনি গড়কল্য বাটী আসিয়াছেন, আসিয়া অবধি অনেক দরিদ্র স্ত্রীলোককে যথেষ্ট টাকা ও বস্ত্র বিতরণ করিতেছেন । তুমি আমরা তোমার নিকট উপস্থিত হই-
রাছি । তুমি আমাদের যাহা হয় একটা উপায় করিয়া দাও । বৃদ্ধার ঐ সকল কথা শুনিয়া বিদ্যাসাগর দুঃখে অভিভূত হইলেন, এবং তাঁহার নয়নদ্বয় অশ্রুজলে প্রাবিত হইল ।

কি আশ্রয়, পুত্র ও স্বামী অগ্নান বদনে বলিলেন, তোমাদিগকে আর বস্ত্র দিতে পারিব না, তোমরা যথায় ইচ্ছা যাও ! কিন্তু বিদ্যাসাগর মহাশয়ের সহিত উহাদের কোন সংস্রব নাই, তিনি বৃদ্ধার কথা শুনিয়া রোদন করিতে লাগিলেন । কিয়ৎক্ষণপরে বৃদ্ধাকে আশ্বাস প্রদান করিয়া চটোপাধ্যায় মহাশয়ের বাটীতে গমন করিয়া বলিলেন ; আপনার ব্যবহার দেখিয়া আমি আশ্চর্য্যাবিত হইয়াছি । আপনি কেমন করিয়া বৃদ্ধা স্ত্রী ও যুবতী কল্লকে বাটী হইতে বহিষ্কৃত করিয়া দিতেছেন । আপনি তাঁহাদিগকে বাটীতে রাখিবেন কি না জানিতে ইচ্ছা করি । বৃদ্ধার এই ভাবভঙ্গি দেখিয়া গুরুমহাশয় ভয় পাইলেন । বলিলেন, তুমি এক্ষণে বাটী যাও, আমি যেরূপ ছই ভগিনীর সহিত সুখিয়া পরে তোমার নিকট যাইতেছি । সাংকট্যে তিনি অগ্রভের নিকট আসিয়া বলিলেন, যদি তুমি তাহাদের হিসাবে মাসে মাসে স্বতন্ত্র কিছু দিতে সম্মত হও তাহা হইলে আমি উহাদিগকে বাটীতে রাখিতে পারি, নচেৎ আমার ভগিনীদ্বয় উহাদিগকে বাটীতে রাখিতে সম্মত হইবে না । অগ্রজ তৎক্ষণাৎ স্বীকার পাইলেন । এবং তিন মাসের অগ্রিম ১২৭ টাকা তাঁহার হস্তে দিয়া বলিলেন, এইরূপে তিন মাসের টাকা অগ্রিম পাইবেন । এতদ্বিত্ত ইহাদের পরিধেয় বস্ত্রের ভার আবার প্রতি রহিল । ছয় মাসের বস্ত্র তাঁহার হস্তেই প্রদান করেন । ছয় মাস পরে আবার বস্ত্র প্রদানের ভার আমার প্রতি অর্পণ করেন । গুরুমহাশয় আর কোন ওজর করিতে না পারিয়া নিরুপায় হইয়া স্ত্রী ও কন্যা লইয়া গৃহান্তিমুখে গমন করিলেন । আর ৪৭ টাকা দিবার অস্বীকার করিয়াছেন শুনিয়া তাঁহার ভগিনীদ্বয় সম্মত হইলেন । গুরুমহাশয় কখনও কোন

স্ত্রীকে আনিয়া নিকটে রাখিবার অভিপ্রায় প্রকাশ করিলে ভগিনীরা ঝগড়াহু হইয়া উঠিতেন, সুতরাং তিনি কন্ধিন কালেও আপন অভিপ্রায় সম্পন্ন করিতে পারেন না। তদ্র কুলীনদের ভগিনী, ভাগিনেয়, ও ভাগিনেয়ীরা পরিবার স্থানে পরিগণিত। স্ত্রী, পুত্র, কন্যা প্রভৃতির সহিত তাঁহাদের কোন সংস্রব থাকে না। দয়াময় বিদ্যাসাগর মহাশয় হতভাগিনীদের প্রতি অনুগ্রহ প্রদর্শন পূর্বক বন্দোবস্ত করিয়া দিয়া কলিকাতা প্রস্থান করেন। এবং বধাকালে অস্বীকৃত মাসিক দেয় প্রেরণ করিতে বিস্মৃত হন নাই। কতিপয় মাস অতীত হইলে পর অগ্রজ মহাশয় বাটী আসিয়া সেই দুই হতভাগিনীর বিষয়ে অনুসন্ধান করিয়া আনিলেন, চট্টোপাধ্যায় ও তাঁহার ভগিনীদ্বয় স্থির করিয়াছিলেন, যে বিদ্যাসাগরের অস্বীকৃত নুতন মাসহরা পুরাতন মাসিক মাসহরার অন্তর্ভুক্ত হইয়াছে। আর তাহা কোন কারণে রহিত হইবার নহে। তদনুসারে তিনি ভগিনীদের উপদেশের অনুবর্তী হইয়া বৃদ্ধা স্ত্রী ও যুবতী দুহিতাকে বাটী হইতে বহিষ্কৃত করিয়াছেন। তাঁহারাও উপায়ান্তর-বিহীন হইয়া কলিকাতা প্রস্থান করিয়াছেন ইহা শুনিয়া অগ্রজ মহাশয় যৎপরোনাস্তি দুঃখিত হইলেন। স্বাদার দুঃখ দেখিয়া নবীন-চক্রবর্তী প্রভৃতি বলিলেন, মহাশয়! গুরু মহাশয়ের কস্তার কথা শুনিয়া আপনি রোদন করিতে লাগিলেন, তবে আপনি দেশের কুলীনদের কোনও সম্মান রাখেন নাই। কুলীনদের চরিত্র শুনিলে ঘৃণা দয়া ও রাগ হয়। পরে তাঁহারা বলিলেন মহাশয়! শুনিতে পাই মাহেবেয়া আপনার কথা শুনিয়া থাকেন। লেপ্টেনেন্ট গবর্ণর সার সিসিল বীডনের সহিত আপনার সন্নিবিষ্ট আছে, তিনি আপনাকে সম্মান করিয়া থাকেন। অতএব আপনার নিকট আমাদের প্রার্থনা যে আপনি যোগাড় করিয়া কুলীনদের এই কুব্যবহারের মূলোৎপাটনে বৃত্ত করুন।

কুলীনদিগের বহুবিবাহ কুপ্রথা উঠাইয়া দিবার জন্য বহু পাইলে অনারামে দেশ বিদেশের রাজা, সম্রাট লোক ও ভূম্যধিকারী প্রভৃতি সকলেই আবেদন পত্রে স্বাক্ষর করিবেন। আপনি মনোযোগী হইলে অক্লেশে বহুবিবাহ কুপ্রথা একবারে দেশ হইতে তিরোহিত হইবে।

এই কথা শুনিয়া তিনি দীর্ঘনিশ্বাস পরিত্যাগ পূর্বক চিন্তা করিতে লাগিলেন। এমন সময়ে নবীন চক্রবর্তী হারাধন চক্রবর্তী প্রভৃতি, কতিপয় কুলীনমহিলার কাহিনী বর্ণন করিয়া বলিলেন, মহাশয়! আপনি কলিকাতার থাকেন, পল্লীগ্রামের কুলীনদের কোনও সম্বাদ রাখেন নাই। এ সকল বিষয় আপনার কর্ণপোচর হইলে দেশের অনেক মঙ্গল হইবে, একারণ জানাইলাম। ইহাতে আমাদের যদি কোন অপরাধ হয় তাহা অনুগ্রহপূর্বক ক্ষমা করিবেন।

কিছু দিন পরে অগ্রজ মহাশয় তাঁহাদিগকে বলিলেন, কোন গ্রামের কোন কুলীন কত বিবাহ করিয়াছেন, কয়েক মাসের মধ্যে তাহার একটি ডালিকা প্রস্তুত করিয়া আমার নিকট পাঠাইবে। অনন্তর, বহুবিবাহ নিবারণের আবেদন পত্রে বঙ্গদেশের সম্রাট লোকদিগের দৃষ্টবশত থাকা আবশ্যক নচেৎ ব্যবস্থাসমাজ আবেদনপত্র গ্রাহ্য করিবেন না, একারণ তিনি বর্ধমানাধিপতি শ্রীযুক্ত মহারাজাধিরাজ মহাতাপচন্দ্র রায় বাহাদুর, নবদ্বীপাধিপতি শ্রীযুক্ত মহারাজা সতীশচন্দ্র রায় বাহাদুর, শ্রীযুক্ত রাজা প্রতাপচন্দ্র সিংহ রায় বাহাদুর, শ্রীযুক্ত রাজা সত্যনারায়ণ ঘোষাল বাহাদুর প্রভৃতি এবং প্রায় ২৫ পঞ্চবিংশতি কৃতবিদ্যালোক ও অজ্ঞাত লোকের স্বাক্ষর করাইয়া আবেদন পত্র দাখিল করেন। তৎকালের লেপ্টেনেন্ট গবর্নর সর্ সিসিল বীডন সাহেব বহুবিবাহ কুপ্রথা রহিতের এই দরখাস্ত সমাদর পূর্বক গ্রহণ করেন। কুলীন অবলাগণের দুর্ভাগ্য প্রযুক্ত সেই সময়ে রাজ্যে মিউটিনির আশঙ্কা হওয়ার ও তৎকালে অগ্রজ মহাশয় অনুমতি নিবন্ধন চলৎশক্তি রহিত হওয়ার ও অজ্ঞাত নানা কারণে বহুবিবাহ কুপ্রথা ভারতবর্ষ হইতে তিরোহিত হইল না।

সন ১২৬৮ সালে ১লা বৈশাখ সীতার বনবাস মুদ্রিত করেন। আমরা বান্দীকির রামায়ণ পাঠ করিয়াছি এবং অগ্রজ মহাশয়ের রচিত সীতার বনবাসও দেখিয়াছি। লেখার পাণ্ডিত্যদর্শনে মোহিত হইতে হয়। কাকুণ্ডরসের বর্ণন পক্ষে ইঁহাকে বান্দীকির তুল্য বলিলে বোধ হয় অত্যাক্তি হয় না। অগ্রজ মহাশয় বাঙ্গালা ভাষায় বেরূপ পার্শ্বভাষ্য প্রকাশ করিয়াছেন, বোধ করি এরূপ বাঙ্গালা ভাষা লেখার প্রতিদ্বন্দী

কেহ ভারতবর্ষে অন্যাপি জন্মগ্রহণ করেন নাই। অতি নিষ্ঠুর নির্দয় ব্যক্তিও সীতার বনবাসের অষ্টম পরিচ্ছেদ পাঠ বা শ্রবণ করিলে অশ্রুজল বিসর্জন না করিয়া কাত্ত থাকিতে সক্ষম হয় না।

এই সময়ে নদীয়া জেলার মহারাজা ক্ষীতীশচন্দ্র রায় বাহাদুর মানব-লীলা সম্বরণ করিলে পর তাঁহার পত্নী রাণী ভুবনেশ্বরী দেবী, লক্ষ্মীকান্ত ভট্টাচার্য্য গুরুদেব ও মোক্তারের পরামর্শানুসারে পোস্তপুত্র গ্রহণ না করিয়া স্বয়ং বিষয়কার্য্য চালাইতে অভিলাষ করেন এবং বাহাতে বিষয় কোর্ট অব ওয়ার্ডের অধীনে না যায় তদ্বিবরে তাঁহাদের গুরুদেব ও মোক্তার বিধিমতে চেষ্টা পাইতেছিলেন। কৃষ্ণনগরের দুই একটি ভদ্র-লোক ও তৎকালের দেওয়ান বাবু কার্তিক চন্দ্র রায় মহাশয় অগ্রজ মহাশয়কে বিশেষরূপে অনুরোধ করেন যে, তিনি কৃষ্ণনগর ঘাইয়া রাণীকে উপদেশ দিয়া বাহাতে বিষয়টি কোর্ট অব ওয়ার্ডের অধীনে যায় তাহা না করিলে নদীয়ার বিখ্যাত মহারাজা কৃষ্ণচন্দ্রের নাম ও বংশ-মর্যাদা এককালে বিলুপ্ত হইবার সম্ভাবনা। ইহা শ্রবণ করিয়া অগ্রজ মহাশয় ত্বরায় কৃষ্ণনগর গমন করিয়া রাণীকে নিজে ও কমিসনর ক্যাম্বেল সাহেব মহোদয়ের দ্বারা, নানাপ্রকার উপদেশ দিয়া বিষয় কোর্ট অব ওয়ার্ডের অধীনে আনিয়াছিলেন। তাহাতেই এই কলো-দয় হইয়াছিল যে টাকার অধিক ঋণ পরিশোধ হইয়া একধকার মহারাজা ক্ষীতীশচন্দ্র রায় বাহাদুর সাবালক হইয়া দুই লক্ষ দশহাজার টাকা প্রাপ্ত হইলেন। তৎক্ষণ মহারাজা ক্ষীতীশচন্দ্র কলিকাতায় আগমন করিয়া কৃতজ্ঞতা প্রদর্শনার্থ অগ্রজ মহাশয়ের বাটীতে তাঁহার সহিত মধ্যে মধ্যে সাক্ষাৎ করিতেন। অপিচ, বর্তমান এই মহারাজার পিতামহ ক্ষীতীশচন্দ্র রায় বাহাদুর অগ্রজ মহাশয়কে এত আন্তরিক শ্রদ্ধা ও ভক্তি করিতেন যে, বিধবাবিবাহের আবেদনপত্রে স্বয়ং স্বাক্ষর করিয়াছিলেন এবং বৎকালে গ্রাণ্ড সাহেব মহোদয়কে কলিকাতায় ও অস্তান্ত প্রদেশের সম্রাট ধনশালী ও সুশিক্ষিত লোক এড্বেশ পত্র অর্থাৎ প্রশংসা পত্র প্রদান করেন, তৎকালে মহারাজা ক্ষীতীশচন্দ্র বাহাদুর গ্রাণ্ড সাহেব বিধবাবিবাহের পক্ষপাতী বলিয়া স্বয়ং উক্ত সাহেবের বাটী বাইয়

স্বহস্তে ঐ পত্র সাহেবকে প্রদান করেন। রাজা শ্রীচন্দ্র রায় বীহাজুর বিধবাবিবাহের পক্ষ সমর্থনকারী ছিলেন। তাঁহার অভিপ্রায় ছিল কলিকাতায় প্রথম বিবাহ সময়ে তাঁহার অধীনস্থ কৃকনগর সমাজের প্রধান প্রধান ব্যক্তিদিগকে সমভিব্যাহারে করিয়া কলিকাতায় আগমন পূর্বক সভা হইয়া প্রথম বিধবাবিবাহ কার্য সম্পাদন করিবেন, কিন্তু দুঃখের বিষয় এই যে হতভাগিনী হিন্দুবিধবাবিধবাদের দুর্ভাগ্য বশতঃ ঐ বিবাহের পূর্ব দিবস তাঁহার কনিষ্ঠপুত্রের মৃত্যু হয়। এই বিপদে পতিত হওয়ার তিনি সভায় উপস্থিত হইতে পারেন নাই। ইহাও প্রকাশ আছে যে নবদ্বীপাধিপতি মহারাজা কৃষ্ণচন্দ্র রায়ের বংশীয়েরা বঙ্গদেশের সকল সমাজের ও জাতীয় আচার ব্যবহারাদির কর্তা, তিনি ঐ বিবাহে উপস্থিত হইতে পারিলে বিধবাবিবাহ বঙ্গদেশে সর্ববাদী-সম্মত হইয়া প্রচলিত হইবার সম্পূর্ণ সম্ভাবনা ছিল। তাঁহার এই অনুপস্থিতি ভ্রষ্ট বিপক্ষদল প্রবল হইয়াছিল।

বর্তমান জেলার অন্তঃপাতী চকদিঘী গ্রামবাসী ধনশালী সম্ভ্রান্ত অমিদার বাবু সারদাপ্রসাদ রায় সিংহ মহোদয়ের সহিত অগ্রজ মহাশয়ের বিশেষ আত্মীয়তা ছিল, তজ্জন্য তিনি সারদা বাবুর অনুরোধে মধ্যে মধ্যে চকদিঘী ঘাইতেন এবং সারদা বাবুও মধ্যে মধ্যে কলিকাতা আসিয়া তাঁহার সহিত সাক্ষাৎ করিতেন। সারদা বাবুর পুত্রকন্যা হয় নাই এক সময়ে তিনি কথাপ্রসঙ্গে কলিকাতায় অগ্রজকে বলেন, আমার বংশ রক্ষা হইল না। বংশরক্ষার জন্য পোস্তপুত্র গ্রহণ করিব, এবিষয়ে আপনার মত কি? ইহা শুনিয়া অগ্রজ মহাশয় প্রত্যুত্তর করেন যে পরের ছেলেকে টাকা দিয়া জন্ম করিয়া গ্রহণ করা আমার মতে ভাল নয়; কারণ সেই বালক বয়ঃপ্রাপ্ত হইয়া সং কি অন্য হইবে তাহা বলা দুষ্কর। যদি হৃৎক্লিত হয় তাহা হইলে অল্প দিনের মধ্যেই তোমার চিরসংকীর্ণ ধনসম্পত্তি নষ্ট করিয়া ফেলিতে পারে। যদি একরূপ হয়, তাহা হইলে কিরূপে তোমার কীর্তি থাকিবে। এমন স্থলে, যদি আমার পরামর্শ শুন, তাহা হইলে চকদিঘীতে একটি অবৈতনিক উচ্চ শ্রেণীর ইংরাজী-সংস্কৃত বিদ্যালয় স্থাপন কর, যে চকদিঘীর চতুঃ-

পার্শ্বের সম্বিহিত গ্রামস্থ বালকগণ লেখাপড়া শিক্ষা করিয়া জ্ঞান লাভ করিবে ও উপার্জনক্ষম হইবে। তাহা হইলেই তোমার নাম ও কীর্তি চিরস্থায়ী হইবে। ঐ বিদ্যালয়ের নাম সারদাপ্রসাদ ইন্সটিটিউসন রাখ। আর দাতব্য চিকিৎসালয় স্থাপন কর, তাহা হইলে দেশস্থ নিরুপায় পীড়িত ব্যক্তির। বিনা মূল্যে ঔষধ ও পথ্য পাইয়া আরোগ্য লাভ করিতে পারিবে। উক্ত দেশহিতকর মহৎ কার্য্যদ্বয় স্থাপন করিয়া বাইতে পারিলে তোমার অনন্তকাল পর্য্যন্ত বশঃসুখাকর দেদীপ্যমান থাকিবে, এতদ্ব্যতীত অপরাপর নানাপ্রকার হিতকর কার্য্য করিবার উপদেশ দিয়া ছিলেন। পূর্বে চক্ৰদ্বীপে গবর্ণমেন্টের একটা এডেডস্কুল ছিল। তাহাতে বিশেষ ফলোদয় হইত না। তৎপরিবর্তে সারদাবাবু বিদ্যাসাগর মহাশয়ের পরামর্শে ও অহরোধে স্বঃ ১৮৬৮ সালে ১লা আগষ্ট চক্ৰদ্বীপে অষ্টেবনিক এন্ট্রেন্স বিদ্যালয় স্থাপন করেন। এবং তৎকালের লেপ্ট-নেট গবর্ণরকে অনুরোধ করিয়া মেডিকেল বোর্ড হইতে উৎকৃষ্ট ডাক্তার নির্বাচন করিয়া ১২৬৬ সালে চক্ৰদ্বীপে ডাক্তারখানা স্থাপন করিয়া ছিলেন। চক্ৰদ্বীপে এন্ট্রেন্স বিদ্যালয় স্থাপন সময় হইতে দাদা ঐ বিদ্যালয়ের কমিটির মেম্বর ছিলেন। ঐ সময়ে তিনি উহার তত্ত্বাবধান করিতেন। শিক্ষার প্রণালী সম্বন্ধে ধেরূপ বন্দোবস্ত করিয়া দিয়াছিলেন, ঐ প্রণালী অন্যথাপি চক্ৰদ্বীপ বিদ্যালয়ে প্রচলিত আছে। স্থানীয় লোক তাঁহার ও সারদা বাবুর নাম যে কখন বিস্মৃত হইবেন, এমন বোধ হয় না।

বিদ্যাসাগর মহাশয় উক্ত বিদ্যালয় পরিদর্শন জন্য মধ্যে মধ্যে চক্ৰদ্বীপে বাইতেন। ঐ সময়ে চক্ৰদ্বীপের সম্বিহিত এক গ্রামে একটি দরিদ্র পরিবারকে কয়েক বৎসর মাসিক দশ টাকা মাসহারা দিয়াছিলেন। এক দিন উহাদের অবস্থা অবলোকন করিবার জন্য তাহাদের বাটী গিয়াছিলেন। তাহাদের একটি শিশুকে অতি শীর্ণকার দেখিয়া বলিলেন ছেলেটি এত রোগী কেন ? তাহাতে গৃহস্থায়ী বলেন, মহাশয় যে দশ টাকা প্রদান করিয়া থাকেন, তাহাতে অতি কষ্টে আমাদের দিনপাত হয়; ছেলের জন্য দুধ ক্রয় করা ঐ টাকার কুলায় নাই। হুদ খেতে

মা পাইয়া ছেলেটি দিন দিন শীর্ণ হইতেছে। ইহা শুনিয়া আরও মাসিক ৫ টাকা ঐ ছেলের দুদের জন্য স্বতন্ত্র দিডেন, এক্ষণে ঐ পরিবারের অবস্থা ভাল হইয়াছে। এ বিষয়টী দাদার আত্মীয় বাবু ছক্কনলাল সিংহ মহাশয়ের পুত্র বাবু মনিলাল রায় ও বাবু বিনোদ-বেহারী সিংহ মহাশয় ইহাদের নিকট অবগত হইয়াছি। দাদা দান করিয়া কাহাকেও ব্যক্ত করিতেন না।

মাইকেল মধুসূদন দত্ত বাঙ্গালাভাষায় মেঘনাদবধ প্রভৃতি কয়েকখানি পুস্তক রচনা করিয়া সাধারণের নিকট কবি বলিয়া প্রসিদ্ধ হইয়াছেন। তিনি কলিকাতা পুলিশের ইণ্টারপিটারের পদ পরিত্যাগ করিয়া বারিষ্টার হইবার মানসে বিলাত যাত্রা করেন। যাইবার প্রাকালে তাঁহার কোন সম্ভ্রান্ত আত্মীয়ের হস্তে বাবতীর সম্পত্তি পচ্ছিত রাখিয়া প্রস্থান করেন। কিয়দ্বিঘ্ন পরে বিলাতে তাঁহার টাকার আবশ্যক হইলে তাঁহার সম্পত্তির তত্ত্বাবধায়ককে পত্র লিখেন। দুর্ভাগ্য প্রযুক্ত তাঁহারা প্রত্যাহার কোন পত্র লিখেন না। টাকার জন্য তথায় তাঁহার কারাবাস হইবার সম্ভাবনা দেখিয়া অগত্যা দয়াময় অগ্রজকে বিনীতভাবে পত্র লিখেন। তিনি তাঁহার ঐ রূপ পত্র পাইয়া ৬০০০ ছয় সহস্র টাকা ধণ করিয়া বিলাত পাঠান। মাইকেল মধুসূদন দত্ত দাদার প্রেরিত আশাতীত প্রচুর টাকা পাইয়া অপরিমিত হর্ষপ্রাপ্ত হইয়া ধণ পরিশোধ পূর্বক বারিষ্টার হইয়া সপরিবারে স্বদেশাভিমুখে যাত্রা করেন। কলিকাতায় উপস্থিত হইয়া বারিষ্টারের কার্যে প্রবৃত্ত হইলেন তৎকালে ব্যয় নির্বাহার্থ ক্রমশঃ কয়েক মাসের মধ্যে প্রায় আরও দুই সহস্র টাকা অগ্রজের নিকট গ্রহণ করেন। হুঃখের বিষয় এই যে বঙ্গদিনের মধ্যেই মাইকেল মৃত্যুমুখে নিপতিত হন। অগ্রজ মহাশয় কোন আত্মীয়ের নিকট উপরি উক্ত ছয় সহস্র ও দুই হাজার টাকা বাহা ধণ করিয়া দিয়াছিলেন, তদসহ উক্ত আত্মীয়কে সমস্ত টাকা পরিশোধ করিতে হইল। তৎকালে বাবু কালীচরণ ঘোষ ও বাবু রাজকৃষ্ণ বন্দ্যোপাধ্যায়কে সংস্কৃত বঙ্গ বিক্রয় করেন। পরের হিতকামনায় অগ্রজ ব্যতীত কেহ কি এরূপ ধণ করিয়া নিজের জীবিকা নির্বাহের সম্পত্তি বিক্রয় করিতে পারেন ?

ঐ সময় গঙ্গাদাসপুর নিবাসী তাঁরাচাঁদ সরকার, রাধানগর নিবাসী বাবু রামকমল মিশ্রের ও গঙ্গাদাসপুর নিবাসী বাবু গোরাচাঁদ দত্তের নামে কলিকাতা হুজুর আদালতে অভিযোগ করিয়া ৫০০ টাকা আদায় করেন। যে দিবস উহাদিগকে ওয়ারেন্টদ্বারা গ্রেপ্তার করিয়া লইয়া যায়, উহারা নিরুপায় হইয়া পিয়াদা সহ পটলডাঙ্গা বাবু শ্যামাচরণ বিশ্বাসের ভবনে অগ্রজের সহিত সাক্ষাৎ করিয়া তাঁহাকে ঐ দায় হইতে মুক্ত করিয়া দিবার জন্য অনুরোধ করেন। অগ্রজ মহাশয় নিজের টাকা না থাকা প্রযুক্ত তৎক্ষণাৎ তথায় উপবিষ্ট বাবু রাধালমিত্রের নিকট খত লেখাইয়া ও স্বয়ং সাক্ষী হইয়া ৫০০ টাকা উক্ত ব্যক্তিব্যবসকে দেওয়াইয়া তাহাদিগকে ঋণদায় হইতে মুক্ত করেন। পরে ইহারা ঐ টাকা পরিশোধ না করাতে রাধাল বাবুর মৃত্যুর অব্যবহিত পূর্বে অগ্রজ হুদসহ ৮০০ টাকা তাঁহার পরীকে পরিশোধ দিয়া ঐ খত খালাস করেন। দাদা খতে কেবল সাক্ষী মাত্র ছিলেন, উত্তমর্ণ দাদার খাতিরে টাকা দেন, একারণ তাঁহাকেই চাহিয়াছিলেন। উক্ত অধর্মণদ্বয় আর কখন তাঁহার সহিত সাক্ষাৎ করেন নাই। শুনিতেছি তাহাদের উভয়েরই মৃত্যু হইয়াছে এবং উভয়েরই বিলক্ষণ ভূমিসম্পত্তি আছে।

এক সময়ে পণ্ডিত জগন্মোহন তর্কালঙ্কার বিপদে পড়িয়া, বিষম বদনে দাদার নিকট আসিয়া বলেন, মহাশয় অত্যন্ত বিপদে পড়িয়াছি, পরিত্রাণের উপায়ান্তর নাই, যদি অনুগ্রহ করিয়া ৫০০ টাকা ধার দেন তাহা হইলে এ বাত্রা পরিত্রাণ পাই নচেৎ আমার আত্মহত্যা করিতে হয়। শুনিয়া অগ্রজ অতিশয় দুঃখিত হইলেন। নিজের টাকা না থাকা প্রযুক্ত অপরের নিকট ঋণ করিয়া ৫০০ টাকা দিলেন তাহার পর এই দীর্ঘকালের মধ্যে জগন্মোহন তাঁহার সহিত আর কখন সাক্ষাৎ করিলেন না।

আহামাবাদের সম্বন্ধিত এক গ্রামে এক ভট্টাচার্য্য মহাশয় অগ্রজের নিকট উপস্থিত হইয়া বিষম বদনে রোদন করিতে করিতে বলেন বাবা দৈবর। বড়বাজারের রামভারক হালদারের নিকট ২০০ টাকা ঋণ করিয়া সংসার নির্বাহ করিয়াছি, তাহার টাকা আদায় না পাইয়া, আমার নামে

অভিযোগ করিয়া জয় লাভ করিয়াছেন এবং ত্বরায় আমাকে নাতক করিয়া অপমানিত করিবার উদ্যোগে আছেন ; কিসে পরিজ্ঞান পাই। তাঁহার কাতরতা দর্শনে আমার হস্তে উহার দাবীকৃত সমস্ত টাকা দিয়া তাঁহাকে আমার সঙ্গে বড়বাজারে মহাজনের দোকানে প্রেরণ করেন। উত্তমর্ণ আমার নিকট দাবীকৃত উক্ত টাকা লইয়া তাঁহাকে অব্যাহতি দেন।

অগ্রজ মহাশয় কেবল দরিদ্রগণকে সাহায্য করিতেন এমনত নহে, বন্ধুবান্ধবেরা বিপদে পড়িলে তিনি অকাতরে অর্থসাহায্য করিতেন। ঐ সকল টাকা পরে কেবল পাইব কখন এমনত আশা করিতেন না ও চাহিতেন না। তিনি এই মনে করিতেন যে, আমি বন্ধুদিগের বিপদে সাহায্য করিতেছি, পরে তাঁহাদের সময় ভাল হইলে, ইচ্ছা হয়, তাঁহারা স্বয়ং প্রত্যর্পণ করিবেন। চুঃখের বিষয় এই যে, দুই এক জন ভিন্ন কেহই তাহা ফেরৎ দেন নাই। কিন্তু দাদাও তাহাদিগকে কখনও টাকার কথা বলেন নাই।

সন ১২৭০ সালে ১০ই ফাল্গুন কলিকাতায় একটি বিধবা ব্রাহ্মণতন-য়ার পাণিগ্রহণ বিধি সমাধা হয়। ইহাদের নিবাস ঢাকা জেলা।

সন ১২৭১ সালে ১২ই মাঘ কলিকাতায় একটি বৈদ্যজাতীয় বিধবার বিবাহ কার্য সমাধা হয়। বর জগজ্ঞান দাস ওপু, পরগণা বিক্রমপুর মধ্যপাড়া, জেলা ঢাকা।

এইরূপ সন ১২৭১ ও ৭২ সালে আরও ২০২৫ টি বিধবা ব্রাহ্মণ, কায়স্থ, তক্তবায়, বৈদ্য ও তৈলিক জাতীয় প্রভৃতির পাণিগ্রহণবিধি সমাধা হয়।

ভাটপাড়া নিবাসী, অসাধারণ ধীশক্তিসম্পন্ন, নৈসর্গিক শ্রীযুক্ত রাখালদাস ন্যায়রত্ন মহাশয় পার্শ্বসমাপনান্তে মনে মনে স্থির করেন ভাটপাড়ায় টোল করিয়া দুই তিনটি ছাত্র বাটীতে রাখিয়া ন্যায়শাস্ত্রের অধ্যাপনার কার্য করিবেন কিন্তু তাঁহার পিতা বলেন, ছাত্রকে অন্ন দিতে পারিব না ; খেতে দিতে হইলে মাসে ৬৭ টাকার ন্যূনে নির্ভীক হইবে না। তনিয়া ভায়রত্নের অত্যন্ত দুর্ভাবনা হইল। কারণ বহুকাল নিরন্তর

পরিগ্রহ করিয়া যে দর্শন শাস্ত্র শিক্ষা করিলেন, তাহা ছাত্র রাধিয়া শিক্ষা না দিলে সকলই বিফল হয়। তিনি মাসিক ৩০ টাকা আয়ের জন্য অনেক স্থানে অনেক চেষ্টা করিয়াছিলেন, কিছুতেই মনোরথ পূর্ণ হয় নাই। তৎকালের বেথুন বালিকাবিদ্যালয়ের পণ্ডিত মাধনলাল ভট্টাচার্য্য তাঁহার শিষ্য। এক দিবস তাঁহার বাসায় উপস্থিত হইয়া মনঃকষ্টের কথা ব্যক্ত করিলে পর তিনি বলিলেন, পণ্ডিত ঐশ্বরচন্দ্র বিদ্যাসাগর এমন বিষয়ে অনেককে গোপনে মাসহারা দিয়া থাকেন। যদি ইচ্ছা হয় ডোচলুন আমি সঙ্গে করিয়া আপনাকে লইয়া বাই। ইহা শুনিয়া বলিলেন, তিনি পণ্ডিত ও মহাশয় ব্যক্তি, তাঁহার নিকট দান লইবার বাধা নাই। মাধনলাল ভট্টাচার্য্য, ন্যায়রত্ন মহাশয়কে সম্মতিবাহারে করিয়া সুকিয়া ষ্ট্রীটে রাজকৃষ্ণ বাবুর বাটীতে দাদার সহিত সাক্ষাৎ করেন। ইতিপূর্বে দাদা ঐ পণ্ডিতের দর্শনশাস্ত্রে পাণ্ডিত্যের বিষয় অবগত ছিলেন। তাঁহাকে বিলক্ষণ সমাদর করিলেন। ন্যায়রত্ন ব্যক্ত করিলেন যে আমি সমগ্র ন্যায়শাস্ত্র অধ্যয়ন করিয়াছি। এক্ষণে বাটীতে টোল করিয়া বিদ্যাদান করিতে মানস করিয়াছি কিন্তু টোল করিতে হইলে মাসিক ১০০ টাকা ব্যয় হইবে, মাসিক এই টাকার সংস্থান না করিতে পারিলে বাটীতে বসিয়া অধ্যাপনার কার্য করিতে পারি না। আপনার অবিদিত নাই যে ন্যায়শাস্ত্র বাহারা অধ্যয়ন করিবে তাহা-দিগকে ভ্রম দিতে না পারিলে তাহারা নিশ্চিন্ত হইয়া দীর্ঘ কাল তেমন করিয়া শিক্ষা করিবে। ন্যায়রত্নের কথা শুনিয়া অগ্রজ বলিলেন, যে পর্য্যন্ত আপনার পশার না হইবে সেই পর্য্যন্ত আমি মাসিক ১০০ টাকা দিতে পারিব, আপনি নিশ্চিন্ত হইয়া ছাত্র রাধিয়া দর্শন শাস্ত্রের ব্যবসারে প্রবৃত্ত হউন। দাদা ক্রমিক ৮ বৎসর মাসে মাসে ১০০ দশ টাকা ন্যায়রত্নের বাটীতে পাঠাইয়া দেন। এতদ্ব্যতীত মধ্যে মধ্যে তাঁহার পরিবারগণকে বস্ত্রাদি প্রদান করিতেন। ঐ টাকা ব্যতীত মধ্যে মধ্যে আরও বিশ পঞ্চাশ টাকা সাহায্য দিতেন। পরে পশার হইলে পর এক দিবস ন্যায়রত্ন মহাশয় স্বয়ং দাদাকে বলিলেন আর আপনি সাহায্য না করিলে আমার দিনপাত হইতে পারে। ন্যায়রত্ন মহাশয় এখবেরই

আপনার অবস্থা অনেককে জানাইয়া ছিলেন, কিন্তু কেহই এরূপ সাহায্য করিতে সাহস করেন না। তিনি এবিষয় অনেকের নিকট বীকার করিয়া আপন কৃতজ্ঞতা দেখাইয়া থাকেন এবং বিদ্যাসাগর মহাশয়কে আন্তরিক প্রার্থা করিয়া থাকেন। অগ্রজ ও ভ্রাতৃদ্বয়কে আন্তরিক স্নেহ করিতেন। ভ্রাতৃদ্বয় মহাশয় কৃতজ্ঞতা সহকারে সত্যস্থলে নিজের বক্তৃত্ত্ব প্রকাশ করিলেন, তাহাই এস্থলে লিখিত হইল।

সন ১২৭২ সালের অগ্রহায়ণ মাসে পিতৃদেব স্বপ্ন দেখেন যে, ভ্রাতৃদ্বয় তোমার বাসভূমি স্থাপন হইবে। স্বপ্ন দেখিয়া পিতৃদেব অত্যন্ত উদ্বিগ্ন হইলেন। তদনন্তর বিখ্যাত পণ্ডানারায়ণ ভট্টাচার্য্যকে ডাকাইয়া তাঁহার কোষ্ঠীর কল গণনা করাইলেন। তিনিও ঐ কথা ব্যক্ত করিলেন অধিকতর বলিলেন যে, ভ্রাতৃদ্বয় বিদ্যাসাগর মহাশয়ের শনির দশা উপস্থিত হইবে। গণনানুসারে দেখিতেছি তাঁহার আত্মবিচ্ছেদ, বন্ধুবিচ্ছেদ, ও ভ্রাতৃবিচ্ছেদ ঘটবে ও তাঁহাকে দেশত্যাগী হইতে হইবে। এক দিনের জন্যও সুখী হইবেন না ও একস্থানে স্থায়ী হইবেন না। নূতন নূতন স্থানে বাইয়া বাস করিবার ইচ্ছা হইবে, ইহা আপনি অন্যের নিকট ব্যক্ত করিবেন না। বিশেষতঃ বিদ্যাসাগর বাবাজীর নিকট ব্যক্ত করিলে তিনি আমার তিরস্কার করিতে পারেন। স্বপ্ন দর্শন ও কোষ্ঠীর গণনা ঐক্য হইল দেখিয়া পিতৃদেবের অত্যন্ত দুর্ভাবনা হইল। তদবধি তাঁহার আর বেশে থাকিতে ইচ্ছা রহিল না। কয়েক দিন পরে কাশীবাস করিবার ইচ্ছা প্রকাশ করিলেন, সুতরাং আমি অগ্রজ মহাশয়কে ঐ সংবাদ লিখি। তিনি তৎকালে রাজা প্রতাপচন্দ্র সিংহের পীড়া উপলক্ষে মুরশিদাবাদের সন্নিকট কাশীগ্রামে অবস্থিতি করিতেছিলেন। পত্র প্রাপ্তি মাত্রেই অগ্রজ মহাশয় তৎক্ষণে আমার বাহা লিখেন নিয়ে প্রকাশিত হইল “বাবা, তিনি বিদেশে একাকী অবস্থিতি করিবেন তাহা কোন ক্রমেই পরামর্শ সিদ্ধ নহে স্বয়ং সমুদায় আহরণ করিয়া আপনার আহারাদি নিকাশ করিবেন, তাহাতে কষ্টের একশেষ হইবেক। যে ব্যক্তির পুত্র পৌত্রাদি এত পরিবার, তিনি শেষ বয়সে একাকী বিদেশে কালহরণ করিবেন, ইহা অপেক্ষা দুঃখ ও আক্ষেপের বিষয় কি হইতে পারে। সুতরাং এ অবস্থার

তিনি একাকী কান্দতে বাস করিবেন ইহা আমি কোনও মতে সহ্য করিতে পারিব না। সেরূপ করিলে তাঁহার কঠোর সীমা থাকিবে না। যদি তাঁহার সেবা ও পরিচর্য্যার নিমিত্ত কেহ কেহ সঙ্গে বাইতে পারেন, তাহা হইলেও আমি কথঞ্চিৎ সম্মত হইতে পারি, নতুবা তাঁহাকে একাকী পাঠাইয়া দিয়া আমরা এখানে নিশ্চিন্ত হইয়া সুখে কাল যাপন করিব ইহা কোনও ক্রমেই গর্হ্য নহে। অন্যের কথা বলিতে পারি না, আমি কোনও মতেই আমার মনকে প্রবোধ দিতে পারিব না। যদি নিতান্তই তাঁহার যাইবার মানস হইয়া থাকে, এইরূপ তাড়াতাড়ি করিলে চলিবে না। তুমি তাঁহার চরণারবিন্দে আমার প্রণিপাত জানাইয়া কহিবে, যে পাছে আমার মনে দুঃখ হয় এই খাতিরে তিনি অনেকবার অনেক কষ্ট সহ্য করিয়াছেন এক্ষণেও সেই খাতিরে আর কিছু কষ্ট সহ্য করুন; আমি সম্মত বাটী যাইবার চেষ্টায় রহিলাম। সেখানে পঁহছিলে পরামর্শ করিয়া কর্তব্য স্থির করিব নতুবা অকস্মাৎ একরূপে সংসার ত্যাগ করিয়া আসিলে এবং উপযুক্ত বন্দোবস্ত না করিয়া কান্দীবাস করিলে আমি মর্মান্তিক বেদনা পাইব। যাহা হউক যেক্রমে পার আপাততঃ তাঁহার এ অভিপ্রায় রহিত করিবে এবং তিনি আপাততঃ ক্ষান্ত হইলেন এই সম্বাদ সমস্ত কান্দীতে আমার নিকট পাঠাইবে। বাবৎ এ সংবাদ না পাইব তাবৎ আমার দুর্ভাবনা দূর হইবে না। ২৪ দিন কোন মতে এখান হইতে যাইতে পারিব না, নতুবা অন্যই আমি প্রস্থান করিতাম। যাহা হউক যেক্রমে পার তাঁহায় কোন মতে আপাততঃ ক্ষান্ত করিবে, নিতান্ত ক্ষান্ত না হন এই রবিবারে বাটী হইতে আসিতে না দিয়া আমাকে সংবাদ লিখিলে আমি যেক্রমে পারি বাটী যাইব। আমি কার্যিক ভাল আছি, ইতি তারিখ ৩০এ অগ্রহায়ণ।

ভূতাকাজিক্রম:

“**श्रीशिवरचनं धर्मनः ।”**

উক্ত পত্র পিতৃদেব মহাপ্রসাদে দেখান ও শ্রবণ করান হইল তথাপি কাশী বাইবার ভ্রম ব্যগ্র হইলেন। গুজরাত পুনর্বার কান্ধীতে পত্র লেখা হয়। পত্র প্রাপ্তি মাত্রেই আহাৰ নিভ্রা পরিত্যাগপূৰ্বক বৰ্জমান আগমন করেন, তথা হইতে রাত্রিতেই পাকী করিয়া জাহানাবাদ আগমন করেন

ও তথা হইতে বেহারারা আরও আট ফ্রোশ আসিতে অসমর্থ হইলে পদব্রজেই বীরসিংহার বাটীতে আগমন করেন, তিনি অনেক অমুনয় বিনয় ও রোদন করাতেও পিতৃদেব বাটীতে অবস্থিতি করিতে ইচ্ছা করিলেন না কয়েক দিবস পরে পিতৃদেব তাঁহার সমভিব্যাহারে কলিকাতায় গমন করেন। তথায় কতিপয় দিবস রহিলেন এবং অগ্রজ অনেক অমুনয় বিনয় করাতে দেশে আগমন করিবেন স্থির করিলেন। ইতিমধ্যে কনিষ্ঠ ভ্রাতা ঈশানের সহিত পিতৃদেবের কথা প্রসঙ্গে পিতৃদেব তাহাকে বলেন যে ঈশ্বর আমার দেশে ফিরে যাইবার জন্য পীড়াপীড়ি করিতেছে, তোমার মত কি ? ঈশান বলিল, আমার মতে দেশে গিয়া সংসারী ভাবে থাকা আর আপনার উচিত নয়, এই সময় আপনার কাশীধামে গিয়া বাস করা উচিত। কনিষ্ঠ সহোদর ঈশান পিতৃদেবকে এরূপ অসদৃশ নানাবিধ উপদেশ দেওয়াতে একেবারে দেশে যাইবার ইচ্ছা পরিত্যাগ করেন। ঈশান এই কথা বলিয়াছে শুনিয়া অগ্রজ মহাশয় ঈশানের প্রতি অত্যন্ত অসন্তুষ্ট হইলেন এবং বলিলেন আপনি গৃহস্থের মধ্যে থাকিয়া সময়াতিপাত করিতেন। এমনকি আপনাকে কদাচ একাকী কাশী যাইতে দিব না। বাটীর কেহ আপনার সমভিব্যাহারে না থাকিলে নিজে বৃদ্ধ বয়সে পাকাদি কার্য সম্পন্ন করিয়া দিনপাত করা আপনার পক্ষে অতি কষ্টকর হইবে। কোনও উপদেশ না শুনিয়া পিতৃদেব কাশীতে অবস্থিতি করা স্থির করিলেন সুতরাং কাশীধামে সুখস্বচ্ছন্দে অবস্থিতি করিবার বন্দোবস্ত হইল।

যাইবার পূর্বে দাদা বলিলেন আপনি গেলে আমাদের মন অত্যন্ত ব্যাকুল হইবে আমাদের অন্ত কোনও বিনোদের উপায় নাই ; অতএব আপনি সম্মতি প্রদান করিলে চিত্রকর হডসন প্রাণ্টের ঝাঁটী গিয়া তাঁহার দ্বারা পটে আপনার প্রতিমূর্তি অঙ্কিত করিয়া লইব। অতএব আপনাকে আর পুনর দিবস কলিকাতায় অবস্থিতি করিতে হইবে। পিতৃদেব সন্মত হইলে তাঁহার প্রতিমূর্তি অঙ্কিত করাইলেন। ইহাতে ৩০০ টাকা ব্যয় হয়। কিছু দিন পরে ঐ রূপ জননীদেবীরও প্রতিমূর্তি অঙ্কিত করাইলেন, ইহাতেও ৩০০ শত টাকা ব্যয় হয়। দাদা প্রত্যহ অন্ততঃ

হুইবার ঐ মূর্তির দর্শন করিতেন। কর্ণটার ও করানডাকার বাসাতেও বড় প্রতিমূর্তি প্রস্তুত করাইয়া রাখিয়াছিলেন ।

খ্রঃ ১৮৫৯ সালের ১লা এপ্রেল দেশহিউডবী পরম দয়ালু রাজা প্রতাপচন্দ্র সিংহ ও রাজা দ্বৈবরচন্দ্র সিংহ বাহাদুর, অগ্রজ মহাশয়ের পরামর্শে ও উদ্যোগে তাঁহাদের জন্মভূমি কালীগ্রামে ইংরাজী-সংস্কৃত স্কুল স্থাপন করেন। উক্ত রাজাদের জীবিতকাল পর্য্যন্ত অর্থাৎ ১৮৬৬ সাল পর্য্যন্ত ঐ স্কুল বিদ্যাসাগর মহাশয়ের তত্ত্বাবধানে ছিল। বিদ্যাসাগর মহাশয়ই শিক্ষকানি নিযুক্ত করিতেন। রাজাদের টাকায় স্কুলের চেয়ার, ডেস্ক, বেঞ্চ, আলমারি প্রভৃতি ক্রয় করিয়া পাঠাইয়াছিলেন, ও বহুমূল্যবান পুস্তকাদি ক্রয় করিয়া লাইব্রেরী করিয়া দিয়াছিলেন। ঐরূপ বিদ্যালয়-গৃহ ও ঐরূপ লাইব্রেরী মফঃস্বলে দৃষ্ট হয় না। পারিতোষিক প্রদান কালে অগ্রজ মহাশয় স্বয়ং উপস্থিত থাকিতেন, দাদাকে কোথাও বক্তৃতা করিতে শুনা যায় নাই কিন্তু ঐ স্থানে অনেকের অনুরোধে মনের ভাব লিখিয়া দিয়াছিলেন, ঐ লেখা অপরে পাঠ করিয়াছিলেন। ঐ বক্তৃতা তৎকালে সম্বাদ পত্রে প্রচারিত হইয়াছিল।

খ্রঃ ১৮৬৬ সালে যখন রাজা প্রতাপচন্দ্র সিংহ উৎকট রোগে আক্রান্ত হইয়া কালী রাজভবনে কার্তিক মাস হইতে মাঘ মাস পর্য্যন্ত অবস্থিতি করেন, তৎকালে অগ্রজ মহাশয় রাজার রীতিমত চিকিৎসার জন্য কলিকাতার বিখ্যাত ডাক্তার সি, আই, ই, বাবু মহেন্দ্রনাথ সরকারকে মাসিক সহস্র মুদ্রা বেতনে নিযুক্ত করিয়া ও সমভিব্যাহারে লইয়া কালী গমন করেন। অগ্রজ মহাশয় উক্ত চারি মাসের মধ্যে বিশেষ প্রয়োজন বশতঃ ২৩ বার তথা হইতে বাটী আগমন করেন, ৮১০ দিন বাটীতে অবস্থিতি করিয়া পুনর্বার তথায় গমন করেন। উক্ত রাজাদিগকে তিনি সহোদর সদ্গুণ মেহ করিতেন বলিয়া এত দূর নিঃস্বার্থভাবে তাঁহার জীবন রক্ষার জন্য আন্তরিক বহ্ন করিয়াছিলেন। ধনশালী সম্রাট লোকের মধ্যে রাজা প্রতাপচন্দ্র সিংহ বাহাদুর বৈরাগ্য বিনয়ী ও ভয়লোক ছিলেন, সেজন্য প্রায় দৃষ্টিগোচর হয় না। ইনি সৌজন্যাদি গুণসমূহে সাধারণ মানব সমূহকে বশীভূত করিয়াছিলেন।

রাজা, কান্দীপুরের গঙ্গাভীরে মৃত্যুর পূর্বে বিদ্যাসাগর মহাশয়কে স্বীয় সমস্ত সম্পত্তির তত্ত্বাবধান জন্য একমাত্র ট্রস্টী নিযুক্ত করিবার অভিপ্রায় প্রকাশ করিয়াছিলেন কিন্তু অগ্রজ মহাশয় নানা কারণে রাজার প্রস্তাবে সম্মত হইলেন না; তজ্জন্য তিনি অত্যন্ত দুঃখিত হইয়াছিলেন।

রাজা প্রতাপচন্দ্র সিংহের মৃত্যুর পর বিষয় রক্ষণাবেক্ষণের জন্য তাঁহার পিতামহী রাণী কাত্যায়নী অতিশয় ভারিত হইয়াছিলেন। ইতস্ততঃ নানাপ্রকার চিন্তা করিয়া কলিকাতায় অনেক ধনশালী সম্ভ্রান্ত ব্যক্তিদিগকে আনাইলেন কিন্তু ঐ সকল ব্যক্তিদিগের পরস্পর নানা তর্ক বিতর্কের পর কোন বিষয়ের স্থিরীকরণ না হওয়ার রাণী কাত্যায়নী অগ্রজকে আনাইয়া বলিলেন, বিদ্যাসাগর বাবা, আমাকে একরূপ গোল-যোগে ও বিপদে পতিত হইতে দেখা তোমার উচিত নহে। অতএব আমার এই বিপদের সময় আমাদিগকে কি করিতে হইবে সেই সমস্ত নির্ধারণ করিয়া বাবুজীর বিষয়ের কর্তব্য নির্ধারণ করা তোমার অবশ্য-কর্তব্য কর্ণ। অতএব তুমি বিলম্ব না করিয়া অনন্তমনা ও অনন্তকর্ণী হইয়া সত্বর কার্যে প্রবৃত্ত হও। আমার এই উক্তি অপেক্ষা না করিয়া এ কার্যে প্রবৃত্ত হওয়াই তোমার উচিত ছিল। তোমাকে একরূপ কথা আর না বলিতে হয় ইহা যেমন তোমার মনে থাকে। ইহা শ্রবণ করিয়া তিনি বলিলেন, প্রতাপচন্দ্রের মৃত্যুতে আমার মন স্থির না থাকায় একরূপ হইয়াছে, তজ্জন্য কিছু মনে করিবেন না; সত্বর বাহাতে শ্রবণদোষ হয় অব্যাবধি তদ্বিষয়ে প্রবৃত্ত হইলাম। যদিও আপনি বরাবর আমার প্রতি স্নেহ, মমত্ব ও বিশ্বাস করিয়া আসিতেছেন, তথাপি কি জানি সময় দোষে আমার প্রতি দ্বিধা করিয়া পাছে অপরের কথায় কর্ণপাত করিয়া গোলমাল করেন, এই আশঙ্কায়, আপনাকে অনুরোধ করিতেছি, অল্প কোনও ব্যক্তির কথায় কর্ণপাত করিবেন না ও বিচলিত হইবেন না। কারণ তাহা হইলে কার্যক্ষতি হইবার সম্পূর্ণ সম্ভাবনা। তাঁহার এই কথা শ্রবণ করিয়া রাণী বলিলেন, বিদ্যাসাগর বাবা! আমি অস্তের কথায় তোমার প্রতি অবিশ্বাস করিয়া আমার নাহালক এগোঁড়াদিগের কি সর্বনাশ করিব? ইহা তুমি কদাচ মনে

করিও না। তোমার বেরূপ ইচ্ছা ও বিবেচনা হয়, আমি তদনুসারে কার্য করিব ; তদ্বিষয়ে আমি স্থির রহিলাম।

এই সকল কথাবার্তার পর অগ্রজ মহাশয় আইন-পারদর্শী পরম-বন্ধু দ্বারকানাথ মিত্র মহাশয়ের সহিত পরামর্শ করিয়া পাইকপাড়া স্টেট কোর্ট অব ওয়ার্ডের তত্ত্বাবধানে সমর্পণ করা যুক্তিযুক্ত স্থির করিয়া, তৎকালীন লেপ্টেনেন্ট গবর্নর সার্ব সিসিল বীডন মহোদয়ের সদনে গমন করিলেন। হুই এক বিষয়ের কথোপকথনের পর পাইকপাড়ার রাজ-স্টেটের কথা উপাধন করিয়া ঐ স্টেটের বর্ত্তমান শোচনীয় অবস্থা বর্ণন করিলেন। ইহা শ্রবণ করিয়া লেপ্টেনেন্ট গবর্নর বাহাদুর বলিলেন, তোমার মত বন্ধু থাকিতে তাহাদিগের এরূপ শোচনীয় অবস্থা হওয়া তোমার পক্ষে দূষণীয়। তুমি কিরূপে এত দিন ঐ সকল বিষয়ের উপেক্ষা করিয়া তাহাদিগকে ঋণগ্রস্ত হইতে দেখিলে ? তদন্তরে তিনি বলিলেন, তাঁহাদের সমরদোষে ও কর্মদোষে বিষয় কর্ম সম্বন্ধে সকল সময়ে আমার কথা না শুনিয়া ভোগবাসনারই অমুবর্ত্তী হইয়াছিলেন এবং এক্ষণেও বেরূপ অবস্থা দেখিতেছি, তাহাতে আমার মতে এই বিষয় কোর্ট অব ওয়ার্ডে যাওয়া উচিত। তদ্বিষয় রক্ষার আর কোনও উপায় দেখি না। এ বিষয় আমার নিজের দ্বারা রক্ষা হওয়ার সম্ভাবনা অতি অল্প, আপনি নাবালকদের প্রতি দয়া ও অনুগ্রহ প্রকাশ করিয়া আপনারই একমাত্র কর্তব্য কর্ম বিবেচনায় সমস্ত রেশ স্বীকার করিয়া এই বিষয়ের ভার গ্রহণ করুন। এ বিষয়ে নাবালকদের প্রপিতামহী রাণী কাত্যায়নীর সম্মতি করিয়া দিব, তদ্বিষয়ে কোন দ্বিধা করিবেন না, কারণ রাণী কাত্যায়নী আমাকে এ বিষয়ের কর্তব্যাবধানের ভার দিয়াছেন। রাজ-পুত্রদিগকে সম্মতিব্যাহারে করিয়া আপনার নিকট উপস্থিত হইলে আপনি তাহাদের সম্বন্ধে আমাকে এইরূপ তিরস্কার করিবেন। এই-রূপে নানাপ্রকার উপায় উদ্ভাবন করিয়া পাইকপাড়া রাজস্টেট কোর্ট অব ওয়ার্ডে দিব্য ব্যবস্থা করুন। এই কথা পর দাদা রাণী কাত্যায়নীর সম্বন্ধে গমন করিয়া বলিলেন, এক্ষণে আমি রাজপুত্রদিগকে সম্মতিব্যাহারে করিয়া লেপ্টেনেন্ট গবর্নরের নিকট বাইব। এই কথা

গুলি বলিযামাত্র অল্প কথার অপেক্ষা না করিয়া রাণী বলিলেন শুধিবে আমার সম্মতির আবশ্যক নাই। তুমি বাহা ভাগ বুঝিবে তাই করিবে। অগ্রজ মহাশয় রাজপুত্রদিগকে সম্মতিব্যাহারে করিয়া লেপ্টেনেন্ট গবর্নর বাহাহুরের সমীপে উপস্থিত হইলেন। লেপ্টেনেন্ট গবর্নর বাহাহুর সমাদরে সকলকে বসাইয়া কুমার গিরিশচন্দ্র সিংহ বাহাহুরকে সম্বোধন করিয়া বলিলেন, পণ্ডিত বিদ্যাসাগর তোমাদের পিতৃবন্ধু ; ইনি থাকিতে তোমাদের বিষয় কর্মের এরূপ বিশৃঙ্খলা ঘটবার কারণ কি ? এই কথা বলিয়া অগ্রজকে বলিলেন, পণ্ডিত ! আমার বোধ হয়, তুমি, নিজ কর্মে ব্যস্ততা প্রযুক্ত তোমার বন্ধুদিগের প্রতি উপেক্ষা করিয়া তাহাদের বিষয় কর্মের অনুসন্ধান না লওয়ার এবং তোমার পরমবন্ধু এতাপচন্দ্র সিংহকে সহপদেশ ও শাসন না করায় তাঁহাদিগকে ংগ্রহ হইতে হইয়াছে এবং তাঁহাদিগের বিষয় কর্মের বিশৃঙ্খলা ঘটয়াছে। এতদ্বিত্ত তাঁহাদিগের কর্মচারিগণের কার্য ও ব্যবহারে তুমি রীতিমত দৃষ্টি রাখ নাই বলিয়া ঐ কর্মচারীরা ইহাদিগের বধেষ্ট ক্ষতি করিয়াছে। অতঃপর ইহাদের প্রতি বিশেষ দৃষ্টি না রাখিলে তোমাকে ইহাদিগের পিতৃবন্ধু বলিয়া বলিতে পারি না। এইরূপ নানাপ্রকার তিরস্কার করিবার পর সাহেব খীকার করিলেন যে, তিনি পাইকপাড়ার রাজ-স্টেট তাঁহার সাধ্যামুসারে কোর্ট-অব ওয়ার্ডে সমর্পণ করিবার চেষ্টা পাইবেন। এই বলিয়া তাঁহাকে ও রাজপুত্রদিগকে বিদায় দিলেন।

তিনি বিদায় লইয়া রাজকুমারদের সহিত বাসায় আসিয়া তাহাদিগকে পাইকপাড়ার পাঠাইয়া দিলেন। রাজকুমারগণ রাণী কাত্যায়নীকে ছোট লাট ও বিদ্যাসাগরের কথোপকথন শুনি আনুগৃহীক বর্ণন করিলেন। তজ্জ্বলে রাণী সমধিক বয় ও আগ্রহাতিশয় সহকারে দাদাকে পাইকপাড়ার বাটীতে লইয়া গেলেন। রাণী কাত্যায়নী তাঁহাকে বলিলেন, বিদ্যাসাগর বাবা ! তোমা ভিন্ন আর কে আমাদিগের প্রতি এরূপ বয় ও মেহ করিয়া আমাদিগের বিষয় রক্ষা করিবে ? তুমি বই আর আমাদের হিতৈষী কেহই নাই। পরে বিদ্যাসাগর মহাশয়, বাবু দারকামাধ মিত্রের ও ছোট লাটের পরামর্শে চক্ষিণ;

পরগণার কালেক্টার সাহেবের নিকট আবেদন করার, তিনি তাহাতে নিজের সম্মত লিখিয়া কমিসনর সাহেবের নিকট প্রেরণ করেন। কমিসন সাহেব তাঁহার বিরুদ্ধে অভিপ্রায় সহ বোর্ডে প্রেরণ করায় তৎকালীন অধ্যক্ষের মেম্বর ড্যান্সিয়র সাহেব ঐ আবেদন পত্র অগ্রাহ্য করিয়া কমিসন সাহেবের হাত দিয়া কালেক্টার সাহেবের নিকট প্রেরণ করেন। ইহা অবগত হইয়া উইয়া তিন জনে যুক্তি করিয়া পুনর্ব্বার দরখাস্ত করার, ঐরূপ অগ্রাহ্য হয়। ইহাতে দ্বারকানাথ মিত্র আইন পুস্তক ভালরূপ দেখিয়া ও অগ্রজের সহিত পরামর্শ করিয়া ১৮৪৮ সালের ৪০ আইনের ১২ ধারা মতে দরখাস্ত লেখাইয়া নাবালক গিরিশচন্দ্র বাহাদুর দ্বারা চক্ষিপারগণার জজসাহেবের নিকট দরখাস্ত দাখিল করেন। জজ সাহেব সারালক ও নাবালকগণের প্রতি সাহুকুল হইয়া উক্ত আইন অনুসারে দরখাস্ত মঞ্জুর করিয়া কালেক্টার সাহেবের নিকট পাঠান। পূর্ব্বের জ্ঞায় জজ সাহেবের হুকুম অগ্রাহ্য হয়। ইহা দেখিয়া অগ্রজ মহাশয় পুনর্ব্বার দ্বারকানাথ মিত্র মহাশয়ের সহ পরামর্শ করিয়া দরখাস্ত দ্বারা জজ সাহেবকে অবগত করিলে, তিনি আদালত অবজ্ঞার কথা উল্লেখ করিয়া, কালেক্টার সাহেবকে লিখেন যে, আমি ডিষ্ট্রিক্ট জজ উক্ত পাইকপাড়া রাজস্টেট কোর্ট অব ওয়ার্ডে বাইবার হুকুম দিয়াছি। এ হুকুম অনুসারে কার্য না করিলে আইন অনুসারে আদালত অবজ্ঞার দণ্ড পাইবে। এই সময় রাজ-স্টেটের কার্যের দ্রবলো-বস্ত না থাকায় ও স্টেট ষ্টিংজালে জড়িত থাকায়, কালেক্টারি খাজনা দাখিল হয় নাই এবং তদায় দাখিল হইবার সম্ভাবনা ছিল না সুতরাং ১৭৯৩ সালের লাইট বন্দীর আইন অনুসারে সমস্ত জমিদারী বিক্রয় হইবার সম্ভাবনা দেখিয়া, অগ্রজ মহাশয় তদয় পাইয়া, দারজিলিংহ বীডন সাহেবকে পত্র লেখেন। বীডন সাহেব অল্পগ্রহ প্রকাশ করিয়া জমিদারী রক্ষা করেন। তিনি দারজিলিং হইতে লিখেন যে, তোমার অল্পরোধে এ যাত্রা পাইকপাড়া রাজ-স্টেট রক্ষা করিলাম। এরূপ কাহারও হয় না। অতঃপর এরূপ না হয়।

কালেক্টার সাহেব আদালত অবজ্ঞার দণ্ডের ভয়ে দ্বারায় কমিসনর

ও বোর্ডকে অবগত করাইয়া ও মন্বতি লইয়া পাইকপাড়ার রাজ-টেট কোর্ট অব ওয়ার্ডে লইলেন ও সুবন্দোবস্ত করিলেন । কোর্ট অব ওয়ার্ডের সুবন্দোবস্ত অনুসারে পাইকপাড়া রাজ-টেট স্বয়ং দিন মধ্যে দুশেছদ্দয় গণজাল ছিন্ন করিয়া মুক্তি লাভ করিল ।

নিরমাত্মসারে নাবালক রাজপুত্রদিগকে ডাক্তার সি, আই, ই, বাবু রাজেন্দ্রলাল মিত্রের অধীনে থাকিবার আদেশ হওয়ায় রাণী কাত্যারনী রোদন করিতে লাগিলেন । তাঁহার ক্রন্দন দেখিয়া অগ্রজ মহাশয় পুনরায় বীড়ন সাহেবকে অনুরোধ করার তাঁহার আদেশ মতে নাবালকগণ বাটীতে অবস্থিতি করিয়া বিদ্যালয়ে অধ্যয়ন করেন । উপরি উক্ত বৃত্তান্তটি পূর্বে দাদার নিকট শুনিয়াছিলাম, এবং এক্ষণে প্রতাপচন্দ্র সিংহ বাহাদুরের কুটুম্ব বাবু তারিণীচরণ ঘোষ মহাশয়ের ও মেট্রোপলিটান বিদ্যালয়ের অন্যতম শিক্ষক বাবু গোপীকৃষ্ণ মুখো-পাধ্যায় প্রভৃতির প্রকৃষ্টাৎ অবগত হইয়াছি । এই বিষয়ে পাঠ্যেদি নানা কার্যে বিদ্যাসাগর মহাশয়ের হই সহস্র মুদ্রার অধিক ব্যয় হয় । তিনি যখন বাহার উপকারার্থে পরিশ্রম করেন, তদ্বিষয়ে নানাহানে গমন জন্ত বাহা ব্যয় হইত তাহা কাহারও নিকট কখনও গ্রহণ করেন নাই । এরূপ কার্য না করিলে পাইকপাড়ার রাজটেটের ও রাজকুমার-দিগের যে কি অবস্থা বাটত, তাহা পাঠকগণ অনুমান করিয়া লইবেন ।

খ্রঃ ১৮৫৯ সালে তিনি যখন কালীতে বিদ্যালয় স্থাপন মানসে গমন করেন, তৎকালে তথায় বাবু লালমোহন ঘোষের পত্নী শ্রীমতী ক্ষেত্রমণিদাসী অগ্রজের সহিত সাক্ষাৎ করিবার মানসে সম্বাদ পাঠান । তাহাতে তিনি রাজাদিগকে বলেন, যিনি সাক্ষাৎ করিবেন, ইনি আপ-নাদের কে হন । রাজারা বলিলেন, এবাটীর ভাগিনের-বধূ লালমোহন ঘোষের পত্নী শ্রীমতী ক্ষেত্রমণিদাসী ; ইনি কলিকাতা নির্বাসী মৃত জগদ্বল্লভ সিংহের কন্যা । আপনি উহাকে বাল্যকালে কলিকাতায় দেখিয়াছিলেন । ইনি মধ্যে মধ্যে আপনার নাম করিয়া থাকেন । শুনিয়া দাদা বলিলেন, আমি উহার সহিত দেখা করিব কি না ? ভোমাতার মত কি ? রাজারা বলিলেন, আপনি উহার সহিত অবশ্য দেখা করিতে পারেন ।

পরে সাক্ষাৎ হইলে ক্ষেত্রমণি বলিলেন, খুড়া মহাশয় ! বাল্যকালে আমার পিত্রালয়ে আপনাদের বাসা ছিল। আপনি আমাকে কোলে করিয়া মানুষ করেন, এবং কতই স্নেহ ও যত্ন করিতেন। বোধ করি, তাহা আপনি বিস্মৃত হইয়া থাকিবেন। এক্ষণে আমি কষ্টে পড়িয়াছি, আমার স্বামীর বাহা আয় আছে, তৎসমস্তই তিনি ব্রাহ্মণভোজনাদি সংকার্য্যে ব্যয় করিয়া থাকেন। এক্ষণে আমাদের অনেক ঋণ হইয়াছে, তজ্জন্তু বিশেষ ভাবিত হইয়াছি, একথা অন্তের নিকট প্রকাশ করি নাই। আপনি পিতৃব্য তুল্য, আপনি আমার ভ্রাতা, ভুবনমোহন সিংহকে মাসে মাসে ৩০ টাকা মাসহরা দিতেছেন, তাহাতে তাঁহার সাংসারিক কষ্ট নিবারণ করিয়াছেন। এই সকল কথা শুনিয়া অগ্রজের চক্ষুর জলে বন্ধঃস্থল ভাসিয়া গেল, এবং তিনি বলিলেন, আমরা তোমার পিতামহ ও তোমার পিতার কতই খাইয়াছি। বাল্যকালে তোমার জননী ও পিতৃস্বসা রাই দিদি আমাকে পুত্রবৎ স্নেহ করিয়াছেন। তাঁহাদের যত্নেই বাল্যকালে কলিকাতায় অবস্থিতি করিতে পারিয়াছিলাম। তদবধি তিনি ক্ষেত্রমণিকে মাসিক ১০ টাকা দিতেন, এবং ঋণ পরিশোধের জন্তও তৎকালে কিছু কিছু পাঠাইয়াছিলেন।

পূর্বে পাইকপাড়ার রাজাদের সহিত বধন তাঁহার প্রথম আলাপ হয়, তৎকালে তিনি মধ্য মধ্য পাইকপাড়া বাইতেন। একদিন বৈকালে গাড়িতে বাইতেছিলেন, রাজবাটীর নিকট একজন মুদি ডাকিতে লাগিল, ঈশ্বর খুড়া, এদিকে কোথায় বাইতেছ, শুনিয়া গাড়ি ধামাইলেন। সেই নরিয় মুদি বলিল, ঈশ্বর ভাল আছ ? তাহাতে অগ্রজ বলিলেন, হাঁ রামধন খুড়া। রামধন, দাদাকে বসিবার জন্ত দুর্কীষাসের উপর একটা চট বিছাইয়া দিলে তিনি তাহাতে বসিয়া, একটা খেলো হুকায় তামাক খাইতেছেন, এমনত সময়ে, রাজাদের বাটীর কয়েকটি বাবু গাড়িতে চড়িয়া হাওয়া খাইতে বাইতেছিলেন। তাঁহাকে দেখিয়া উঁহারা আশ্চর্য্যাবিত হইলেন যে, বিদ্যাসাগর মহাশয় সামান্ত একজন ইতর মুদির দোকানের সম্মুখভাগে রাজ্যের ধারে বসিয়া উঁহার সহিত গল্প ও হাস্য করিতেছেন। বাবুরা বেড়াইয়া বধন প্রত্যাগমন করেন, তিনি তখনও

ঐ স্থানে বসিয়া আছেন দেখিয়া বাবুরা মুখ কিরাইয়া বাটী আইসেন । পরে তিনি ঐ মুদির নিকট বিদায় লইয়া রাজাদের বাটী গমন করেন । রাজবাটীর করেকটী বাবু তাঁহাকে বলিলেন, মহাশয় ! সামান্য লোকের দোকানে চটের উপর বসিয়াছিলেন কেন ? আপনার অপমান বোধ হয় না । ইহা শুনিয়া অগ্রেজ বলিলেন, তোমাদের ধানকয়েক চিয়ার আছে বলিয়া কি তোমরা বড় লোক । আমি দরিদ্র লোকের বাটীতে বসিয়া বড় লুখী হই, তত বড় লোকের বাটীতে বসিয়া তৃপ্তিলাভ করিতে পারি না । আমার সহিত তোমাদের বসিতে যদি নিলা হয়, তাহা হইলে আমি আর আসিব না । শুনিয়া তাঁহারা বলিলেন, মহাশয় ! কমা করুন । দাদা বলিলেন, আমার পক্ষে ধনশালী ও দরিদ্র উভয়ই সমান ।

খ্রঃ ১৮৬৪ সালের জানুয়ারি মাসে পূজ্যপাদ প্রেমচন্দ্র তর্কবাগীশ মহাশয় পেনসন লইয়া কালীষাত্রা করিবার উদ্যোগ পাইলে অলঙ্কার শাস্ত্রের পদ শূন্ত হয় । তর্কবাগীশ মহাশয়ের সহোদর রামময় চট্টোপাধ্যায় মহাশয় সংস্কৃত কলেজে কাব্য, অলঙ্কার, জ্যোতিষ, স্মৃতি ও দর্শনের কিয়দংশ অধ্যয়ন করিয়া সংস্কৃত কলেজের উচ্চশ্রেণীর বৃত্তি প্রাপ্ত হন । রামময় ভট্টাচার্য মহাশয় তৎকালে কাব্য ও অলঙ্কারে বিশেষ ব্যুৎপত্তি লাভ করিয়াছিলেন ; আর সংস্কৃত গদ্যপদ্য রচনার তাঁহার অসাধারণ ক্ষমতা ছিল । তর্কবাগীশ মহাশয় ও অজ্ঞাত লোকে মনে করিয়াছিলেন যে, রামময়ই তাঁহার ভ্রাতার পদ পাইবার উপযুক্ত । কিন্তু এ পক্ষে মহেশচন্দ্র স্মারক মহাশয়ও ঐ পদ প্রাপ্ত্যভিলাষে আবেদন করেন । তৎকালে স্মারক মহাশয়ও ঐ পদ প্রাপ্ত্যভিলাষে করিয়াছিলেন । যদিও ইনি সংস্কৃত কলেজের ছাত্র নহেন, তথাপি কাব্য ও অলঙ্কারে ব্যুৎপত্তি লাভ করিয়াছিলেন । একটী পদ শূন্ত, কিন্তু উক্ত পণ্ডিত দুইজনেই পদপ্রার্থী । কাউএল সাহেব ঐ পদে কাহাকে নিযুক্ত করিবেন ভাবিয়া কিছুই স্থির করিতে না পারিয়া বিদ্যাভাগর মহাশয়কে জিজ্ঞাসা করেন যে, একটী পদ শূন্ত আছে, উক্ত দুই পণ্ডিতের মধ্যে কে ঐ পদের উপযুক্ত লোক, তাহা নির্দাচন করিয়া দেন । আমি কাহাকে ঐ পদ দিব স্থির করিতে পারি নাই । তৎকালে ভাগ্যদেবী

মহেশ জায়রামের পক্ষে অমুকুল থাকায় দাদা বলিলেন, অলঙ্কার প্রেণীতে কাব্যপ্রকাশ পড়াইতে হইলে জায় ডাল জানা আবশ্যিক । মহেশ জায়রাম সমগ্র জায়শাস্ত্র রীতিমত অধ্যয়ন করিয়া বিশেষরূপ ব্যুৎপত্তি লাভ করিয়াছেন । অতএব আমার মতে জায়রাম ঐ কার্য্য পাইবার উপযুক্ত পাত্র । কাউএল সাহেব বিভাসাগর মহাশয়ের কথায় জায়রাম মহাশয়ের নামে রিপোর্ট করিয়া ঐ পদে জায়রাম মহাশয়কে নিযুক্ত করেন । জায়রাম মহাশয়ের উন্নতির মূল বিভাসাগর মহাশয় । এই বৃন্তান্তটী কাশীতে জয়নারায়ণ তর্কপঞ্চানন মহাশয় ও প্রেমচাঁদ তর্কবাগীশ মহাশয়ের প্রমুখ্যে শুনিয়াছি ।

হোমিওপ্যাথি ।

বহুবাজার মল্লার নিবাসী দেশহিঁতেবী সন্তোষবংশোদ্ভব বাবু রাজেন্দ্র দত্ত মহাশয়ের সহিত অগ্রজ মহাশয়ের অত্যন্ত প্রণয় ছিল । এক দিবস উভয়ে কথোপকথন করিয়া স্থির করিলেন যে, ডাক্তার বেরিনি সাহেব কলিকাতার আসিয়া হোমিওপ্যাথি চিকিৎসা ব্যবসায়ের চেষ্টা করিয়া কৃতকার্য্য হইতে পারিতেছেন না । অতএব এ বিষয়ে উপেক্ষা না করিয়া হোমিওপ্যাথি চিকিৎসা কিরূপ তাহা পরীক্ষা করিয়া দেখা উচিত । কিয়ৎক্ষণ পরে দাদা বলিলেন, রাজেন্দ্র ! তুমি এক্ষণে বিষয় কর্ত্ত্ব হইতে অবসর পাইয়াছ, অতএব তোমারই এ বিষয়ের পরীক্ষা করা উচিত । এইরূপ কথা বার্ত্তার পর রাজেন্দ্রবাবু বেরিনি সাহেবের সহিত কথাবার্ত্তা করিয়া তাঁহার উপদেশানুসারে হোমিওপ্যাথি চিকিৎসা অল্প দিনের মধ্যেই শিক্ষা করিলেন । প্রথমতঃ রাজেন্দ্রবাবু মল্লার নিজ বাটীতেই হোমিওপ্যাথি চিকিৎসা আরম্ভ করিলেন এবং কলিকাতা সহরে উপনগর সমূহে চিকিৎসার উদ্যোগ করিয়া কৃতকার্য্য হইতে পারিলেন না । অনেকে বলিতে লাগিল, যদি হোমিওপ্যাথি চিকিৎসা ভাল এবং বিভাসাগর মহাশয় আপনার পরমবন্ধু, তবে তাঁহাকে অগ্রে কেন না চিকিৎসা করেন । এইরূপ নানা প্রকার বুদ্ধিবুদ্ধ বাহানুবাদের পর রাজেন্দ্র

বাবু দাদার চিকিৎসা আরম্ভ করিলেন । কয়েক দিবসের পর বিদ্যাসাগর মহাশয়ের শিরঃপীড়া প্রভৃতি রোগের উপশম হইল । রাজেন্দ্র বাবু অগ্রজ মহাশয়ের পরবন্ধ রাজকৃষ্ণ বাবুকে মলকটক পীড়ার কয়েক দিন ঔষধ সেবন করাইয়া ভাল করেন । ইহা দেখিয়া অনেকেই রাজেন্দ্র বাবুর ঔষধ সেবন করিতে লাগিল । সৌভাগ্য ক্রমে রাজেন্দ্রবাবু অনেক উৎকট ও অসাধ্য রোগ ভাল করিতে লাগিলেন । অগ্রজও হোমিওপ্যাথি চিকিৎসা শিক্ষা করিয়া চিকিৎসা আরম্ভ করিলেন এবং অনেক অমুগত ব্যক্তি-দিগকে হোমিওপ্যাথি চিকিৎসাব্যবসায়ী করিবার জন্ত রাজেন্দ্রবাবুর নিকট পাঠাইতে লাগিলেন । ঐ সকল ব্যক্তির রাজেন্দ্র বাবুর দাতব্য চিকিৎসালয়ে ভালরূপ শিক্ষা করিয়া দিগ্দিগন্তে গমন করিয়া চিকিৎসা ব্যবসা করিয়া উন্নতি লাভ করিয়াছেন । অগ্রজ মহাশয়, মধ্যম মহোদয় দীনবন্ধু স্তায়রসকে পুস্তক ও ঔষধের বাস্তু দিয়া বীরসিংহ বাইয়া দেশের লোককে চিকিৎসা করিতে বলেন । তিনি দেশে বাইয়া অনন্তকর্ম্ম ও অনন্তমনা হইয়া চিকিৎসা করিতে প্রবৃত্ত হইলেন, এবং কতকগুলি লোককে হোমিওপ্যাথি চিকিৎসা শিক্ষা দিতে লাগিলেন । অন্যান্যি ইঁহঁর অনেক ছাত্র নানা স্থানে অবস্থিতি করিয়া ব্যবসা করিতেছেন ।

বাবু লোকনাথ মৈত্র পূর্বে সামান্য বেতনে রাইটারি কর্ত্ত করিতেন, তিনিও দুর্ঘটনা প্রযুক্ত দাদার সাহায্যে রাজেন্দ্র বাবুর নিকট হোমিওপ্যাথি চিকিৎসা শিক্ষা করিলে পর, অগ্রজ মহাশয় পত্র লিখিয়া কাশীতে রাজা দেবনারায়ণ সিংহের নিকট পাঠাইয়া দেন । তথায় লোকনাথ বাবু বিলক্ষণ প্রতিপত্তি লাভ করিয়াছিলেন । এক সময়ে কাশীর মাজি-স্ট্রেট আয়রন সাইড মহোদয়ের পত্নীর অসাধ্য পীড়া হইয়াছিল । নানা-রূপ চিকিৎসার পর পরিশেষে লোকনাথ বাবুর হোমিওপ্যাথি চিকিৎসায় আরোগ্য লাভ করেন । তজ্জন্ত লোকনাথ বাবু ঐ সাহেবের প্রিয়-পাত্র হইয়াছিলেন এবং সাহেব চাঁদা সংগ্রহ করিয়া একটি দাতব্য হোমিওপ্যাথি চিকিৎসালয় স্থাপন করিয়া উক্ত লোকনাথ বাবুকে চিকিৎসক নিযুক্ত করেন । পরে কাশীতে লোকনাথ বাবুর নিকট অনেকেই চিকিৎসা শিক্ষা করিয়া নানাভাবে বাইয়া চিকিৎসা ব্যবসায়ে প্রবৃত্ত হন ।

মুদ্রাসিদ্ধ সি, আই, ই, ডাক্তার মহেন্দ্রলাল সরকার মহাশয়ের প্রথমে হোমিওপ্যাথি চিকিৎসায় আস্থা ছিল না। কিন্তু উক্ত মহেন্দ্র বাবু মধ্য মধ্যে ভাবিতেন, বিদ্যাসাগর মহাশয় ভারতে অদ্বিতীয় ব্যক্তি হইয়াও হোমিওপ্যাথির এত গোঁড়া কেন ? এক দিবস অগ্রজের সহিত অনেক বাদানুবাদের পর হোমিওপ্যাথি চিকিৎসা কিরূপ তাহা পরীক্ষা করিবার জন্ত তাঁহার নিকট স্বীকার করেন। এক দিবস মহেন্দ্র বাবু ও দাদা ভবানীপুরে অনারেবেল বাবু দ্বারকানাথ মিত্র মহোদয়কে দেখিতে গিয়াছিলেন। তথা হইতে উভয়ে বাটী আসিবার সময় এক শকটে আইসেন। আমিও উহাদের সমভিব্যাহারে ছিলাম। গাড়িতে হোমিওপ্যাথি চিকিৎসা উপলক্ষে ভয়ানক বাদানুবাদ হইতে লাগিল, দেখিয়া শুনিয়া আমি বলিলাম, মহাশয় ! আমাকে নাবাইয়া দেন। আপনাদের বিবাদে আমার কর্ণে তাল লাগিল। পরিশেষে উহাদের স্থির হইল যে মহেন্দ্র বাবু পরীক্ষা না করিয়া কথায় বিশ্বাস করিবেন না। অনন্তর মহেন্দ্র বাবু দিন কয়েক পরীক্ষা করিয়া বুঝিতে পারিলেন যে বর্তমান বাবতীয় চিকিৎসা প্রণালীর মধ্যে হোমিওপ্যাথি চিকিৎসা উৎকৃষ্ট, এই বিবেচনায় মহেন্দ্র বাবু এলাপ্যাথি চিকিৎসা পরিত্যাগ করিয়া হোমিওপ্যাথি চিকিৎসা করিতে আরম্ভ করেন। সম্প্রতি কলিকাতার মধ্যে মহেন্দ্র বাবুই হোমিওপ্যাথি চিকিৎসায় সর্বাপেক্ষা প্রতিপত্তি ও মূখ্য্যতি লাভ করিয়াছেন।

বিদ্যাসাগর মহাশয় প্রতি বৎসর ধ্যাকার কোম্পানি দ্বারা অর্ডার দিয়া বিলাত হইতে অনেক টাকার হোমিওপ্যাথিক পুস্তক আনাইয়া প্রচার জন্ত অনেককে বিনামূল্যে বিতরণ করিয়াছেন। খৃঃ ১৮৭৭ সাল হইতে প্রতি বৎসর প্রায় দুই শত টাকার ঔষধ ও পুস্তক লইয়া বিতরণ করিতেন। অনেক আত্মীয় ব্যক্তি বাহারা এলাপ্যাথির গোঁড়া ছিল এবং বাহাদের হোমিওপ্যাথিতে আস্থা ছিল না, হোমিওপ্যাথির উৎকর্ষ জানাইবার জন্ত তিনি বেঙ্গল হোমিওপ্যাথি ডিস্পেনসারির দায়ী, তাঁহার আত্মীয়, বাবু লালবিহারী মিত্র মহাশয়ের নিকট হইতে অনেক পুস্তক এবং ঔষধের বাস নিজে ব্যয়ে ক্রয় করিয়া তাহাদিগকে

উক্ত চিকিৎসা শিক্ষা ও পরীক্ষা করিতে দিতেন। তাঁহার এত সহণ ছিল যে, এক দিবস উক্ত লালবিহারী বাবুর ডিম্পোনসরিতে আলমারি খুলিয়া পুস্তক দেখিবার সময়ে তিনি অভ্যস্ত ব্যগ্র হইয়াছিলেন এবং উক্ত আলমারি হইতে একটি লৌহের কৰ্ক প্রেসার তাঁহার পায়ের বুচ্ছ অঙ্গুলির উপর পতিত হয় ; তাহাতে এত গুরুতর আঘাত লাগিয়াছিল যে, তাঁহাকে প্রায় মাসাবধি শয্যাগত থাকিতে হয়, কিন্তু আঘাত লাগিবার সময় পাছে লালবিহারী বাবুর মনে দুঃখ হয়, একারণ তিনি মুখের বিকৃত ভাব প্রকাশ করেন নাই। সহজভাবে পুস্তকাদি দেখিয়া বাটীতে প্রত্যাগমন করেন। মৃত্যুর পূর্বে এই লালবিহারী বাবুকে শেষ পত্র লিখিয়াছিলেন। হোমিওপ্যাথি পুস্তক বিদ্যাভাগর মহাশয়ের লাই-ব্রেরীতে যেরূপ দৃষ্ট হয় এরূপ অপরের পুস্তকালয়ে দৃষ্ট হয় না। পূর্বে বেরিনি কোম্পানি ও অজ্ঞাত স্থান হইতে হোমিওপ্যাথি পুস্তক লইতেন। যে অবধি লালবিহারী বাবুর সহিত পরিচয় হয়, সেই অবধি অপর স্থানে লইতেন না।

ভূভিক্ষ ।

সন ১২৭২ সালে এ প্রদেশে অনাবৃষ্টি প্রযুক্ত কিছু মাত্র ধানাদি শস্ত উৎপন্ন হয় নাই, সুতরাং সাধারণ লোকের দিনপাত হওয়া দুষ্কর হয়। ঐ সালের পৌষ মাসে কোন কোন কৃষক বংশামান্য ধান্স পাইয়াছিল, তাহাও প্রায় মহাজনগণ আদায় করেন। কৃষকদের বাটীতে কিছু মাত্র ধান্স ছিল না। দুঃসময় দেখিয়া ভদ্রলোকেরা ইতর লোককে কোনও কাজ কর্ত্ত করান নাই, সুতরাং বাহারা নিত্য মজুরি করিয়া দিনপাত করিত, তাহাদের দিনপাত হওয়া কঠিন হইল। আহানাবাদ মহকুমার অন্তঃপাতী ক্ষীরগাই, রাধানগর, চত্রকোণা প্রভৃতি গ্রামে অধিকাংশ তাঁতিবাস। তাঁতিরা বস্ত্র বরন ব্যতীত অন্য কোন কার্য

করিতে অক্ষম । সুতরাং যে অবধি বিলাতি কলের কাপড় হইয়াছে, তদবধি উক্তব্যয়পণের অবস্থা ক্রমশঃ হ্রাস হইয়া আসিতেছিল । ঘেরূপ কাপড় ইহার ২৫০ টাকা ঘোড়া বিক্রয় করিত সেইরূপ কলের কাপড় ১৫০ বা ১৬০ ঘোড়া বিক্রয় হইতেছিল, সুতরাং তৎকালে ইহাদের বস্ত্র বিক্রয় হইত না । ঐ সময়ে টাকায় পাঁচ মের চাউল বিক্রয় হইত, তাহাও সকল সময়ে দুপ্রাপ্য । মাঘ, কাশ্বন, চৈত্র এই তিন মাস অনেকেই ঘটা বাটী ও অলঙ্কার বিক্রয় করিয়া কথকিং প্রাণধারণ করে ; পরে চাউল ক্রয়ে অপারক হইয়া কেহ কেহ বুনা ওল ও কচু খাইয়া দিনপাত করে এবং নানা প্রকার কষ্ট ভোগ করিয়া অনাহারে অকালে কালগ্রাসে নিপতিত হয় । খত শত ব্যক্তি সমস্ত জুবাড়ি বিক্রয় করিয়া গেটের জালার কলিকাতায় প্রস্থান করে, ও তথায় পথে পথে তিক্ষা করিয়া উদ্বরণপূর্তি করিত । ৭৩ সালের বৈশাখ, জ্যৈষ্ঠ, আষাঢ় মাসে এ ঐদেশের অর্থাৎ জাহানাবাদ মহকুমার প্রায় অশীতিসহস্র লোক অন্ন-ভাব প্রযুক্ত কলিকাতায় বাইয়া তথাকার অন্নচ্ছত্রে ভোজন করিত । তৎকালে কেহ জাতির বিচার করে নাই । জননী সন্তানকে পথে ফেলিয়া দিয়া কলিকাতা প্রস্থান করেন । অনেক কুলকামিনী জাত্যভি-মানে জলাঞ্জলি দিয়া জাত্যন্তরিতা হয় । চতুর্দিকেই হাহাকার শব্দ, কেহ কাহারও প্রতি দয়া করে নাই, সকলেই অন্নচিন্তায় ব্যাকুল হইয়াছিল ।

আমাদের বীরসিংহবাসী অধিকাংশ লোক প্রাতঃকাল হইতে রাত্রি ১০টা পর্যন্ত আমাদের দ্বারে দণ্ডায়মান থাকিত । তাহাদিগকে ভোজন না করাইয়া আমরা ভোজন করিতে পারিতাম না । কোনও কোনও দিন রাত্রিতেও সন্নিহিত গ্রামের উত্তরলোকগণ উক্তের জালার দ্বারে উপস্থিত হইয়া চীৎকার করিত, তাহাদিগকে বাইতে না দিলে সমস্ত রাত্রি চীৎকার করিতেন । এইরূপ বৈশাখ, জ্যৈষ্ঠ, আষাঢ় মাসে কোন দিগে সন্ধ্যা, কোন দিগে আশী জন লোক জুবার এসীড়িত হইয়া চীৎকার করিত । এই সকল সংবাদ কলিকাতার অগ্রজ মহাশয়কে লেখা হয় ; তিনি উত্তর লিখেন যে, বঙ্গীয় বীরসিংহ ও উহার সন্নিহিত ৬৭টা

গ্রামের দরিদ্রগণকে প্রত্যহ ভোজন করাইতে পারিব। অন্তান্ত গ্রামের লোককে কেনন করিয়া ধাওয়াইতে পারি। যেহেতু আমি বনশালী লোক নহি। অপরাপন্ন গ্রামের দরিদ্রদিগকে প্রত্যহ ভোজন করাইতে হইলে অনেক ব্যয় হইবে। এমন স্থলে জাহানাবাদের ডেপুটী মাজিস্ট্রেট বাবু ঈশ্বরচন্দ্র মিত্রকে আমার নাম করিয়া বলিবে যে তিনি জাহানাবাদ মহকুমার হুর্ভিগের কথা গবর্ণমেন্টে রিপোর্ট করিলে, আমি এখানে লেন্টেনেন্ট গবর্ণর মিসিল বীডনকে বলিয়া সাহায্য করাইতে পারিব। অগ্রজ মহাশয়ের আদেশ পত্রানুসারে জাহানাবাদের ডেপুটী মাজিস্ট্রেট বাবু ঈশ্বরচন্দ্র মিত্রকে বিশেষ বলায় তিনি মধ্যমাগ্রজ দীনবন্ধু শ্যামরত্নসহ বাঁটাল, ক্ষীরপাই, রাধানগর, চন্দ্রকোণা, রামজীবনপুর প্রভৃতি গ্রাম সকল ভ্রমণ ও পর্য্যবেক্ষণ করিয়া প্রজাপণের চুরাবহার বৃত্তান্ত রিপোর্ট করেন। তথায় অগ্রজ, বীডন সাহেব ও অন্তান্ত সাহেবকে অতুরোধ করায়, লেন্টেনেন্ট গবর্ণর বীডন সাহেব হানে হানে অন্নচ্ছত্র স্থাপন ক্ষত ডেপুটী মাজিস্ট্রেট বাবুকে আদেশ করেন। বাবু ঈশ্বরচন্দ্র মিত্র ক্ষীরপাই, চন্দ্রকোণা, রামজীবনপুর, শ্রামবাজার, জাহানাবাদ, থানাভুল, প্রভৃতি এই কয়েকটি বিখ্যাত ও বহুজনাকীর্ণ গ্রামে গবর্ণমেন্টের অন্নচ্ছত্র স্থাপন করেন। কার্যদক্ষ বাবু ঈশ্বরচন্দ্র মিত্র মহাশয় অনন্ত-কর্মী ও অনন্তমনা হইয়া এ প্রদেশের সত্রান্ত লোকের দ্বারে দ্বারে ভ্রমণ পূর্ব্বক বধেট টাকা সংগ্রহ করিয়া উক্ত অন্নচ্ছত্রের সাহায্যার্থ প্রদান করেন; এবং হানীর সত্রান্ত লোকদিগকে ঐ অন্নচ্ছত্রের উদ্ধাবণায়ক করেন। প্রত্যহ উক্ত অন্নচ্ছত্র সকলে হানীর অভুক্ত দরিদ্র সমূহ ভোজন করিয়া প্রাপ্যরূপ করিতে লাগিল। প্রাণ তাত্র আধিন কার্তিক ও অগ্রহারণ পর্য্যন্ত গবর্ণমেন্টের অন্নচ্ছত্রের কার্য চলিল। ইহাতে দরিদ্র লোকেরা ভোজন করিয়া প্রাপ্যরূপ করে। বাহারা পেটের আলস্য দেশ পরিত্যাগ করিয়া কলিকাতায় প্রস্থান করিয়াছিল, তাহাদিগকে গবর্ণমেন্ট পথদরচাদি প্রদানপূর্ব্বক দেশে পাঠাইয়া দেন।

অগ্রজ মহাশয় নিজ জম্ভূমি বীরসিং ও তৎসংলগ্ন পাথরা, কৈচে, জর্জুন বাড়ী, বুয়ালিরা, কৌমারসা, রাধানগর, উদয়নগর, কুয়ান, মাধুনপুর

প্রভৃতি কয়েকখানি গ্রামবাসী নিরুপায় লোকের প্রতি দয়া করিয়া বীর-
সিংহায় অন্নচ্ছত্র স্থাপন করেন। প্রথমে কাষ্ঠ সংগ্রহের এই বন্দোবস্ত হয়
যে, তিন জন করাতি প্রত্যহ তেঁতুল গাছ ক্রয় করিয়া ছেদন করিবে, ও
১২ জন মজুর কাষ্ঠ চেলাইবে। ১২ জন ব্রাহ্মণ প্রাতঃকাল হইতে ক্রমিক
খেচরান্ন পাক করিবে, ২০ জন স্কুলের ছাত্র ও স্থানীয় ভদ্রলোক
পরিবেশন করিবে। দুই জন ভদ্রলোক ও ২ জন দ্বারবান প্রত্যহ খাঁটাল
হইতে চাউল, দাউল, লবণ ক্রয় করিয়া আনয়ন জন্ত নিযুক্ত হইল।
অর্দ্ধমন চাউল দাউলের খেচরান্ন পাক হইবে এরূপ চারিটি বড় পিতলের
হাঁড়া রাধানগরের চৌধুরী বাবুদের বাটী হইতে আনীত হয়। এবং
কলিকাতা হইতেও বড় বড় কটাহ ও পিতলের হাঁড়ী আনীত হইয়া-
ছিল। বৈশাখ, জ্যৈষ্ঠ, আষাঢ় ও শ্রাবণ মাস পর্যন্ত বাহারা নিজ
বাটীতে ভোজন করিত, অতঃপর তাহাদিগকে বাটীতে ভোজ্যদ্রব্য না
দিয়া অন্নচ্ছত্রে ভোজনের আদেশ দেওয়া হইল। প্রথমতঃ গ্রামস্থ লোক-
দিগের ভোজন করিবার এই ব্যবস্থা হয় যে, যে ভদ্র লোক অন্নচ্ছত্রে
ভোজন করিতে কুণ্ঠিত হইবেন, তাঁহারা লোকসংখ্যা হিসাবে সিদা
পাইবেন। অগ্রজ মহাশয় স্বয়ং এরূপ সিদার ব্যবস্থা করিয়া দিয়া কলি-
কাতা গ্রহান করেন। শ্রাবণ মাসে ষৎকালে স্বতন্ত্র বাটীতে অন্নচ্ছত্র
স্থাপন হয়, ঐ সময়ে, গ্রামস্থ লোকই ভোজন করিতে পায়। ভাদ্র মাস
হইতে রাধানগর, কেঁচে, অর্জুন আড়ী, কোঁমারসা প্রভৃতি চতুর্দ্বিগের
লোক আসিয়া ভোজন করায় ক্রমশঃ লোকসংখ্যা বৃদ্ধি হইতে লাগিল।
এই সমাচার কলিকাতায় অগ্রজ মহাশয়কে বিস্তারিত রূপে লেখা হয়,
তিনি উত্তর লিখেন, অভূক্ত ষত লোক আসিবে সকলকেই সমাদর পূর্বক
ভোজন করাইবে; কেহ যেন অভূক্ত ফিরিয়া না যায়। স্বরায় টাকা
পাঠাইতেছি এবং আমিও সত্তর বাটী বাইতেছি। যে কয়েক মাস দেশে
অন্নচ্ছত্র ছিল সেই সময়ে তিনি মাসে প্রায় একবার করিয়া বাটী
আগমন করিতেন।

অনেক নিরুপায় দরিদ্র লোক ছোট ছোট বালক বালিকা ঐ অন্ন-
চ্ছত্রে কেলিয়া স্থানান্তরে গ্রহান করে। ঐ বালকবালিকাগণের রক্ষণা-

বেশক জন্য করেক জন লোক নিযুক্ত করা হয়। দশ মাসের পূর্ববর্তী করেকটি স্ত্রীলোক প্রত্যহ ভোজন করিত। অনেকের অনুরোধে পড়িয়া উহাদের সাধ দেওয়া হয়। ঐ সাধ ভক্ষণ দিবস অন্নচ্ছত্রের সকলকেই দধি, মংস্য, পায়স, মিষ্টান্ন প্রভৃতি ভোজন করান হয়। এসবের পর ঐ নবপ্রস্তুত সন্তানের হৃৎ ও প্রসূতিদের পথের ব্যবস্থা হয়। কিছু দিনের পর ঐ প্রসূতিদের মধ্যে একটি মৃত্যুমুখে নিপতিত হইলে উহার ছেলের রক্ষণাবেক্ষণের জন্য লোক নিযুক্ত হয়। ঐ সন্তানের ক্রমিক ১৭ বৎসর বয়ঃক্রম পর্যন্ত সমস্ত ব্যয় নির্বাহ করা হইয়াছিল। বিদেশীয় করেকজন লোক ভোজন করিতে করিতে অন্নচ্ছত্রে প্রাণত্যাগ করে, কিন্তু এক পাকিতে উভয় পার্শ্বের লোক মৃতদেহ প্রত্যক্ষ অবলোকন করিয়া, কেহ ঘৃণা বা অশ্রদ্ধা না করিয়া ভোজন করিতে ক্ষান্ত হয় নাই। তদ্বারা ঐ মৃতদেহ অপসারিত করা হইল। প্রথমাবস্থার সময় দৃষ্ট হইয়াছে যে, কেহ কেহ স্বীয় প্রাণসম সন্তানগণের হস্ত ধারণ পূর্বক স্বয়ং সমস্ত খাইয়া ফেলিত; তৎকালে কেহ কাহারও প্রতি স্নেহ মমতা করিত না, সকলেই সত্য স্বীয় স্বীয় উদরের জ্বালায় বিব্রত। কিছু দিন পরে ঐ ভাব তিরোহিত হইয়াছিল। অন্নচ্ছত্রে ভোজনকারিণী স্ত্রীলোকদের মস্তকের কেশগুলি তৈলাভাবে বিরূপ দেখাইত। অগ্রজ মহাশয় তাহা অবলোকন করিয়া দুঃখিত হইয়া তৈলের ব্যবস্থা করিয়াছিলেন, প্রত্যেককে দুই পলা করিয়া তৈল দেওয়া হইত। বাহারা তৈল বিতরণ করিত, তাহারা পাছে মুচি, হাড়ী, ডোম প্রভৃতি অপকৃষ্ট জাতীয় স্ত্রীলোক স্পর্শ করে এই আশঙ্কায় তফাৎ হইতে তৈল দিত, ইহা দেখিয়া অগ্রজ মহাশয় স্বয়ং উক্ত অপকৃষ্ট ও অস্পৃশ্য জাতীয় স্ত্রীলোকের মস্তকে তৈল মাখাইয়া দিতেন। নীচবংশোদ্ভবা স্ত্রীজাতির প্রতি অগ্রজের একরূপ দয়া দেখিয়া তাহারা পরম আনন্দিতা হইয়াছিল এবং কর্ণচারিগণ তাঁহার একরূপ দয়া অবলোকনে তদবধি উহাদিগকে স্পর্শ করিতে ঘৃণা পরিত্যাগ করিল। পরিবেশনের সময় দালা স্বয়ং পরিবেশন কার্যে প্রবৃত্ত হইতেন দেখিয়া উপস্থিত ভদ্র লোকেরাও পরিবেশন করিতেন।

অন্নচ্ছত্রে বাহারা ভোজন করিত তাহারা অগ্রজের নিকট প্রকাশ

করিয়া যেন, মহাশয়। এতাহ বেচরার খাইতে অকুচি হয়, সপ্তাহের মধ্যে এক দিন অন্ন ও মৎস্য হইলে আমাদের পক্ষে ভাল হয়। একারণ প্রতি সপ্তাহে এক দিন অন্ন, পনা মৎস্যের খোল ও বধি হইত, ইহাতে ব্যয়বাহুল্য হইবে। একজন দান্য অকাতরে বধেট টাকা বৃদ্ধি করিয়াছিলেন। পূর্বে দেশস্থ লোকে মনে করিত যে বিদ্যাসাগর বিদ্যোৎসাহী একারণ দরিদ্র বালকদের জন্য অবৈতনিক বিদ্যালয়, বালিকাবিদ্যালয় ও রাখাল স্কুল স্থাপন করিয়াছেন, এবং দরিদ্রবর্গের রোগোপশমের জন্য চিকিৎসালয় স্থাপন করিয়াছেন। কিন্তু তিনি দরিদ্রগণের প্রতি এতদূর দয়ালু ছিলেন তাহা কেহই জানিত না। এই অবধি সকলে তাঁহাকে বলিল যে ইনি দয়াময় অথবা দয়ার সাগর। নীচ জাতির স্ত্রীলোকদের মাথায় স্বয়ং তৈল মাখাইয়া দেন, ইনি তো মানুষ নন, সালাং ঈশ্বর। তৎকালে এ দেশে সকলেই এই কথাই আশ্বোলন করিতে লাগিল।

পবর্ণমেষ্টের অন্নচ্ছত্রে দরিদ্রদিগকে কর্তব্য করাইয়া খেতে দিত একজন কতকগুলি লোক কর্তব্য করিবার ভয়ে বিদ্যাসাগর মহাশয়ের অন্নচ্ছত্রে ভোজন করিতে আসিত; তজ্জন্য ক্রমশঃ লোকসংখ্যা বৃদ্ধি হইতে লাগিল। আর এখানে পীড়িতদিগকে ডাক্তার চিকিৎসা করিত, রোগিগণের স্বতন্ত্র পথের ব্যবস্থা ছিল। গ্রামস্থ সভ্য লোকের মধ্যে বাহাদুরের অবস্থা অতি মন্দ তাহাদিগকে এতাহ এাতে বেলা ৯ ঘটিকা পর্যন্ত সিদা দেওয়া হইত। এতদ্ব্যতীত আর ২০টি পরিবার এতাহ সিদা লইতে লজ্জিত হইতেন, তন্নিমিত্ত তাহাদিগকে গোপনে মগদ টাকা দেওয়া হইত। খাতায় নাম লেখা ব্যতীত আরও ২৫১২৬টী গৃহস্থ রাত্রিতে গোপনে চাউল দাউল ও লবণ লইয়া বাইত। অগ্রজ খাতায় ইহাদের নাম লিখিতে নিবারণ করিয়া দেন। যে যে ভদ্র পরিবারের বস্ত্র ছিল না অর্থাৎ অতি জীর্ণ বস্ত্র পরিধান করিত, তাহারা একান্তে বস্ত্র লইতে লজ্জিত হইবে, একারণ আর দুই সহস্র টাকার বস্ত্র গোপনে বিতরণ করেন। সন্ধ্যার পর অগ্রজ মহাশয় স্বয়ং যশলে বস্ত্র গ্রহণ পূর্বক ছোট্টাচানর পায়ে দিয়া বস্ত্র বিতরণ করিবার জন্ত অনেক পরিবারের বাটীতে গমন করিতেন এবং বলিতেন, ইহা কাহারও

নিকট ব্যক্ত করিবার আবশ্যক নাই । তিনি ভক্ত লোককে অতি ধোঁপনে দান করিতেন ।

ইতিমধ্যে গড়বেতার অন্নচ্ছত্রের কর্মধ্যক্ষ বাবু হেমচন্দ্র কর ও তাঁহার ভ্রাতৃপুত্র সাহায্য প্রার্থনার অগ্রজ মহাশয়কে পত্র লিখিলেন, তাহাতে অগ্রজ মহাশয় আমার দ্বারা দরিদ্রভোজনের জন্য ৫০, আর উহাদের বস্ত্রের জন্য ৫০, একুশে ১০০ টাকা প্রেরণ করেন । এতদ্ব্যতীত ঐ সময় কোন কোন ভক্ত লোক পিতৃহীন অবস্থায় বাচ্চা করিতে আইসেন, তাহাদের মধ্যে কাহাকেও ৫০, কাহাকেও ১০০ টাকা, কাহাকেও ২০০ টাকা দান করেন । ২৮শে জ্যৈষ্ঠ পৃথক্ বাটীতে অন্নচ্ছত্র স্থাপিত হয়, ১লা পৌষে ভোজনের পর অন্নচ্ছত্রে বস্তু করা হইয়াছিল । কিন্তু বিদেশীয় নিরুপায়গণ ৮ই পৌষ পর্যন্ত অন্নচ্ছত্রগৃহে উপস্থিত ছিল ; একারণ দুর্বল নিরুপায় প্রায় ৬০ জনকে কয়েক দিন ভোজন করাইতে হইয়াছিল । অন্নচ্ছত্র শেষ হইলে কর্মচারী পরিচারক, পরিচারিকা ও দারবান প্রভৃতি সকলকে রীতিমত বেতন দেওয়া হইয়াছিল । ভালরূপ পরিশ্রম করিরাছে একারণ তাহাদিগকে পুরস্কারও দেওয়া হয় । বিদ্যালয়ের যে সকল ব্রাহ্মণের বালক পরিবেষ্টা ছিল, উন্নধ্যে বাহার। নিতান্ত দরিদ্র, তাহাদিগকেও সন্তুষ্ট করিতে ক্ষান্ত হন নাই ।

বৎসালে অগ্রজ মহাশয় সংকৃত কলেজের প্রিন্সিপালি পদে নিযুক্ত ছিলেন তৎকালে নানাকারণে বোল দিন রাত্রিতে নিদ্রা হয় নাই, সমস্ত রাত্রি ছাতে বেড়াইতেন । তাঁহার পরম বন্ধু বাবু দুর্জাচরণ বন্দ্যোপাধ্যায় মহাশয় অনেক র্যালাপ্যাখি ঔষধ সেবন করান, তথাপি নিদ্রা হইল না । অবশেষে অগ্রজের পরম বন্ধু, তৎকালের কবিরাজজ্যেষ্ঠ ৬৬ হারাধন দ্বিগ্যারক কবিরাজ মহাশয় মধ্যম নারায়ণ তৈল ও ঔষধের ব্যবস্থা করেন এবং প্রায় দুই সপ্তাহ কাল তৈল মর্দন করাইবে এইরূপ বলিয়া দেন । ২৩ দিন তৈল মাখাইলে পর এক দিন তৈল মাখাইয়া গায়ে দলন করিতেছে অবশি নিদ্রাকর্ষণ হইল, উজ্জ্বল তিনি হারাধন কবিরাজ মহাশয়কে আন্তরিক ভক্তি করিতেন । অন্যান্য আত্মীয় লোকের নীড়া হইলে

ঊক্ত কবিরাজ মহাশয়ের নিকট প্রেরণ করিতেন। যে সকল লোককে কবিরাজ মহাশয়ের নিকট পাঠাইতেন, তিনিও সেই সকল লোককে বিনা ভিজীটে দেখিতেন এবং বহুমূল্য ঔষধও প্রদান করিতেন। সন ১২৭২ সালে একবার উদরাময়ে ও উদরের বেদনার কষ্ট পান, একারণ কবিরাজ মহাশয় আদেশ করেন যে, যবের গাছ পোড়াইয়া এক বস্তা ছাই প্রেরণ করিলে তাহা হইতে লবণ বাহির করিব; সেই লবণে যে ঔষধ প্রস্তুত হইবে তাহাতে উপকার দর্শিবে। একারণ দেশ হইতে যবের ডম্ব আনাইয়া দেওয়া হয়, তদ্বারা যে ঔষধ প্রস্তুত হইয়াছিল; তাহা সেবনে তৎকালে উদরের পীড়ার অনেক লাঘব হয়।

রাজা দিনকর রাও কলিকাতায় আসিলে অগ্রজ মহাশয় তাঁহাকে বেথুন সাহেবের স্থাপিত বালিকাবিদ্যালয় দেখাইতে লইয়া যান। তিনি দেখিয়া তুষ্ট হইয়া বালিকাগণকে মিষ্টান্ন খাইতে তিন শত টাকা দেন। তৎকালে সার সিসিল বীডন সাহেব মহোদয় বলেন অত টাকার মিষ্টান্ন খাইলে ইহাদের উদরাময় হইবে, অগ্রজ মহাশয় ঐ টাকার সকল বালিকাকে ঢাকাই সাটি ক্রয় করিয়া দেন। দুইখান বস্ত্র অধিক হইল দেখিয়া তিনি দুই পণ্ডিতকে প্রদান করেন। ঐ সময় দিনকর রাও অগ্রজকে জিজ্ঞাসা করেন এই বাটী প্রস্তুতের জন্য কে টাকা দেন ও এই ভূমিই বা কাহার দত্ত? শুনিয়া দাদা বলিলেন দেশহিতৈষী বাবু দক্ষিণারঞ্জন মুখোপাধ্যায় মহাশয় এই ভূমি দান করিয়াছেন। তৎকালে এই ভূমির মূল্য চৌদ্দ হাজার টাকা স্থির হইয়াছিল, একারণ আমরা বাবু দক্ষিণারঞ্জন মুখোপাধ্যায়ের নাম বিস্মৃত হইতে পারিব না। আর মহামতি বেথুন সাহেব এই বাটী নির্মাণের জন্য টাকা দিয়াছেন, তিনি এই টাকা দিবার সময় ও অন্যান্য স্থলে বলিতেন যে আমার পাপের প্রায়শ্চিত্ত হইল। ইহার অর্থ জিজ্ঞাসা করার বলেন যৎকালে গবর্ণমেন্টে ভারতবর্ষ হইতে সহস্ররূপ কুপ্রথা নিবারণের চেষ্টা করেন, তৎকালে বেথুনসাহেব হিন্দুদের পক্ষাবলম্বন করিয়া অনেক প্রতিবাদ করেন। ঐ পাপের প্রায়শ্চিত্ত স্বরূপ এই বাটী নির্মাণ ও বালিকাবিদ্যালয় স্থাপন করেন। উত্তরপশ্চিম প্রদেশের সম্রাট লোক ও রাজারা কলিকাতায়

আগমন করিলে অগ্রজ মহাশয় ঐ সকল ব্যক্তিকে বালিকাবিদ্যালয় দেখাইবার জন্য বর পাইতেন। তাঁহার উদ্দেশ্য এই যে, তাঁহারা স্বদেশে ঘাইয়া বালিকাবিদ্যালয় স্থাপন করিবেন। এই বৃত্তান্তটী বেথুন বালিকাবিদ্যালয়ের পণ্ডিত শ্রীযুক্ত মাধনলাল ভট্টাচার্য মহাশয়ের প্রযুক্তাৎ অবগত হইয়াছি।

সন ১২৭৩ সালের পৌষ মাস হইতে কয়েক মাস অগ্রজ মহাশয় অত্যন্ত অস্থির হইয়াছিলেন। তজ্জন্য পিতৃদেবকে দেখিবার জন্য অত্যন্ত উৎসুক হইয়াও ঘাইতে অক্ষম হইলেন। অতএব আমাকে পিতৃদেবের নিকট ঘাইবার আদেশ করেন, এবং বলিয়া দেন যে যদি তথায় তোমার অবস্থিতি করা আবশ্যিক হয়, তাহা হইলে তাঁহার নিকট থাকিবে। ফলতঃ পিতৃদেব যেরূপ আদেশ করিবেন তাহাই করিবে। অগ্রজের আদেশানুসারে আমার কাশী বাইতে হইল। কয়েক দিন তথায় অবস্থিতি করিলে তিনি আদেশ করেন যে আমি যখন দুর্বল ও অসমর্থ হইব, তৎকালে তোমাদের মধ্যে কেহ নিকটে থাকিবে, সম্প্রতি এখানে তোমাদের কাহারও অবস্থিতি করিবার আবশ্যক নাই। সুতরাং আমাকে দেশে ফিরিয়া আসিতে হইল। বৃদ্ধ পিতৃদেবকে কাশী পাঠাইবার পর অধি অগ্রজের অত্যন্ত দুর্ভাবনা উপস্থিত হয়। তৎকালে তিনি সর্বদাই অন্যমনস্ক থাকিতেন। এবং মধ্যে মধ্যে পিতৃদেবের জন্য অশ্রু বিসর্জন করিতেন দুর্ভাবনায় রাত্রিতে নিদ্রা হইত না। ইত্যাদি কারণে তাঁহার পীড়া আরও প্রবল হইয়াছিল।

সন ১২৭৪ সালের বৈশাখ মাসে অগ্রজ মহাশয় কায়িক অত্যন্ত অস্থির হওয়া প্রযুক্ত চিকিৎসকদের উপদেশানুসারে জলবায়ু পরিবর্তন মানসে বীরসিংহায় আগমন করেন। তৎকালে একটা বিধবা নারী সাংসারিক ক্রেশ নিবারণ মানসে স্বীয় পতির কয়েক বিঘা স্কর ভূমি কোন এক ব্যক্তিকে বিলি বন্দোবস্ত করেন, ইহাতে তাঁহার দুই জন আত্মীয় ঐ নিরুপায়ার বিরুদ্ধে ভায়বিরুদ্ধ কার্যে প্রযুক্ত হন। নিরুপায়া অধীরা অগ্রজ মহাশয়ের শরণ লইলেন। ঐ বিধবার যোগদানে অগ্রজ অত্যন্ত হুঃখিত হইলেন এবং অবিলম্বে উক্ত আত্মীয়দ্বয়কে আনয়নার্থে এক

আত্মীয়কে প্রেরণ করিলেন। তন্মধ্যে এক ব্যক্তি উপস্থিত হইলে অগ্রজ অনুরোধ করেন যে এই পতিপুত্রবিহীনা তোমাদের আত্মীয়, অতএব কয়েক বিঘা জমার জমি ত্যাগ কর। তাহাতে তিনি বলিলেন, আমরা ইহার উত্তরাধিকারী; ইনি লোকান্তর প্রস্থান করিলে পর আমরাই ঐ ভূমি পাইব। কিন্তু বাহাতে উহা আমরা আর না পাই এই অভিপ্রায়ে ইনি জীবদ্দশাতেই সমস্ত বিষয় অল্পকে বন্ধক দিতেছেন। সুতরাং আমরা উপায়াত্তরাবলম্বনে প্রবৃত্ত হইয়াছি। অগ্রজ বলিলেন, ইহার অবর্তমানে ঐ ভূমি তোমরা পাইবে সত্য, কিন্তু এক্ষণে ইনি কি ধাইয়া প্রাণ ধারণ করেন, অগত্যা বন্ধক দিতেছেন; ইহাতে তোমাদের স্বস্তির কোনও হানি হইবে না। তোমরা সামান্য ভূমির জ্ঞাত্ব অসংপথ অবলম্বন করিতেছ কেন? তাহাতে তিনি উহার ভূমি ত্যাগ করিতে সম্মত না হইয়া প্রস্থান করেন। তৎক্ষণাৎ দাদা ঐ ভূমি বাহাল রাখাইয়া দেওয়াইলেন। এই সংবাদে বাটীর পরিবারবর্গের মধ্যে কেহ কেহ অগ্রজকে বিনীতভাবে অত্যন্ত হুঃখিতান্তঃকরণে এই অনুরোধ করেন, যেন ঐ অবীরা ভূমি না পায়। তাহাতে তিনি উত্তর করেন যে এ বিষয়ে আমি কাহারও অনুরোধ রক্ষা করিব না। বাহাতে নিরুপায়া পতিপুত্র-বিহীনা স্ত্রীলোক স্বীয় ভূমি সম্পত্তি পুনর্গ্রহণে সমর্থ্য হন, আমি তদ্বিষয়ে আন্তরিক যত্নবান্ হইব। ঐ স্ত্রীলোকের জ্ঞাত্ব আমাকে যদি সকল কার্য্য পরিত্যাগ করিতে হয় আমি তাহাতেও সম্মত আছি, তথাপি ঐ অসহায় স্ত্রীলোকটির পক্ষ কদাচ পরিত্যাগ করিতে পারিব না। ইহা শুনিয়া উপস্থিত সকলে আশ্চর্য্যাবিত হইলেন যে, বিদ্যাসাগর মহাশয় অল্প একটি দরিদ্র স্ত্রীলোকের যোগদানে এমন মুগ্ধ হইয়াছেন যে গুরুতর লোকের উপরোধ রক্ষা করিলেন না। ঐ দরিদ্রের প্রতি ইহার অদ্বুত দয়ার স্ফোর হয়। আমরা মনে করিয়াছিলাম, এবার ঐ আত্মীয়েরা ভয়ে ঐ স্ত্রীলোকের জমি পরিত্যাগ করিবেন কিন্তু উহারা তাহা না করিয়া পূর্কোপেক্ষা উহার প্রতি আরও শ্রদ্ধা করিতে প্রবৃত্ত হইলেন, তৎক্ষণে অগ্রজ মহাশয় নায়েবকে অনুরোধ করেন। অগ্রজের আদেশ পাইয়া নায়েব পরম আত্মদানিত হইয়া তাহাদ্বিগকে ডাকাইয়া বলেন যে, তাহারা উত্তর

কালে ঐ ক্রীলোকটির কোন সম্পত্তি বলপূর্বক অধিকার করিতে না পারেন। অবশেষে তাহারা অগত্যা তাহাদের কুটুম্ব মহাশয়ের আশ্রয় গ্রহণ করেন। তাহারা ঐ ভূমির তালুকদার বাবুদের কুটুম্ব স্ত্রুতরাং ঐ কুটুম্বেরা অবীরােকে ঐ ভূমি হইতে বেদখল করিবার জন্য বহু পাইতে লাগিলেন। অবীরার প্রমুখ্য উক্ত সম্বাদ শ্রবণ করিয়া অগ্রজ মহাশয় তালুকদার বাবুকে পত্র লিখেন। উক্ত পত্র পাইয়াও তিনি পক্ষাবলম্বন করিয়া অবীরােকে বেদখল করিয়া ধাঙ্গ্য রোপণ করিতে আন্তরিক যত্ববান্ হন। তাহাতে অসহায়্য বিধবা ৭৪ সালের আষাঢ় মাসে কলিকাতায় যাত্রা করেন এবং তথায় অগ্রজ মহাশয়কে আদ্যন্ত নিবেদন করিলে পর তিনি আমার পত্র লিখেন। ঐ পত্র লইয়া অবীরা জাহানাবাদে প্রস্থান করেন। কিন্তু মোক্তারগণ বলেন, বেদখল হওয়া হইবে না, সাবেক দখল বজায় রাখিতে হইবে, স্ত্রুতরাং বাটী প্রত্যাগমন করেন। আসিয়া দেখিলেন বিদ্যাসাগর মহাশয় বাটী আগমন করিয়াছেন। উক্ত আত্মীয়েরা অস্ত্র দ্বারা গড়বেতায় ঐ অবীরার নামে যে অভিযোগ করিয়া ছিলেন, তাহার ধাঙ্গ্য দিনে, বাদী বিদ্যাসাগর মহাশয়ের শঙ্কায় উপস্থিত না হওয়ায় মোকদ্দমা ধারিঙ্গ হয়। অবীরার দখল কায়েম রহিল। অসহায়্যার প্রতি এরূপ দয়া প্রকাশ করাতে এ প্রদেশে অগ্রজ মহাশয়ের প্রতি দেশের লোকের গাঢ়তর ভক্তি জন্মিল।

৭৪ সালের জ্যৈষ্ঠ মাসে বীরসিংহার বাটীর নূতন বন্দোবস্ত করেন। মধ্যম ও তৃতীয় সহোদরের ও দ্বীয় পুত্রের পৃথক্ পৃথক্ ভোজনের ব্যবস্থা করিয়া দেন। সকলেরই মাসিক ব্যয়ের নিমিত্ত বাহার ধেরূপ টাকার আবশ্যক সেইরূপ ব্যবস্থা হইল। এইরূপ করিবার কারণ এই একত্র অনেক পরিবার থাকিলে কলহ হইবার সম্ভাবনা, বিশেষতঃ বহুপরিবার একত্র অবস্থিতি করিলে সকলেরই সকল বিষয়ে কষ্ট হয়। ইতিপূর্বে ভগিনীদ্বয়ের পৃথক্ বাটী নির্মাণ করিয়া দেওয়া হইয়াছিল। বিদেশীয় যে সকল বালকগণ বাটীতে ভোজন করিয়া বীরসিংহা বিদ্যালয়ে অধ্যয়ন করিবে তাহাদের মাসিক ব্যয় নির্বাহের সমস্ত টাকা দিয়া পাচক ও চাকর দ্বারা যত্ন বন্দোবস্ত করেন। ৭৫ সালে আমার স্বতন্ত্র

বাটী প্রস্তুত করিয়া দেন। ইহার কিছু দিন পরে তাঁহার পুত্র নারায়ণের পৃথক বাটী প্রস্তুত হয়। এবং নিজের নিকট জননীদেবীর অবস্থিতি করিবার ব্যবস্থা হইল।

বর্দ্ধমান ।

অগ্রজ মহাশয় কায়িক অসুস্থতাপ্রযুক্ত কয়েকভাঙ্গায় বাটী ভাড়া করিয়া অবস্থিতি করেন। কয়েক মাস তথায় থাকিয়া কিছু সুস্থ হন, পরে তথায় অবস্থিতি করিয়া বিশেষ উপকার দর্শিল না এজন্ত বর্দ্ধমান যাইবার মানস করেন।

প্রায় ৪৫ বৎসর অতীত হইল বর্দ্ধমানের রাজা মহাতাপ চল বাহাদুরের সালগিরার সময় নিমজ্জিত তৎকালের বিখ্যাত বাবু রামগোপাল ষোষ ও ভূঁইকলাসের রাজা সত্যচরণ ষোষাল মহোদয়েরা বৎকালে বর্দ্ধমান স্বাত্রা করেন, ঐ সময় তাঁহাদের সহিত অগ্রজ মহাশয়ও বর্দ্ধমান দর্শন মানসে গমন করিয়াছিলেন। তথায় উপস্থিত হইয়া তিনি প্রথমতঃ তাঁহাদের বাসায় অবস্থিতি করেন। কিয়ৎক্ষণ পরে রাজবাটী হইতে তাঁহাদের সিদা আসিল, এবং উহাদের সঙ্গে কত লোক আসিয়াছেন গণনা করিয়া ভোজনের দ্রব্যাদি দেওয়া দেখিয়া অগ্রজ প্রকাশ্য ভাবে বলেন যে আমি তোমাদের বাসায় অবস্থিতি বা ভোজন করিব না, এই বলিয়া বাবু প্যারীচরণ মিত্রের ভবনে প্রস্থান করেন। তথায় তাঁহার বাটীতে মধ্যাহ্ন কার্য সমাপন করিয়া উপবিষ্ট আছেন এমন সময়ে রাজবাটীর লোক আসিয়া বলিল, মহাশয়! বর্দ্ধমানাধিপতি বাহাদুর আপনায় সহিত সাক্ষাৎ করিবার মানসে আমাদিগকে পাঠাইয়াছেন। অতএব আপনি অনুগ্রহ পূর্বক রাজবাটী গমন করুন। তাহাদের কথা শুনিয়া অগ্রজ উত্তর দেন যে এ সময় তাঁহার বাটীতে কার্যোপলক্ষে নানা স্থানের লোক উপস্থিত হইয়াছেন। একারণ এ সময় রাজবাটী যাইতে ইচ্ছা করি না। রাজকর্মচারীরা এই সংবাদ রাজার কর্ণপোচর করিলে, রাজা পুনর্বার কয়েক জন সম্ভ্রান্ত লোককে অগ্রজের নিকট

প্রেরণ করেন। বিদ্যাসাগর মহাশয় ঐ কয়েক জন সম্ভ্রান্ত লোকের অনুরোধে অগত্যা রাজবাটীতে গমন করেন। রাজা অগ্রজ মহাশয়কে অবলোকন করিয়া বলেন আপনি অতি বিখ্যাত লোক ও সুপণ্ডিত। লাট সাহেব প্রভৃতি আপনাকে অত্যন্ত সম্মান করিয়া থাকেন। রাজা প্রায় দুই ঘণ্টাকাল নানা বিষয়ের গল্প করিলেন; অবশেষে অগ্রজ মহাশয় বিদায় লইলেন। রাজা ৫০০ টাকা ও এক জোড়া শাল বিদায় দেন। তাহা দেখিয়া দাদা বলিলেন, আমি কখন কাহারও নিকট দান গ্রহণ করি না। কলেজে গবর্ণমেন্টের প্রদত্ত যাহা বেতন পাইয়া থাকি, তাহাতেই আমার সাংসারিক ব্যয় নির্বাহ হইয়া থাকে। যাঁহারা টোল করিয়া শিক্ষা দেন তাঁহাদের পক্ষে এরূপ বিদায় গ্রহণ করা উচিত। ইহা শুনিয়া রাজা আশ্চর্য্যান্বিত হইয়া বলিলেন, এরূপ নিঃস্বার্থ নির্যোজ পণ্ডিত আমি কখনও দেখি নাই। তদবধি রাজা তাঁহাকে আন্তরিক শ্রদ্ধা ও ভক্তি করিতেন।

কিছু দিন পরে তিনি যৎকালে হুগলি, বর্দ্ধমান, নদীয়া ও মেদিনীপুর এই জেলা চতুষ্টয়ের স্থল সমূহের এস্পিমিয়াল ইনস্পেক্টরের পদে নিযুক্ত হইয়া ছিলেন, তৎকালে কয়েকবার বর্দ্ধমানের বিদ্যালয় পরিদর্শনার্থে আগমন করেন। ইহার কয়েক বৎসর পরে যখন মিস্কারপেটোর কলিকাতা আগমন করেন, তৎকালেও লেপ্টেনেন্ট গবর্ণরের অনুরোধে অগ্রজ মহাশয় মিস্ কারপেটোরকে কলিকাতার কয়েকটি বিদ্যালয় ও কয়েক জন কৃতবিদ্য লোকের অন্তঃপুরস্থা স্ত্রীলোকদিগের সহিত সাক্ষাৎ করাইয়া ছিলেন, এবং পরিশেষে ১৮৫৬ খৃষ্টাব্দে এক দিবস মিস্ কারপেটোরকে সমভিব্যাহারে করিয়া উত্তরপাড়া নিবাসী জমিদার বাবু বিজয়কৃষ্ণ মুখোপাধ্যায় মহাশয় প্রভৃতির স্থাপিত বালিকাবিদ্যালয় দেখাইতে গমন করেন। তথা হইতে প্রত্যাগমন সময়ে বগাঁ গাড়ীতে আরোহণ করিয়া আসিতেছিলেন; মোড় ফিরিবার সময় গাড়ী উলটিয়া পড়ে। বিদ্যাসাগর মহাশয় গাড়ী হইতে পড়িয়া অচেতন অবস্থায়, ঘোড়ার পায়ের নিকটে ভূমিতে নিপতিত ছিলেন। তথায় উপস্থিত দর্শকগণের মধ্যে কেহ সাহস করিয়া সেই স্থান হইতে ঘোড়াকে সরান নাই।

ফুল ইনস্পেক্টার উডরো সাহেব ও বিদ্যালয়সমূহের ডিরেক্টার গ্যাটকিন-সন সাহেব বেথিয়া স্বরায় ষোড়ার লাগাম ধরিয়া সেই স্থান হইতে অপসারিত করেন। ষোড়া না সরাইলে ষোড়ার পদাঘাতেই অপমৃত্যুর সম্ভাবনা ছিল। তাঁহাকে ভূমিতে পতিত ও হতজ্ঞান দেখিয়া মিস্ কারপেন্টারের চক্ষে জল আসিল। তিনি নিজের উৎকৃষ্ট বসনের দ্বারা দাদার গায়ের কাদা ও ধূলি সমস্ত পরিমার্জিত করিয়া দেন। ঐ গাড়ী হইতে পতনাবধি অগ্রজ মহাশয়ের স্বাস্থ্যভঙ্গ হয়। নানা প্রতীকারেও সম্পূর্ণরূপ আরোগ্য লাভ করিতে পারেন না। পরে তিনি কিছু দিন ফরেসডাক্সায় অবস্থিতি করেন, তথায় অবস্থিতি করিয়া বিশেষ ফলপ্রাপ্ত না হওয়ায়, পুনর্বার কলিকাতায় ফিরিয়া যান। অনন্তর স্বাস্থ্য রক্ষার জন্য চিকিৎসকগণ কিছু দিনের নিমিত্ত কলিকাতা পরিত্যাগ করিয়া তৎকালের স্বাস্থ্যকর স্থান বর্ধমানে অবস্থিতি করিতে উপদেশ প্রদান করেন, তৎকালে বর্ধমান অতি স্বাস্থ্যকর স্থান ছিল। প্রথমতঃ বর্ধমান বাসী বাবু প্যারীচরণ মিত্রের বাটীতে প্রায় এক মাস অবস্থিতি করেন।

ঐ সময় মাইকেল মুনন্দন দত্ত ইংলণ্ড হইতে কলিকাতায় আসিয়া হাইকোর্টে বারিষ্টার হইবার উদ্যোগ করেন, কোন কারণে তাঁহার হাইকোর্টে প্রবিষ্ট হইবার বাধা জন্মিল। মাইকেল নিরুপায় হইয়া বর্ধমানে প্যারীচরণ মিত্রের ভবনস্থিত অগ্রজ মহাশয়ের সহিত সাক্ষাৎ করিতে গমন করেন। তথায় বাইয়া তাঁহার নিকট বিস্তর অনুন্নয় বিনয় করিলে, পর তিনি দয়ায় হইয়া চরিত্র সম্বন্ধে সার্টফিকেট লিখিয়া মাইকেলের হস্তে প্রদান করেন। অনন্তর অবিলম্বে অগ্রজ মহাশয় কলিকাতা বাইয়া ষোণাড় করিয়া দেওয়াতে বারিষ্টারের কর্ত্তে প্রবিষ্ট হইলেন। প্রথমতঃ বিলাতে মাইকেলের স্বর্ণ পরিশোধ কারণ ছয় হাজার টাকা প্রেরণ করেন। দ্বিতীয়তঃ বারিষ্টারের কার্য্যে বাধা জন্মিলে দাদা স্বতঃপরতঃ অনুরোধ দ্বারা বাধা খণ্ডাইয়া দেন। এতদ্ব্যতীত যখন যত টাকার আবশ্যক হইত, তাহা প্রদান করিতেন। একারণ মাইকেল অগ্রজের নিত্যতঃ অশুগত ছিলেন। দুর্ভাগ্য প্রযুক্ত মাইকেল স্বল্পদিনের

মধ্যেই লোকান্তরিত হন। মাইকেলের মৃত্যু সম্পাদে বিদ্যাসাগর মহাশয় অত্যন্ত দুঃখিত হইয়াছিলেন।

ঐ সময়ে মধ্যে মধ্যে জননী দেবী, বিদ্যালয়, চিকিৎসালয় ও বিধবা বিবাহাদি কার্যকলাপ পরিদর্শনার্থে পাঙ্কীতে উচালনের রাজপথ দিয়া বর্দ্ধমান হইতে বীরসিংহায় গমন করিতেন। কখন কখন উচালনে রাত্রিতে অবস্থিতি করিতেন। অনেক অনাথ দরিদ্রবালক সম্মুখে উপস্থিত হইত। অগ্রজ তাহাদের দুঃখ দর্শনে দুঃখিত হইয়া তাহাদিগকে কিছু কিছু প্রদান না করিয়া জলগ্রহণ করিতেন না। প্রায় ২০ জন দরিদ্র বালক সমভিব্যাহারে করিয়া বাটী আগমন করিতেন। বাটীতে লোকের কোনও অসম্মতি ছিল না, তথাপি তাহাদিগকে অকারণ একটা কার্যের ভার প্রদান করিতেন এবং ঐ সকল লোকের মাসিক বেতন ধার্য করিতেন।

কয়েক দিবস বাটীতে অবস্থিতি করিয়া পুনর্বার বর্দ্ধমানে যাত্রা করিলেন। বর্দ্ধমানে প্যারীবাগুর বাটীতে প্রায় এক মাস অবস্থিতি করিয়া, কিছু সুস্থ হইলেন দেখিয়া, বর্দ্ধমানাধিরাজবাহাদুরের কমলসায়েরের পার্শ্ব বাগান বাটীতে অবস্থিতি করেন। কমলসায়েরের চতুর্দিকেই দরিদ্র নিরুপায় মুসলমানগণের বাস। এই পল্লীর বালক বালিকাগণকে প্রতিদিন প্রাতে জলধাবার দিতেন। বাহাদের অন্নকষ্ট ও পরিধেয় বস্ত্র জীর্ণ ও ছিন্ন দেখিতেন, তাহাদিগকে অর্থ ও বস্ত্র দিয়া কষ্ট নিবারণ করিতেন। এতদ্ব্যতীত কয়েক ব্যক্তিকে দোকান করিবার জন্য মূলধন দিয়াছিলেন। কিন্তু স্ত্রীলোক, কি পুরুষ, কি বালকবালিকা সকলেই তাঁহাকে আপনায় স্বরের লোকের মত মনে করিত ও আন্তরিক ভাল বাসিত, এবং পিতা ও বন্ধুর ভায় ভক্তি ও মান্য করিত। ঐ সময়ে অগ্রজ মহাশয় কমলসায়েরের সম্বিহিত একটা মুসলমান কস্তার বিবাহের সমস্ত খরচ প্রদান করিয়াছিলেন।

বর্দ্ধমান হইতে আগিবার কালে কোনও কোনও বারে হাজীপুরের দোকানে অবস্থিতি করিতেন। পাঙ্কী নাবাইলে ঐ স্থানের বহুসংখ্যক দরিদ্র বালক বিদ্যাসাগর মহাশয়ের সম্মুখে দণ্ডায়মান থাকিত। বিদ্যা

সাগর মহাশয় বাল্যকাল হইতে ছোট ছোট বালকবালিকাপণকে আন্তরিক ভাল বাসিতেন। উপস্থিত প্রায় শতাধিক বালককে মিঠাই খাইতে কিছু কিছু প্রদান না করিয়া ক্ষান্ত থাকিতেন না। বালকেরা পয়সা পাইয়া পরম আনন্দিত হইয়া প্রস্থান করিত। তন্মধ্যে তামলিজাতীয় দ্বাদশ-বর্ষীয় এক বালক চারিটি পয়সা পাইয়া সেই স্থানে দাঁড়াইয়া রহিল। বিদ্যাসাগর মহাশয় ঐ বালককে জিজ্ঞাসা করিলেন, তুমি এই চারিটি পয়সায় কি করিবে; তাহাতে সে উত্তর করিল, এই পয়সায় বন্দীপুরের হাট হইতে আত্রা কিনিয়া এই হাজীপুরে বিক্রয় করিব; তাহা হইলে আট পয়সা হইবে। অদ্য এক পয়সার চাউল কিনিয়া ভাত রাধিয়া খাইব। কল্য পুনরায় বন্দীপুরের হাট যাইয়া সাত পয়সার আম কিনিব, সেই আম এখানে বিক্রয় করিলে চৌদ্দ পয়সা হইবে, তাহা হইলে এক পয়সার পোনা মাচ কিনিয়া খাইব। বালকের মুখে এই সকল কথা শুনিয়া উহাকে সঙ্গে করিয়া বীরসিংহায় আনয়ন করেন। কয়েক দিন বাটীতে রাখিয়া একটি ডালি দোকান করিবার উপযুক্ত টাকা দিয়া বিদায় করেন। এইরূপ উচালনের নফরকেও দোকান করিবার মূলধন প্রদান করেন। বিধবা হতভাগিনী স্ত্রীলোক নাবালক সম্ভতি সহিত আসিয়া সম্মুখে উপস্থিত হইলেই তাহাদের প্রতি তাঁহার কারুণ্যরসের উদ্বেক হইত। অনাথা স্ত্রীলোকের প্রতি কখন তাঁহাকে বিরক্ত হইতে দেখি নাই। তিনি যতবার বাটী আসিতেন প্রত্যেক বারেই উদয়গঞ্জের গঙ্গাধর দত্তের দোকান হইতে অন্ততঃ ৫০০ শত টাকার বস্ত্র আনাইয়া অনাথ স্ত্রীলোক দেখিলেই তাহাদিগকে প্রদান করিতেন। উদয়গঞ্জের গঙ্গাধর দত্ত অগ্রজ মহাশয়কে বস্ত্র বিক্রয় করিয়া সম্ভতি করিয়াছেন।

এক সময় বাটী হইতে বর্ধমান গমন কালে সোজা পথে নামিয়া কামারপুখুর হইতে এক আত্মীয়ের ভবনে গমন করেন। তথায় রাত্রি যাপন করিয়া প্রাতঃকালে দেখিলেন, তাঁহাদিগের বাটীর অবস্থা ভাল নয়; একারণ তাঁহাদিগকে বলিলেন তোমরা বাটীর অবস্থার উন্নতি কর, এই বলিয়া বর্ধমান গমন করিলেন। তথায় উপস্থিত হইয়া আমায় ঐ

টাকা পাঠাইবার আদেশ করেন এবং এ বিষয় কাহারও নিকট ব্যক্ত করিবে না বলিয়া পত্রে লিখেন। তিনি বধন বাহাকে যাহা কিছু দান করিতেন তাহা গোপনেই দিতেন। কোন কাগজে লিখিতে দানার নিবারণ ছিল। ইহার তাৎপর্য এই যে পাছে অন্যে জানিতে পারে। অপরে জানিতে পারিলে যদি লোকের সমক্ষে ব্যক্ত করেন ব্যক্ত করিলে তিনি অবশ্য লজ্জিত হইতে পারেন। তাঁহার অধিকাংশ দান অতি গোপন ভাবেই সমাধা হইত।

পোলপাতুলের হরকালী চৌধুরী প্রায় ২৫ বৎসর অতীত হইল কলিকাতায় আমাদের বাসায় পাকাদি কার্য সমাধা করিয়া স্বীয় সংসার প্রতিপালন করিয়া আসিতে ছিলেন। উক্ত হরকালী বর্দ্ধমানের বাসাতেও পাক করিতেন। বর্দ্ধমানে অনাথা স্ত্রীলোকগণ সর্বদা যাচঞা করিতে আসিত। দাদা তাহাদের প্রতি দয়া করিয়া কাহাকেও বস্ত্র কাহাকেও টাকা প্রদান করিতেন। কোনও কোনও স্ত্রীলোক বারম্বার আসিয়া প্রতারণা করিয়া লইয়া যাইত। এক দিবস উক্ত পাচক হরকালী একটা স্ত্রীলোককে বলেন যে মাগী বিদ্যাসাগরকে কি তোরা লেদা আম গাছ পাইয়াছিস্। হরকালীর প্রমুখ্য উক্ত কথা শুনিয়া অগ্রজ মহাশয় হরকালীকে বলেন, তুমি বহুকাল আমার বাটীতে আছ, তোমার বেতন কি বাকী আছে বল ফেলিয়া দিই; এবং তুমি এই মুহূর্ত্তেই আমার বাটী হইতে বিদায় হও। দরিদ্র লোককে আমি দান করিব তোমার বাবার কি? ইহা শুনিয়া হরকালী বলেন, ঐ বৃদ্ধা এক সপ্তাহ অতীত হয় নাই বস্ত্র ও টাকা লইয়াছে; তাহা আপনার স্মরণ নাই, এই কারণেই এরূপ বলিয়াছি। বাহা হউক আমার অপরাধ হইয়াছে, এ যাত্রা আমার ক্ষমা করুন। তথাপি অগ্রজ হরকালীকে না রাখিয়া মাসিক ২০ টাকা মাসহরার বন্দোবস্ত করিয়া দিয়া বিদায় দেন।

১৮৬১ খঃ অব্দে অগ্রজ মহাশয় প্যারীচরণ মিত্রের বাটীর সন্নিহিত ৮৭নং কলিকাতা সন্নিহিত বাটী ভাড়া করিয়া অবস্থিত করেন। সেই সময়ে বর্দ্ধমানে দেশব্যাপক ম্যালেরিয়া জ্বরের বিলম্ব প্রাদুর্ভাব হয়। অগ্রজের

বাসার অতি সন্নিহিত একটি মুসলমান-পল্লী ছিল। সেই পাড়ার লোকেরা অতি দরিদ্র। সকলেই জরাক্রান্ত হইয়া কষ্ট পাইতেছিল। বিদ্যাাগর মহাশয় তাহাদের শোচনীয় অবস্থা দেখিয়া স্থির হইয়া থাকিতে পারিলেন না। নিজ বাসাবাটীতে তিনি একটি ডিস্পেনসারি খুলিলেন এবং ডাক্তার গঙ্গানারায়ণ মিত্র মহাশয়ের হস্তে তাহার ভার স্তম্ভ করিলেন। দেশ ব্যাপিয়া জ্বর হইতেছে, লোক ঔষধ ও অন্নাভাবে মরিতেছে দেখিয়া ও শুনিয়া অগ্রজ মহাশয় স্বরায় কলিকাতা বাইয়া শ্রীযুক্ত লেপ্টেনেন্ট গবর্নর গ্রে সাহেব বাহাদুরকে সমস্ত বিবরণ জানাইলেন। তাঁহার প্রমুখ্যে অবগত হইয়া গ্রে সাহেব বর্দ্ধমানে ডাক্তার প্রেরণ করেন এবং রিলিফ অপারেশনের কর্তৃপক্ষদিগকে পত্র লিখেন।

বর্দ্ধমানের সিভিলসারজন ডাক্তার মেণ্টন এবিষয়ে কোন রিপোর্ট করেন না শুনিয়া গ্রে সাহেব বিরক্তিভাব প্রকাশ করেন এবং ৮।১০ দিনের মধ্যে কয়েক জন আসিষ্টাণ্ট সারজন প্রেরণ করেন। মেণ্টন সাহেব এই কথা শুনিয়া অবিলম্বে ছুটি লইয়া এ স্থান হইতে প্রস্থান করেন। ডাক্তার ইলিয়ট বিলম্ব সন্মুখ ও কার্যদক্ষ ছিলেন। তিনি আসিয়া সহরের প্রকৃত অবস্থা জ্ঞাত হইয়া ৪।৫টি ডিস্পেনসারি খুলিলেন এবং যে সকল রোগী বাটী হইতে ডিস্পেনসারিতে ঔষধ লইতে আসিতে অক্ষম, তাহাদিগকে ডাক্তার বাবুরা বাটীতে গিয়া দেখিয়া আসিবেন, এরূপ বন্দোবস্ত করিয়া দিলেন। ডিস্পেনসারির সঙ্গে অন্নচ্ছত্রে ব্যবস্থা হইল। এই অন্নচ্ছত্রে দুগ্ধ, সাণ্ড প্রভৃতিও দিব্য ব্যবস্থা হইল। বর্দ্ধমান জেলার মধ্যে ম্যালেরিয়া জ্বরের ক্রমশঃ প্রাদুর্ভাব হইতেছে শুনিয়া গ্রে সাহেব বর্দ্ধমান জেলার মফঃসল প্রত্যেক গ্রামে অনুসন্ধান লইতে আদেশ করেন। গ্রে সাহেব, ডাক্তার সাহেব ও জেলার মাজিস্ট্রেট সাহেবের রিপোর্ট পাইয়া ২।৩ ক্রোশ অন্তর গ্রামের লোকসংখ্যা বিবেচনা করিয়া ঔষধালয় খুলিতে আজ্ঞা করেন। ডাক্তার ইলিয়ট জেলার মধ্যে ঔষধ বিতরণের উত্তমরূপ বন্দোবস্ত করিয়াছিলেন, এবং অনেক নেতৃত্ব ডাক্তার আনাইলেন। এই সময়ে বিলাত ফেরত ডাক্তার বাবু গোপালচন্দ্র রায়, ককিরচন্দ্র ঘোষ, বাবু রসিকলাল দত্ত, বাবু কালীদাস

গুপ্ত, বাবু বন্ধুবাহারী গুপ্ত, এবং আসিষ্টাণ্ট সারজন বাবু দীনবন্ধু দত্ত, ও বাবু প্রিয়নাথ বসু প্রভৃতি কয়েক জনকে মেডিকেল ইনস্পেক্টার করিয়া, ইহাদের উপর পরিদর্শনের ভার দিলেন। ইহারা প্রতি সপ্তাহে স্ব স্ব পরিদর্শনের রিপোর্ট সিভিল সারজনকে প্রেরণ করিতেন এবং সিভিল সারজন স্বীয় মন্তব্যের সহ উক্ত রিপোর্টগুলি একত্র করিয়া গবর্ণমেন্টে পাঠাইতেন। এই সময় মধ্যে ইলিয়ট এই তিন জন সিভিল সারজনের পদে রীতিমত বন্দোবস্ত করেন না এবং এই সুদৃহৎ ব্যাপার অতি সহজে বিনা বন্দোবস্তে বিদ্যাসাগর মহাশয়ের দ্বারা সম্পাদিত হইয়াছিল। অদ্যাবধি বর্দ্ধমানবাসীদিগের মধ্যে কেহই জানে না যে বিদ্যাসাগর মহাশয় তাহাদের এই মহোপকার করিয়া তাহাদিগকে কৃতজ্ঞতাপাশে বদ্ধ করিয়া গিয়াছেন। গবর্ণমেন্টকে এইরূপ কার্যে প্রবৃত্ত করিয়াও তিনি নিজে ক্ষান্ত হন নাই। তাঁহার ডিস্পেনসারির ব্যয় দিন দিন বৃদ্ধি পাইতে লাগিল। ঔষধ বিতরণের সঙ্গে সঙ্গে সাণ্ড, এরাকট বিতরিত হইতে লাগিল। দুর্বল রোগীর জন্ম হ্রদ ও শূকরের পয়সা দিবার ভার গঙ্গানারায়ণ বাবুর উপর অর্পিত হয়। তিনি রোগীদের বাটীতে যাইয়া হৃদ্যাদি বিতরণ করিতেন। এই কার্যের জন্ম গবর্ণমেন্ট তাঁহাকে ধন্যবাদ দেন। দেখুন, সম্বাদপত্রে না লিখিয়া গোপন-ভাবে বিদ্যাসাগর মহাশয় বর্দ্ধমান নগর ও বর্দ্ধমান জেলার কি পর্য্যন্ত উপকার করিয়াছিলেন! দীন দরিদ্রগণ অব্যবহৃতভাবে ঔষধ ও পথ্য পাইয়াছিল। ডাক্তার গঙ্গানারায়ণ বাবু ঔষধ বিতরণের সঙ্গে সাণ্ড হ্রদ এবং শূকরের জন্ম পয়সা দিয়াছিলেন। শীতকাল উপস্থিত হইল দরিদ্র লোকের বস্ত্রাভাব দেখিয়া বিদ্যাসাগর মহাশয় দুই সহস্র টাকার বস্ত্র আনাইলেন। রোগী ব্যতীতও অনেক দরিদ্র শীতবস্ত্র ও পরিধেয় বস্ত্র পাইয়াছিল। প্রবঞ্চনা করিয়া কেহ কেহ বস্ত্র লইয়া যায়, তাহা ভালরূপ ভেদাভেদ জন্ম নির্বাচন করিতে গিয়া যেন কোন প্রকৃত দরিদ্র ব্যক্তি বঞ্চিত না হয় এ বিষয় বিদ্যাসাগর মহাশয় বিশেষ লক্ষ্য রাখিতেন।

ডিস্পেনসারির সম্পূর্ণতার বাবু গঙ্গানারায়ণ মিত্রের উপর ছিল।

তথাপি তিনি বিদ্যাসাগর মহাশয়কে না জানাইয়া কোনও কাজ করিতেন না। তাঁহার ঔদার্য্য ও বদান্যতা দেখিয়া ডাক্তার গঙ্গানারায়ণ রোগীদের জন্য ভাল ভাল ঔষধ আনাইতে লাগিলেন। কুইনাইনের অধিক আবশ্যকতা ও উহা হুমূল্য দেখিয়া ডাক্তার গঙ্গানারায়ণ ইহার পরিবর্তে সিক্কোনা ব্যবহার করিবার জন্য একবার প্রস্তাব করেন, কিন্তু বিদ্যাসাগর মহাশয় ঐ ডাক্তারের প্রস্তাবে সম্মত হইলেন না। তিনি বলিলেন যখন পীড়া একই প্রকারের, তখন বড় লোক ও দরিদ্র ব্যক্তি নির্বিশেষে এক প্রকারই ঔষধ হওয়া উচিত। তিনি শয্যাশায়ী ব্যক্তিগণের বাটীতে যাইয়া তাহাদের শুশ্রূষার বন্দোবস্ত করিয়া দিতেন এবং অর্থ ও ঔষধ দিয়া তাহাদের দুঃখ মোচন করিতেন। প্রাপ্তান্ত ভগবান বাবুও ভ্রমণশীল ডাক্তার ছিলেন। তিনি রোগীদের বাটীতে বাটীতে ঔষধ দিয়া বেড়াইতেন। ঐ ডাক্তারের ১৫ টাকা বেতন বিদ্যাসাগর মহাশয় দিতেন। বিদ্যাসাগর মহাশয় দুই বৎসরকাল বর্দ্ধমানে ছিলেন। তিনিও জরাজীর্ণ হইতে পারেন তাঁহার এ আশঙ্কা কখনও হয় নাই। “বর্দ্ধমানের লোকে বলিয়া থাকেন বিদ্যাসাগর নির্মল চরিত্রের লোক, তাঁহার রাগদ্বেষ্ট দেখি নাই, তাঁহার শরীর দয়া ও স্নেহে পরিপূর্ণ। তাঁহার মাতৃভক্তি, পরদুঃখে কাতরতা ও দানশীলতা অনুপমেয়। তাঁহাকে অপরের মনে কষ্ট দিতে দেখি নাই। তাঁহার সকল বিষয়েই উদারতা দেখিয়াছি।” মধ্যে যখন তাঁহার পাচক ত্রাস্রণ থাকিত না, রাত্ৰিকালে বাবু প্যারী মিত্রের বাটী হইতে তাঁহার আহ্বানের সামগ্রী যাইত। এই সময়ে তিনি ভ্রান্তিবিলাস নামক একখানি পুস্তক লিখেন। বাবু প্যারীচরণ মিত্র মহাশয়ের সহিত বিদ্যাসাগর মহাশয়ের বড় বন্ধুত্ব ছিল। সেই কারণে তিনি তাঁহার ভাইপো গঙ্গানারায়ণ বাবু প্রভৃতিকে বাৎসল্যভাবে দেখিতেন। পূর্বে অগ্রজ মহাশয়ের প্রমুখ্যে এই বিষয়টী অবগত হইয়াছিলাম এক্ষণে বর্দ্ধমানের উক্ত ডাক্তার বাবু গঙ্গানারায়ণ মিত্র মহাশয়ের পত্রে বিশেষরূপে অবগত হইয়া এই বিষয় পুস্তকবদ্ধ করিলাম।

বিগত ৭৩ সালের হুর্ভিঙ্গ সময়ে যে সকল লোক অরুচিতে ভোজন করিয়াছিল, তাহারা এক্ষণে কি উপায় অবলম্বন করিয়া দিনপাত করিয়া

থাকে, অগ্রজ মহাশয় ঐ সকল গ্রামস্থ দরিদ্র লোকের অবস্থা অবগত হইবার জন্ত ব্যগ্র হইলেন, একারণ তাঁহাকে ঐ সকলের সবিশেষ পরিচয় দেওয়া হয় যে, উহাদের মধ্যে অনেকেই অতি কষ্টে এক সন্ধ্যা ভোজন করিয়া থাকে । ইহা শ্রবণ করিয়া অগ্রজ মহাশয় জননী দেবীকে বলেন বৎসরের মধ্যে এক দিন পূজা করিয়া ৬।৭ শত টাকা ব্যয় করা ভাল ? কি গ্রামের নিরুপায় অনাথ লোকদিগকে ঐ টাকা অবস্থানুসারে মাসে মাসে কিছু কিছু সাহায্য করা ভাল ? ইহা শুনিয়া জননী দেবী উত্তর করেন, গ্রামের দরিদ্র নিরুপায় লোক প্রত্যহ খেতে পাইলে পূজা করিবার আবশ্যক নাই, অধিকন্তু তিনি বলেন, তুমি গ্রামবাসীদিগকে মাসে মাসে কিছু কিছু দিলে আমি পরম আত্মাদিত হইব । জননী দেবীর মুখে এরূপ কথা শুনিয়া অগ্রজ মহাশয় অপরিসীম হর্ষ প্রাপ্ত হন এবং গ্রামের প্রধান প্রধান লোকদিগকে আনাইয়া বলেন যে তোমরা সকলে ঐক্য হইয়া গ্রামের কোন্ কোন্ ব্যক্তির অত্যন্ত অন্নকষ্ট ও কোন কোন ব্যক্তি নিরাশ্রয়, তাহাদের নাম লিখিয়া দাও, আমি মাসে মাসে উহাদের কিছু কিছু সাহায্য করিব । গ্রামস্থ ভদ্রলোকেরা যে ফর্দ করিয়া দিলেন সেই ফর্দ অগ্রজ মহাশয় স্বহস্তে লিখিয়া আমার নিকট প্রদান করিয়া বলিলেন, তুমি পূর্বাধি ধেরূপ নিরুপায় সম্পর্কীয়-দিগকে ও বিধবাবিবাহ সম্পর্কীয় নিরুপায় ব্যক্তিদিগকে ফর্দানুসারে টাকা বিতরণ করিয়া আসিতেছ, সেইরূপ এই ফর্দানুসারে গ্রামস্থ নিরুপায় ব্যক্তিদিগকে মাসে মাসে টাকা দিবে এবং সময়ে সময়ে গ্রামস্থ ব্যক্তিদিগের অবস্থার বিষয় বিশেষরূপে আমায় লিখিবে । দূরস্থ স্বসম্পর্কীয় বা বিধবাবিবাহকারী লোকদিগের বাটীতে লোক পাঠাইয়া মাসিক টাকা প্রদান করা হইত । ঐ লোকের রীতিমত বেতন তাহাদিগকে দিতে হয় নাই, এরূপ দান সহজ নহে ।

৭৪ সালের শ্রাবণ মাসে বিদ্যাসাগরের জ্যেষ্ঠা কন্যা হেমলতাদেবীর নদীয়া জেলার অন্তঃপাতী আইসমালী গ্রামে গোপালচন্দ্র সমাজপতির সহিত বিবাহ হয় । বর অতি সংপাত্র অগ্রজ মহাশয়, ইহাকে অত্যন্ত ভাল বাসিতেন ।

এই সময় মধ্যম সহোদর দীনবন্ধু জ্ঞায়রত্ন মহাশয়ের সহিত জ্যেষ্ঠা-
গ্রন্থ মহাশয়ের সংস্কৃত প্রেস ও উহার ডিপজিটারী লইয়া বিবাদ হয় ।
কিন্তু মধ্যমাগ্রন্থ মহাশয়কে ক্ষান্ত করিয়া দেওয়ায় তিনি সংস্কৃত প্রেসের
ও উহার ডিপজিটারীর দাবী পরিত্যাগ করিলেন ।

সন ১২৭৫ সালের অগ্রহায়ণ মাসে গবর্ণমেন্টের আদেশে বাবু
রমেশচন্দ্র মুখোপাধ্যায় ইনকম ট্যাক্স ধার্যের জন্ত এই জাহানাবাদ
মহকুমায় উপস্থিত হন । যে সকল সামান্য ব্যবসায়ীর আইনানুসারে
ট্যাক্স ধার্য হইতে পারে না, তাহাদের প্রতি অত্যাচার পূর্বক দুই নামে
একত্র এক বিলে ট্যাক্স ধার্য করিতেছিলেন । কেহ কেহ এই গর্হিত
আইনবিরুদ্ধ কার্যে সম্মত না হইলে ভয়প্রদর্শন দ্বারা ঐ সকল লোককে
সম্মত করান । সামান্য ব্যক্তির নিকৃপায় হইয়া বিদ্যাসাগর মহাশয়কে
জানাইয়া সম্মুখে দণ্ডায়মান রহিল । তিনি অস্বাভাবিক কার্য হইতেছে
অবগত হইয়া খড়ার গ্রামে সমাগত আসেসর রমেশ বাবুর নিকট যাইয়া
বলেন, ভিন্ন ভিন্ন ব্যবসায়ী ব্যক্তিদিগকে একব্যবসায়ী লিখিয়া ট্যাক্স
ধার্য করিলে অতি অত্যাচার কার্য হয় । রমেশ বাবু বলিলেন দুই নামে
এক কাগজে এক বিলে না দিলে অনেক সামান্য আয়ের ব্যবসায়ী
লোক বাদ পড়ে, এরূপ হইলে গবর্ণমেন্টের আয়ের অনেক ধ্বংস হয় ।
অগ্রজ মহাশয় আসেসর বাবুকে বলেন যে গবর্ণমেন্টের আয়ের লাভব
হয় বলিয়া এরূপ অত্যাচার কার্যে প্রবৃত্ত হওয়া কি আপনাদের উচিত
হইতেছে ? রমেশ বাবু অগ্রজ মহাশয়ের উপদেশ অগ্রাহ্য করিয়া
তৎকালে তাঁহার নিকট উপস্থিত কতকগুলি সামান্য আয়ের ব্যবসায়ীকে
ধমকাইয়া স্বীকার করাইলেন । মফঃসলে এরূপ আইনবিরুদ্ধ কার্য
দেখিয়া অবিলম্বে অগ্রজ মহাশয় কলিকাতা প্রস্থান করিয়া লেপ্টেনেন্ট
গবর্ণরের কর্ণগোচর করিলেন, এবং স্বয়ং দেশস্থ লোকের হিতকামনায়
বাদী হইলেন । লেপ্টেনেন্ট গবর্ণর বাহাদুর অগ্রজ মহাশয়ের প্রমুখ্যে
উহা শ্রবণ করিয়া কৃষ্ণনগরের মাজিষ্ট্রেট মনরো সাহেবের কথা বলেন
কিন্তু অগ্রজ মহাশয় হেরিসন সাহেবকে মনোনীত করেন । তদনু-
সারে ছোট লাট বাহাদুর বর্তমানের কম্পেঞ্জার হেরিসন সাহেব বাহা-

দূরকে কমিসনার নিযুক্ত করিয়া মফঃসল তদন্ত জন্ত প্রেরণ করেন। হেরিসনসাহেব বাদী অগ্রজ মহাশয় সমভিব্যাহারে খড়ার রাধানগর ক্ষীরপাই চন্দ্রকোণা রামজীবনপুর বদনগঞ্জ জাহানাবাদ প্রভৃতি গ্রামে যাইয়া সকল ব্যবসায়ীর খাতা ও কাগজ পত্র অবলোকন করেন, ও আনিসর রমেশ বাবুর কৃত অন্ত্রায় প্রমাণ হয়। অগ্রজ মহাশয় বিপদগ্রস্ত দেশস্থ সাধারণের উপকারের জন্ত প্রায় দুই মাস কাল অনন্তকর্ম্ম ও অনন্তমনা হইয়া কেবল এই কার্যেই লিপ্ত ছিলেন। একারণ দেশস্থ লোক উপকার প্রাপ্ত হইয়া অগ্রজ মহাশয়ের বিশিষ্টরূপ গুণানুবাদ করেন। উহারা পূর্বে মনে করিত যে বিদ্যাসাগর কেবল বিদ্যোৎসাহী ও বিধবাবিবাহেরই প্রবর্তক। এখন দেশস্থ লোক ভালরূপ অবগত হইলেন যে সকল বিষয়েই সমদৃষ্টি নিঃক্ষেপ করিয়া থাকেন। উক্ত কার্যে দুই মাস নিরন্তর লিপ্ত থাকায় অগ্রজ মহাশয়ের দুই সহস্রাধিক টাকা ব্যয় হয়।

সাঁটাল ইনকম ট্যাক্সের তদন্ত সময়ে তথাকার মুনসেফ বাবু তারিণীচরণ মুখোপাধ্যায় প্রভৃতি অগ্রজ মহাশয়কে সান্নায়ে এই নিবেদন করেন যে আমাদের সাঁটালে একটি মাইনার ইংরাজী বিদ্যালয় আছে, অদ্যাপি স্কুল গৃহ না থাকা প্রযুক্ত আমরা চাঁদা করিয়া ইষ্টক নির্মিত বাটী প্রস্তুত করিতেছি। কিন্তু ৫০০ টাকার অসম্ভবপ্রযুক্ত বাটী নির্মাণ কার্য সম্পন্ন হয় নাই। একারণ অগ্রজ মহাশয় তৎকালে সাঁটাল স্কুল গৃহ নির্মাণার্থে ৫০০ টাকা প্রদান করিয়াছেন। এরূপ দান দেখিয়া ও শুনিয়া সাঁটাল চৌকীর সম্ভ্রান্ত লোকেরা আশ্লাদিত হইয়া বলিয়াছিলেন যে আমরা জমিদার তথাপি ১০ বা ১২ টাকার উর্দ্ধ সাহায্য করিতে সাহস করি নাই কিন্তু বিদ্যাসাগর মহাশয় অকাতরে ৫০০ টাকা প্রদান করিলেন।

হেরিসন সাহেবের তদন্ত কার্য সমাধা হইলে পর অগ্রজ মহাশয় হেরিসন সাহেবকে বীরসিংহাস্থিত বাটীতে নিমন্ত্রণ করিয়া ভোজন করাইয়াছিলেন। জননীদেবী সাহেবের ভোজন সময়ে উপস্থিত থাকিয়া তাঁহাকে ভোজন করাইয়াছিলেন। তাহাতে সাহেব আশ্চর্য্যাবিত হইয়া-

ছিলেন, যে অতি বৃদ্ধা হিন্দু স্ত্রীলোক সাহেবের ভোজনের সময় চিয়ারে উপবিষ্টা হইয়া কথাবার্তা কহিতে প্রবৃত্ত হইলেন। উপস্থিত সকলে ও সাহেব পরম সন্তুষ্ট হইয়াছিলেন। সাহেব হিন্দুর মত জননীকে ভূমিষ্ঠ হইয়া মাতৃভাবে অভিবাদন করেন। তদনন্তর নানা বিষয়ের কথাবার্তা হইল। জননীদেবী প্রবীণা হিন্দু স্ত্রীলোক তথাপি তাঁহার স্বভাব অতি উদার, মন অতিশয় উন্নত এবং মনে কিছুমাত্র কুসংস্কার নাই। কি ধন-শালী কি দরিদ্র কি বিদ্বান্ কি মুর্থ কি উচ্চ জাতীয় কি নীচ জাতীয় কি পুরুষ কি স্ত্রী কি হিন্দু ধর্ম্মাবলম্বী কি অগ্ন ধর্ম্মাবলম্বী সকলেরই প্রতি সমদৃষ্টি; ইহা জানিতে পারিয়া সকলেই চমৎকৃত হইলেন এবং পরম সন্তোষলাভ করিলেন। হেরিসন সাহেব দাদাকে বলিলেন, মাতার গুণেই আপনি এরূপ স্বভাবতঃ উন্নতমনা হইয়াছেন। কথাবার্তার শেষে সাহেব জননীকে জিজ্ঞাসা করেন আপনার কত টাকা আছে! আমার টাকা নাই এবং টাকার আবশ্যকও নাই, যে রূপ ভাবে চলিয়া আসিতেছি এইরূপ ভাবে চলিয়া পুত্র কন্যা রাখিয়া বাইতে পারিলে আমার সকল সাধ (অভিলাষ) পূর্ণ হইবে।

সন ১২৭৫ সালের চৈত্রমাসে এক দুর্ঘটনা হয়, বীরসিংহাঙ্গ পৈতৃক বসত বাটীর সমস্ত গৃহ নিশীথ সময়ে অগ্নি লাগিয়া ভস্মীভূত হয়। শাল-গ্রাম ঠাকুরটি পর্য্যন্ত অগ্নির উত্তাপে দগ্ধ ও বিদীর্ণ হয়, মধ্যমাগ্রজ ও জননী দেবী প্রভৃতি নিদ্রিত ছিলেন। সৌভাগ্যক্রমে তাঁহারা সকলেই রক্ষা পাইয়াছেন। কিন্তু দ্রব্যাদি কিছুমাত্র বাহির করিতে পারা যায় নাই। অগ্রজ এই সম্বাদ পাইবামাত্র দেশে আগমন করেন। জননী দেবীকে সমভিব্যাহারে করিয়া কলিকাতা লইয়া ঘাইবার জন্য যত্ন পাইলেন, কিন্তু তিনি বলেন আমি কলিকাতা ঘাইব না। কারণ যে সকল দরিদ্র লোকের সম্মানগণ এখানে ভোজন করিয়া বীরসিংহা বিদ্যালয়ে অধ্যয়ন করে, আমি এস্থান পরিত্যাগ করিয়া স্থানান্তর গ্রহণ করিলে, তাহারা কি খাইয়া স্থলে অধ্যয়ন করিবে? কে দরিদ্র বালকগণকে ঘেহ করিবে? দুই প্রহরের সময় যে সকল বিদেশী লোক ভোজন করিবার মানসে এখানে সমাগত হন, কে তাঁহাদিগকে আদর অভ্যর্থনা পূর্বক

ভোজন করাইবে? যে সকল কুটুম্ব আগমন করিবেন, কে তাঁহাদিগকে
 যত্ন করিয়া ভোজন করাইবে? জননী দেবী কলিকাতা যাইতে সম্মত
 হইলেন না উজ্জ্বল তাঁহার স্বতন্ত্র বন্দোবস্ত করেন। এখানে জননী দেবীর
 দয়াশীলতার দুই এক কথা না লিখিয়া ক্ষান্ত থাকা যায় না। জননী
 দেবী সর্বদা গ্রামস্থ অভুক্ত লোককে ভোজন করাইতেন। স্থানীয় প্রতি-
 বাসিগণ পীড়িত হইলে সর্বদা তাহাদের তত্ত্বাবধারণ করিতেন এবং ঐ
 বাস্ত ভিটা দেখিয়া রোদন করেন। সম্মুখে বর্ষাকাল, একারণ অগ্রজ
 মহাশয় তাঁহার বাসার্থ সামান্য গৃহ প্রস্তুত করাইয়া দেন। বিদেশীয় যে
 সকল রোগিগণ চিকিৎসার জন্য আসিয়া বাটীতে অবস্থিতি করিত স্বয়ং
 তাহাদের আবশ্যকীয় দ্রব্য পাক করিয়া দিতেন। যে সকল দরিদ্র
 প্রতিবেশীর বস্ত্র না থাকিত, সময়ে সময়ে তাহাদিগকে যথেষ্ট বস্ত্র ক্রয়
 করিয়া দিতেন, এবং সময়ে সময়ে অনেকের আপদ বিপদে যথেষ্ট অর্থ
 প্রদান করিতেন। জননী দেবীর দান ধর্যরাতের জন্ত যখন যাহা আব-
 শ্যক হইত, অগ্রজ মহাশয় অবিলম্বে তাহা পাঠাইতেন। তিনি যাহাতে
 সন্তুষ্ট থাকেন, অগ্রজ মহাশয় সেই কার্য অবিলম্বে সম্পন্ন করিতেন।
 প্রতিবৎসরেই অগ্রজকে অহরোধ করিয়া বীরসিংহা বিদ্যালয়ের অনেক
 ছাত্রের ও অন্যান্য অনেক দীন দরিদ্রের কৰ্ম করিয়া দিতেন। বৎ-
 সরের মধ্যে নূতন নূতন অনেক কুটুম্ব ও গ্রামস্থ অনাথগণের মাসহরা
 করাইয়া দিতেন। জননী দেবী ও পিতৃদেবের স্বর্ণালঙ্কারের প্রতি
 বিলক্ষণ দ্বেষ ছিল; তাঁহার প্রায়ই বলিতেন, বাটীর স্ত্রীলোকদিগকে
 অলঙ্কার দিলে বাটীতে ডাকাইতি এবং দস্যুর ভয় হইবে। স্ত্রীলোক-
 দিগের মনে অহঙ্কারের উদয় হইবে, এবং তাহাদের গৃহস্থালী কার্যে
 সেরূপ যত্ন থাকিবে না, দীন দরিদ্রদের প্রতি অবজ্ঞা প্রকাশ করিবে।
 অলঙ্কার না করিয়া ঐ টাকায় যথেষ্ট অন্নব্যয় করিতে পারিবা তাহাতে
 দরিদ্র বালকেরা আমাদের বাটীতে ভোজন করিয়া লেখা পড়া শিখিতে
 পারিবে। বাটীর স্ত্রীলোকদিগকে সূক্ষ্ম বস্ত্র অর্থাৎ পাতলা বস্ত্র পরিধান
 করিতে দেন নাই। কখনও কখনও কলিকাতা হইতে পাতলা বস্ত্র
 গেলে অভ্যস্ত বিরক্তি প্রকাশ করিতেন। বাটীর স্ত্রীলোকদের জন্য মোটা

বস্ত্র ক্রয় করিয়া দিতেন, এবং পাকাদি সংসারিক কার্য্য করিবার জন্য সৰ্ব্বদা উপদেশ দিতেন। তিনি বিদেশীয় অনুপায় রোগীদের শুশ্রূষাদি কার্য্যে বিশেষরূপ যত্নবতী ছিলেন। কাহারও নিরামিষ ব্যঞ্জন, কাহারও সংস্তের ঝোল প্রভৃতি স্বয়ং প্রস্তুত করিয়া দিতেন। তাঁহাকে কখনও বিরক্ত হইতে দেখা যায় নাই ; বাটীর অন্যান্য স্ত্রীলোকেরাও এই সকল বিষয়ে মাতৃদেবীর অনুকরণ করিতেন। বিবাহিতা বিধবাদের মধ্যে যদি কেহ পীড়িতা হইয়া চিকিৎসার জন্য বাটীতে আসিত, অথবা অপর কেহ রোগগ্রস্ত হইয়া উপস্থিত হইত, তাহাদের মল মুত্রাদি জননী দেবী স্বয়ং মুক্ত করিতেন, কিছুমাত্র স্থণাবোধ করিতেন না। এ প্রদেশের অনেকেই প্রায় বলিয়া থাকেন যে, অগ্রজ মহাশয় বাল্যকাল হইতে জননী দেবীর দয়া দাম্পিণ্যাদি গুণ সকল অধিকার করিয়াছেন। জননী পরের হুঃখাবলোকনে রোদন করিতেন, অগ্রজও সাধারণ লোকের শোক তাপ দেখিয়া রোদন করিতেন। অধিক কি সামান্য শৃগাল ও কুকুর মরিলেও দাদার নেত্রজল বহির্গত হইত। গ্রামে বিদ্যালয় সংস্থাপনের পূর্বে গ্রামস্থ প্রায় সকল লোকই দরিদ্র ছিল, কেহ লেখা পড়া জানিত না, কেহ চাকরি করিত না ; সামান্য কৃষিবৃত্তি অবলম্বন করিয়া দিনপাত করিত। সম্বৎসরের পরিশ্রম লব্ধ ধান্য সমস্ত পৌষ মাসেই মহাজনগণ বলপূর্ব্বক এককালেই লইয়া যাইতেন। গ্রামের প্রায় অনেক লোক এক সন্ধ্যা আহার করিয়া কষ্টে দিনপাত করিত। দয়াময়ী জননী দেবী গ্রামস্থ অনেককেই টাকা ধার দিতেন ; কাহারও নিকট পাইবার আশা রাখিতেন না।

উৎকালের এডুকেশন গেজেটের সম্পাদক বাবু প্যারীচরণ সরকার ও বারাসত নিবাসী বাবু কালীকৃষ্ণ মিত্র মহাশয় দ্বয় অগ্রজের পরম বন্ধু ছিলেন। বিধবাবিবাহ ও বালিকা বিদ্যালয় প্রভৃতি দেশহিতকর কার্য্যে বিদ্যাসাগর মহাশয়ের প্রায় পঞ্চাশ সহস্র মুদ্রা ঋণ হইয়াছিল ; একারণ উক্ত সরকার ও মিত্র মহাশয় অন্ত্যস্ত চিন্তিত হইয়াছিলেন এবং এডুকেশন গেজেটে প্রকাশ করেন যে বিদ্যাসাগর দেশহিতকর কার্য্যে যথেষ্ট ঋণগ্রস্ত হইয়াছেন। অতএব তাঁহার বন্ধুবান্ধবের কর্তব্য যে, সকলে কিছু

কিছু সাহায্য করিলে বিদ্যাসাগর মহাশয় অক্লেশে ঋণ দায় হইতে পরিত্রাণ পান। যাহার সাহায্য করিবার ইচ্ছা হইবে, তিনি এডুকেশন গেজেটের সম্পাদক প্যারীবাবুর নিকট প্রেরণ করিবেন, ইহা প্রকাশ করায় অল্প দিনের মধ্যেই ষথেষ্ট টাকা প্যারীবাবুর নিকট জমা হইল। ঐ সময় দাদা বাটী হইতে কলিকাতা আইসেন। তিনি এই বৃত্তান্ত অবগত হইয়া অতিশয় ক্রুদ্ধ হইয়া পত্রের দ্বারা সম্বাদপত্রে প্রকাশ করেন যে, হে বন্ধুগণ, তোমরা আমার রক্ষা কর, আমি কাহারও সাহায্য গ্রহণ করিব না। যিনি যাহা আমার উদ্দেশে প্যারীবাবুর নিকট প্রেরণ করিয়াছেন, তিনি তাহা অবিলম্বে ফেরৎ লইবেন। আমার ঋণ আমিই পরিশোধ করিব। আমার ঋণের জন্য তোমাদিগকে কোন চিন্তা করিতে হইবে না। পূর্ক্সাপেক্ষা আমার ঋণ অনেক কমিয়াছে, যাহা অবশিষ্ট আছে, আমিই শোধ করিতে পারিব। দেখ, বিদ্যাসাগরের তুল্য নিঃস্বার্থ নিরোঁড় লোক প্রায় দৃষ্টিগোচর হয় নাই।

সন ১২৭৬ সালের আষাঢ় মাসে বীরসিংহায় ১১টী বিধবা ব্রাহ্মণকন্ডার পাণিগ্রহণ কার্য সমাধা হয়। বর শ্রীমুচিরাম বন্দ্যোপাধ্যায়, নিবাস ক্ষীরপাই, তৎকালে বর কেঁচকাপুর স্থলের হেড পণ্ডিতের পদে নিযুক্ত ছিলেন। কন্যা শ্রীমতী মনমোহিনী দেবী, নিবাস কাশীগঞ্জ। অগ্রজ মহাশয় বাটী আগমন করিলে পর ক্ষীরপাই গ্রামের সম্ভ্রান্ত লোক হালদার মহাশয়েরা অগ্রজের নিকট আসিয়া বলেন যে মুচিরাম বন্দ্যোপাধ্যায় আমাদের ভিক্ষাপুত্র, ইনি বিধবাবিবাহ করিলে আমরা অতিশয় দুঃখিত হইব। হালদার বাবুরা অতি কাতরতা পূর্বক বলিলে দাদা তাঁহাদিগকে উত্তর করেন, আপনাদের অনুরোধে আমি এই বিবাহের কোন সংশ্রবে থাকিব না। আপনারা উভয়কে উপদেশ প্রদান পূর্বক সমষ্টিব্যাহারে লইয়া যান। উহারা উভয়ে দ্বতঃপ্রযুক্ত হইয়া কলিকাতা গিয়াছিলেন; তথা হইতে আসিয়া এখানে যে রহিয়াছেন, তাহা আমি জানিতাম না। শম্ভুর নিকট শুনিলাম ইহারা কলিকাতা গিয়া নারায়ণের পত্র লইয়া এখানে আসিয়া শম্ভুকে ঐ পত্র দিয়াছেন। তাহাতেই সে ইহাদিগকে বাটীতে রাখিয়া ইহাদের বিবাহের উদ্যোগ পাইতেছে। অন্য আপনাদের

সম্মুখেই বিদায় করা হইবে। কিন্তু ক্রমশঃ পরে উহারা বাটী হইতে বহিষ্কৃত হইল বটে, কিন্তু উহারা হালদারদের অবাধ্য হইল। বীরসিংহার কয়েকজন প্রাচীন, দীনবন্ধু ভায়াবহু মধ্যমাগ্রজ, রাধা-নগর নিবাসী কৈলাসচন্দ্র মিশ্র প্রভৃতি উহাদিগকে আশ্রয় দিয়া বাটীর অতি সম্মিহিত অপর এক ব্যক্তির বাটীতে রাখিয়া উহাদের বিবাহ কার্য্য সমাধা করেন। এই বিবাহে অগ্রজ আন্তরিক কষ্টানুভব করেন এবং প্রকাশ করেন, গতকল্য ক্ষীরপাই গ্রামের হালদারদিগকে বলিয়াছিলাম যে আমি এই বিবাহের কোনও সংশ্রবে থাকিব না। কিন্তু তোমরা তাঁহাদের নিকট আমাকে মিথ্যাবাদী করিয়া দিবার জ্ঞান এই গ্রামে এবং আমার সম্মুখস্থ ভবনে বিবাহ দিলে। ইহাতে আমার যতদূর মনঃকষ্ট দিতে হয় তাহা তোমরা দিয়াছ। যদিও তোমাদের একান্ত বিবাহ দিবার অভিপ্রায় ছিল, তাহা হইলে, তিন্ন গ্রামে লইয়া গিয়া বিবাহ দিলে একরূপ মনঃকষ্ট হইত না। যাহা হউক, আমি তাহাদের নিকট মিথ্যাবাদী হইলাম। কনিষ্ঠ সহোদর ঐশানচন্দ্র উত্তর করিলেন, উক্ত হালদার বাবুদের সমক্ষে আমি আপনাকে জিজ্ঞাসা করিলাম, শাস্ত্রানুসারে এই বিবাহ দেওয়া বিধেয় কি না? তাহাতে আপনি উত্তর করিলেন, ইহা শাস্ত্রসম্মত ও ভ্রাতানুগত বলিয়া আমি স্বীকার করি, কিন্তু হালদার বাবুদের মনে দুঃখ হইবে। ইহাতে ঐশান ভায়া উত্তর করিলেন, লোকের ষাতিরে এই সকল বিষয়ে পরাজুখ হওয়া ভবাদৃশ ব্যক্তির পক্ষে দূষণীয়। ইহা শুনিয়া অগ্রজ মহাশয় ক্রোধভরে বলিলেন, অন্য হইতে আমি দেশ পরিত্যাগ করিলাম। তিনি কয়েক দিবস দেশে অবস্থিতি করিয়া বিদ্যালয়, চিকিৎসালয়, রাধাল স্কুল, বালিকাবিদ্যালয়, দেশস্থ ও বিদেশস্থ লোকের ও বিধবাবিবাহকারীদের মাসহারা প্রভৃতির বন্দোবস্ত করিয়া কলিকাতা প্রস্থান করিলেন। মৃত্যুর পাঁচ ছয় বৎসর পূর্বে বিদ্যালয়, চিকিৎসালয়, বালিকাবিদ্যালয়, প্রভৃতির পুনঃস্থাপন জন্য দেশে যাইবার অভিপ্রায় প্রকাশ করিতেন কিন্তু দেশের দুর্ভাগ্য বশতঃ নানাকার্য্যে ব্যস্ততা প্রযুক্ত ও অসুস্থতা জন্য দেশে শুভাগমন করিতে পারেন নাই।

বাক্সালা ১২৭৬ সালের পূর্বে রাধানগর গ্রামবাসী জমিদার বাবু উমাচরণ চৌধুরী প্রভৃতির বৈচি নিবাসী জমিদার বিহারীলাল মুখো-
পাধ্যায়ের সহিত ঋণগ্রহণ ও বিষয় কর্ম উপলক্ষে বিদ্যাসাগর মহাশয়ের
সহিত বিহারী বাবুর পরিচয়, প্রণয় ও বিশেষ জ্ঞাত্যতা জন্মে। এক সময়ে
বিহারী বাবু কলিকাতায় আসিয়া কথাপ্রসঙ্গে অগ্রজকে জিজ্ঞাসা করি-
লেন, বিদ্যাসাগর মহাশয়! আমি অপুত্রক, স্ত্রীর মনে যদি কষ্ট
হয়, এ কারণে পুনরায় দ্বারপরিগ্রহ করিতে আমার ইচ্ছা নাই। অতএব
আমি পোষ্যপুত্র গ্রহণ করিব অভিপ্রায় করিয়াছি, নতুবা আমার বিষয়
সম্পত্তি অকারণ নষ্ট হইয়া যাইবে, এবং আমাদের নাম লোপ হইবে।
ইহা শ্রবণ করিয়া তিনি বলিলেন, যদি আমার মত গ্রহণ কর, তবে
আমার মতে দত্তকপুত্র না লইয়া আপনার যাবতীয় সম্পত্তি দেশের
হিতকর কার্যে সমর্পণ করুন। তাহাই কর্তব্য ও তাহাই পরম ধর্ম,
এবং তাহাই বহুকালস্থায়ী; কোন সভ্য রাজার সময়ে ইহার লোপ
হইবে না। দাতব্য বিদ্যালয় ও চিকিৎসালয় এবং অসহায় রোগী-
দিগের আহার ও থাকিবার স্থান দান করা এবং নিজ গ্রামের ও তাহার
পার্শ্বস্থ গ্রাম সমূহের অন্ধ, পঙ্গু, ও অনাথ প্রভৃতি নিরুপায় লোক-
দিগের দুঃখমোচনে যাবতীয় সম্পত্তি নিয়োজিত করা প্রধান ধর্ম।
স্বর্গীয় বিহারীলাল বাবু আল্লাদের সহিত বিদ্যাসাগর মহাশয়ের এই
প্রস্তাবে অনুমোদন করিয়া তাঁহাকে দ্বিতীয় উইলের আদর্শ প্রস্তুত
করিতে অনুরোধ করেন। তদনুসারে তিনি একখানি নূতন উইল
প্রস্তুত করাইয়া বহুদর্শী উকীল বাবুদিগকে দেখান, পরে ঐ আদর্শ উইল
খানি বিহারী বাবুকে দেন। তিনি উহা পাঠ করিয়া পরম আল্লাদিত
হইলেন। সন ১২৭৭ সালের ২৫শে শ্রাবণ ঐ উইল প্রস্তুত করিয়া
স্বথারীতি রেজেষ্ট্রি করাইলেন। ইহার কিছুদিন পরে বিহারীলাল
বাবুর মৃত্যু হইলে ঐ উইলের সর্তানুসারে তাঁহার বনিতা শ্রীমতী
কমলেকামিনী দেবী দাতব্য স্কুল, ডিস্পেনসরি ও হাসপাতাল জন্ম
সন ১২৮৪ সালের ৫ই শ্রাবণ, ইং ১৮৭৭ সালে ২৯শে জুলাই, একলক্ষ
ষাটি হাজার টাকা ঐ বৎসরের শেষ পর্য্যন্ত ছপলি জেলার কালেক্টারিতে

আমানত করিলেন, এবং ঐ বর্ষ হইতে দাতব্য এনট্রান্স স্কুল, ডিস্-পেনসারি ও হাসপাতালের কার্য আরম্ভ হয়। ঐ কার্য অবাধে চলিয়া আসিতেছে। অপিচ দাতার উইল অনুসারে ভোগাধিকারী ও স্থলাভিষিক্ত অভাবে যাবতীয় সম্পত্তি গবর্ণমেন্ট নিজ হস্তে তত্ত্বাবধানের ভার লইয়া দাতার ইচ্ছানুরূপ কার্য সকল নিষ্পন্ন করিবেন। এবং ঐ বিষয় প্রিভি কৌন্সেল পর্য্যন্ত বাইয়া স্থিরীকৃত হইয়াছে। উইলের কোন অংশ রহিত কি পরিবর্তিত হয় নাই। বিদ্যাসাগর মহাশয় পরোপকারার্থে নিজ ধন ব্যয় করিতে ঘেরূপ কাতর ছিলেন না, অল্প ব্যক্তিকেও সেইরূপ কার্যে ব্রতী করিতেও তাঁহার চেষ্টার ক্রটি ছিল না। স্বতঃ পরতঃ পরোপকার ঘেরূপ পরম ধর্ম, তাহা বিদ্যাসাগর মহাশয় অনুভব করিতে সক্ষম হইয়াছিলেন। এই বিবরণটী বৈচিত্র্যামনিবাসী বাবু গোকুলচাঁদ বসু মহাশয়ের প্রমুখ্যৎ অবগত হইয়াছি।

সন ১২৭৬ সালে শ্রাবণের শেষে অগ্রজ মহাশয় জননী দেবীকে কালীবাস করিবার জন্ত প্রেরণ করেন। কিন্তু জননী দেবী কালীতে পিতৃদেবের নিকটে কতিপয় দিবস অবস্থিতি করেন, তদনন্তর অস্ত্রান্ত্র তীর্থস্থান পর্য্যটন করিয়া পুনর্বার কালীতে সমুপস্থিত হইলেন। মাতৃদেবী পিতৃদেবকে বলেন, এহলে এখন হইতে অবস্থিতি করা অপেক্ষা আমরা দেশে অবস্থিতি করিলে অনেক অক্ষম দরিদ্র লোককে ভোজন করাইতে পারিব। দেশে বাস করিয়া প্রতিবাসিবর্গের অনাথ শিশুগণের আনুকূল্য করিতে পারিলে আমার মনের শুখ হইবে। আমার মৃত্যুর এখনও বিলম্ব আছে, আমি আমার সময় বুঝিয়া আসিব। আরও তৎকালে পিতৃদেবকে স্পষ্ট করিয়া বলেন যে, আপনাকে এখনও অনেক দীর্ঘ বাচিতে হইবে, কারিক অনেক কষ্ট পাইতে হইবে, এত তাড়াতাড়ি তীর্থস্থলে আগমন করা যুক্তিসিদ্ধ হয় নাই। ফলতঃ আপনার মৃত্যু আমাকে কারিক কোমণ্ড কষ্টানুভব করিতে হইবেক না। আমাকে আপনার পরলোকযাত্রা করিবার অনেক পূর্বেই পরলোক গমন করিতে হইবে, ইহা নিশ্চয় জানিবেন।

জননী দেবী কাশীতে কয়েক দিবস বাস করিয়া পুনর্ব্বার দেশে প্রত্যাগমন করেন । বাটীতে সমুপস্থিত হইয়া গ্রাহাদি কার্য্য সমাপনাতে আত্মীয়, বন্ধুবান্ধব, ব্রাহ্মগণ ও গ্রামস্থ লোকদিগকে ভোজন করাইলেন । বাটীতে ষতদিন ছিলেন, ততদিন প্রাতঃকাল হইতে সমস্ত পাক করিয়া দরিদ্রদিগকে ভোজন করাইয়া স্বয়ং স্বংসামান্য আহার করিতেন । মোটা মলিন বস্ত্র পরিধান করিতেন । যে সকল অনাথ পীড়িত অগ্রজের দাতব্য চিকিৎসালয়ে আসিত, তাহাদের শুশ্রূষাদিতে বিশিষ্টরূপ যত্নবতী ছিলেন । বাটীতে যে সকল বিদেশীয় বালকবৃন্দ ভোজন করিয়া স্থলে অধ্যয়ন করিত, সেই সকল বালককে স্বয়ং পরিবেশন করিতেন । যে দিবস জননী স্থানান্তর যাইতেন, সেই দিবস বালকগণের ভোজনের সুবিধা হইত না । জননী বাটীর ও বিদেশের বালক সকলকে সমভাবে পরিবেশন করিতেন ; কখনও ইতরবিশেষ করিতেন না । এ কারণ এ প্রদেশে সকলেই অদ্যাপি জননী দেবীর প্রশংসা করিয়া থাকেন । দেশস্থ সকলে বলিয়া থাকেন যে, কর্ত্তী ঠাকুরাণীর ঐ পুণ্যপ্রভাবেই বিদ্যাসাগর মহাশয় উঁহার গর্ভে জন্মগ্রহণ করিয়াছেন । দেশের যে কোন জাতির গৃহে কোনরূপ বিপদ উপস্থিত হইলে বা কেহ মরিলে, জননী শ্রান আহার পরিত্যাগ করিয়া তাহাদের সঙ্গে রোদনে প্রবৃত্ত হইতেন । তিনি দরিদ্রগণকে ভোজন করানই প্রধান ধর্ম্ম বলিয়া মনে করিতেন । যাহাতে অন্নবয়স্কা বিধবা বালিকার বিবাহ হয়, তিনি তদ্বিষয়ে সম্পূর্ণ ইচ্ছা প্রকাশ করিতেন । অন্নবয়স্কা বিধবাকে দেখিলে নেত্রজলে তাঁহার বন্ধঃস্থল ভাসিয়া যাইত । অনেকে বলিয়া থাকেন, অগ্রজ সমস্ত মাতৃগুণ অধিকার করিয়াছেন । দাদাও ঐরূপ বালিকাকে বিধবা দেখিলে চক্ষের জলে প্রাবিত হইতেন ।

১৮৬৯ সালে বিদ্যাসাগর মহাশয় বেথুন বালিকাবিদ্যালয়ের সেক্রেটারি পদ পরিত্যাগ করেন ।

নারায়ণের বিধবাবিবাহ।

সন ১২৭৭ সালের ২৭শে শ্রাবণ বৃহস্পতিবার অগ্রজ মহাশয়ের একমাত্র পুত্র শ্রীযুত নারায়ণ বন্দ্যোপাধ্যায়, খানাকুলকৃষ্ণনগর নিবাসী শত্ৰুচন্দ্র মুখোপাধ্যায়ের বিধবা তনয়া শ্রীমতী ভবমুন্দরী দেবীর পাণিগ্রহণ করিয়াছেন। অগ্রজ মহাশয় বিধবাবিবাহের প্রবর্তক, এতাবৎকাল উদ্যোগ করিয়া সর্বস্বান্ত হইয়া অসুস্থ লোকের বিধবাবিবাহ দিয়া আসিতেছিলেন; আমাদের বংশে অদ্যাপি বিবাহের কারণ ঘটে নাই। এইজন্ত সকল স্থানের লোকেই বলিত, বিদ্যাসাগর মহাশয় পরের মাথায় কাঁঠাল ভাঙ্গেন; নিজের বেলায় ঠিক আছেন। এক্ষণে তাঁহার পুত্র নারায়ণের বিবাহ হওয়ায় অগ্রজ মহাশয়কে আর কাহারও নিকট নিন্দার ভাজন হইতে হইল না। ঐ পাত্রীর জননী সারদাদেবী অতিশয় বুদ্ধিমতী। স্বীয় কন্যার পুনর্ব্বার বিবাহ দিয়া নিশ্চিন্ত হইয়া কাশীবাস করিবার মানসে প্রথমতঃ আমার নিকট আগমন করেন। ইনি নিকস কুলীনের বংশোদ্ভবা। কন্যার মাতুল চন্দ্রকোণা নিবাসী নীলরতন চট্টোপাধ্যায়। কন্যার প্রথম বিবাহ কৃষ্ণনগরের বিখ্যাত বন্দ্যোপাধ্যায় মহাশয়দের বাটীতে হইয়াছিল। উক্ত সারদা দেবী তনয়া সহ বীরসিংহায় আমার বাটীতে আগমন করিয়া আমাকে উহার বিবাহের কথা ব্যক্ত করেন। তাঁহাদিগকে আমার বাটীতে রাখিয়া অগ্রজকে ঐ সম্বাদ দিই। অগ্রজ মহাশয় অন্য এক পাত্র স্থির করিয়া কিছু দিন পরে আমার পত্র লিখেন, তুমি ঐ পাত্রীসহ পাত্রীর মাতাকে কলিকাতায় প্রেরণ করিবে। ইতি মধ্যে নারায়ণ বাবাজী কোন কার্যোপলক্ষে বীরসিংহায় আসিয়া কথার্ত্তাতে পরম প্রীতিলাভ করিয়া আমার নিকট নিজের বিবাহের অভিপ্রায় প্রকাশ করেন। কিন্তু জ্যেষ্ঠাবধু দেবী প্রভৃতি এ বিষয়ে অসম্মতি প্রকাশ করায় উভয় পক্ষের মন্তব্য পত্র সহ ঐ পাত্রী ও উহার মাতাকে কলিকাতায় অগ্রজের নিকট পাঠাইয়া দিয়াছিলাম। কয়েক দিন পরে নারায়ণও কলিকাতায় গমন করে। পরে এই পরিণয় কার্য সম্পন্ন হইলে পর জ্যেষ্ঠা বধুদেবী পরম আত্মদিতা হইয়াছিলেন।

সকলে কলিকাতায় উপস্থিত হইলে পর, উভয় পক্ষের সম্মতি ও আগ্রহাতিশয়ে পরম প্রীতি লাভ করিয়া পরিণয় কার্য সমাধা করাইয়া, অগ্রজ মহাশয় আমাকে যে পত্র লিখেন তাহা নিম্নে উদ্ধৃত হইল।

শ্রীশ্রীহরিঃ ।

শরণং ।

“শুভাশিষ্যঃ সন্ত—

২৭শে শ্রাবণ বৃহস্পতিবার নারায়ণ ভবানুন্দরীর পাণিগ্রহণ করিয়াছে । এই সম্বাদ মাতৃদেবী প্রভৃতিকে জানাইবে ।

ইতি পূর্বে তুমি লিখিয়াছিলে, নারায়ণ বিধবাবিবাহ করিলে আমাদের কুটুম্ব মহাশয়েরা আহাৰ ব্যবহার পরিত্যাগ করিবেন, অতএব নারায়ণের বিবাহ নিবারণ করা আবশ্যক । এবিষয়ে আমার বক্তব্য এই যে, নারায়ণ স্বতঃ প্রবৃত্ত হইয়া এই বিবাহ করিয়াছে ; আমার ইচ্ছা বা অনুরোধে করে নাই । যখন শুনলাম সে বিধবাবিবাহ করা স্থির করিয়াছে এবং কন্তাও উপস্থিত হইয়াছে, তখন সে বিষয়ে সম্মতি না দিয়া প্রতিবন্ধকতাচরণ করা আমার পক্ষে কোনও মতেই উচিত কর্ম হইত না । আমি বিধবাবিবাহের প্রবর্তক, আমরা উদ্যোগ করিয়া অনেকের বিবাহ দিয়াছি, এমন স্থলে আমার পুত্র বিধবাবিবাহ না করিয়া কুমারী বিবাহ করিলে আমি লোকের নিকট মুখ দেখাইতে পারিতাম না । ভদ্রসমাজে নিতান্ত হেয় ও অশ্রদ্ধেয় হইতাম । নারায়ণ স্বতঃপ্রবৃত্ত হইয়া এই বিবাহ করিয়া আমার মুখ উজ্জ্বল করিয়াছে এবং লোকের নিকট আমার পুত্র বলিয়া পরিচয় দিতে পারিবেক তাহার পথ করিয়াছে । বিধবাবিবাহ প্রবর্তন আমার জীবনের সর্বপ্রধান সংকর্ম । এজন্মে ইহা অপেক্ষা অধিকতর আর কোনও সংকর্ম করিতে পারিব তাহার সম্ভাবনা নাই । এবিষয়ের জন্য সর্বস্বান্ত করিয়াছি এবং আবশ্যক হইলে প্রাণান্ত স্বীকারেও পরাজুঁথ নহি । সে বিবেচনার কুটুম্ববিচ্ছেদ অতি সামান্য কথা । কুটুম্ব মহাশয়েরা আহাৰ ব্যবহার পরিত্যাগ করিবেন এই ভয়ে যদি আমি পুত্রকে তাহার অভিপ্রেত বিধবাবিবাহ হইতে বিরত করিতাম, তাহা হইলে, আমা অপেক্ষা নরাদম আর কেহ হইত না ।

অধিক আর কি বলিব সে স্বতঃপ্রবৃত্ত হইয়া এই বিবাহ করাতে আমি আপনাকে চরিতার্থ জ্ঞান করিয়াছি। আমি দেশাচারের নিতান্ত দাস নহি, নিজের বা সমাজের মঙ্গলের নিমিত্ত যাহা উচিত বা আবশ্যক বোধ হইবেক, তাহা করিব, লোকের বা কুটুম্বের ভয়ে কদাচ সম্মুচিত হইব না। অবশেষে আমার বক্তব্য এই যে সমাজের ভয়ে বা অন্য কোন কারণে নারায়ণের সহিত আহার ব্যবহার করিতে যাহাদের সাহস বা প্রবৃত্তি না হইবেক, তাঁহারা স্বচ্ছন্দে তাহা রহিত করিবেন, সে জন্য নারায়ণ কিছুমাত্র দুঃখিত হইবেক এরূপ বোধ হয় না এবং আমিও তজ্জন্য বিরক্ত বা অসন্তুষ্ট হইব না। আমার বিবেচনায় এরূপ বিষয়ে সকলেই সম্পূর্ণ স্বতন্ত্রেচ্ছ, অগ্রদীয় ইচ্ছার অনুবর্তী বা অনুরোধের বশ-বর্তী হইয়া চলা কাহারও উচিত নহে। ইতি ৩১শে শ্রাবণ।

শুভাকাজিক্ষণঃ

শ্রীঈশ্বরচন্দ্র শর্ম্মণঃ ।

সন ১২৭৭ সালে ২রা ফাল্গুন কাশীবাসী পিতৃদেবের পীড়ার সম্বাদে অগ্রজ মহাশয় অত্যন্ত উৎকণ্ঠিত হইলেন এবং অবিলম্বে বীরসিংহাশ্ব মধ্যম সহোদর ও আমাকে পত্র লিখিলেন যে ত্বরায় আমি কাশীযাত্রা করিলাম। তোমরা জননীদেবীকে সমভিব্যাহারে করিয়া পত্রপাঠ মাত্র কাশী যাত্রা করিবে। আমি ও মধ্যম সহোদর দীনবন্ধু ঞ্জায়রহ মহাশয়, অগ্রজ মহাশয়ের আদেশ পত্র পাইবামাত্র জননী দেবীকে সমভিব্যাহারে লইয়া বীরসিংহ বাটী হইতে কাশীধামে যাত্রা করিলাম। পিতৃভক্তিপরায়ণ অগ্রজ মহাশয় দুই সপ্তাহ কাশীতে অবস্থিতি করিয়া শুক্রবাди কার্ণ্যে নিরন্তর ব্যাপৃত থাকায় ক্রমশঃ আরোগ্যলাভ করিতে লাগিলেন। কাশীর মদনপুরা বাঙ্গালী টোলা মাতঙ্গীপদ ভট্টাচার্য্যের বাটী অতি সঙ্গীর্ণ ও জষত্রু স্থান, তজ্জন্তু অগ্রজ মহাশয় সোণারপুরস্থিত সোমহস্তের একটি প্রশস্ত বাটী ভাড়া করিলেন। মাতঙ্গীপদ ভট্টাচার্য্য দেখিলেন, ঠাকুরদাস বন্দ্যোপাধ্যায় আমার বাটী পরিত্যাগ করিবেন; ইহঁার পুত্র বিদ্যাসাগর অশ্রু বাটী ভাড়া করিলেন। আমার বাটী পরিত্যাগ করিলে আর বিদ্যাসাগরের পিতার নিকট পূর্বের

আর প্রাপ্তির আশা রহিল না। ইহা দেখিয়া মাতঙ্গীপদ পিতৃদেবকে অনেক উপদেশ দিতে আরম্ভ করিলেন। পিতৃদেব কাশীতে প্রাতঃকাল হইতে সমস্ত দিবস কেদারঘাটে জপতপ সমাপনান্তে দেবালয় পর্য্যবেক্ষণ পূর্ব্বক সন্ধ্যার সময়ে বাসায় আগমন করিয়া পাকা দি কার্ধ্য সম্পন্ন করিতেন। গৃহস্থানী মাতঙ্গীপদ ও তাঁহার পত্নী সকলই আত্মসাৎ করিত পৌরহিত্য-কার্য্য-কলাপের সময় পুরোহিত মাতঙ্গীপদ হস্তে কুশ দিয়া কৌশল ক্রমে স্বর্ণ মোহর দক্ষিণা লইয়া ক্রমশঃ যথেষ্ট স্বর্ণালঙ্কার প্রস্তুত করিয়া ছিলেন। সর্বদা নানাপ্রকার ক্রিয়া করাইয়া বিস্তর উপায় করিতেন কিন্তু স্বতন্ত্র বাটীতে বাসা করিলে এরূপ বশীভূত করিয়া গ্রহণ করিতে পারিবেন না, এজন্য উক্ত পুরোহিত পিতৃদেবকে নির্জ্ঞানে বিস্তর উপদেশ দিয়া বলেন, তোমার পত্নী ও পুত্রগণ বাটী প্রস্থান করুন। তীর্থস্থানে স্ত্রী, পুত্র লইয়া গৃহী হইয়া অবস্থিতি করা অতি অকর্তব্য। তুমি আমার বাটীতে নিশ্চিন্ত হইয়া যেমন অবস্থিতি করিতেছ, সেই রূপই থাক। পুত্রগণ নাস্তিক, উহাদের সংস্রবে থাকা উচিত নয়। পিতৃদেব পুরোহিতকে উত্তর করিলেন, আমার পুত্র ঈশ্বর আমায় যথেষ্ট শ্রদ্ধা ও ভক্তি করিয়া থাকে। সেই সংপুল আমার কষ্ট দেখিয়া পৃথক প্রশস্ত বাটীতে আমায় লইয়া গেলে যদি সফল হয়, আমার তাহাই করা কর্তব্য। এক্ষণে আমি বৃদ্ধ হইয়াছি, উপযুক্ত পুত্রের কথা রক্ষা করা আমার অবশ্য কর্তব্য। ইহা বলিয়া পুরোহিত ও তৎ- পত্নীর উপদেশে কর্ণপাত না করিয়া অগ্রজ মহাশয়ের সহিত নূতন ভাড়াটিয়া ভবনে গমন করিলেন।

তৎকালে কাশীস্থ দলপতি ব্রাহ্মণগণ বাসায় উপস্থিত হইয়া বলেন যে আপনার পিতা কাশীতে অনেক প্রকার কার্য্য করিয়াছেন। আমরা ইহার নিকট অনেক ধাইয়াছি, অনেক টাকা ও তৈজস পত্রাদি সময়ে সময়ে গ্রহণ করিয়াছি। তোমার পিতা পরম ধার্মিক ও ক্রিয়াবান। পিতৃপুণ্য প্রভাবে আপনি জগদ্বিখ্যাত হইয়াছেন। আপনি আমাদিগকে ৫৭ হাজার টাকা দান করিয়া নাম ক্রয় করুন। ইহা শুনিয়া অগ্রজ মহাশয় তাঁহাদিগকে উত্তর করেন, আপনারা পিতৃদেবের নিকট পাইয়া

থাকেন, তাঁহাকে বলুন, তিনি আপনাদিগকে যেরূপ দিয়া থাকেন সেই-রূপই দিবেন, তাহার ব্যতিক্রম হইবে না। ইহা শুনিয়া কাশীবাসী বাঙ্গালী দলপতিগণেরা বলেন, বড় লোক কাশীদর্শনার্থে আগমন করিলে আমরা তাঁহাদের নিকট বাইয়া বলিলেই তাঁহারা আমাদিগকে প্রচুর অর্থ দান করিয়া থাকেন, তাহাতেই আমাদের কাশীবাস হইতেছে। তুমি নাম-বাদা লোক, তোমাকে অবশু দান করিতে হইবে। ইহা শুনিয়া বিদ্যা-সাগর মহাশয় উত্তর করেন যে আমি কাশী দর্শন করিতে আসি নাই, পিতৃদর্শনের জন্য আসিয়াছি। আমি যদি তোমাদের মত ব্রাহ্মণকে কাশীতে দান করিয়া বাই তাহা হইলে আমি কলিকাতায় ভদ্রলোকের নিকট মুখ দেখাইতে পারিব না। তোমরা যত প্রকার দুষ্কর্ম করিতে হয় তাহা করিয়া দেশ পরিত্যাগ পূর্বক কাশীবাস করিতেছ। এখানে আছেন বলিয়া আপনাদিগকে যদি আমি ভক্তি বা শ্রদ্ধা করিয়া বিষ্ণেশ্বর বলিয়া মান্য করি, তাহা হইলে আমার মত নরাধম আর নাই। ইহা শুনিয়া ব্রাহ্মণেরা বলেন, আপনি কি তবে কাশীর বিষ্ণেশ্বর মানেন নাই? ইহা শুনিয়া দাদা উত্তর করিলেন, আমি তোমাদের কাশী বা তোমাদের বিষ্ণেশ্বর মানি না, ইহা শুনিয়া কেশল ব্রাহ্মণেরা ক্রোধাক্ত হইয়া বলেন, তবে আপনি কি মানেন? তাহাতে অগ্রজ উত্তর করেন। আমার বিষ্ণেশ্বর ও অন্নপূর্ণা উপস্থিত এই পিতৃদেব ও জননী দেবী বিরাজমান। দেখ জননী দেবী আমাকে দশ মাস গর্ভে ধারণ করিয়া কতই কষ্ট ভোগ করিয়াছেন। বাল্যকালে আমাকে স্তনদুগ্ধ পান করাইয়া পরিবর্জিত করিয়াছেন। আমার জন্য কতই কষ্ট ভোগ করিয়াছেন, কতই যত্ন পাইয়াছেন। আমি পীড়িত হইলে জননী আহার নিদ্রা পরিত্যাগ করিয়া কিসে আমি আরোগ্য লাভ করি, নিরন্তর এই চিন্তায় নিমগ্ন হইতেন। পিতৃদেব কষ্ট স্বীকার করিয়া আমাকে লেখাপড়া শিখাইয়াছেন, বাল্যকালে অন্ন বস্ত্র দিয়াছেন। পিতামাতার আন্তরিক যত্নেই আমি পরিবর্জিত হইয়াছি। পিতা বাল্যকালে আমাকে স্বল্পে আরোহণ করিয়া লেখাপড়া শিকার জন্য কলিকাতা লইয়া গিয়াছিলেন। তথায় আমার পীড়া হইলে মলমুত্রাদি পরিষ্কার করিয়া

দিয়াছেন। হুতরাং এতাদৃশ জনক জননীকেই আমি পরমেশ্বর জ্ঞান করি। সেইরূপই আমি প্রজ্ঞা ভক্তি করিয়া থাকি। ইহাদের উভয়কে সন্তুষ্ট রাখিতে পারিলেই আমি আপনাকে চরিতার্থ জ্ঞান করিব। ইহাদিগকে অসন্তুষ্ট করিলে বিধেশ্বর ও অন্নপূর্ণা আমার প্রতি অসন্তুষ্ট হইবেন পিতা মাতাকে অসন্তুষ্ট করিলে সকল দেবতাই আমার প্রতি অসন্তুষ্ট হইবেন। দেখুন আপনারা শ্রাদ্ধের সময় কি বলিয়া থাকেন। অর্থাৎ পিতা স্বর্গঃ পিতা ধর্ম্যঃ পিতা হি পরমং তপঃ, পিতরি প্রীতিমাপনৈ প্রীয়ন্তে সর্বদেবতাঃ।

ব্রাহ্মণেরা কিছু না পাইয়া ক্রোধাক্ত হইয়া প্রস্থান করেন। ১৫ই ফাল্গুন অগ্রজ মহাশয় জননী দেবী, মধ্যম ও তৃতীয় সহোদরকে পিতৃদেবের শুশ্রূষাদি কার্য্য নির্বাহের জন্য রাখিয়া স্বয়ং কলিকাতা গমন করেন। কয়েক দিনের মধ্যেই পিতৃদেব সম্পূর্ণরূপ আরোগ্য লাভ করেন। জননী দেবী ফাল্গুন ও চৈত্র দুই মাস কাল কাশীবাস করিয়া অগ্রজকে অমুরোধ করিয়া কয়েকটী নিরুপায়া হতভাগিনী স্ত্রীলোকের অন্নকষ্ট নিবারণ করেন। তাহাতে ঐ অশীতিবর্ষদেশীয়া স্ত্রীলোকেরা পরম সুখে কাশী-বাস করেন। জননীদেবী ফাল্গুন, চৈত্র দুই মাস কাল কাশীবাস করিয়া বিধিম বিহিতকারোণে আক্রান্ত হইয়া ১২৭৭ সালের চৈত্রের সংক্রান্তি দিবস স্বামী, পুত্র, পৌত্র ও দৌহিত্রাদি রাখিয়া কাশীলাভ করেন। জননীর মৃত্যুসংবাদে অগ্রজ মহাশয় ষৎপরোনাস্তি শোকাতিক্রান্ত হইলেন। দিবারাত্রি রোদন করিয়া সময়ান্তিপাত করিতেন। দশাহে যথাশাস্ত্র কলিকাতার অতি সম্মিহিত কাশীপুরস্থ গঙ্গাতীরে চন্দনধেতু করিয়া ঔর্দ্ধৈবিক শ্রাদ্ধকার্য্য সমাধা করেন। শাস্ত্রানুসারে একবৎসর কাল শোকচিহ্ন স্বরূপ নিরামিষ স্বহস্তে পাক করিয়া এক সন্ধ্যা ভোজন করিয়া শরীরধারণ করিলেন। চন্দ্রপাটকা, আতপত্র, পালক প্রভৃতি সুধসেব্য (দ্রব্য ও বিষয়) গুলি এক বৎসরের জন্য পরিত্যাগ করিলেন। কয়েক মাস বিষয় কার্য্য পরিত্যাগপূর্ব্বক নির্জ্ঞানে উপবিষ্ট হইয়া রোদন করিতেন। পিতৃদেবের শুশ্রূষাদি কার্য্য নির্বাহার্থে আমাকে কাশী পাঠান। জননী কাশীলাভ করিয়াছেন, একারণ দাদা আপাততঃ কাশী বাইতে ইচ্ছা করিলেন না।

কাশীর বাঙ্গালীদলস্থ ব্রাহ্মণদিগকে কিছু দান করেন নাই, তজ্জন্য তাঁহারা শত্রুতা করিয়া পুরোহিত মাতঙ্গীপদ ভায়রবকে পৌরহিত্য কার্য্য নিষ্পন্ন করিতে নিবারণ করেন। সুতরাং পিতৃদেব রামমাণিক্য তর্কালঙ্কার মহাশয়কে নূতন পুরোহিত স্থির করিয়া দ্বীয় বাসায় স্থায়ী করেন। নচেৎ দলপতির নূতন পুরোহিতকে ভয় দেখাইয়া ভাঙ্গাইয়া দিবেন। মধ্যে মধ্যে কার্য্যোপলক্ষে বেদপাঠী মহারাষ্ট্রীয় ব্রাহ্মণদিগকে নিমন্ত্ৰণ করিয়া থাওয়াইতেন। জননীর মৃত্যুর পর অগ্রজ মহাশয় প্রায় দুই বৎসর কাল কাশী গমন করেন নাই।

বহুবিবাহ ।

অনুস্থতা নিবন্ধন অগ্রজ মহাশয় সন ১২৭৬।৭৭ দুই বৎসরকাল স্বাস্থ্য রক্ষার মানসে প্রায় বর্দ্ধমানে অবস্থিতি করিতে ছিলেন। তথায় দেশ-ব্যাপক ম্যালেরিয়া জরের বিশেষ প্রাদুর্ভাব প্রযুক্ত বর্দ্ধমান পরিত্যাগপূর্ব্বক ৭৮ সালের বৈশাখ হইতে কলিকাতার সন্নিহিত কাশীপুরের গঙ্গাতীরস্থ বাবু হীরলাল শীলের এক ভবনে মাসিক ১৫০ টাকা ভাড়া দিয়া কয়েক বৎসর অবস্থিতি করেন।

এই সময়ে কলিকাতাস্থ সনাতন ধর্ম্মরক্ষিণী সভার সভ্য মহাশয়েরা বহুবিবাহের নিবারণ বিষয়ে বিলক্ষণ উদ্যোগী হইয়াছিলেন। তাঁহাদের নিতান্ত ইচ্ছা, এই অতি জঘন্য, অতি নৃশংস প্রথা রহিত হইয়া যায়। এই প্রথা নিবারিত হইলে, শাস্ত্রের অবমাননা ও ধর্ম্মের ব্যতিক্রম স্বর্টিবেক কি না, এই আশঙ্কার অপনয়ন জন্য, সভার সভ্য মহোদয়েরা ধর্ম্ম-শাস্ত্র ব্যবসায়ী প্রধান প্রধান পণ্ডিতের মত গ্রহণ করিতেছেন এবং রাজ-দ্বারে আবেদন করিবার অপরাপর উদ্যোগ দেখিতেছেন। তাঁহারা সম-ভিপ্রায়-প্রণোদিত হইয়া যে অতি মহৎ দেশহিতকর ব্যাপারে হস্তক্ষেপ করিয়াছেন, হয়ত সে বিষয়ে তাঁহাদের কিছু সাহায্য হইতে পারিবেক, এই ভাবিয়া বিদ্যাসাগর মহাশয় বহুবিবাহ নামক পুস্তক মুদ্রিত ও

প্রচারিত করেন। ইহা প্রকাশিত হইবার অব্যবহিত পরে সন ১২৭৮ সালের ১লা শ্রাবণ প্রতিবাদী মুরশিদাবাদ নিবাসী শ্রীযুত গঙ্গাধর কবিরত্ন, বরিশাল নিবাসী শ্রীযুত রাজকুমার ত্রায়রত্ন, শ্রীযুত ক্ষেত্রপাল স্মৃতিরত্ন, শ্রীযুত সত্যব্রত সামগ্রামী ও শ্রীযুত তারানাথ তর্কবাচস্পতি মহাশয় প্রভৃতি কয়েক জন বিখ্যাত পণ্ডিত পুস্তক লিখিয়া প্রতিবাদ করেন যে বহুবিবাহ শাস্ত্রসম্মত শাস্ত্রবিরুদ্ধ নহে। সুতরাং দাদা তর্কবাচস্পতি মহাশয় প্রভৃতি প্রতিবাদীদের প্রকাশিত মত খণ্ডন করিয়া বহুবিবাহ যে অতি জঘন্য, অতি নৃশংস ব্যবহার ও শাস্ত্র বিরুদ্ধ, ইহা হইতে অশেষ বিধ অনর্থ সংঘটন হইতেছে, সমুদয় দেখাইয়া যত ও পরিশ্রম সহকারে শাস্ত্রোদ্ধৃত বচন সমূহ সঙ্কলন করিয়া মুদ্রিত ও প্রচারিত করেন।

শ্রীযুত তারানাথ তর্কবাচস্পতি মহাশয় দেশবিখ্যাত অধ্যাপক। ইনি পূজ্যপাদ অগ্রজ মহাশয়ের পরম বন্ধু ও পরম আত্মীয়। ইহাদের পরস্পর বাল্যকাল হইতে সন্তাব ছিল, ইহা সকলেই অবগত আছেন। এক্ষণে এতদুপলক্ষে এরূপ যে মনোস্তর ঘটিবে তাহা স্বপ্নের অগোচর। ৫৬ বৎসর পূর্বে জঘন্য বহুবিবাহ নিবারণ মানসে ব্যবস্থাপক সমাজে যে আবেদন হয় তাহা বাচস্পতি মহাশয় স্বয়ং আদ্যোপান্ত পাঠ করিয়া স্বাক্ষর করিয়াছিলেন। এক্ষণে ইহাতে সাধারণে বাচস্পতি মহাশয়ের প্রতি দোষারোপ করিতে পারেন কিন্তু এবিষয় তর্ক বাচস্পতি মহাশয়কে জিজ্ঞাসা করার তিনি বলিলেন বহুবিবাহ অতি কুপ্রথা, শাস্ত্রবিরুদ্ধ না হইলেও এই প্রথা হইতে জগতের নানাপ্রকার অনিষ্ট হইতেছে এবং আমাদের সমাজের ততদূর বল নাই যে সমাজ হইতে এই কুপ্রথা নিবারণ হইতে পারে এই কারণে রাজদ্বারে আবেদন সময়ে ঐ আবেদন পত্রে স্বাক্ষর করি। কিন্তু তা বলিয়া ইহা যে শাস্ত্রবিরুদ্ধ তাহা আমি বলিতে পারি না এই কারণে দাদার সহিত তাঁহার বিচার হয়। এই বিচারে অগ্রজ মহাশয় বহুবিবাহ শাস্ত্রবিরুদ্ধ বলিয়া প্রতিপন্ন করেন।

১৮৬৯ খঃ অশ্বে মঘিনাথের টীকা সহিত মেঘদূতের পাঠাদিবিবেক মুদ্রিত করেন।

বিখ্যাত বিদ্যালয়ের ছাত্রদের পাঠের জন্য ১৮৭১ খঃ অশ্বে উত্তরচরিত

ও অভিজ্ঞানশাস্ত্রাল নাটকের স্বয়ং টীকা করিয়া মুদ্রিত ও প্রচারিত করেন ।

অগ্রজ মহাশয় জননীদেবীর মৃত্যুর পর অবধি দেশে আগমন করেন নাই, সত্য বটে, কিন্তু জন্মভূমির লোকের হিতকামনায় দাতব্য চিকিৎসালয় স্থাপন করিয়া দিয়াছেন, ডাক্তারখানায় সকলেই বিনা মূল্যে ঔষধ পাইয়া থাকেন এতদ্ব্যতীত যে সকল ভদ্র কুলোদ্ভূত ডাক্তারখানায় না যাইয়া থাকেন ডাক্তার প্রত্যহ একবার গ্রামের কি ভদ্র কি অভদ্র সকলের বাটীতে বিনাভিজীটে রোগীগণকে দেখিতে যাইবার ব্যবস্থা করিয়াছিলেন । ১৭৭৮-১৭৯৮০ এই কয়েক বৎসর দেশ ব্যাপক ম্যালেরিয়া জরের প্রাদুর্ভাব হইলে ডাক্তারখানার ধরুপ ব্যয় নির্দিষ্ট ছিল তদপেক্ষা চতুঃপদ ব্যয় বাহুল্যের ব্যবস্থা করিলেন দরিদ্র রোগীগণ পথ্যের দরুণ সাণ্ড মিছরী প্রভৃতি পাইত, অনাথ ব্যক্তিদিগের অন্নের ব্যবস্থা করিয়া দিয়া ছিলেন । দেশস্থ যেসকল নিরুপায়দিগকে মাসহরা দিতেন তাহা যথা সময়ে পাঠাইতে বিস্মৃত হন নাই । কেবল ম্যালেরিয়া নিবন্ধন বিদ্যালয়ে ছাত্রগণ উপস্থিত হইতে না পারায় অগত্যা বন্ধ করিতে বাধ্য হইলেন ।

কর্মচার ।

কলিকাতায় সর্বদা অবস্থিতি করিলে দাদার শরীর সুস্থ হওয়া দুষ্কর কারণ প্রাতঃকাল হইতে নিরুপায় লোক আসিয়া কেহ চাকরীর জন্ত কেহ সুপারিস পত্রের জন্ত কেহ মাসহরার জন্ত কেহ কন্যার বিবাহের সাহায্য দান জন্ত কেহ বস্ত্রের জন্ত কেহ পুস্তকের জন্য কেহ বিনা বেতনে পুত্র বা আত্মীয় স্বজন প্রভৃতিকে বিদ্যালয়ে প্রবিষ্ট করিয়া দিবার জন্ত সর্বদা বিরক্ত করিয়া থাকেন, দ্বার অব্যাহত ছিল, লোকের প্রবেশ নিবারণ জন্ত দ্বারে প্রহরী ছিল না বাহার বধন ইচ্ছা বিনা অনুমতিতে বাটী প্রবেশ করিয়া দেখা করিতে পারিত । সচরাচর বড় লোকের দ্বারে বেবন প্রহরী উপস্থিত দেখিতে পাওয়া যায় তাঁহার সে আড়ম্বর ছিল না । সুতরাং প্রাতঃকাল হইতে রাত্রি নয়টা পর্যন্ত সর্বদা নানাপ্রকারের লোক আসিয়া বিরক্ত করিত । প্রাতঃকাল হইতে

সমাগত অধিক লোকের সহ কথাবার্তা ও গল্প করিয়া স্নাত্তিতে নিদ্রা হইত না সুতরাং উদরাময় হইয়া কষ্ট পাইতেন। ইত্যাদি কারণে আত্মীয় বন্ধু ও চিকিৎসকগণের পরামর্শানুসারে সাঁওতাল পরগণার অন্তঃ-পাতী কন্দুটারে রেলওয়ে ষ্টেশনের অতি সম্মিহিত এক বাঙ্গালা ঘর ক্রয় করেন, মধ্যে মধ্যে তথায় যাইয়া কিছু হুহু থাকিতেন, এজন্য তথায় অবস্থিতি করিতেন, ক্রমশঃ তথায় প্রতিবাসী সাঁওতালগণের সহিত তাঁহার উত্তমরূপ সম্ভাব ও পরিচয় হইয়াছিল, সাঁওতালদের মধ্যে অনেকে তাঁহার বাগানে মজুরি কার্য্য করিতে আসিত তাহাদের দৈনিক বেতন কিছু বেশী করিয়া দিতে লাগিলেন, সাঁওতালদের সংস্কার ছিল যে বাঙ্গালীরা লোক ভাল নয়, দাদার উদারতা ও দয়া দেখিয়া সকলেই পরিতোষলাভ করিয়াছিল। ঐ স্থানীয় লোকের লেখা পড়া শিক্ষার জন্য তথায় স্কুল স্থাপন করিয়াছেন, এই বিদ্যালয়ে আজ পর্য্যন্ত মাসিক কুড়ি টাকা ব্যয় করিয়া আসিতেছিলেন। পূজার সময় কন্দুটারের সাঁওতাল-দের জন্য প্রতি বৎসর সহস্র টাকার অধিক বস্ত্র ক্রয় করিয়া বিতরণ করিতেন। শীতকালে জঙ্গল প্রদেশে অত্যন্ত শীত হয়, সাঁওতালদের গাত্রে শীত বস্ত্র নাই দেখিয়া প্রতি বৎসর বথেষ্ট মোটা চাদর ও কম্বল ক্রয় করিয়া তাহাদিগকে বিতরণ করিতেন। শীতকালে বথেষ্ট কমলালেবু ও কলসীথেজুর প্রভৃতি নানাপ্রকার উপাদেয় দ্রব্য কলিকাতা হইতে ক্রয় করিয়া লইয়া যাইতেন, এবং সাঁওতালদিগকে বহুশ্রেণে বিতরণ করিতেন। বুদ্ধ এবং প্রধান প্রধান সাঁওতালদিগকে নিকটে বসাইয়া ঐ সকল দ্রব্য ধাওয়াইতেন।

সন ১২৭৯ সালের আষাঢ় মাসে অগ্রজ মহাশয়ের মধ্যমা হৃদিতা স্ত্রীমতি কুমুদিনীদেবীর বিবাহ হয়। বর স্ত্রীঅশোর নাথ চৌধুরীপাধ্যায়, নিবাস কলকাতা, জেলা চব্বিশ পরগণা।

সন ১২৭৯ সালের আষাঢ় মাসে কালী হইতে আমার বাটী যাইবার বিশেষ আবশ্যক হইলে, অগ্রজ মহাশয়কে পত্র লিখি, যে পনের দিবসের জন্য গির্জাঘরের শুদ্ধাবস্থি কার্য্য নিষ্পন্ন করেন এরূপ কাহাকেও প্রেরণ করিবেন। পত্র পাইয়া তিনি ভাগিনের বেনীরাধব মুখোপাধ্যায়কে

পাঠাইবার স্থির করেন, ঐ সময় তাঁহার জ্যেষ্ঠ জামাতা গোপালচন্দ্র সমাজপতি বহু দিন হইতে কার্যিক অস্থির ছিলেন; তজ্জন্ত দাদা তাঁহাকে জল বায়ু পরিবর্তন মানসে কৃকনগর পাঠাইয়াছিলেন। উহার সম্পূর্ণরূপ হুই না হইয়া কলিকাতা প্রত্যাপন্ন করেন, বেণী কাশী ঘাইবেন ভুলিয়া, গোপালচন্দ্র অর্জুনের মনোরঞ্জনকে বলেন আমিও বেণীর সঙ্গে কাশী ঘাইব, এই প্রতিশ্রুতি ব্যক্ত করিলে দাদা সম্মত হইলেন। জামাতা বেণীর সহিত কাশী গমন করেন। আমি উহাদিগকে রাখিয়া ২০ শে মার্চ কলিকাতায় বাত্মা করি, তথায় ২৪ দিবস অবস্থিতি করিয়া দেশে সঞ্জন করি।

সন ১২৭৯ সালে ২৩ মার্চ অগ্রহায়ণ জ্যেষ্ঠ জামাতা গোপালচন্দ্র সমাজপতি বিভূচিকা রোগে আক্রান্ত হইয়া কাশী প্রাপ্ত হন। ইহাতে বেণীমখি কাশীতে কন্যাত্রি অবস্থিতি করিতে ইচ্ছা না করিয়া কলিকাতার সংবাদ লিখিলে, দাদা শৈকে অভিভূত হইলেন। পরে আমাকে সংবাদ লিখিলেন যে, পত্রপাঠী মাত্রেই কাশী ঘাইয়া বেণীকে পাঠাইয়া দিবে। আদেশ মত পাইয়া কাশী ঘাইয়া বেণীকে কলিকাতার পঠান হইল। দাদা গোপাল জামাতার মৃত্যুর পর তাঁহার মাতা ভগিনী ও ভ্রাতাকে কলিকাতায় আনিয়া স্বতন্ত্র বাটীভাড়া করিয়া রাখিলেন; এবং নিজ হইতে সমস্ত ব্যয় দিয়া তাহাদের রীতিমত তত্ত্বাবধান করিতে লাগিলেন, এবং বিধবা তনয়া মংল্য ও রাত্রিকালের অন্ন পরিত্যাগ করিলে, নিজেও কিছু দিনের জন্য ঐরূপ করিলেন; এবং কন্যার ন্যায় একাদশী করিতে আরম্ভ করিলেন। কিছু দিন পরে ঐ বিধবা কন্যা হেমলতার অসুস্থরোধে মংল্য করিলেন এবং একাদশী করা বন্ধ করিলেন। এবং ঐ কন্যার পুত্রদ্বয়কে ঐরূপ ভাবে লালন পালন ও শিক্ষিত করিলেন যে উহার পিতৃহীন হইয়াও উহাদিগকে এক দিনের জন্যও কোন ক্রেশ অসুস্থ করিতে হইল না। এবং ঐ কন্যার দেবরের পালন ও শিক্ষার কলোবিত্ত করিলেন, ঐ কন্যাকে শৈকে অভিভূত দেখিয়া উহার হস্তে সাংসারিক ব্যয় নির্বাহের ও তত্ত্বাবধানের ভার দেন। তদবধি আজ পর্যন্ত সাংসারিক সকল বিষয়ের তত্ত্বাবধান করিয়া আসিতেছেন। এবং

হাকিম অভিজ্ঞানুসারে দ্বারা দক্ষিণাতিথি সহ সংসারকার্যের তত্ত্বাবধান করার দ্বারা সমগ্রিক স্বেচ্ছের ভাজন হন, এবং দীন দরিদ্র প্রভৃতি যে সমস্ত লোক আসিত সকলের ভক্তি ও প্রজ্ঞার ভাজন হইয়াছিলেন ।

কাশী ।

সন ১২৮০ সালের অগ্রহায়ণ মাসের প্রারম্ভে পিতৃদেব অত্যন্ত পীড়িত হন এই সংবাদ প্রাপ্তি মাতেই অগ্রজ মহাশয় কৰ্ম্মটোর ছইতে কাশীগমন করেন, কাশীতে তিনি প্রায় দুই মণ্ডাহ কাল অবস্থিতি করেন, অনেক শুভ্রাবাদির দ্বারা সম্পূর্ণরূপ আরোগ্যলাভ করেন । দাদার উপস্থিত সময়ে পিতামহীর একোদ্বিষ্ট প্রাক্কে মহারাজীয় ব্রাহ্মণগণকে ভোজন করান হয়, প্রাক্কালে তাঁহারা বেদপাঠ করিয়া থাকেন, বেদপাঠ শুনিবার জন্য অনেকে আমাদের বাসায় উপস্থিত হইতেন । দাদা দেখিলেন যে তাঁহারা বাঙ্গালী ব্রাহ্মণদের মত ভোজন করিতে করিতে উচ্ছিষ্ট দ্রব্য বস্ত্রে বন্ধন করেন নাই । ইহারা ভোজনের সময় প্রায়কালে একবার সকলে চীৎকার করিয়া সঙ্গীতের দ্বারা জ্ঞপ্তি লুপ্তকর বেদ পাঠ করিয়া ভোজনে প্রবৃত্ত হইলেন, তৎকালে কাহাকেও কথা কহিতে দেখা যায় নাই, আমাদের দেশীয় ব্রাহ্মণ ভোজনের সময় যেরূপ গোলযোগ হয়, এখানে সে গোলের সম্পর্ক নাই, পাতে কেহ কোন দ্রব্য ফেলেন নাই, সকলের গাত পবিত্র ইহা দেখিয়া দাদা পরম আনন্দিত হইলেন । ভোজনান্তে আচমন করিয়া পান ও দক্ষিণাগ্রহণ সময়ে কৃত্তিকে বেদপাঠ করিয়া আশীর্বাদ করিয়া থাকেন । আমরা যেরূপ দক্ষিণা দিতাম দাদা তদপেক্ষা অধিক দক্ষিণার ব্যবস্থা করিয়া বলিলেন, আগামী বৈশাখ মাসে মাতৃপ্রাক্কে ব্রাহ্মণ ভোজনের সময়ে কাশী আসির । 'মৃত' মরনমোহন তর্কালঙ্কার দাদার বাগ্যবস্থ ও সহধারী ছিলেন । একজন তাঁহার জননী রিবেশ্বরীদেবীকে দাদা মাতৃ সম্বোধন করিতেন, তর্কালঙ্কারের পত্নী সহ তাঁহার স্নেহের ছিল হইত না সুতরাং সর্বদা বিরোধ হইত একারণ তর্কালঙ্কারের জননী কলিকাতার বাসে রাখিয়া বঙ্গোপাখ্যায় মহাশয়ের

ভবনে আসিয়া দাদার নিকট রোদন করেন। তিনি তাঁহাকে অতি শীর্ণকায় দেখিয়া অত্যন্ত হৃৎক্লিত হইয়া বলিলেন, মা! তোমার উপযুক্ত সম্ভান লোকান্তরিত হইয়াছেন, এক্ষণে তোমার বধূ সহিত বৈরূপ অসম্ভাব দেখিতেছি, তাহাতে আপনার উহার সংশ্রবে থাকি বিধেয় নহে, আমি আপনার জীবদ্দশায় মাসিক দশ টাকা দিতে পারি, আপনি কাশীতে অবস্থিতি করুন। ইহা শুনিয়া তর্কালঙ্কারের জননী বিশ্বেশ্বরীদেবী আত্মাদিত হইয়া স্বতন্ত্র পাণ্ডেয় গ্রহণ পূর্বক কাশীবাস করিলেন। তথায় সবলকায় হইলেন দশ বৎসর পরে পুনরায় দাদার নিকটে অতিরিক্ত টাকা লইয়া কথকথা দিয়াছিলেন। তথায় ১৮ বৎসর থাকিয়া তর্কালঙ্কারের জননী কাশী লাভ করেন।

ভূতপূর্ব সংস্কৃত কালেজের স্মৃতি শাস্ত্রাধ্যাপক ভরতচন্দ্র শিরোমণি মহাশয়ের গুরু কন্যা বিদ্যাসিনীদেবী স্বীয় কষ্টের কথা ব্যক্ত করিলে অগ্রজ মহাশয় তাঁহার ক্লেশ নিবারণের জন্ত মাসিক ৪৭ টাকা মাসহরা বন্দোবস্ত করিয়া দেন, ইনি প্রায় দশ বৎসর মাসহরা পাইয়া কাশীলাভ করেন। ভরতচন্দ্র শিরোমণিমহাশয় ঐ সংবাদ পাইয়া তিনিও ঐ অনাধা বৃদ্ধা গুরুকন্যাকে মধ্যে মধ্যে সাহায্য করিতেন। আমাদের দেশস্থ দীর্ঘগ্রামবাসী চট্টোপাধ্যায়দের বাটীর হুহিতা বিদ্যাসিনীদেবী, সম্ভ্রান্ত কুলীনস্বামী অন্নবস্ত্র দেন না, একারণ কাশীবাস করিয়া ভ্রমসাধ্য কার্য্য করিয়া দিনপাত করিতেন। ক্রমশঃ বার্দ্ধক্যানিবন্ধন কার্য্য করিতে অক্ষম হইয়া দাদাকে বলেন, বাবা বিদ্যাসাগর তোমার জননী আমাকে মাসে ২৭ টাকা করিয়া দিতেন, তাঁহার মৃত্যুর পর তোমার পিতা আমাকে আর দেন না; আমার বড় কষ্ট হইয়াছে অগ্রজ মহাশয় এই কথা শুনিয়া মাসিক ৩৭ টাকা মাসহরা ব্যবস্থা করেন, ইনি ছাদশ বৎসর মাসহরা পাইয়া কাশীলাভ করেন।

দাদার পরম বন্ধু পরম ধার্মিক বাবু অমৃতলাল মিত্র মহাশয়, পীড়া-নিবন্ধন শেষাবস্থায় কাশীবাস করেন। ইনি দেশহিতৈষী বিদ্যোৎসাহী লোক ছিলেন, ইনি কাশীবাস করিয়া ঐ সর্বদা লোকের হিতাকাজ্য ব্যাপৃত ছিলেন। ইনি প্রাচীন হস্তপ্রাপ্য পুস্তক সকল সংগ্রহ করিয়া

কলিকাতায় প্রেরণ করিতেন। পূর্বে বংকালে দাদা কলিকাতায় রাজ-
কার্যে নিযুক্ত ছিলেন, তৎকালে কলিকাতা সভাবাজারস্থ রাজবাটি
বাইরা বাবু অমৃতলাল, বাবু আনন্দকৃষ্ণ ও শ্রীনাথ বাবুর সহিত পরামর্শ
করিতেন; কাশীতেও অমৃত বাবুর সহিত পরামর্শ করিতেন। উক্ত
মহাশয়ের অনুরোধে তাঁহার অল্পপুত্র শ্রীযুক্ত তারাকান্ত বন্দ্যোপাধ্যায়কে
মাসিক ৪ টাকা, আর বাপুদেব শাস্ত্রীকে মাসিক ২ টাকা মাসহরা
প্রদান করিয়া আসিতেছেন, ইহারা উভয়ে এ পর্যন্ত জীবিত আছেন।

পিতৃদেবের কেশার ষাটের আত্মীয় অশিতিবর্ষীয় রাধানাথ চক্র-
বর্তীকে মাসিক ৩ টাকা মাসহরার বন্দোবস্ত করেন, কয়েক বৎসর
ব্যাপসময়ে টাকা পাইয়া কিছু দিন হইল ইনি কাশীলাভ করিয়াছেন।

জননীদেবীর অনুরোধে পিতৃদেবের পিতৃস্বসার হুহিতা নিস্তারিণী
দেবীকে মাসিক ৪ টাকার ব্যবস্থা করেন, ইনি প্রায় ত্রয়োদশবর্ষ টাকা
পাইয়া কাশী প্রাপ্ত হন।

পিতৃদেবের পুরোহিত রামমাণিক্য তর্কালঙ্কার মহাশয়কে মাসিক
১০ টাকার ব্যবস্থা করিয়া পরে অধর্ম হইলে আর ৫ টাকা দৃষ্টি
করিয়া দেন, ইনি প্রায় পনের বৎসর টাকা পাইয়া ইহলোক হইতে পর-
লোকে গমন করেন।

পিতৃদেবের বেদপাঠী পুরোহিত চিত্তামণি ভট্টকে মাসিক ৩ টাকা
মাসহরা দিয়া থাকেন। এইরূপ অনেকের মাসহরার ব্যবস্থা করিতেন।

দাদা স্বাস্থ্য রক্ষার জন্ত পদব্রজে প্রত্যহ প্রাতে ও সারংকালে প্রায়
দুই ক্রোশ ভ্রমণ করিতেন। ভ্রমণ করিতে বাইবার সময় সঙ্গে ২০২২
টাকার সিকি, ছয়ানি, ও আধুলি লইতেন। পথে অনাথ, কুঠরোপী
কাণা, ধঞ্জ, কালা, কুণ্ঠ দেখিলেই অবস্থানসারে দান করিতেন।
বাসায় যে সকল বৃদ্ধ ও দীন ব্যক্তি ও ভদ্রকুলসমারা এবং যে সকল
বৃদ্ধা সাক্ষাৎ করিতে আসিয়া কষ্টের কথা আবেদন করিতেন, তাহাদের
প্রত্যেককে ২ টাকা এবং এক এক জোড়া বস্ত্র প্রদান করিতেন।
যে কয়েক দিবস কাশীতে অবস্থিতি করিতেন, প্রাতে পিতৃদেবের পাকাদি
কার্য স্বহস্তে নির্বাহ করিতেন। বাল্যকালে দাদা স্বয়ং পাকাদি কার্য

নিহরু করিয়া লেখাপড়া শিখা করিতেন ; বাল্যকালের অভ্যাসে অন্যাপি বিমুগ্ধ হইতে পারেন নাই । কাশীতেও পাকাদি কার্য সমাধা করিয়া পিতৃদেবের ভোজনান্তে পিতার উচ্ছ্রিত পায়ে প্রসাদ পাইতেন । ভোজনান্তে আমি পিতৃদেবকে মহাতারত প্রবণ করাইতাম । কিন্তু দাদা যে কয়েক দিবস থাকিতেন সেই কয়েক দিবস তিনি স্বয়ং মহাতারত শুনাইতেন । সন্ধ্যার পর দাদা পিতৃদেবের প্রমুখাৎ পিতামহ, প্রপিতামহ, মাতামহ প্রভৃতির রীতিনীতি ও গল্প শ্রবণ করিতেন । ইহা সাধারণের নিকট প্রকাশ করিবার মানসে আমার আদেশ করেন যে, পিতৃদেব সম্পূর্ণ সুস্থ হইলে তুমি পূর্ব পুরুষগণের নাম, ধাম, আচার, ব্যবহার, রীতি নীতি প্রভৃতি অবগত হইয়া আমার লিখিয়া পাঠাইবে । নানা কার্যে ব্যাপ্ত থাকায় অগত্যা উহাকে কলিকাতায় ঘাইতে হইত ; তথায় ঘাইয়া নিশ্চিন্ত থাকিতে পারিতেন না । পিতৃদেব আনারস, চান্দা, ছোট উচ্ছে, প্রভৃতি যে সমস্ত দ্রব্য ভাল বাসিতেন, কাশীতে ঐ সকল দ্রব্য হস্তাপ্য বলিয়া দাদা সময়ে সময়ে কলিকাতা হইতে ঐ সমস্ত দ্রব্য পাঠাইতেন ।

সন ১২৮১ সালে অগ্রহায়ণ মাসে অগ্রজ মহাশয় উদয়াময় ও শিরঃ-পীড়ায় অত্যন্ত ক্লেশানুভব করিয়াছেন । সেই সময়ে স্বাস্থ্য রক্ষার জন্য কাশীপুরে গঙ্গাতীরে বাটী ভাড়া লইয়া অবস্থিতি করেন । তথায় কয়েক মাস অবস্থিতি করিয়া সম্পূর্ণরূপ আরোগ্যলাভ করেন । এবং তথা হইতে লক্ষৌ সহরে গমন করেন । তথায় বাবু রাজকুমার সর্বাধিকারী মহাশয়ের বাসায় কয়েক দিন বাপন করিয়া প্রয়াগে গমন করেন, তথায় কতিপয় দিবস অতিবাহিত করিয়া চৈত্র মাসের শেষে বাবু রাজকৃষ্ণ বল্লভাপাধ্যায়ের হুইট পুত্র সহ কাশীধামে প্রত্যাগমন করিলেন । দাদা কাশীতে বধন থাকিতেন আরই স্বয়ং মশাখমেধের মাটে বস্ত্রের করিতে ঘাইতেন । তজ্জন্ত অনেকে বলিতেন চাকর দ্বারা যে কাজ সমাধা হইবে তাহা আপনি সমাধা করিলে লজ্জা বোধ হয় না ? এরূপ দেখিয়া আমার দিগের লজ্জা বোধ হয় । দাদা বলিলেন তবে আপনারা পথে আমার সহিত সাক্ষাৎ করিবেন না । পিতার জন্ত বাজার করিতে আসিয়াছি

ইহাতে আমি পরম সন্তোষলাভ করিয়া থাকি। স্বাধারা না পারেন তাঁহারা চাকরের দ্বারাই এ সকল কাজ করিয়া থাকেন। আমি বিষয় কর্ণে লিখি না থাকিলে এখানে নিরন্তর থাকিয়া পিতার চরণ সেবা করিয়া আপনাকে চরিতার্থ জ্ঞান করিতাম।

সন ১২৮১ সালের বৈশাখ মাসে জনমোদেবীর একোদ্ভিষ্ট ব্রাহ্মণ-
লক্ষে মহারাজ্যীয় বেদপাঠী ব্রাহ্মণদিগকে নিমন্ত্রণ করা হয়; নিমন্ত্রিত
ব্রাহ্মণেরা সমাগত হইলে কৃতীকে স্বয়ং ব্রাহ্মণদিগের পাদপ্রক্ষালন করিয়া
দিবার প্রথা থাকায় আমি ঐ কার্য সমাধা করিতে প্রবৃত্ত হইলাম, দাদা
ইহা দেখিয়া বলিলেন তুমি একাই কি একাধা নিম্পন্ন করিবে? আমি কি
কেহ নই। এই বলিয়া দাদা ঐ সকল ব্রাহ্মণদের পা ধোয়াইয়া দিতে
লাগিলেন। এবং ঐ সকল ব্রাহ্মণদের মধ্যে ২৪ জনের পায়ে বা থাকা-
প্রবৃত্ত তাহাতে পূজা নির্গত হইতেছিল, তাহা দেখিয়াও তিনি কিছুমাত্র
দুঃখবোধ করেন নাই। অপরপর দর্শকগণ দেখিয়া আশ্চর্য্যান্বিত হইয়া
বলিয়াছিলেন, এরূপ আত্মভক্তি অপর কোন সম্রাট লোকের দৃষ্ট হয় না।

কলিকাতা নিবাসী বাবু শিবকৃষ্ণ বন্দ্যোপাধ্যায় জালিয়াতী অপরাধে
অভিযুক্ত হইয়া দোষী সাব্যস্ত হন। সুপ্রিম কোর্টের বিচারপতি সার
মর্ডান্ট ওরেল তাঁহার প্রতি দ্বীপান্তর প্রেরণ দণ্ডাস্ত্রাদান সময়ে
বাবতীর বঙ্গবাসীদিগকে জালিয়াত মিথ্যা সাক্ষী প্রভৃতি বলিয়া দোষা-
যোগ করেন ও নানা কটু বাক্য প্রয়োগ করেন; তাহাতে অগ্রজ মহাশয়
কলিকাতা বাসী ন্যূনাধিক পঞ্চ সহস্র সম্রাট কৃতবিদ্য ভজলোকদিগকে
এক ধোপ করিয়া সার রাজা রাধাকান্তদেবের বাটীতে বসিয়া হিরতাবে
কথাবার্তার পর কার্যশেষ করিয়া সকলের সহ এক ধোপে দরখাস্ত
লিখিয়া স্বাক্ষর করিলেন ও করাইলেন, এবং ঐদরখাস্ত পূর্বর জেনেরলের
সাক্ষাতে বিলাতে স্টেট সেক্রেটারির নিকট পাঠান ঐ দরখাস্ত অনুসারে
স্টেট সেক্রেটারি পূর্বর জেনেরলকে লিখেন যে, আপনি সার মর্ডান্ট
ওরেলকে সাবধান করিয়া দিবেন অতঃপর বেন এরূপ অন্ত্যায় কার্য আর
না করেন। বঙ্গদেশে কাহারও এক ধোপের পঞ্চপ্রদর্শক করেন। আমার
কনিষ্ঠ মহোদয় সিংহানন্দ্র বন্দ্যোপাধ্যায়ের অনুগ্রহ অবগত হইলাম।

ঐ সময় কলিকাতা সংক্ৰান্ত কলেজের প্রফেসর পণ্ডিত দ্বারকানাথ বিদ্যাভূষণ মহাশয় বায়ু পরিবর্তন মানসে কাশীধাম আগমন করিয়াছিলেন। দাদার সহিত তাঁহার বিশেষ আত্মীয়তা দেখিয়া বাঙ্গালী দলসংক্রান্ত ব্রাহ্মণেরা তাঁহাকে অনুরোধ করেন যে বিদ্যাভূষণের সহিত আমাদের মনস্তত্ত্ব হইয়া ছিল তাহা আপনি মধ্যস্থ হইয়া মীমাংসা করিয়া দেন। দলস্থ বাঙ্গালী ব্রাহ্মণদের অনুরোধে তিনি দাদাকে বলেন, কাশীবাসী দলস্থ ব্রাহ্মণদের সহিত আপনার বিরোধ মীমাংসা হইলে আমি পরম সুখী হইব। ইহা শুনিয়া দাদা উত্তর করিলেন। কাশীর ভিক্ষুক, প্রতারক ব্রাহ্মণদের সহিত আমাকে কি নিষ্পত্তি করিতে হইবে, পিতৃদেব এখানে বাস করিবার মানসে আগমন করেন নাই, এখানে মৃত্যু কামনায় আসিয়াছেন। কাশীস্থ দল সংক্রান্ত ব্রাহ্মণেরা আমার ভয় দেখাইয়া প্রচুর অর্থ চাহেন, তাহা না দেওয়াতে ভয় দেখাইয়া আমার জঙ্ক করিবেন বলিয়া থাকেন। এবং পুরোহিত মতদীপদ জায়রত্নকে ভয় দেখাইয়া ত্যাগ করাইয়াছেন। একারণ রামমাণিক্য তর্কালঙ্কার মহাশয়কে পুরোহিত নিযুক্ত করা হইয়াছে। কাশীর হুবৃদ্ধগণকে আমি ভালরূপ চিনি, ইহারা কাশীতে সমাগত ব্যক্তিদিগকে যথেষ্টরূপে উৎপীড়ন করিয়া থাকেন। কিন্তু উহারা বাহাই করুন না কেন আমি কাহারো অনিষ্ট করিব না। এক্ষণে তাঁহারা যদি স্বীকার করেন যে আমরা অন্যায় কার্য্য গুলি করিব না তাহা হইলে উহাদের সহিত আমার নিষ্পত্তি হইবে। আর তাঁহাদের সহিত আমার কি সম্পর্ক আমি দান করিব তাঁরা গ্রহণ করিবেন এই সম্পর্ক। এখানে পিতৃদেব কার্য্যোপলক্ষে মহারাষ্ট্রীয়বেদপাঠী ব্রাহ্মণদিগকে নিমন্ত্রণ করিয়া থাকেন, ইহাদের আচার ব্যবহার দেখিয়া আমার প্রছা ও ভক্তি জন্মিয়াছে, কিন্তু আমাদের বাঙ্গালী হইতে যেসকল বাঙ্গালী ব্রাহ্মণ কাশী বাস করিতেছেন তন্মধ্যে অনেকেই ভিক্ষুক ও অনেকেই হুজুরা খত, ধর্ম্মাধর্ম্ম জ্ঞান শূন্য ও মূর্খ, শাস্ত্রজ্ঞ মহারাষ্ট্রীয় ব্রাহ্মণগণ থাকিতে ইহা-দিগকে কেন আমার প্রছা ও ভক্তি জন্মিবে।

অগ্রজ মহাশয় এক দিনস কথা প্রসঙ্গে পিতৃদেবমহাশয়কে বলেন এতাবৎ কাল ভাড়াটিয়া বাটীতে কলিকাতার অবস্থিতি করিতেছি, কলি-

কাতার বাটী না করিবার তাৎপর্য এই যে, যদি বীরসিংহ জম্মুভূমি-বিশ্মৃত হই। এক্ষণে কলিকাতায় নিজের বাটী না করিলে সময়ে সময়ে এই এক মহৎ কষ্ট হয়, যে কতকগুলি পুস্তকের সেলফ আছে মধ্যে মধ্যে এক বাটী হইতে অপর বাটীতে লইয়া যাইতে অনেক ক্রটি হইয়া থাকে ইত্যাদি কারণে স্থান ক্রয় করিয়া বাটী প্রস্তুত করিতে ইচ্ছা করি, আপনার মত কি, তাহাতে পিতৃদেব বলিলেন তুমি পুস্তক রাখিবার উপলক্ষে বাটী প্রস্তুত করিবে এ সংবাদে পরম সন্তোষ লাভ করিলাম, স্বরায় বাটী প্রস্তুতের উদ্যোগ কর । দাদা পিতৃদেবের বিনা অনুমতিতে কখন কোন কার্য করেন না ।

দাদা এক দিবস কথা প্রসঙ্গে পিতৃদেবকে বলেন আয়ের হ্রাস হইয়াছে বাহাদিগকে বাহা দিয়া থাকি তাহা বন্ধ করিতে পারিব না ইত্যাদি নানা কারণে বড় দুর্ভাবনা হইয়াছে ইহা শুনিয়া পিতৃদেব, আমি ও বাবু অমৃতলাল মিত্র, আমরা তিন জনেই বলিলাম বাহাকে বাহা দিয়া থাকেন তাহার কিছু কিছু কম করিয়া দেন । ইহা শুনিয়া দাদা বলেন, কেমন করিয়া তাহাদিগকে কমের কথা বলিব আমরা বলিলাম পিতৃদেবকে মাসে ৬০ টাকা পাঠান, অতঃপর ৪০ চল্লিশ পাঠাইবেন ভ্রাতৃবর্গের প্রত্যেককে মাসিক বাবজীবন ৭০ টাকা দিবার স্বীকার আছেন, যতদিন আপনার আয়ের লাঘব থাকিবে ততদিন আমাদের প্রত্যেককে মাসে ৪০ টাকা দিলে চলিবে । এই হিসাবে যত লোককে মাসিক বাহা দিয়া থাকেন সকলেরই কমাইয়া দিবেন । ফর্দের শিরোভাগে আমাদের নাম দেখিলে কেহ আপনাকে বিরক্ত করিতে পারিবেন না, যখন পিতা ও ভ্রাতার কম হইল, তখন তাঁহারা কোন আপত্তি করিতে পারিবেন না । সেই সময় আমাদের সকলেরই মাসিক ব্যক্তি কমিয়াছে কিন্তু আর, বৃদ্ধি হইলে আমার মাসিক ৪০ টাকার পরিবর্তে ৬০ টাকা দিয়া আসিতেছিলেন । আয়ের কম হইবার কারণ জিজ্ঞাসা করিলে বলিলেন বর্তমান ছোটলাট কাম্বেল সাহেবের সহিত আমার মনান্তরের কারণ এই যে কলিকাতা সংস্কৃত কলেজের স্থিতি শাস্ত্রাধ্যাপকের পদ পাইবার সময় আমার সহ পরামর্শ করিয়া আমার উপদেশের বিরুদ্ধে ঐ পদ উঠাইবার আন্দোলন

এবং প্রকাশ করেন যে, এবিষয় তিনি আমাদের সহ পরামর্শ করিয়া কার্য্য করিয়াছেন কিন্তু আমি ইহা দ্বারা সাধারণের ক্ষতি ও নিজের অপবাদ দেখিয়া ঐ বিষয় প্রকাশ করায় তাঁহার সহ মনান্তর হয়। এই কারণে শিক্ষা বিভাগে আমার পুস্তকের বিক্রয় কমিয়া যাওয়ার আয়ের অনেক হ্রাস হইয়াছে।

এক দিন কথাপ্রসঙ্গে পিতৃদেব মহাশয় ব্যক্ত করেন তোমার প্রতি বাল্যকালে আমি সামান্য ব্যয় করিয়াছি ; কিন্তু তুমি আমার জন্ম বহুব্যয় করিতেছ, তজ্জন্ম আমি মানসিক সুখানুভব করিয়া থাকি। কোন বিষয়ে আমার কোন কষ্ট নাই। তুমি আমার বংশে রাম অবতার হইয়াছ বলিলে অত্যাক্তি হয় না, তুমি ধর্ম্মশীল, সত্যপরায়ণ, পিতৃভক্তি পরায়ণ, কেবল আমার মনে সামান্য একটু কষ্টানুভব কখন কখন হইয়া থাকে, ইহা শুনিয়া দাদা বলিলেন কি তাহা ব্যক্ত করুন। সাধ্য হয় অবশ্য তাহা সম্পাদন করিতে ক্ষেপী করিব না। পরে পিতৃদেব বলেন তোমার কনিষ্ঠ সহোদর ঈশান সে পড়াশুনা ত্যাগ করিয়া বনে বনে পরিভ্রমণ করিয়া থাকে, এই আমার আন্তরিক হৃৎকের কারণ, তাহাকে ও তাহার পত্নীকে এখানে পাঠাইতে পারিলে আমি পরম সুখী হইব। ইহা শুনিয়া অগ্রজ বলিলেন, আমি যাইয়া তাহাকে পত্র লিখিয়া কলিকাতার আনা-ইয়া পাঠাইবার চেষ্টা করিব, আপনিও তাহাকে এখান হইতে পত্র লিখুন। পরে পিতৃদেব বলিলেন, শুনিতে পাই তাহার অনেক ঋণ আছে, তাহা পরিশোধ করিয়া পাঠাইবে এই কথা শুনিয়া দাদা বলিলেন ইতিপূর্বে একবার তাহার যথেষ্ট ঋণ পরিশোধ করিয়া দেওয়া হইয়াছে। তৎকালে তাহাকে কোন কর্ণের ভার দিব বলিয়াছিলাম সে কোন কর্ণে, লিপ্ত থাকিতে ইচ্ছা করে নাই। কয়েক দিবস কাশীতে অবস্থিতি করিয়া কর্ণটারে প্রত্যাগমন করেন, তথায় ৮।১০ দিন থাকিয়া কলিকাতা গমন করেন।

সন ১২৮২ সালের ৩০শে আষাঢ় মঙ্গলবার অগ্রজ মহাশয়ের তৃতীয়া কন্যা বিনোদিনী দেবীর বিবাহ হয়। বর বাবু স্বর্ধাকুমার অধিকারী। ইনি ২১ বৎসর বয়সের সময় হেয়ারস্কুলের শিক্ষকতা কার্য্যে নিযুক্ত ছিলেন,

বিবাহের পর অগ্রজ মহাশয় স্বর্ধ্য বাবুকে ঐ পদ পরিত্যাগ করাইয়া মেট্রপলিটানে সেক্রেটারী পদে নিযুক্ত করাইবার অভিপ্রায় প্রকাশ করেন, এবিষয়ে স্বর্ধ্য বাবু প্রথমতঃ অসম্মতি প্রকাশ করেন অনেক বাদানুবাদের পর দাদার আগ্রহাতিশয় দেখিয়া ও অনুরোধ এড়াইতে না পারিয়া দাদার প্রস্তাবে সম্মত হইলেন। হেয়ার স্কুলের কর্ম পরিত্যাগ করিয়া মেট্রপলিটানে সেক্রেটারির পদে নিযুক্ত হইলেন।

১৮৬৫ সালের উত্তর পাড়ায় গাড়ী হইতে পড়িয়া ষকুতে আঘাত লাগায় যে বেদনা হইয়াছিল তাহা সম্পূর্ণরূপ ভাণ হয় নাই, মধ্যে মধ্যে ঐ স্থানে বেদনা হইয়া থাকে এক্ষণে তাহা প্রবল হইয়া উঠিল, অত্যন্ত যাতনায় অভিভূত হইলেন, অগ্রজের আত্মীয় ডাক্তার বাবু স্বর্ধ্য কুমার সর্বাধিকারী মহাশয় যত্ন পূর্বক চিকিৎসা করিতে লাগিলেন। কিছুতেই রোগের উপশম হইল না। ক্রমশঃ যাতনার বৃদ্ধি হইতে লাগিল। তত্বে প্রযুক্ত বাসাবাটী পরিত্যাগ করিয়া হুকিয়া স্ট্রীটে তাঁহার পরম বন্ধু বাবু রাজকৃষ্ণ বন্দ্যোপাধ্যায়ের ভবনে যাইয়া অবস্থিতি করেন, তিনি ও তাঁহার পুত্র হরেন্দ্র বাবু প্রভৃতি ও ভাগিনেয় বেণীমাধব ও ভ্রাতৃ জামাতা নীলমাধব মুখোপাধ্যায় প্রভৃতি শুশ্রূষা করিতে লাগিলেন। পরিশেষে ডাক্তার বাবু স্বর্ধ্যকুমার সর্বাধিকারী মহাশয় তৎকালের এবং বিখ্যাত ডাক্তার পামর সাহেব মহোদয়কে রোগ নির্ণয় করিতে আনয়ন করেন, তাহাতেও সম্পূর্ণরূপ আরোগ্য লাভ করিতে পারেন নাই সত্য, কিন্তু যাতনার অনেক হ্রাস হইয়াছিল, অবশেষে দাদার পরম বন্ধু ডাক্তার বাবু মহেন্দ্রনাথ সরকার মহাশয় প্রায় এক মাস কাল চিকিৎসা করিয়াছিলেন, তাহাতেই সম্পূর্ণরূপ আরোগ্য লাভ করেন। সুস্থ ও প্রকৃতিস্থ হইয়া পিতৃদেবের আদেশ প্রতিপালন জন্য কনিষ্ঠ সহোদর ঈশান ও তৎ পত্নীকে আনাইয়া কাশীতে তাঁহার নিকট প্রেরণ করিলেন এবং উহার সমস্ত খণ পরিশোধ করিয়া দেন। ঈশান পরিবার সহ সন ১২৮২ সালের ১৩ই জ্যৈষ্ঠ কাশীতে উপস্থিত হইলেন। ইহাকে তাঁহার শুশ্রূষাদি কার্যে নিযুক্ত করিয়া আমি কর্মটারে দাদার সহিত সাক্ষাৎ করি, কয়েক দিবস তথায় থাকিয়া দেখিলাম তিনি অস্বাস্থ্যপি সম্পূর্ণরূপ সবলকায় হইতে পারেন নাই।

তথাপি দাদা প্রত্যেক কাল হইতে বেলা দশ ঘটিকা পর্যন্ত মাঁওতাল রোগী-
দিগকে হোমিওপ্যাথি মতে চিকিৎসা করিয়া থাকেন এবং পথ্যের জন্ত
মাগু, বাতাসা, মিছরী প্রভৃতি নিজ হইতে প্রদান করেন। ভোজনের
পর বাগানের গাছ পর্যবেক্ষণ করিতেন আবশ্যিক মতে এক স্থানের চারা
গাছ তুলাইয়া অন্য স্থানে বসাইতেন। পরে পুস্তক রচনার মনোনিবেশ
করিতেন, অপরাহ্নে পীড়িত মাঁওতালদের পর্ণকুটীরে যাইয়া তত্ত্বাবধান
করিতেন। তাহাদের কুটীরে যাইলে তাহারা সমাদর পূর্বক বলিত তুই
আসেছিস, তাহাদের কথা অগ্রজকে বড় ভাল লাগিত, আমায় তৎকালে
বলেন বড়লোকের বাটীতে যাওয়া অপেক্ষা এ সকল লোকের কুটীরে
যাইতে আমায় ভাল লাগে, ইহাদের স্বভাব ভাল ইহারা কখন মিথ্যাকথা
বলে না ইত্যাদি কারণে এখানে থাকিতে ভাল বাসি। পরে আমায় বলেন
যে বীরসিংহাবিদ্যালয় দেশব্যাপক ম্যালেরিয়া জরের প্রাদুর্ভাবপ্রযুক্ত কিছু
দিনের জন্য বন্ধ হইয়াছে। কারণ জিজ্ঞাসায় উত্তর করিলেন ম্যালেরিয়া
জর নিবন্ধন বিদ্যালয়ের কয়েক জন শিক্ষকের মৃত্যু হইয়াছে দেখিয়া
ভয় প্রযুক্ত হেডমাষ্টার বাবু উমাচরণ ঘোষ রিপোর্ট দেন যে, তিন শত
ছাত্রের মধ্যে কোন দিন ২ জন কোন দিন ৩ জন উপস্থিত হয়, উহারা
অনেককাল বেঞ্চে বসিয়া জরে কাঁপিতে কাঁপিতে শয়ন করিত, এরূপ অব-
স্থায় এত অধিক ব্যয় করিয়া বিদ্যালয় রাখা যুক্তি সম্ভব নয়। এ অবস্থায়
কোন শিক্ষকই তথায় যাইতে সম্মত নন। সকলেই ভয়ে ব্যাকুল। হেড
মাষ্টার ও দ্বিতীয় মাষ্টার রোগে আক্রান্ত হইয়া চিকিৎসার মানসে কলি-
কাতায় আসিয়াছেন। তাহাদিগকে পুনর্ব্বার যাইতে অনুরোধ করি-
লেও তাহারা ভয়ে যাইতে সাহস করেন নাই সুতরাং যত দিন ম্যাল-
েরিয়া থাকিবে, অগত্যা ততদিন বিদ্যালয় বন্ধ থাকিবে।

কর্ম্মটারে অগ্রজ মহাশয়কে কিছু সুস্থ দেখিয়া আমি দেশে গমন
করিলাম। তিনি পুনর্ব্বার পিতৃদর্শনার্থে কাশী গমন করেন, তথায় প্রায়
২০ দিবস অবস্থিত করিয়া কলিকাতা প্রত্যাপমন করেন। ঐ বৎসর মাঘ
মাসে পিতৃদেব অভিশয় পীড়িত হন, তাহাে সংবাদ পাঠাইয়া বীরসিংহার
আমাকে কাশী যাইবার সংবাদ লিখিয়া স্বয়ং দ্বারায় কাশী বাজা করেন।

অগ্রজের আদেশ পাইবামাত্র আমি কাশী যাত্রা করি। পিতৃদেব কিছু স্থল হইলেন দাদা আমাকে ও জ্যেষ্ঠ ভগিনী মনমোহিনীকে তথায় রাখিয়া স্বয়ং কলিকাতা প্রত্যাগমন করেন।

১৮৭২ সালের জুন মাসে হিন্দু ফিমেলয়ানিউটিফগুহাপন হয়। অনরেলবলঘটিস বাবু দ্বারকানাথ মিত্র মহোদয় ও অগ্রজ মহাশয় টুটী মনোনীত হন, অল্পদিনের মধ্যেই এই ফণ্ডের বিশেষ উন্নতি করেন, অনরেলবল দ্বারকানাথ মিত্রের মৃত্যুর পর একা টুটী পদে থাকা উচিত নয়। এই কারণে অন্য ব্যক্তিকে টুটীপদে মনোনীত করণ। হিন্দু ফিমেলয়ানিউটিফগুহের ডাইরেক্টরদের বিশদূষণ কার্যকলাপ দেখিয়া সবস্ফুর্তাইবার সমুহকে জানাইয়া ১২৮২ সালে ফাল্গুন মাসে তিনজনেই টুটীপদ পরিত্যাগ করেন।

কিছু দিন পূর্বে এক গণককার বলিয়াছিলেন, সন ১২৮২ সালের ১৪ই চৈত্র হইতে জননীদেবীর মৃত্তিথি মধ্যে পৃথুদেবের মৃত্যু হইবে এবং ১৪ চৈত্র একবার ভেদ হইয়া নাড়ী দমিয়া যায় সুতরাং তারে সম্বাদ দিয়া অগ্রজ মহাশয়কে আনানা হয়।

সন ১২৮০ সালের ১লা বৈশাখে সূর্য্যাস্তে পিতৃদেব কাশী লাভ করেন। পিতার মৃত্যু দেখিয়া দাদা রোদন করিতে লাগিলেন। তৎকালে বিস্তর আশ্রয় বন্ধুবান্ধব উপস্থিত ছিলেন। দাদা জাঁকজমক ভাল বাসেন নাই। উপস্থিত ভদ্রলোক সমুহকে বিদায় দিলেন এবং প্রকাশ্য ভাবে বলিলেন আমাদের পিতা আমরাই বহন করিয়া লইয়া যাইব অন্য ভদ্রলোকদিগকে কেন ক্রেশ দিব বলিয়া, তিন সহোদর ও কনিষ্ঠের স্বস্তর প্রতাপচন্দ্র কাজীলাল মহাশয় বহন করিয়া লইয়া যাই। পুরোহিত ও ভৃত্য দুরসতকে সমভিব্যাহারে লওয়া হইয়াছিল। মণিকর্ণিকার ঘাটে দাহাদিকার্য্য সমাধা করিয়া দ্বান তর্পণ সমাপনান্তে বাসায় প্রত্যাগমন করণ হয়। বাসায় উপস্থিত হইয়া দাদা ছেলেমানুষের মত রোদন করিতে লাগিলেন দেখিয়া, অনেকে আশ্চর্য্যাবিত হইলেন যে, বিদ্যাসাগর মহাশয় মীতিজ্ঞ ও পণ্ডিত লোক হইয়া বৃদ্ধ পিতার জন্য এত শোকাভিভূত কেন ?

২রা বৈশাখ প্রাতঃকাল হইতে দাদার ভেদ বমী হইতে লাগিল।

অত্যন্ত দুর্বল হইতে লাগিলেন দেখিয়া, আমরা ভীত হইয়া বলিলাম, অদ্য কাশী পরিত্যাগ করিয়া কলিকাতা যাইব বলার প্রথমতঃ অগ্রজ মহাশয় শ্রাদ্ধাদি কার্য্য সমাধা করিয়া কলিকাতা যাইবেন, প্রকাশ করিলেন, কলিকাতা না যাইবার কারণ এই যে ইতি পূর্বে পিতৃদেব এক উইল প্রস্তুত করিয়া তাহা অগ্রজের হস্তে সমর্পণ করেন। তাঁহার উইলের মর্ম্ম এই যে, আমার অন্তিম সময়ে জ্যেষ্ঠপুত্র নিকটে থাকিবেন ও দাহাদি কার্য্য সম্পন্ন করিয়া কাশীতেই আদ্য শ্রাদ্ধ করিবে এবং আমি যে সকল মহারাষ্ট্রীয় বেদজ্ঞ ও অন্যান্য হিন্দুস্তানী ব্রাহ্মণ ভোজন করাইতাম, তাহাদিগকে ভোজন করাইবে। জ্যেষ্ঠ স্বয়ং গয়া যাইয়া গয়াকৃত্য করিবেন, ইত্যাদি কারণেই কলিকাতা যাইতে প্রথমতঃ সম্মত ছিলেন না। পরে আমি ঐ সকল ব্রাহ্মণকে আনাইয়া বলিলাম দাদার পীড়া হইতেছে অতএব দাদাকে অদ্যই কলিকাতা লইয়া যাইতে ইচ্ছা করি, মহাশয়দের এ বিষয়ে মত কি প্রকাশ করিয়া বলুন। অগ্রজের অবস্থা অবলোকন করিয়া তাঁহারা সকলেই দাদাকে কলিকাতা যাইবার অভিপ্রায় ব্যক্ত করিলেন এবং বলিলেন পরে সুস্থ হইয়া একবার আসিয়া ব্রাহ্মণ ভোজনাদি কার্য্য সম্পন্ন করিবেন এ অবস্থায় কোন ঔষধ সেবন করিবেন না কলিকাতা যাইয়া তাঁহার অশ্রুবিদ্ধ নিবারণ হয় নাই।

দশাহে বধা শাস্ত্র ঔর্দ্ধদৈহিক কৃত্য সমাধা করেন। পরে এক সময়ে কাশী আগমন করিয়া পিতার আদেশ প্রতি পালন করিতে বিস্মৃত হন নাই, পরে উইল অনুসারে কাশীতে কার্য্য সমাধা করিয়া পিতৃভক্তি প্রদর্শন করিয়া ছিলেন।

সন ১২৮৩ সালের শীতকালে বাড়ুড় বাগানের নূতন বাটীতে প্রবেশ করেন, এবং ঐ বাটীতেই স্বকীয় লাইব্রেরী স্থাপন করিয়া একাকী নিভৃত ভাবে থাকিবেন এই অভিপ্রায়েই বাটী নির্মাণ করিয়াছিলেন, তাঁহার অভিপ্রায় ছিল পরিবারগণকে অল্প বাটীতে রাখিব কিন্তু অল্প বাটী প্রস্তুত না হওয়াতে সকল পরিবারগণকে ঐ বাটীতে আনয়ন করিলেন, আমরাও ত্রীচরণ দর্শনে আগমন করিয়া যত দিন ইচ্ছা ঐ বাটীতেই থাকি। এ বাটীতে প্রবেশ করিয়া অবধি পরিবারবর্গের ও অন্যান্য

সমাগত সম্ভ্রান্ত, দীন, ও দরিদ্র সকল ব্যক্তিদিগের আহারাদি বিষয়ে প্রচুর পরিমাণে ব্যয় করিতেন। সকলের প্রতি এরূপ সমভাবে প্রত্যহ ভোজন করান অপর কোন স্থানে ঐরূপ দৃষ্ট হয়না। নিজের আহার বা পরিধেয় বস্ত্রাদির কোন পারিপাট্য ছিল না। দিবসে অন্ন আহার করিতেন এবং রাত্রিতে মুড়ি ও সামান্যরূপ মিষ্টি জলযোগ করিয়া রাত্রি বাপন করিতেন। এই বাটীতে সাংসারিক কার্য আহার ব্যবহারাদিতে অগ্রজের কনিষ্ঠা কন্যা তাহার জ্যেষ্ঠা ভগ্নী হেমলতা দেবীর সহযোগিনী ছিলেন এবং দয়া দাক্ষিণ্যাদি গুণেও উক্ত হেমলতা দেবীর সহযোগিনী ছিলেন।

সন ১২৮৩ সালের বৈশাখ মাসে দাদার কনিষ্ঠা কন্যা শ্রীমতী শরৎ কুমারী দেবীর বিবাহ হয়। বর শ্রীযুক্ত কার্তিক চন্দ্র চট্টোপাধ্যায়। কনিষ্ঠ জামাতাকে ও কন্যাকে দাদা অত্যন্ত স্নেহ করিতেন। কনিষ্ঠ জামাতা কার্তিক বাবুকে বাটীতে রাখিয়া লেখাপড়া শিখাইতে লাগিলেন, কার্তিক বাবু সর্বদা বাহুড় বাগানস্থ ভবনে উপস্থিত থাকেন সমাগত সকল সম্প্রদায় লোকের সহিত ভদ্রতা করিতেন এজন্য অনেকেই কার্তিক বাবুকে ভাল বাসিয়া থাকেন।

সন ১২৮৪ সালে অগ্রজ মহাশয়ের ছোট একটা ষড়ি অদৃশ্য হয়, তাহার কোন অনুসন্ধান হইল না। এক দিবস ৮ রাজাপ্রতাপচন্দ্র সিংহের পুত্র অগ্রজের নিকট আসিয়া বলেন, মহাশয় আপনার ছোট ষড়িটা কোথায়? একবার দেখিব, দাদা বলিলেন সেই ষড়িটা প্রায় ১৫ দিবস অতীত হইল চুরি হইয়াছে পাওয়া যায় নাই। ইহা শুনিয়া রাজকুমার বলিলেন, আপনার ষড়ীর সদৃশ ১টি ষড়ী লালমোহন বাবুর পুত্র পাইকপাড়ার একটি মুদীর নিকট ২০ টাকার জন্ম বন্ধক দিয়াছেন, ষড়ীটি কেমন ঐ মুদী আমাকে দেখাইতে আসিয়া ছিল, আমি তাহাকে বলিয়াছি যে বিদ্যাসাগর মহাশয়ের এই ষড়ী, ইহা কেমন করিয়া তোমার হস্তগত হইল, সে বলিল, ইহা লালমোহন বাবুর পুত্র আমাকে দিয়াছেন। ইহা শুনিয়া অগ্রজ মহাশয় নিস্তর হইয়া রহিলেন। উপস্থিত অন্যান্য লোক বলিলেন অমন ছোকরাকে পুলিশে ধরিয়া দেওয়া উচিত। তাহাতে দাদা বলিলেন উহার মাতামহ আমাদের অনেক উপকার করিয়াছেন, একদে

তঁাহার দৌহিত্রের এই সামান্য অপরাধ আমার ব্যক্ত করা উচিত নয়, তৎক্ষণাৎ রাজপুত্রের সহিত পাইকপাড়া বাইয়া সেই মুদীকে ২০ টাকা ও কিছু হুদ দিয়া ষড়ীটি মুক্ত করেন। আর ছেলেকে সমভিব্যাহারে আনিয়া বলিলেন। তোমার মাতামহের অনেক খাইয়াছি এবং বাল্যকালে তঁাহারা আমার অনেক দৌরস্ব সহ করিয়াছেন। তোমার যখন বাহা আবশ্যক হইবে তাহা তুমি আমাকে জানাইলে পাইবে। ক্ষণকালের জন্য আমি কখন কোন কারণে তোমাদের প্রতি বিরক্ত হইব না। ইহা শুনিয়া উপস্থিত ভদ্র ও সম্ভ্রান্ত লোকেরা আশ্চর্য্যান্বিত হইলেন।

সন ১২৮৫ সালে দাদার আত্মীয় জন কয়েক ব্যক্তি দাদার পত্র লইয়া পথে ষড়যন্ত্র করিয়া বীরসিংহার পহুছিয়া, বীরসিংহার দাতব্য ডাক্তারখানার চিকিৎসক বাবু শ্রীরামচন্দ্র মুখোপাধ্যায়কে দাদার পত্রাদি দেখাইলেন। ডাক্তার বাবু ষড়যন্ত্রে পতিত হইবার ভয়ে বলিলেন আমি ওরূপে কার্য্য করিতে অক্ষম; এই বলিয়া তিনি কলিকাতায় আগমন পূর্ব্বক দাদার নিকট সমুদায় ষড়যন্ত্রের বিষয় জ্ঞাত করিয়া পদ পরিত্যাগ করিলেন। দাদা এই সমস্ত বিষয় পর্যালোচনা করিয়া ডাক্তারখানা বন্ধ করিলেন। এবং তৎকালে উপস্থিত ডাক্তার খানার সমস্ত দ্রব্য উক্ত ডাক্তার মহাশয়কে প্রদান করিলেন।

১৮৪৬ খৃঃাব্দের শেষে পাঠ্যাবস্থাপ্রাপ্ত করিয়া সংস্কৃত কলেজ পরিত্যাগ সময়ে উক্ত কলেজের অধ্যক্ষ ও অধ্যাপকগণ অগ্রজ মহাশয়কে বিদ্যাসাগর উপাধি প্রদান করেন।

১২৭৩ সালে দুর্ভিক্ষ সময়ে কাজালীরা দাদাকে দয়ারসাগর উপাধি প্রদান করেন।

১৮৮০ সালে মহারাণী ভিক্টোরিয়া কম্পানিয়ন অব্ ইণ্ডিয়ান এম্পায়ার উপাধি প্রদান করেন।

সন ১২৯৪ সালের চৈত্রমাসে অগ্রজ মহাশয় বলিলেন পিতৃদেব আমার প্রতি যে সমস্ত কার্য্যের ভার দিয়াছিলেন তদ্বোধো তিনটি কার্য্য করা হয় নাই; প্রথমতঃ পরাকৃত্য, আমি শারিরীক বেরূপ দুর্বল আছি তাহাতে পরাধামে গিয়া যে, নিজে ঐ সমস্ত কার্য্য সম্পন্ন করিতে পারিব

এরূপ বোধ হয় না। একারণ তোমাকে সমভিব্যাহারে লইয়া বাইব।
তুমি সমস্ত কার্য্য নির্বাহ করিবে, আমি সঙ্গে থাকিব মাত্র। দ্বিতীয়তঃ
বীরসিংহা গ্রামে বাটীর উত্তরাংশে অনতিদূরে পিতামহের শ্রাধানে
একটি মঠ নির্মাণ করিয়া তাহার চতুর্দিকে রেল দিয়া বেষ্টিত করা।
তৃতীয়তঃ বীরসিংহা গ্রামে পিতামহী দেবীর প্রতিষ্ঠিত অশ্বখ বৃক্ষের মূলে
আলবাল বন্ধন ও তলে স্থানে স্থানে সাধারণের বলিবার উপযোগী প্রস্তর
নির্ম্মিত বেষ্ট।

অশ্বখ বৃক্ষ ।

অগ্রজ মহাশয় আমার বলিলেন পিতামহীর প্রতিষ্ঠিত অশ্বখ বৃক্ষ
মধ্যে মধ্যে দেখিয়া থাক ? আমি উত্তর করিলাম, না মহাশয়, দাদা
বলিলেন, বৃক্ষ কিরূপ অবস্থায় আছে এ বিষয়ের তত্ত্বাবধান না করা
তোমার অন্তায় ; অতএব তুমি বাটী বাইরা ঐ বৃক্ষের তত্ত্বাবধান করিবে ;
এবং বংশের মধ্যে কেহ যদি দেশাচারানুসারে বৈশাখ মাসে মূলে
জল না দেয়, তুমি বৈশাখ মাসে প্রত্যহ জল সেচন করিবে। পরে কথা-
প্রসঙ্গে আমি বলিলাম নবকুমার ডাক্তার নারাজোলের রাজবাটীর হস্তিতে
আসিয়া ঐ হাতী দ্বারা শাখাগুলি ভগ্ন করে ; এবং বৃক্ষটি ছেদন
করিবার জন্ত করাতি সংগ্রহ করিয়া বৃক্ষতলে উপস্থিত হয় ; ঐ সংবাদ
পাইয়া তথায় আমরা উপস্থিত হইলাম ; এবং বৃক্ষে করাতি সংলগ্ন
করিয়াছে দেখিয়া, উহাদিগকে তাড়াইয়া দিই। এবং নবকুমার ডাক্তারকে
বাটীতে আনয়ন করিয়া তিরস্কার করিলে সে ক্ষমা প্রার্থনা করে। নব-
কুমার ডাক্তারের মৃত্যুর পর আমার পুত্রদ্বয়ের পীড়ার জন্য কলিকাতায়,
এবং কাশীতে আমার কিছু দিনের জন্য অবস্থিতি করিয়া হইয়াছিল,
যদিও মধ্যে মধ্যে বীরসিংহায় গিয়াছিলাম কিন্তু ঐ বৃক্ষের আর তত্ত্বাব-
ধান করা হয় নাই। চৈত্র মাসে বাটী গিয়া দাদার আদেশানুসারে ১৪
সালের চৈত্র সংক্রান্তিতে বৃক্ষের নিকটে গিয়া দেখি, বৃক্ষটিকে বেড়া
দিয়া পুষ্করিণীর পাড়ের অন্তর্গত করিয়া লইয়াছে। বেড়ার দ্বার দিয়া
বৃক্ষের নিকট গিয়া অন্তর হইতে জল দিয়া দেখিলাম যে বৃক্ষের চতুর্দিকে

ফেনিমনস! অর্থাৎ এক প্রকার কটক বৃক্ষে আচ্ছন্ন এবং ঐ বৃক্ষ নষ্ট করিবার মানসে উহার নিকটবর্তী স্থানে স্থানে পাঁশ, তেঁতুলগাছ, বাবলাগাছ, রোপণ করিয়াছে। বাটী আসিবার সময় ৬কালীকান্ত চট্টোপাধ্যায়েরবাটীতে গিয়া ৬নবকুমার বন্দ্যোপাধ্যায়ের পত্নীকে বৃক্ষের চতুর্দিকের বেড়া খুলিয়া বৃক্ষ মুক্ত করিয়া দিতে বলায় অনেক বাদানুবাদের পর বেড়া খুলিয়া দিতেছি বলিয়া আমরাদিগকে নিজ ব্যয়ে বৃক্ষের তলীয় স্থান পরিষ্কার করিয়া লইতে বলেন। এবং তাহার বেড়া ভাঙ্গিয়া দিবার পর আমরা নিজ ব্যয়ে বৃক্ষের তলীয় স্থান পরিষ্কার করিয়া লইলাম। ১২৯৫ সালের জ্যৈষ্ঠ মাসে কয়েক জন অসচ্চরিত্র ব্যক্তির উত্তেজনায় আমাদের পিতৃব্য পৌত্র আশুতোষ ও কেনারাম বন্দ্যোপাধ্যায়কে এবং আমাকে প্রতিবাদী শ্রেণীভুক্ত করিয়া ষাটাল ফৌজদারী আদালতে অভিযোগ করেন। বিচারপতি প্রথমতঃ মীমাংসার জন্য আদেশ করেন তাহাতে বাদী কেশবচন্দ্র বলেন, বিদ্যাসাগর মহাশয় স্বয়ং যদি এখানে আমার নিকট আসিয়া চাহিয়া লন, দিতে পারি নচেৎ পারি না। দাদার পরমাত্মীয় ব্যক্তি বাদীর পক্ষ হইয়া আমরাদিগকে দণ্ড দেওয়াইবার জন্ত অশেষ প্রয়াস পাইয়াও কৃতকার্য হন নাই, পিতামহী-দেবী সাধারণ গৌমুখ্যাদিকে ছায়াদান মানসে অশ্বখ বৃক্ষ ও তত্তলীয় ভূমি ক্রয় করিয়া শাস্ত্রানুসারে যে প্রতিষ্ঠা করিয়াছেন তাহা প্রকাশ পাইল সুতরাং আমরা মিথ্যাভিযোগ হইতে অব্যাহতি পাই।

কয়েক মাস পরে ঐ নবকুমারের পত্নী কলিকাতায় দাদার নিকট আগমন করিয়া বলিলেন, আপনি অনেক নিরুপায় ব্যক্তিকে মাসহরা দিতেছেন আমাকে ত কিছুই দিতে হয় না অতএব আপনি অনুগ্রহ পূর্বক আমাদের চাপড়ার পাণ্ডু আপনার পিতামহীর প্রতিষ্ঠিত অশ্বখ বৃক্ষটি আমাকে প্রদান করুন উহা বহুকালের গাছ ঐ অশ্বখ বৃক্ষের নিকট আমরা প্রায় ৯১০ বৎসর বাগান করিয়াছি ঐ গাছের আওতায় আমার বাগানের অনিষ্ট ঘটতেছে, তাহাতে দাদা বলেন আমার পিতামহী ৫০ বৎসরের উর্দ্ধ ঐ বৃক্ষ ও তত্তলস্থ ভূমির রীতি মত টাকা দিয়া পান্থগণের আতপ তাপ নিবারণ মানসে প্রতিষ্ঠা করিয়াছেন। আর যিনি ঐ স্থান পিতামহী

দেবীকে বিক্রয় করিয়াছেন ; পিতৃদেব তাহার পরিবারকে প্রতিপালন করিয়াছেন । বাবার কাশী যাইবার পর বাবার অনুরোধে আমি ও তাহার ছুঁয়া পরিবার প্রসন্নময়ী দেবীকে মাসে মাসে ২৬ টাকা দিয়া থাকি । তোমার স্বামী জানিয়া শুনিয়া পিতামহীর ঐ স্থান কেন ক্রয় করিয়াছে ? শুনিয়া ঐ স্ত্রীলোকটি বলিলেন আমার স্বামীকে আপনি লেখাপড়া শিখাইয়া কৰ্ম্ম করিয়া দিয়াছিলেন, তাহাতেই ঐ নি আট দশ বৎসর অতীত হইল ঐ স্থান ক্রয় করিতে সমর্থ হইয়াছিলেন ।

ইহা শুনিয়া দাদা বলিলেন তোমার স্বামী নবকুমার বন্দ্যোপাধ্যায়কে আমি নিজ ব্যয়ে লেখা পড়া শিখাইয়া পরে কলিকাতায় মেডিকেল কলেজে পড়াইয়া ছিলাম ; পরে সে নারাজোলের রাজার ডাক্তার হইয়া হস্তিপৃষ্ঠে বীরসিংহায় আসিয়া আমার পিতামহীর প্রতিষ্ঠিত অশ্বখ বৃক্ষের কতকগুলি ডাল হাতীর দ্বারা ভাঙ্গাইলেন, এই ঘটনার পূর্বে আমার মৃত্যু হইলে সৌভাগ্য জ্ঞান করিতাম ; পিতামহীর গাছের শাখা না কাটিয়া আমার হাত পা কাটিলে এত দুঃখ হইত না, পরে আবার উহার মূল করাত লাগাইলেন ; এবং তুমি তাহার উপযুক্ত পত্নী ঐ বৃক্ষে বেড়া দিয়া ঐ বৃক্ষ নষ্ট করিবার উদ্দেশে ঐ বৃক্ষের শিকড় কাটিয়া বাঁশ বৃক্ষাদি রোপণ করিয়াছ, এবং আমার ভাইকে কয়েক দিবার জন্য বিধিমন্তে প্রয়াস পাইয়া ছিলে ; এবং এক্ষণে আমার নিকট আসিয়া উদারতা ও সরলভাব দেখাইতেছ । তুমি মোকদ্দমায় জয় লাভ করিলে কখনই আসিতে না, পরাজয় হইয়াছে তজ্জগুই আসিয়াছ । আমার ভাই যদি অন্মায় করিয়াছিল, তাহা হইলে নালিস না করিয়া পূর্বে কেন আমার জানাইলে না । ইহা শুনিয়া ঐ ডাক্তারের পত্নী বলিলেন, ঐ গাছের তলায় আপনাকে কতবারি ভূমি চাই, তাহা আপনি আমার নিকট চাহিয়া লউন । এই কথায় দাদা বলিলেন, তুমি আমার ঈর্ষাবের বোটা, আমি তোমার নিকট ভিক্ষা চাহি না । আমার হয় আমার থাকিবে, নতুবা যাইবে, তজ্জগু তোমার নিকট আমি ভিক্ষা চাহিব না । ঐ স্ত্রীলোকটি কয়েক দিন অগ্রজের বাটীতে অবস্থিতি করিয়া তাঁহার নিকট পাথর ও বস্ত্রাদি লইয়া প্রস্থান করেন ।

১২৯৬ সালের প্রারম্ভে বীরসিংহা ও তৎসম্বন্ধিত গ্রামবাসী অগ্রজ মহাশয়ের প্রতিপালিত কয়েক ব্যক্তির উত্তেজনার নবকুমার ডাক্তারের জামাতা কেশবচন্দ্র মুখোপাধ্যায় আমাদের নামে দেওয়ানীতে নালিস করে : পরে ক্রমশঃ দাদাভিন্ন আমাদের পিতামহীর পৌত্র প্রপৌত্রাদির নামে অভিযোগ হইলে, আমি দেশ হইতে কলিকাতায় আসিয়া দাদাকে সমস্ত অবগত করিয়া বলিলাম, মহাশয়, আমি ও মোকদ্দমার লিপ্ত থাকিতে ইচ্ছা করি না ; অনেকে বলেন পিতামহী প্রায় ৩৫ বৎসর অতীত হইল গঙ্গা লাভ করিয়াছেন তাঁহার অর্থব্যয় বৃদ্ধির জন্য মনান্তর করা উচিত নয়। কেহ কেহ বলেন গাছটী ত্যাগ কর, এক সামান্য অর্থব্যয় বৃদ্ধির জন্য এত ব্যয় করার আবশ্যক কি। দূর হউক গাছটী ত্যাগকরি আমি ও সব হজ্জামে থাকিতে ইচ্ছা করি না। ইহা শুনিয়া তিনি ক্রোধভরে বলিলেন, তুই মর তাহা হইলে আমি স্বয়ং লাঠী হাতে করিয়া গাছের তলার দাঁড়াইয়া ঐ গাছ বন্ধ করিব। ইহা শুনিয়া তাঁহার প্রতিপালিত প্রিয়পাত্র বাবু নিজের উত্তেজনা স্বীকার করিয়া আমাকে যে পত্র লিখিয়াছিলেন, ঐ পত্র দেখাইলাম। দাদা পত্র লইয়া তাঁহার আত্মীয় উকীলদিগকে দেখাইয়া ও পরামর্শ লইয়া ২।৩ দিন পরে আমাকে বলিলেন। এসকল তোমার কর্ম নয়, তুমি স্বেচ্ছায়ের সহিত পরামর্শ করিয়া কার্য করিবে। এবিষয়ের জন্য আমার ইঁট সংখ্যা, মোকদ্দমার সময় নবকুমারের জামাতা কেশবচন্দ্র ও বাদিনীর কয়েক জন সাক্ষীর জবানবন্দীতে বিচারপতি বাবু অক্ষয়কুমার বসু তাঁহাদের মিথ্যাসাক্ষী প্রতৃতি দোষ উল্লেখ করিয়া বাদিনীর জামাতাকে মীমাংসা করিতে উপদেশ দেন। অনেক বাদানুবাদের পর আমি মীমাংসা করিতে সন্মত ছিলাম না, স্বেচ্ছায়ের অমুরোধে সন্মত হইলাম ; সোলেম্মুরত নিষ্পত্তি হইল। তিনি যে কেবল মাতৃভক্তি ও পিতৃভক্তির পরাকাষ্ঠা দেখাইয়াছেন এমন নহে, পিতামহী দেবীর প্রতিও আন্তরিক ভক্তি ছিল, তিনি নিজের স্বার্থসাধনোদ্দেশ্যে কখনও আদালতে মোকদ্দমা উত্থাপন করেন নাই।

মলয়পুর ।

গবর্ণমেন্ট দামোদর নদের পূর্বাংশের রেলপথ বন্ধা হইতে রক্ষার জন্ত নদীর পশ্চিমাংশের সেতু খুলিয়া দেন, এবং প্রায় দ্বাদশ বর্ষ হইল দামোদরের বেগের হানি বন্ধ হইয়া জানকুলীর হানি দিয়া নদীর স্রোত পশ্চিমাংশে সরিয়া আসায়, দামোদর মদ কেশবপুর প্রভৃতি স্থানের সীমার মধ্যদিয়া স্রোত বহিয়া চলিতেছে । সুতরাং বর্ষাকালে মলয়পুর প্রভৃতি বহুসংখ্যক গ্রাম, বন্যার জলে প্রাণিত হওয়ায় ধান্য জন্মে নাই । কয়েক বৎসর বন্যায় ধান্য না হওয়ায় প্রজাবর্গ নিতান্ত নিঃস্ব হইয়াছে বিশেষতঃ ধান্যের ভূমি সকল বন্যায় বালুকাময় স্থান হইয়াছে । সুতরাং ক্রমশঃ গ্রামবাসীর মধ্যে অনেকেই পৈতৃক বাসস্থান পরিত্যাগ পূর্বক স্থানান্তরে বাস করিতে লাগিলেন, সন ১২৮৯ সাল হইতে ১৭ সালের আশ্বিনমাস পর্যন্ত এই আট বৎসর কাল উক্ত গ্রামবাসী জাতি শ্রীঅধরচন্দ্র ভট্টাচার্য, শ্রীযজ্ঞেশ্বর ভট্টাচার্য, শ্রীনবরাম ভট্টাচার্য, মৃত হারাধন বন্দ্যোপাধ্যায়ের পরিবার সমূহ নিরুপায় হইয়া প্রতিবৎসর বন্যার সময় প্রায় ৪ মাস কাল কলিকাতায় দাদার বাটীতে অবস্থিতি করেন । দাদা, বিপদাপন্ন ও শ্রয়ঃসমাগত ঐ সকল ব্যক্তিদিগকে সমাদর পূর্বক গ্রহণ করিয়া উহাদের মধ্যে প্রায় ২৫ জনকে নিজ বাটীতে রাখিয়া ভরণ-পোষণ করিতে লাগিলেন অবশিষ্টদিগকে কিছু কিছু নগদ টাকা দিতেন, ডাক্তার তাঁহারা অপর স্থানে ভোজন করিতেন ; বন্যায় তন্ন ভবন পুনঃ-সংস্কার জন্য অনেককেই টাকা দিতেন ক্রমিক ৪ মাসকাল প্রত্যহ দুই বেলায় প্রায় ৫০ জন লোককে বাটীতে ভোজন করাইতেন ।

নিকট জাতি হারাধন বন্দ্যোপাধ্যায় কয়েকটি নাবালক পুত্র ও কুমারী কন্যা, বিধবা ভগিনী ও ভাগিনের রাখিয়া লোকান্তরিত হন । তাঁহার পরিবারবর্গের প্রতিপালনের কিছুমাত্র সংস্থান ছিল না, এজন্য অগ্রজ মহাশয় মাসে মাসে ১৫ টাকা মাসহরা দিয়া থাকেন । ইহার কন্যার বিবাহ হয় নাই তজ্জন্ত ৭০০ টাকা দিয়া বিবাহ কার্য সমাধা করেন, এবং নুতন বাটী প্রস্তুত জন্য ১০০ টাকা প্রদান করিয়াছেন ।

দাদা দুগ্ধ পান করিতেন না কিন্তু প্রতি মাসে উপস্থি লোক ও বাটীর অপরপর লোকের জন্য মাসে প্রায় ৮০ টাকার দুগ্ধ ক্রয় করিয়া থাকেন । ভোজনের সময় প্রায় দেড়ি বাহারা অপর স্থানে চাকরি করিতেছেন তাহারা ভোজনের সময় দুই বেলা আসিয়া ভোজন করেন কতকগুলি ছেলেকেও দেখিতে পাই তাহারা দাদার বাটীতে আহার করিয়া বিদ্যালয়ে অধ্যয়ন করিয়া থাকে ।

প্রতি বৎসর ৮ দুর্গা পূজার সময় পাঁচ ছয় হাজার টাকার বস্ত্র বিতরণ করিতেন । অপর সময়েও বাটীতে কাপড়ের দোকান সাজাইয়া রাখিতেন অনাথ দীন দরিদ্র প্রভৃতির উপস্থিত হইলে বিবেচনা মতে প্রদান করিতেন, ইহাতেও প্রায় প্রতি বৎসর তিন চারি হাজার টাকা ব্যয় হইত ।

দাদা নিজে প্রায় আম খাইতেন না কিন্তু প্রতি বৎসর জ্যৈষ্ঠ আষাঢ় শ্রাবণ এই তিন মাসে প্রায় ১৫০০ পণের শত টাকার আম ক্রয় করিয়া আশ্রয় লোকের বাটীতে পাঠাইতেন এবং বাটীর ও চাকর চাকরাণী মেথর প্রভৃতিকে আপনি দাঁড়াইয়া আশ্র খাওয়াইতেন, ঐ সময়ে তাঁহার বিদ্যালয়ের শিক্ষক, ছাত্র, ও অগ্র্য যে সকল ব্যক্তি আসিতেন, তাঁহাদিগকে নিজের সমক্ষে বসাইয়া খাওয়াইতেন । আশ্রপোস্তার হরিশ্চন্দ্র গুঁই ও শীতল চন্দ্র রায়ের দোকানে স্বয়ং যাইয়া আশ্র ক্রয় করিতেন । এবং উহাদের দোকানে প্রায় আধ ঘণ্টা বা তিন কোয়াটার বসিয়া তাহাদের সহিত গল্প করিতেন । উহাদের দোকানের সম্মুখ দিয়া কোন বড়লোক গমন করিলে তাঁহারা আশ্চর্য্যাবিত হইতেন, এক সময়ে একটি বাবু বলেন, মহাশয়, ও স্থানে বসিবেন না, আপনি বড়লোক উহারা সামান্য দোকানদার, ইহা শুনিয়া দাদা হাস্য করিয়া বলিলেন আমি বড় লোক অপেক্ষা ইহাদের নিকট বসিতে ও গল্প করিতে ভাল বাসি ।

কাগীঘাটনিবাসী বাবু ক্ষেত্রমোহন হালদারের বসতবাটী প্রভৃতি পণ দায়ে মহাজন অভিযোগ করিয়া ডিক্রীজারী করিয়া সমস্ত সম্পত্তি দেন ডিক্রীতে বিক্রয় করিয়া লইবে জানিয়া, নিরুপায় হইয়া, অগ্রজ মহাশয়ের নিকট আসিয়া রোদন করিতে লাগিলেন । ইহার রোদনে

তিনি চুঃখিত হইলেন, এবং স্বহস্তে টাকা না থাকায় অপরের নিকট ৪০০ টাকা ঋণ করিয়া তাঁহার মহাজনের নিকট ঋণ পরিশোধ করিয়া দেন। দাদার ঐ টাকা প্রাপ্তির আশা ছিল না। দাদা কিছুকাল পরে ঐ টাকা যখন পরিশোধের মানস করিয়া ছিলেন তখন মহাজনের প্রমুখ্যৎ অবগত হইলেন যে উক্ত হালদার ক্রমশ ঐ টাকা পরিশোধ করিয়াছেন।

বৈষ্ণব চরণ সরকার প্রভৃতি কয়েক শরীকের বশত বাটী সমস্ত দেন ডিক্রীতে বিক্রয় হইবার উপক্রম কালে তাহাদিগকেও ঐরূপে উদ্ধার করিয়াছিলেন। সে সময় উহাদের যেরূপ চুরবস্থা তাহাতে কেহই তাহাদিগকে বিশ্বাস করিয়া কিছু মাত্র ধার দেয় নাই তজ্জন্ত উহারা দাদার শরণাগত হওয়াতে তিনি দয়ার বশবর্তী হইয়া নিজ হস্তে টাকা না থাকা প্রযুক্ত তাঁহার এক পরম বন্ধুর নিকট হইতে ৮০০ শত টাকা ধার করিয়া মহাজনকে দিয়া উহাদিগের বাস রাখেন।

উত্তর পাড়ায় গাড়ী হইতে পতনের দোষে বকৃতে আঘাত প্রাপ্ত হন এই সূত্রে উদরাময় পীড়ার সূত্রপাত হয় ক্রমাগত ১২৯১ সালের বৈশাখ মাস হইতে কার্তিক মাস পর্যন্ত পীড়া এত দূর প্রবল হয় যে, তাহাতে দাদার জীবন সংশয় হয়, চিকিৎসক মহাশয়দের অভিপ্রায়ে আফিং ধরেন প্রত্যহ প্রাতে ও সন্ধ্যায় ৩০ কোঁটা লডেনম ব্যবহার করিতে লাগিলেন, ইহাতে ত্বরায় ঐ পীড়ার উপশম হইল কিন্তু ২১৩ মাস পরে পুনর্বার পীড়ার উদয় হইল, আফিংয়ের মাত্রায় উপকার না হওয়ায় আফিং পরিত্যাগ করিবেন বলিয়া স্থির করিলেন কিন্তু কোন মতেই ত্যাগ করিতে পারিলেন না।

সন ১২৯৫ সালে জ্যৈষ্ঠ মাসে তাহার পত্নী দিনময়ীদেবীর বক্তাতি সার পীড়ার উদয় হয়। দিনে দিনে পীড়ার বৃদ্ধি হইতে লাগিল, চিকিৎসার দ্বারা কোন ফললাভ না হওয়ায়, ভাদ্র মাসের ১লা বৃহস্পতিবার রাত্রি নয়টার সময় পতিপুত্র প্রভৃতি সমুদায় পরিবারবর্গের সম্মিলে কলেবর পরিত্যাগ করিলেন। দাদা শোকে অধীর হইয়াও স্বীয় ঐর্ষ্যা ও পাণ্ডিত্য গুণে শোকচুঃখাদি প্রকাশ না করিয়া একমাত্র পুত্র নারায়ণ বন্দ্যো-

পাধ্যায়ের দ্বারা তাঁহার ঔর্দ্ধদৈহিকাদি কার্য সমাধার পর কলিকাতায় শ্রদ্ধা ক্রিয়া সমাধা করিলেন। ঐ বৎসর পৌষমাসে পুত্রের হাতে ধরচ পত্র দিয়া দেশে আত্মীয় বন্ধুবান্ধবদিগের ভোজন ও সম্বর্দ্ধনাদি কার্য করিবার জন্ত বীরসিংহায় পাঠাইয়াছিলেন, নারায়ণ বন্দ্যোপাধ্যায় বীরসিংহায় গিয়া গ্রামস্থ সমুদায় স্ত্রীপুরুষদিগকে ও নিকটবর্তী জমিদার ও সম্ভ্রান্ত ভক্তলোকদিগকে নিমন্ত্রণ করিয়া রীতিমত সম্বর্দ্ধনা করিয়াছিলেন ইহাতে যথেষ্ট ব্যয় হয়।

দাদার পরমবন্ধু ডাক্তার দুর্গাচরণ বন্দ্যোপাধ্যায় মহাশয়, তাঁহার দ্বিতীয় পুত্র বাবু হুরেন্দ্রনাথ বন্দ্যোপাধ্যায়কে সিভিল সার্ভিস পরীক্ষার জন্ত বিলাতে পাঠান। তথায় অবস্থিতি করিয়া হুরেন্দ্র বাবু সিভিল সার্ভিস পরীক্ষায় উত্তীর্ণ হন, অধিক বয়স বলিয়া আপত্তি উত্থাপিত হইলে ও বিলাত হইতে সংবাদ আসিলে বাবু দুর্গাচরণ বন্দ্যোপাধ্যায় মহাশয় আসিয়া দাদাকে গোলযোগের কথা বলিলেন তিনি ইহা শুনিয়া অনরেল বাবু দ্বারকানাথ মিত্র ও শ্রীযুক্ত বাবু রাজেন্দ্র দত্ত মহাশয় প্রভৃতির সহিত পরামর্শ করিয়া বিলাতে কোষ্ঠী প্রভৃতি কাগজ পত্র প্রেরণ করিয়া আপত্তি খণ্ডন করিলেন, হুরেন্দ্র বাবু সিভিলিয়ান হইলেন। বন্ধে আগমন পূর্বক কার্যে প্রবিষ্ট হইলে উচ্চ পদস্থ ব্যক্তিদিগের সহ তাঁহার পশ্য না হওয়াতে হুরেন্দ্র বাবু পদচ্যুত হন। পদচ্যুত হইবার পরে হুরেন্দ্র বাবু মেট্রোপলিটানে প্রফেসর নিযুক্ত হন।

এক দিবস দাদা সুখাসীন হইয়া কথাবার্তা কহিতেছেন, এমন সময়ে দুই জন ধর্ম প্রচারক ও কয়েক জন কৃতবিদ্য ভক্তলোক আসিয়া উপবেশন পূর্বক জিজ্ঞাসা করিলেন বিদ্যাসাগর মহাশয়! ধর্ম লইয়া বঙ্গদেশে বড় হলমূল পড়িয়াছে, বাহার যা ইচ্ছা সে তাহাই বলিতেছে, এ বিষয়ের কিছুই ঠিকানা নাই আপনি ভিন্ন এ বিষয়ের মীমাংসা হইবার সম্ভাবনা নাই, এই কথায় দাদা বলিলেন ধর্ম যে কি, তাহা মহুষ্যের বর্তমান অবস্থায় জ্ঞানের অতীত এবং ইহা জানিবার ও কোন প্রয়োজন নাই ইহা শুনিয়া তাঁহার আর ও পীড়াপীড়ি করিলে, দাদা বলিলেন আমি পরের জন্ত বেত খাইতে পারিব না বলিয়া গজ আরম্ভ করিলেন।

এক দিবস মৃত্যুরাজ কৰ্মচারিগণ সহ কাছারি খুলিয়া কার্যে প্রবৃত্ত হইলে, প্রহরী এক ব্যক্তিকে ধৃত করিয়া আনিলে মৃত্যুরাজ তাহাকে বলিলেন, তুমি অমূকের উপাসনা না করিয়া কি জন্তু অমূকের উপাসনা করিলে ? উপাসক বলিলেন, আমার অপরাধ নাই, অমুক ধৰ্ম্মপ্রচারক আমাকে বেরূপ উপদেশ দিয়াছেন, আমি তদনুসারে কার্য করিয়াছি । এই কথায় মৃত্যুরাজ উপাসকের প্রতি পাঁচ বেতের আদেশ দিয়া তাহাকে এক সম্মিহিত বৃক্ষতলে রাখিতে বলিলেন । এইরূপ তিন চারি জন উপাসককে দণ্ড দিবার পর আপনার মত এক জন ধৰ্ম্ম প্রচারক আনীত হইলেন । ঐ ধৰ্ম্মপ্রচারককে জিজ্ঞাসা করায় তিনি বলিলেন, বিদ্যাসাগরের উপদেশানুসারে আমি অমূকের উপসনা করিয়াছি এবং অনুগামী ব্যক্তিদিগকেও ঐ উপাসনার উপদেশ দিয়াছি । মৃত্যুরাজ প্রথমতঃ তাহার নিজের হিসাবে পাঁচ বেত দিয়া অনুগামী উপাসকদিগকে আনাইয়া প্রত্যেকের হিসাবে পাঁচ পাঁচ বেতের আদেশ দেন । এরূপ হই তিন জন প্রচারকের পর আমিও মৃত্যুরাজের সম্মুখে নীত হইলাম । প্রথমতঃ আমাকে নিজের হিসাবে পাঁচ বেত দিয়া প্রত্যেক উপাসক ও প্রত্যেক প্রচারকের হিসাবে পাঁচ পাঁচ বেত লক্ষ্য দিলেন । ইহাতে আমার শরীরে তিলাঙ্ক স্থান রহিল না, তথাপি বহুসংখ্যক বেত বাকী রহিল এবং অবশিষ্ট বেত শেষ না হওয়া পর্য্যন্ত প্রত্যহ বেত খাইতে হইল । এই কথার পর বিদ্যাসাগর মহাশয় বলিলেন, আমার বোধ হয়, যে পৃথিবীর প্রারম্ভ হইতে এরূপ তর্ক চলিতেছে ও যাবৎ পৃথিবী থাকিবে তাবৎ এই তর্ক থাকিবেক, বোধ হয় যে কস্মিন্ কালেও ইহার মীমাংসা হইবে না । তাহার দৃষ্টান্ত দেখুন মহাভারতে বেদব্যাস লিখিয়াছেন, বক্রপী ধৰ্ম্মরাজ এই মর্মে ধৰ্ম্মপুত্র রাজা যুধিষ্ঠিরকে জিজ্ঞাসা করিলে যুধিষ্ঠির উত্তর করিলেন—

বেদা বিভিন্নাঃ স্মৃতয়ো বিভিন্নাঃ নাসৌ মুনির্বিশ্ব মতং ন ভিন্নং ।

ধৰ্ম্মস্ত তত্ত্বং নিহিতং গুহ্যাং মহাজনো যেন গতঃ স পদ্মাঃ ॥

বীরসিংহ ভগবতী বিদ্যালয় ।

সন ১২৯৬ সালের চৈত্র মাসে অগ্রজ মহাশয় পত্র লিখিয়া আমার কলিকাতা আনাইয়া বলেন, দেশে ম্যালেরিয়া প্রযুক্ত এতাবৎকাল বিদ্যালয় বন্ধ ছিল। এক্ষণে আর দেশে ম্যালেরিয়া নাই অতএব জম্মভূমির বালকগণের মোহাক্ষকার নিবারণ জন্য পুনর্বার বিদ্যালয় স্থাপনের ইচ্ছা করিতেছি। তিনি কিন্তু কার্যিক অসুস্থতা নিবন্ধন স্বয়ং দেশে যাইয়া বিদ্যালয় স্থাপন করিতে অক্ষম হইয়া, আমার বলেন, তোমাকে পূর্বের মত সকল কার্যেরই ভার গ্রহণ করিতে হইবে। তাহাতে আমি বলিলাম কাশী হইতে আসিবার পর আমার দুই পুত্র কালগ্রাসে পতিত হইয়াছে, অবশিষ্ট পুত্রটীও জ্বরকাশ রোগে আক্রান্ত হইয়াছে। বিশেষতঃ ১৪ সালে পিতামহীর প্রতিষ্ঠিত অখণ্ড বৃক্ষের তত্ত্বাবধানের ভার দিয়াছিলেন, তাহাতে যে সকল লোক মহাশয়ের দ্বারা প্রতিপালিত হইয়াছে তাহারা সকলে ঐক্য হইয়া ঐ বৃক্ষ উপলক্ষে অকারণ আমাকে ফৌজদারীতে আসামী-শ্রেণী-ভুক্ত করিয়া আমার নামে অভিযোগ করিয়াছিল। ঐ মোকদ্দমায় অব্যাহতি পাইলে দেওয়ানীতে আসামী হই। এইরূপ সকলের সহিত মনান্তর হইলে আমি অল্প কার্যের ভার গ্রহণ করিতে অক্ষম। বিশেষতঃ বিদ্যালয়ের বাটী নাই, নূতন বাটী প্রস্তুত করিতে হইবে। অগ্রে বাটী প্রস্তুত করিয়া বিদ্যালয় স্থাপন করা উচিত; নচেৎ অপরের বাটীতে বিদ্যালয় বসাইলে কার্যের সুবিধা হইবে না, এই কথা বলিয়া আমি দেশে যাই। সন ১২৯৭, ২রা বৈশাখ ভাগিনেয় চিন্তামণি মুখোপাধ্যায় প্রভৃতি পাঁচ জনকে শিক্ষক নিযুক্ত করিয়া বীরসিংহার বিদ্যালয় স্থাপন করেন। প্রথমতঃ নিজ গ্রাম ও সম্বিহিত ২।৩ ধানি গ্রামের বালকেরা অধ্যয়নার্থে প্রবিষ্ট হইল। বিদ্যাসাগর মহাশয় পাঁচ জন শিক্ষক নিযুক্ত করিয়া পুনর্বার বিদ্যালয় স্থাপন করিলেন দেখিয়া দেশস্থ লোক পরম আনন্দিত হইলেন। শিক্ষক চিন্তামণি বাবু দাম্ভার বিনা অহুমতিতে কার্য করিয়াছিলেন তাহা শুনিয়া চিন্তামণি বাবুকে পত্র দ্বারা ডাকাইয়া বলেন, তোমাদের দ্বারা বিদ্যালয়ের কার্য সুচারুপে

সম্পন্ন হইবে না, অতএব তোমাদের বেতনাদি গ্রহণ কর । বিদ্যালয় বন্ধ থাকিবে, আমি স্বতন্ত্র বন্দ্যোবস্তু করিব । সুতরাং চিন্তামণি হতাশ হইয়া বাটী প্রতিগমন করেন । এই সংবাদ শুনিয়া আমি আবার মাসে দাদার সহিত সাক্ষাৎ করিতে কলিকাতা গিয়াছিলাম ; তাহাতে তিনি আমাকে বলেন, তুমি যদি ভার গ্রহণ কর তাহা হইলে স্থল রাখিব নচেৎ তুলিয়া দিব । ইহা শুনিয়া অগত্যা ভার গ্রহণ করিয়া বাটী আগমন করিলাম । পুনরায় শ্রাবণ মাসে কলিকাতায় গমন করিলে আর পাঁচ জন শিক্ষক নিযুক্ত করেন । বালক দিগের বেতন ও গ্যাডমিসন্ ফি না থাকায় এবং সুশৃঙ্খলা স্থাপন হওয়ায় দিন দিন ছাত্রসংখ্যা বৃদ্ধি হইতে লাগিল । শিক্ষকগণ সহ আসিবার সময় কতকগুলি বেঞ্চ ও চেয়ার আমার সমভিব্যাহারে পাঠাইয়া দেন এবং বিদ্যালয় সম্বন্ধে তাঁহার কৃত নিয়মাবলীও স্বাক্ষর করিয়া আমার হস্তে প্রদান করেন । ইহা দেখিয়া ষাঁটাল, জাড়া, ক্ষীরপাই, ঈড়পালা প্রভৃতি স্থানের বিদ্যালয় সকলের কর্তৃপক্ষগণ এবং ষাঁটাল মুনসেফী আদালতের অনেকগুলি উকীল ঈর্ষাপরবশ হইয়া কলকৌশলে ঐ বিদ্যালয় উঠাইবার মানসে অগ্রজকে অনেক পত্র লিখেন । কিন্তু তিনি ঐ সকল অসম্বন্ধ পত্র দেখিয়া কিকিমান্না ক্ষুব্ধ বা অসন্তুষ্ট না হইয়া আমাকে দেশে পত্র লিখেন ও কলিকাতায় তাঁহার নিকটে আসিলে ঐ সকল পত্রগুলি আমাকে দেখাইয়া বলেন, শত্রু এই সকল কারণে তুমি ক্ষুব্ধ বা নিরুৎসাহ হইও না । আমি এই সকল অশ্রু ও ঈর্ষাপরবশ ব্যক্তিদিগের কথায় কর্ণপাত করি না । আমি পূর্বে বীরসিংহ-বিদ্যালয় স্থাপন করিলে ষেরূপ দেশের উন্নতি সাধন জন্ম যত্ন করিয়াছিলে ; এক্ষণেও সেইরূপ যত্ন করিতে ক্ষুণ্ণি করিও না । আমার অভিপ্রায়, আমি ব্যয় করিতে কুন্তিত হইব না, আমি টাকা মাত্র দিব । কিন্তু তুমি অশ্রু সকল বিষয়ে সর্বেসর্ব্বা অর্থাৎ শিক্ষক নিয়োগ ও পদচ্যুতি বিষয়ে তুমি বাহা করিবে আমি তাহাতেই সম্মত হইব । কয়েক মাস পরে আর চারি জন শিক্ষক প্রেরণ করেন ও আমাকে পত্র লিখেন । শারিরীক অস্বাস্থ্য নিবন্ধন পৌষ মাসে ফরাসডাক্তার গঙ্গাভীরে বাবু ওক্রেসন্ন ঘোষ ও উমারণ ঝাঁয়ের বাটী ভাড়া লইয়া তথায়

অবস্থিতি করিতে লাগিলেন। মধ্যে মধ্যে কলিকাতায় আগমন পূর্বক মেট্রোপলিটান কলেজ ও স্কুল কয়েকটির ও অন্যান্য বিষয় সকলের তত্ত্বাবধান করিয়া ফরাসডাঙ্গার গমন করেন। বীরসিংহা বিদ্যালয়ের এপিলেসন ও অন্যান্য কার্য জন্ত আমাকে আসিতে আদেশ করায় আমি উপস্থিত হইলে পর দাদা বলিলেন স্বরায় চিকিৎসালয় স্থাপন না করায় আমি তোমার প্রতি অসন্তুষ্ট হইয়াছি। আমি বলিলাম, নিম্ন বাটী ভিন্ন অপরের বাটীতে চিকিৎসালয়ের কার্য চলিতে পারে না। অতএব আপনি স্বরায় বালক বিদ্যালয়, চিকিৎসালয় ও বালিকা বিদ্যালয় এবং রাখাল স্কুলের বাটী নির্মাণের ব্যবস্থা করুন। বাটী নির্মাণ হইবার পর ১৫ দিবস মধ্যে চিকিৎসালয় প্রভৃতি স্থাপন করিতে পারিব। তিনি বলিলেন শরীরের কিছু স্বাস্থ্য লাভ করিয়া ও ভারত ব্যবস্থাপক সভার সহবাস সম্বন্ধে আইনের সম্বন্ধে আমার অভিপ্রায়ানুরূপ ব্যবস্থা লিখিয়া পাঠাইয়া দেশে যাইয়া ঐ সকল কার্য সমাধা করিব।

এক দিবস দাদাকে বলিলাম, মহাশয়! আমি আপনার জীবনচরিত লিখিতে আরম্ভ করিয়াছি। এই কথায় দাদা বলিলেন পড় দেখি শুনি। তাঁহার আজ্ঞানুসারে জীবনচরিতের উপক্রমণিকা, শিশুচরিত সমগ্র ও স্থানে স্থানে দুই চারি পৃষ্ঠা শুনাইবার পর তিনি বলিলেন, লেখা ভাল হইয়াছে, কিন্তু দান ও সাহায্য বিষয়গুলি উঠাইয়া দিও, নতুবা অনেকে কুণ্ঠিত ও লজ্জিত হইবেন। আমি কিন্তু এই পুস্তক মুদ্রিত করিবার পূর্বে অনেককে জিজ্ঞাসা করায় যাহারা ঐ বিষয় মুদ্রিত করণে আপত্তি করিলেন তাঁহাদের বিষয় উল্লেখ করিলাম না এবং যাহারা কৃতজ্ঞ হৃদয়ে ও সরল ভাবে অনুমতি দিলেন, তাঁহাদের বিষয় মুদ্রিত করিলাম।

ইতিমধ্যে অর্কোদয় বোপে ফরেনডাঙ্গার বাসা বাটীতে বহু লোকের সমাগম হওয়ায় তাহাদের রীতিমত তত্ত্বাবধান করিতে লাগিলেন। ঐ সময়ে কলিকাতায় বাহুড়বাগানের বাটীতে আত্মীয় কুটুম্ব ও কুটুম্বদিগের গ্রামবাসীরা এবং বীরসিংহা ও তৎসম্বন্ধিত কয়েকটি গ্রামবাসী কতকগুলি লোক অর্কোদয় বোপ উপলক্ষে বাহুড়বাগানের বাটীতে

আমিরা অবস্থিতি করিতেছিল। দাদার প্রতীক্ষা করিয়া তাহারা বাহুরবাগানের বাটী হইতে না যাওয়ায় দাদার কনিষ্ঠজামাতা কার্তিক-চন্দ্র চট্টোপাধ্যায় ফরেশডাঙ্গায় ঐ মর্মে পত্র লিখেন, এই সম্বাদ পাইয়া অগ্রজ ফরেশডাঙ্গার বাটীস্থিত আগত আত্মীয়দিগকে বিদায় দিয়া কলিকাতায় আসিলেন। বহু লোকের সমাগম দেখিয়া আমি বলিলাম অর্দ্ধোদয় না হইয়া আপনার পূর্ণোদয় হইয়াছে, এই কথায় তিনি ঈষৎ হাস্য করিলেন। পাথের ও বস্ত্র দিয়া অধিকাংশ লোককে বিদায় করিলেন। দেশস্থ বিদ্যালয়ে আপিলেসন সম্বন্ধে আমাকে আপন নামে দরখাস্তাদি দাখিল করিতে আদেশ করেন কিন্তু তাহাতে সম্মত না হইয়া দাদাকে অনুরোধ করায় দাদা স্বীয় নামে দরখাস্তাদি লিখাইয়া তাঁহার প্রিয়পাত্র মেট্রপলিটান বিদ্যালয়ের কর্মচারী বাবু ব্রজনাথদের দ্বারা স্কুল ইন্স্পেক্টরের নিকট প্রেরণ করেন। বিদ্যালয়ের মোহর ও নাম করণের উল্লেখ হওয়ায় আমাকে নিজের অভিপ্রায় ব্যক্ত করিতে বলেন। আমি উহা বিদ্যাসাগর ইনস্টিটিউশন বলিয়া লিখিলাম। দাদা তাহা দেখিয়া বলিলেন আমি তোমা অপেক্ষা ভাল লিখিতে পারি, এই বলিয়া ভগবতী-বিদ্যালয় এই নামটি লিখিয়া আমাকে ও উপস্থিত ব্রজবাবু প্রভৃতিকে বলিলেন শত্ৰুর অপেক্ষা আমার লেখাটি ভাল হইল কি না? আমি বলিলাম মহাশয়! লেখা ভাল হইলে কি হইবে, উহাতে অনেক দোষ আছে; বিদ্যালয়টি আপনার নামে থাকিয়া কোন কারণে উঠিয়া গেলে আপনার পুত্রের উপর দোষ বর্ত্তিবে; কিন্তু জননী দেবীর নামে হইয়া উঠিয়া গেলে, লোকে বলিবে বিদ্যাসাগর এমনি কুলাঙ্গার যে মাতৃদেবীর কীর্ত্তি লোপ করিল। দাদা বলিলেন, আমি কি ইহার বলোবস্ত না করিব। তুমি ঐ সকল বিষয়ের জন্য দেশে একত্র আট বিদ্যা জমী স্থির করিয়া দাও, স্কুলের স্থায়িত্বের বিষয় তোমায় ভাবিতে হইবে না। স্কুলের স্থায়িত্ব সম্বন্ধে বাহা করিতে হইবে তাহা আমার স্থির করা আছে। এই বলিয়া উঁহার প্রিয়পাত্র ব্রজ বাবুর শ্রুতি স্কুলের মোহর করাইবার ভার অর্পণ করিলেন। মেট্রপলিটানের ব্রজ বাবু মোহর প্রস্তুত করাইয়া আমার হস্তে দেন। তদবধি বিদ্যালয়টি জননী দেবীর নামে ভগবতী

বিদ্যালয় হইল। এই সময়ে ভগবতী বিদ্যালয়ে চৌদ্দ জন শিক্ষক নিযুক্ত হয় এবং মাসিক দুইশত বাষটি টাকা ব্যয়ের বন্দোবস্ত হয়। আমাকে বলিলেন, স্কুলবাটীর জন্ত দশ হাজার টাকা রাখ, এবং আবশ্যক হয়, আরও দুই তিন হাজার দিব। আমি বলিলাম, দেশে গিয়া বন্দোবস্ত ঠিক করিয়া দিলে ঐ টাকা লইব, এখন লইতে পারি না।

শ্রীযুক্ত মহেন্দ্রনাথ সরকারের সি, আই, ঐ, সায়েন্স আসোসিয়ে-
সনের জন্য এক সহস্র টাকা দিয়াছিলেন।

সাঁটাল প্রদেশ বহ্মার জলে প্রাবিত হওয়ায় ঐ প্রদেশবাসী বিপন্ন লোকদিগের সাহায্য জন্য পাঁচ শত টাকা মেদিনীপুরের মাজিষ্ট্রেট কর্ণিস সাহেবের নিকট প্রেরণ করিয়াছিলেন।

শ্রীযুক্ত প্রসন্নকুমার সর্কাদিকারী মহাশয় বিপদে পড়িয়া দাদার শরণাগত হইলে দাদা তাঁহার আত্মীয় ব্যক্তিদের নিকট ঋণ করিয়া প্রসন্ন বাবুকে ন্যূনাধিক পঞ্চ সহস্র টাকা দেন। উহার মৃত্যুর পর দাদা নিজের ঐ ঋণ পরিশোধ করেন। এরূপ অনেকের জন্য দাদাকে ঐরূপ করিতে হইয়াছে।

এক দিবস জটনৈক সম্ভ্রান্ত ব্যক্তি শীতকালে ৫০০ টাকার খাল জোড়া গায়ে দিয়া বাহুড় বাগানের বাটীতে আসিয়া লাইব্রেরী দেখিয়া দাদাকে বলিলেন, বিদ্যাসাগর মহাশয়! এত অধিক ব্যয় করিয়া পুস্তক-গুলি বাঁধাইবার প্রয়োজন কি? দাদা মিত বদনে বলিলেন মহাশয়! ১১০ পাঁচ সিকার কম্বলে শীত নিবারণ হয়, কি জন্ত ৫০০ শত টাকার খাল গায়ে দিয়াছেন।

গত পৌষমাসে তাঁহার পীড়া দিন দিন বৃদ্ধি হইতে লাগিল ও বলের হ্রাস হইতে লাগিল এবং মানসিক অবস্থার অবনতি হইতে লাগিল। এই সকল দেখিয়া চিকিৎসক ও বন্ধুগণ কলিকাতা পরিভ্রমণ করিয়া জলবায়ু পরিবর্তন জন্ত সমধিক স্বাস্থ্যকর স্থানে বাস করিবার জন্য অনুরোধ করেন। এদিকে মেট্রোপলিটানের অবস্থা এইরূপ হইয়াছে যে মধ্যে মধ্যে মেট্রোপলিটানে উপস্থিত হইয়া সমস্ত বিষয় স্বয়ং তত্ত্বাবধান না করিলে কোনও মতেই চলে না, এই কারণে সমধিক স্বাস্থ্যকর দূরবর্তী

প্রদেশে যাইতে পারিলেন না। কিন্তু কলিকাতায় অবস্থিতি করাও চলিতো না এমনত অবস্থায় গঙ্গাতীরে ফরাশডাঙ্গায় দুইটা বাটা ভাড়া লইয়া ও নিত্য ব্যবহারোপযোগী দ্রব্য সামগ্রী লইয়া তথায় গমন করেন। মধ্যে মধ্যে মেট্রোপলিটানের ও অন্যান্য বিষয় কথের জন্য কলিকাতা আসিতে হইত। প্রথম মাসে কিকিং স্বাস্থ্য লাভ করিলেন, কিন্তু কন্যা ও দৌহিত্রাদি নিকটে না থাকায় ও মনের স্বচ্ছন্দতা না থাকায়, তাহা-দিগকে ফরাশডাঙ্গায় লইয়া গেলেন।

এই সময়ে পৌষের প্রারম্ভে জাহানাবাদের অনারবি মাজিষ্ট্রেট কয়্যাপাঠ বদনগঞ্জ নিবাসী রামরায়ব মুখোপাধ্যায়, স্বকীয় কোনও বিষয় কর্মোপলক্ষে কলিকাতা আসিয়া ঈশানচন্দ্রের সহিত কথোপকথন সময়ে আমার সহিত আলাপ হওয়ায় তাঁহাকে দাদার নিকট পরিচিত করিয়া দিই। তিনি দাদার কোণ্ঠী লইয়া দেশে গমন করেন। তথায় গণনা করিয়া মৃত্যু আশঙ্কা ব্যক্ত করিয়া অমৃত হোমের ও পঞ্চাঙ্গ স্বস্ত্যয়নের ব্যবস্থা করিয়া পত্র লিখেন। ফাল্গুন মাস হইতে ফরেশডাঙ্গা আর স্বাস্থ্যকর বোধ হইল না। ঐ গণনায় উল্লিখিত জলমগ্ন হইবার আশঙ্কা প্রভৃতি অবলোকন করিয়া নিজের তাদৃশ বিশ্বাস না থাকায় কেবল কন্যা প্রভৃতির অনুরোধে পঞ্চাঙ্গস্বস্ত্যয়ন ও হোমের ব্যবস্থা করিয়া কলিকাতায় বাহুড়বাগানের বাটীতে পুরোহিত ও ব্রাহ্মণদিগকে নিযুক্ত করেন। কিন্তু কিছুতেই কিছু ফলোদয় হইল না। উত্তরোত্তর পীড়া বৃদ্ধি হইতে লাগিল। এতদর্শনে, আর ফরেশডাঙ্গায় অবস্থিতি করা উচিত নয় এই বিবেচনায় পত জ্যৈষ্ঠ মাসের শেষে কলিকাতায় আসিয়া চিকিৎসার উদ্যোগ পাইতে লাগিলেন। এই সময় আলোপ্যাথি ডাক্তার ও আয়ুর্বেদীয় চিকিৎসক মহাশয়েরা বলিলেন অহিফেনের মাত্রা এত অধিক পরিমাণে থাকিলে, আমাদের চিকিৎসায় উপকরণ দর্শিবে না, এই কথায় ও অন্যান্য বহু বাক্যের পরামর্শে কলিকাতার অন্তর্গত কলুটোলা হইতে সেক আকুললেতীষ হকিমকে আফিং পরিত্যাগ করাইবার জন্য আনাইলেন। ১৮ই আষাঢ় হইতে উক্ত হকিমের চিকিৎসা আরম্ভ হইল।

তঁাহার ব্যবস্থায় পীড়ার উপশম হইতে লাগিল কিন্তু দুঃখের বিষয় এই যে দুই দিন পরে হিক্কা প্রভৃতি উদয় হইয়া ২০ শে আষাঢ় কম্পের সহিত জরের উদয় হইল। ২১শে আষাঢ় জরের হ্রাস হইল বটে কিন্তু হিক্কা প্রবল হইয়া হস্ত পদ শীতল হইল, তথাপি উক্ত হিক্কা নিবারণ জন্ত অপর ঔষধ ব্যবহার করিলেন না। ঐ দিবসেই হকিমের ঔষধে হিক্কা নিবারণ হয়। হকিমের ঔষধে অহিফেণ ভিন্ন অপর মাদক দ্রব্য নিবন্ধন দুই তিন দিন প্রলাপ হয়। এই সময়ে সমাগত ব্যক্তিদিগকে সাবেক অভ্যাস অনুসারে সমধিক সমাদর করিতে লাগিলেন এবং ঐ প্রলাপ সময়ে নিজের কালেক্স ও স্কুলগুলি সম্বন্ধে নানাবিধ কথা কহিতে লাগিলেন। ২৩ শে আষাঢ় পুনরায় হিক্কা বেদনা প্রভৃতি পীড়ার লক্ষণ গুলি প্রবল হইতে লাগিল এবং ঐ সময় লেবা রোগের আরম্ভ হইয়াছে দেখিয়া স্তুতরাং হকিমের চিকিৎসা বন্ধ হইল। ক্রোরোডাইন সেবন করায় বেদনা ও হিক্কার হ্রাস হইল। উক্ত হকিম সাহেব উদার-চরিত ভদ্রলোক, আন্তরিক যত্ন ও শ্রদ্ধা সহকারে চিকিৎসা করিয়া-ছিলেন। ২৪ শে আষাঢ় ডাক্তার হীরালাল বাবু ও বাবু অমূল্যচরণ বহু পরীক্ষা করিয়া ২৫ শে আষাঢ় পরামর্শ জন্ত ডাক্তার ম্যাকোনেল সাহেবকে আনাইলেন। উক্ত সাহেব পরীক্ষা করিয়া অসাধ্য বিবেচনায় বার্ড সাহেবের সহিত পরামর্শ করিতে হইবে বলিয়া তঁাহাকে আনা-ইবার উপদেশ দেন, কিন্তু ম্যাকোনেল সাহেব এই পীড়া এলো-প্যাথি চিকিৎসায় অসাধ্য বলায় পর দিন ১৯ শে আষাঢ় বেলা ৯টার সময় ডাক্তার শাল্জার সাহেব আসিয়া ভালরূপ পরীক্ষা করিয়া বলিলেন, ষ্ট্রিমাকে ক্যান্সার হয় নাই, কেবল পাকস্থলীতে টিউমার হইয়াছে কিন্তু উহা মারাত্মক নহে, তবে এই যে লেবা উৎপন্ন হইয়াছে, ইহাই ইহার পক্ষে মারাত্মক হইবার সম্ভাবনা। ইহা ৪৫ দিনের মধ্যে উপশম হইলে হইতে পারে কিন্তু ইহা অপেক্ষা গণ্ডিতের ব্যয়োবাহিক্য, শারীরিক দৌর্বল্য এবং জীর্ণ শীর্ণতা এই তিন কারণেই পীড়া উপশমের সম্ভাবনা অতি অল্প। এই বলায় তঁাহাকে বিদায় দিয়া বৈকালে ম্যাকোনেল ও ডাক্তার বার্ড উভয়ে আসিয়া ও পরীক্ষা করিয়া অসাধ্য বলায় ডাক্তার হীরালাল

বাবু ও অমূল্য বাবুর এলোপ্যাথিক চিকিৎসা নির্লক্ষণ ধওন করিয়া শালজার সাহেব দ্বারা চিকিৎসার ব্যবস্থা হয়। শালজার সাহেবের চিকিৎসায় বেদনা হিকা লেবা প্রভৃতি লক্ষণ গুলির হ্রাস হইতে লাগিল, কিন্তু কোষ্ঠবদ্ধ পীড়ার উদয় হইল। হিকার লক্ষণ পুনরায় বৃদ্ধি হইতে লাগিল। মধ্যে মধ্যে অল্পপিত্ত কমিতে লাগিল। ডাক্তার শালজার সাহেব প্রত্যহ ৩৪ বার আসিতে লাগিলেন। কোন দিবস কিছু কমে কোন দিবস বৃদ্ধি হয়। হিকা বন্ধ না হওয়ায় রজনীগন্ধ ফুল বাটিয়া সেবন করান হয়, তাহাতে যদিও হিকার অনেক হ্রাস হইয়াছিল, কিন্তু ঐ দিবসেই স্বপ্ন জরের উদয় হয়। দিনে দিনে অঙ্গে অঙ্গে জ্বর বৃদ্ধি হইতে লাগিল। রজনীগন্ধ ফুলের হিকা সম্বন্ধে আর কোনও ক্ষমতা রহিল না। মুখমণ্ডল প্রভৃতির ও জীবনের শ্রী কমিয়া আসিতে লাগিল।

ডাক্তার শালজার নিরাশ হইলেন এবং বলিলেন, তোমরা অপরের দ্বারা চিকিৎসা করাইতে পার এবং আবশ্যক হইলে আমিও বহুভাবে ও চিকিৎসকভাবে প্রত্যহ আসিতে ও দেখিতে পারি, তদ্বিষয়ে আমার মনে কিছুমাত্র আপত্তি বা অসন্তোষ নাই। পর দিবস ৭ই শ্রাবণ বৈকালে, দাদা পূর্বে মধ্যে মধ্যে যে ঔষধ ব্যবহার করিতেন, সেই ঔষধ ব্যবহৃত হইতে লাগিল। ৯ই শ্রাবণ রাত্রিতে সামান্য পুরাতন মল নির্গত হয় ও ১০।১১ই শ্রাবণ তাঁহাকে সকলে কিকিৎ স্রুস্র বলিয়া বোধ করিলেন। অদ্য কনিষ্ঠ সহোদর ঈশান ভালরূপ পরীক্ষা করিয়া বলিলেন যাতনা প্রভৃতি পীড়ার লক্ষণ গুলির হ্রাস হইয়াছে বটে, কিন্তু নাড়ীর ব্যতিক্রম ঘটিয়াছে এবং আরও যে দুই একটি লক্ষণ উদয় হইয়াছে তাহাতে অদ্য আমার বিবেচনায় আর কিছুমাত্র আশা নাই। তরুণবয়স্ক হইলে অদ্যই মৃত্যুর সম্ভাবনা ছিল কিন্তু পরিণতবয়স্ক বলিয়া ও শরীরের দৃঢ় গঠন বলিয়া মৃত্যুর আরও ২৩ দিন বিলম্ব আছে। শেষ কয়েক দিন বস যদিও প্রত্যহ জ্বর বৃদ্ধি হইতে লাগিল তথাপি বন বন অঙ্গ অঙ্গ দান্ত হওয়ায় মৃত্যু সময় পর্য্যন্ত তাঁহার জ্ঞানের ব্যতিক্রম ঘটে নাই।

সচরাচর মৃত্যুর পূর্বে জ্বরবিচ্ছেদ হইয়া নাড়ী ত্যাগ হয়, কিন্তু ১৩ই শ্রাবণ অপরাহ্ন হইতে জ্বর বৃদ্ধি হইতে লাগিল। রাত্রি ৯টার পর

হইতে প্রতি মিনিটে নাড়ীর গতি এক শত ত্রিশ ও শাসঔষধের সংখ্যা ৫০ শের ন্যূন নহে। কিন্তু এই পীড়ার অল্প সময়ে নাড়ীর স্বাভাবিক গতি ৬০ টের উর্দ্ধ নহে।

এই দিবস রাত্রি একটা পনের মিনিটের পর জ্ঞানরাশির জ্ঞানলোপ হইল। দুইটা ১৮ আঠার মিনিটের সময় এই অসার সংসার পরিত্যাগ করিলেন। তাঁহার আত্মীয়বর্গ তাঁহাকে নিজ ব্যবহৃত পল্যকে শয়ন করাইয়া তাঁহার একমাত্র পুত্র নারায়ণকে সমভিব্যাহারে করিয়া তাঁহার আদরের জিনিস মেট্রোপলিটান কলেজে কিয়ৎক্ষণ রাখিয়া বন্ধুবান্ধব সমভিব্যাহারে পুনরায় স্বন্ধে বহন পূর্বক নিমন্তলার ঘাটে নাবাইলেন, ও কিয়ৎক্ষণ পরে ঋশানে গিয়া অন্ত্যেষ্টিক্রিয়া সমাপন করিলেন এবং সকলে পদ্মার স্নান ওর্পণাদি সমাপন করিয়া বাহুড়বাগানের বাটীতে প্রত্যাগমন করিলেন।

